



BIBLIOTECA NAZ.

142

H

16

NAPOLI

BIBL. NAZ.


VITT. EMANUELE III


142

H

16

NAPOLI







*Phosphorus historie veterum fax lucida rerum,
Runarum vindex, Tullius eloquio;
Hoc fuit OLAVUS VERELIUS ore, decores
Geniū nunquam sculpsit ulla manus.*

OLAVI VERELII
Affess. quondam Reg. Colleg. Antiquit. Patr.
EPITOMARUM
HISTORIÆ
SVIO-GOTHICÆ
LIBRI QUATUOR
ET
GOTHORUM



RERUM EXTRA PATRIAM GESTARUM
LIBRI DUO,

Quos è Mscr. una cum auctoris vita
ac Catalogo Scriptorum, nec non hypomne-
matibus ac præfatione Max. Reverendi
Lincop. Archi-Præpos.

Dni. Mag. A. O. RHYZELII,
Adjecto necessario indice, propriis impensis edidit
PETRUS SCHENBERG.

Cum Gratia & Privilegio Sæc Ræ Martii.

STOCKHOLMIÆ,
Typis JOH. L. HORRN, Reg. Antiq. Archiv.
TYPOGR. Anno M DCC XXX.
Prostant in officina Ruffwormiana,



SACRÆ REG. MAJESTATIS
SUMMÆ FIDEI VIRO

REGNI SUO - GOTHICI SENATORI,
REGIÆ CANCELLARIÆ

PRÆSIDI,

UT ET

ACADEMIÆ ABOENSIS

CANCELLARIO

· NEC NON ·

SOCIETATIS REGIÆ LITERARIÆ & SCIEN-
TIARUM UPSAL.

PRÆSIDI,

ILLUSTRISSIMO atq; EXCELLENTISSIMO

COMITI ac DOMINO

**DOM. ARVIDO
HORN**

MÆCENATI SUMMO.

SA-

SACRÆ REG. MAJESTATIS

SUMMÆ FIDEI VIRO

REGNI SUO-GOTHICI SENATORI,

REGLÆ CANCELLARIÆ

CONCILIARIO

ILLUSTRISSIMO atq; EXCELLENTISSIMO

BARONI ac DOMINO

DOM. JOACHIMO

VON DUBEN

MÆCENATI SUMMO.

Illustrissimi atque Excellentissimi
mi DOMINI

SI nomen VERELII, cujus ossa jam diu
tegit humus, VOBIS dudum non esset
notum, atque, si fas est dicere, tantum
non in deliciis, ad celsa limina VESTRA
ego, terra filius, accessum moliri vix aude-
rem. Hoc itaque Verelianum opus VO-
BIS humillima mente manuque offeren-
do, datam mihi occasionem Tanta in his
terrīs suspiciendi Nomina impense lætor,
quorum inter gloriæ apices etiam singu-
laris clementiæ fulget titulus. Accipite
ergo, Illustrissimi Domini, hoc, quicquid
est, demissimæ mentis documentum, quod
ad pedes

Illustrissimorum atque Excellentissimorum
Nominum Vestrorum

Subjectissimus Cliens
PETRUS SCHENBERG
deponit.

VITAM



VITAM VIRI CELEBERRIMI
OLAVI VERELII

Optime delineatam dedit Nobilis: Claudius Ar-
 rhenius Ornhelm in programmate, quod in diem ejus
 exequialem edidit.



Unus hodie indicimus *VIRI*, dum vixit, ortu,
 studiis, peregrinationibus, laboribus, muneri-
 bus honoribusque literariis Clarissimi, Domini
 OLAVI VERELII: de quo pauca dicere pro
 more constituimus, rogati vite Ejus precipua

carptim perstringere magis, quam narrare. Natus fuit hic No-
 ster anno salutis humane MDCXVIII die XII mensis Februarii,
 in praedio, dicto Ragnildstorp, in Yderensi territorio, Lin-
 copiensis dioceseos, patre Viro reverendo Domino Nicolao,
 ultra annos XXX Pastore Ecclesiae Dei in Ingatorp; Matre
 Botilda, faminarum sua fortis honestissima. Pueritia pri-
 maeque adolescentiae annos quibus studiis sub cura parentum
 exegerit, ipsum fuisse commemorasse memini in scripto, quo
 sub Cosmopolitana peregrinationis ludicro, satyrarum more,
 acerba censura vexat mundi hujus historiam, quod inter plu-

ra Ejus adhuc latet ineditum. Anno MDCXXX, qui ætatis Ejus quartus decimus, post eximios, sub domestico minima inepto præceptore, progressus in bonis literis, ad Lincopensem mittitur Scholam, ubi transacto haud socorditer triennio, secutus institutorem Emundum Lyneum, Livoniam adiit, Dorpati solemniter adscriptus numero Academicorum Crœvium. Illic gnaviter urgens, quæ cæperat, post annum quartum, qui sæculi erat tricesimus Octavus, petiit Upsaliam, mira tum Christinæ bonitate, docentiumque celebritate, caput efferentem supra ceteras. Illic fama eruditionis mox notior, præficitur studiis Nicolai Johannis & Matthiæ fratrum ex illustri Kaggiorum prosapia. Anno MDCXLIV studiorum moderator datur Baronibus ab Orreholm Axelio & Jacobo Spensis, fratribus. Anno MDCXLVIII Ephorus & Dux itineris adductus est peregre ituris Axelio Posse & Jacobo Spensio, juvenibus natalium claritudine præcipuis. His comitibus per Daniam & Holsatiam invisit monasterium Westphalia, quo tempore pace illic fiebat bellum Sueco-Germanicum. Inde unitorum inferioris Germaniæ Ordinum perspecta republica, ob insignem eruditionem docentium, aliquamdiu Lugduni Batavorum substitit. Hinc adverso Rheno tendens, & ad utramque ejus ripam posita summæ celebritatis loca lustrans per Helvetiam & Alpes, Italiam, Italiæque caput Romam, ceterasque illic clari nominis Urbes adiit; aliæque via per Insubres Galliam, Galliæque oculum Lutetiam visens, per annum illic moratus est. Postmodum, stipatus iisdem Comitibus, per inferiora Germania, reliquaque Belgii, quæ ante non viderat, item per Bremam, Hamburgum, Lubecam, nobilissima ad utrumque Oceanum Germania emporia, in quorum postremo, pro pace firmanda, conventus tum agitur Legatorum Suecia ac Polonia, nec non per Batsben nostrum mense Augusto Anni MDCLI ampla ausus

etus doctrina experientiaque mercede revertit in patriam. Re-
 deunti mox apud Christinam reginam, Professorum Upsali-
 ensium quidam, quibus spectata Viri virtus & eruditio, lo-
 cum parabant gratia, qua haut difficulter impetrata, sequen-
 ti mox anno die 19 Octobris regio diplomate in Dorpatensi flo-
 rente tum Academia Professor Eloquentiae constituitur. Quem
 honorem, ab causis minime obscuras, mox benignitas Regi-
 nae, sequenti anno die 30 mensis Julii, mutavit Quaestura
 Upsaliensis munere, quo in alterum ante mortem annum per-
 functus est. Anno MDCLVIII matrimonio sibi junxit cele-
 brati apud nos nominis Matronam, Annam Erici filiam,
 plurimum Reverendi Clarissimique heic quondam Professoris,
 Isaci Istmenii relictam viduam, ex qua, ante annos jam ali-
 quot premortua, nullam sobolem susceperat. (*) Anno MDCLXII
 die 30 Maji Antiquitatum Patrie Professor publicus renuncia-
 tus est. Anno MDCLXVI die 21 Novembris constitutus est re-
 gni Antiquarius, & mox anno eodem die 17 Decembris in
 regio Collegio Patrie Antiquitatum Assessor. Tandem resigna-
 turus Quaesturam die XXIX Aprilis MDCLXXIX regis literis
 Academiae hujus fit Bibliothecarius, quod munus serenissimo-
 rum Regum clementia, diu bene meritis Professoribus, post
 labores Herculeos, velut senii requiem, & curarum portum,
 constituerat. Literatis his honoribus qua perfunctus sit di-
 ligentia, loquuntur scripta Viri, partim juris publici facta,
 partim adhuc inedita, qua etiam integritate ac fide, loquun-
 tur nostrum cujuslibet conscientia. Postrema Viri quod at-
 tinet, laboribus curisque attenuatum corpus, quinto ante mor-
 tem mense, maligna febris quarto quoque recurrens die, in-
 vastit, quae licet aliquando visa remissior, tandem tantum illa
 attrivit vires, ut festo natalis Jesu Christi denasce sensim se
 agnoverit. Itaque die Johanni Evangelistae sacra, ad mi-
 grandum sacro se corporis & sanguinis Dominici viatico in-

struens, compositis obiter rebus domesticis, cetera linquens fidei amicorum, quos conditi antea testamenti executores fecerat, abjecta cura seculi presentis, venturi unice cepit desiderium, circa meridiem lucis tertiae, annuū hunc auspicantis mensis Januarii, placide obdormiens, relictis terrenis, petiit caelestia, postquam rebus mortalium interfuerat, demtis diebus 39, annos XLIV, uno supergressus magnum Climactericum. Corporis exuvias, ex edibus ejus elatas, condi decreverunt consanguinei amicique, cras hora post meridiem 1. in monumento saxeo, quod, extra urbem in cimiterio domus pauperum, ipse sibi vivus fecit exstrui, quas ut frequenti comitatu eo perducatis, Patres Cruesque Academici, & qui ad celebrandas hic anniversarias nundinas adestis, domestici urbis cives ac advene per egregia Clarissimi viri merita, per humanitatem vestram, per recordationem communis conditionis mortalium, peramanter & officiose rogamini Valete P. P. Upsalæ ad diem VIII Febr. A. O. R. MDCLXXXII.

(*) Privignum habuit Johannem Isten Renhielm, cui, antea Martis Alumno, Verelius, vivus adhuc, munus Antiquarii Regni, Anno 1671 die 30. Sept., cessit. Obiit Renhielm Anno 1692.

IN MEMORIAM

CELEBERRIMI VIRI ac DOMINI

Domini OLAVI VERELII,

Antiquitatum Professoris & Academiae Upsalensis Bibliothecarii.

Quod cura, studio, scriptis, sermone, labore,
Et mira ingenii dexteritate sui,
Temporis antiqui rerum monumenta fidemque
Sedulus amissas panderet Auctor opes:

Quic-



Quicquid barbaries cœca caligine pressit,
 Condedit aut tenebris, quod tegit omne solum:
 Græcia quicquid habet, Veterum vel Roma Gothorum,
 Vel Tagus occiduis occulit amne plagis:
 Erueretque pio, quod tanta Verelius ausu,
 Et soboli ignotos sisteret æquus avos:
 At patriæ Cives, defunctis civibus ortum
 Redderet, & titulos, stemmata, rura, rogos,
 Non potuit *natura* pati, Legisque perennis
 Convelli vetuit jura severa suæ,
 Omnia qua jussit semel orta perire, Virumque
 Et Letho & tumulto tradidit ante diem.
 Nil peragis natura tamen; quia nomina restant,
 Atque animi ingentes se superantis opes.
 Nam qui vitam aliis ex pulvere reddidit ipso
 Hunc frustra in cineres posse redire putas.
 Et qui præteritis dedit incunabula seclis
 Hunc fato perimi selca futura vetant.

Carminis hujus auctor est Illustrissimus
Baro Andreas Liljehök, Gubernator quondam O-
stro-Gothia & ad aulam Polonicam Le-
gatus.



22 106 28

Sequens Carmen, Svetico idiomate,
In Memoriam VERELII,

Amici sui dilectissimi,

Conscripsit olim Celeber. Profess.

OLAVUS RUDBECKIUS Pater.

CORONA VIRTUTIS.

Ett lefwet i wår Werld / ndr Werl frå Werlden wandrar.

Ett blifwer öfwer Jord / Ndr Jord Ofs kropp förändrar.

Des Siäl utöfwer Jord förwaras i Guds hand

På Jord än mer deß Lof / sprids bland mång Fölk och Land.

Här stannar jag wandrings man
 Och lyfter mig se / hwad här är;

Här ligger then lärde Swea Man Olof Werl /

Som hafwer lefwat i Swea rike fyratusend och is år /

Det är ej äldrigare / än Sertio och tre;

Yngst af all sin släkt / doch äldst /

Then minsta af them / doch sörst.

Han är dödd / doch dubbelt lefwandes /

Som hafwer inga barn haft

Det hafwer doch flera / än alla hans sörfäder woro.

Inga arfwingar / doch flere / än många tusend andra /

Them han intet hafwer kändt / icke heller the honom.

Swea rikets gamla nederfalna Murars grundwal

Hafwer han begynt at å nyo lägga /

Ther på nu mången sköna stenar upmuras /

At then med tiden må färdig blifwa.

Många blinda hafwer han gort seende /

Och the / som sig inbilla se /

Hafwa blifwit stumögde.

Han

Han är en Runsten /
 På hwiillen hans grannar hafwa stött sönder benen /
 Men the långt bort boende
 Hafwa begynt bygga hus ther på /
 Och efterkommanderna lära hafwa lust at ther i bo.
 Han är på widt belägne orter af the främmande kallader /
 Then förtäffelige och uti the gamla handlingar
 Kring hela werlden widt berömda Man.
 Then gamla Historiens rätta Swenske sanningssålkare.
 Then aldrig tilfyllest berömda Verelius, then alla /
 Som här til dags hafwa the Swenska gamla han-
 dlingar skrifwit / öfwergå.
 Then diup sinnige Verelius, som hafwer
 Wißt andras wilfarelser om then Morsta
 Apollinis gamla Upsala Tempel.
 Hans affa täcker och förgömmur nu hans Eld /
 Men många lära hans Eld med tiden tarfwa /
 Och then ther i under finna.
 Thet wi förmå / hafwer han kunnat förmå:
 Men än hafwa wi intet hint göra / thet han hafwer gjort.
 Men hwad är thetta för gåtor?
 En menniska / o wandrings-man / som intet mera besinnar /
 Än thet magan och skinet tarfwa /
 Och wet allenast / hwad hos henne och hennes nästa grannar /
 Hwiska tillika med henne lefwa / förlupit är /
 Hon kommer närmre til andra Jordesta Creatur /
 Än til Guds beläte /
 Och hafwer intet längre lefwat / än så widt hennes förstånd
 Hafwer nådt / och är försvunnen som en ros /
 Then kårt tid står / och hastigt affaller.
 Men thew / sohi wet hwad af äldsta tider skedd är /

Han

Han är lika å drig med the tider/
 Ock hafwer en stor gnista af Guds beläte;
 Hwars förnämsta egenskap är/
 En obegripelig wisdom/
 Som fattar hwad af ewighet skedt/ och til ewighet
 Skal ske och ewinnerlig til tiden warelse.
 Drottningen af rika Arabien
 Hon prisar intet
 Konung Salomons tienare lyfsalige thesfore/
 Att the fingo upwakta en så stor Konung;
 Jcke heller thesfore/ at the fingo skada hans 1000 hustrur
 Ock frillor/ utwalda af alla the skönaste i werlden;
 Jcke heller thesfore/ at the fingo se the Herliga Tempel/
 Gud then högsta til ära af honom bygt;
 Jcke heller thesfore/ at the fingo wistas
 Itti hans träffeliga Slott och Palas;
 Jcke heller thesfore/ at the fingo njuta af the otaliga myckla
 gull och silfwer/
 Som war mera än stenarna på gatorna;
 Jcke heller thesfore/ at the fingo gå för honom
 Klädde i the blänkande gullsköldar;
 Jcke heller thesfore/ at the fingo förlusta sig af hans lång-
 stiertade markattor/
 Och brokta Påfoglar/ som fördes på skepp från Ophir.
 Utan endast thesfore beprisas the lyfsalige/
 Jty the fingo så ock höra t. Salomons stora wishet/
 Af GUD then högsta honom för alla i werlden gifwen.
 Salomon lefwer nu intet
 Hwarken genom sina många Drottningar eller gull ock
 Silfwer/eller härliga Tempel/eller sit kätstliga Palas/
 Eller sina Gull Sköldar/ eller Markattor ock Påfoglar.
 Men Salomon lefwer än hos oss

Genom sin stora wishet
 Och war åldrigare/ än han född war.
 Mera/o wandrings-man/ uttydes thesa gåtor intet then-
 na gång/
 Tiden lärer thet andra kunnigt göra.
 Lef man tu/ som theнна Olof/
 Then jag til slut gifwer thetta beröm:
 Han swor intet i dag och bröt thet i morgon;
 Han loy intet efter tienst/
 Men twenne öfwerlefwereade han androm i sin wäl-
 makt.
 Han lät intet ändra sig i handen;
 Utan han är skundom worden twälat/
 När han har lättit sig wårda om thet gemena bästa.
 Rantmästare war han i 7 och 20 år/
 Och likwäl intet lämnat någon Antia efter sig/
 Inga Barn/ ingen Skuld/ inga Rikedomar;
 Under öfwer under i theнна tiden!
 Någon tack hafwer han wunnit medan han lefde;
 Men af efterkommande lär han tusen dubbelt winna.
 Hwilket är dock intet mot then Cronan/
 Gud then högsta honom bland the wisa gifwit.
 Far wäl.

Hålt! Wandrings-Man hålt!
 Är någon/ som frågar efter wisdom/
 Ther intet Bröd är at få?
 Så.

Sc. BORcas

SCRIPTA

VERELII

1. **E** Pistola ad Illustrē & Generosiss. D. *Benedictum Oxenstierna* L. B. de Mörby &c. cum Reſtoratu ſuo ad d. 5. Idus Julii anno 1644 decederet, & ſolemniter Academicæ ſocietati ſalutem ultimam diceret. Upſaliæ in 4to per Eſkillum Matthiæ.

2. Monumentum ſacræ memoriæ Reverendiſſimi D. D. *Laurentii Paulini* Archi-Epiſcopi conſecratum Oratione funebri; Upſ. an. 1646 in folio.

3. Oratio Panegyrica, de *Pace Sueo-Germanica*, habita Lugdunī Batavorum, ibidemque edita an. 1649, in folio, per Johannem le Maire.

4. Memoriæ Illuſtriſſimi Comitis *Axelii Oxenſtierna*; Regni Sueciæ Cancellarii Magni, exiguum pietatis monumentum conſecravit. Upſ. 1655 in folio.

Oratio eſt funebris.

5. Ad Illuſtrē & generoſum Dominum *Axelium Poſſe*, de ſelici in patriam reditu, gratulatio; Holmiæ anno 1651 in folio per Keiſer.

6. *Göthrici & Roſſi*, Weſtro-Gothiæ Regum Hiſtoria; lingua antiqua Gothica conſcripta, quam ē Mſſ. vetuſtiſſimo edidit & verſione notisque illuſtravit. Accedunt Viri Cl. *Joannis Schefferi* notæ Politicæ Upſaliæ anno 1664 in 8vo per Henricum Curio. Ipſa hiſtoria facit paginas 240; Notæ vero *Verelii* pagg. 104; *Schefferi* iterum pagg. 22, præter præſationem CAROLO XI. t. t. Principi, factam, *Loccenii* carmen gratulatorium, atque Indicem. Huic libro Henricus Curio ad finem monumenta aliquot Runi-corum, ex *Johanne Buræo* quondam delineatorum, qui quaſi ſponſores eſſent ceterorum ſuo tempore ſubſecutorum.

7. *Herrauds oc Bofa Saga*, med en ny uttolkning jämte gamla *Götskan*. H. e. *Herraudi & Bosæ Historia* cum nova interpretatione juxta antiquum textum Gothicum è veteri Mss. edita & notis illustrata. Upsaliæ anno 1666 in 8vo per Curio, pagg. 122, præter dedicationem Comiti Magno Gabrieli De la Gardie factam.

8. Fragmentum historiæ Olai Tryggjasonii per Oddum Munk, lingua veteri Gothica conscriptum, publicatum cum notis brevibus, Upsaliæ anno 1665 in 8vo per eundem, pagg. 16; sub titulo: *Ett stycke af Renung Olof Tryggjasons Saga, hvissken Oddur Munk, på gammal Götska bestrifvit hafver af ett gammalt pergaments Manuscripto aftryckt.*

9. *Historia Hervoræ* lingua veteri Gothica, cum interpretatione suecica & annotationibus, ibidem per eundem in folio annò 1672 pagg. 194, præter dedicationem Carolo XI. t. t. Principi, Reginae Hedevigi Eleonoræ, & quinque Senatoribus ac administratoribus regni, indicem seu explicationem verborum difficiliorum in historia occurrentium; sub titulo: *Hervara Saga på gammal Götska med Olavi Verelii uttolkning oc notis.*

Textum quam plurimis in locis correxit ope Mss. & auctiorem dedit Nobiliss. Peringsköldius. Servatur exemplar, hac ratione collectum, in Archivo Antiquitatum. Confer Eum in Vita Theodorici pag. 352. De *Hervoræ* historia vide *Torfæum* pag. 58.

10. Auctarium notarum in *Hervarar saga*, Cl. viro D. Olao Rudbeckio Medicinæ Professori inscriptum an. 1674 ibidem in folio per eundem pagg. 24.

11. Disputatiuncula de Fanin ad Cl. D. Olaus Rudbeckium, Medicinæ Professore, adjuncta prædicto auctario pagg. 10.

12. Manuductio compendiosa ad Runographiam scandinavica antiquam recte intelligendam : En fort undervisning om then gamla Sweske Gøtha Runaristning; ibidem anno 1676 in folio per eundem pagg. 76, præter dedicationem Comiti Axelio Oxenstierna factam.

13. In obitum Domini *Johannis Stiernbök* Holmiæ an. 1676 in folio per Eberdr.

14. Annotationes ex scriptis Caroli Episcopi Arosiensis excerptæ, ex Mss. membranaceo vetusto, nunc primum in lucem prolatae, anno 1678 in folio, cum notis brevioribus, quas iterum recusat, addita ad lectorem præfatione, Upsaliæ anno 1678 in folio.

De hac controversia inter Cl. *Schefferum & Verelium* videas omnino D. D. Ericum Benzeliu in annot. seu Prologomenis monum : Eccles. Vet. Suio-Goth.

15. Index lingvæ Veteris Scytho Scandicæ, sive Gothicæ, ex vetusti ævi monumentis maximam partem Mss. collectus, atque opera Olavi Rudbeckii editus Upsaliæ anno 1691 in folio pagg. 305, præter Verelii & Rudbeckii præfationes.

16. Notæ in Epistolam defensoriam Cl. Viri D. Joannis Schefferi Argentoratensis de situ & vocabulo Upsaliæ anno 1677 mense Julio scriptæ, & per Professores binos ipsi oblatae, Upsaliæ anno 1681 in folio per Curio, pagg. 19.

Interdictio regio anno 1681 die 27 septembris prohibita sunt hæ notæ, sub multa mille thalerorum argent.

17. Dissertatiuncula de *Hierarchia*, quam edidit, suaque præfatiuncula ornari curavit Junecopiæ anno 1722 in 8vo per Israellem Falchium, *Andreas Gæding* Archi-Præpositus Wexionensis, quæ postea anno 1724 ab anonymo in sueticum translata editaque Revaliæ per Johannem Simonem.

18. Historia Suecana, quæ jam hoc habitu prodit.


19. Li-

19. Libri Epistolarum Tres, variis ac eruditis referti rebus ac annotationibus, quos ē Mss. propediem publici juris facere animus est, una cum

20. Cosmopolitana peregrinatione Mss.

21. Fortunæ circuitus, seu Sejani brevis consideratio, Johannis Baptistæ Manzini ex Italico translatus anno 1646. Mss.

Hæcce, quæ *vitam scriptaque* Verelii concernunt, exscribendi ex *Bibliotheca sua Suo-Gothica*, jam sub prelo sudanti, copiam mihi fecit, Ampliss. Dom. *Andreas Antonius Stiernman*, Registrator Archivi Regii.



LECTORIBUS ΠΑΤΡΙΔΟΥΣ ΑΙΟΙΣ
Benevolentiam & salutem precor.

Historiarum lectio privatæ plerumque delectationis atque utilitatis est; concinnatio autem & publicatio ad communia universorum, vel saltem plurimorum, emolumenta dirigitur. Cum *historia sit*, Judice Tullio, *testis temporum, lux veritatis, vita memorie, magistra vite, nuncia vetustatis*, adeoque, ad effatum Dionysii Halicarnassei, ἀρχὴ φρονήσεως τε καὶ σοφίας, i. e. *prudentiæ sapientiæque principium*: manifestum inde fit, tam quò loco habendi sint *avisoies*, nullâ historiarum cognitione imbuti, quam quid ab illis possit expectari, qui assiduâ veterum annalium perlustratione ea, quæ bene vel secus gesta sunt, ita cognoverunt, ut, quæ sibi in omni vitâ sint facienda fugiendave, dedicerint. Illos, *quod nesciant, quæ ante se gesta sunt, esse totâ vitâ pueros*, i. e. & rerum ignaros & negotiis impares, censuit Cicero. Hos vero, quippe qui exemplis præceptisque & instructi sunt & quotidie instruuntur, utpote Philosophos (nam vetus verbum est, *historiam totius Philosophiæ parentem esse*;) & suis & publicis rebus administrandis optime sufficere constat, quod magnam partem lectioni historiarum acceptum referre debent. Quæ ut hac ratione est eis *utilissima*; ita inter legendum animos eorum incredibili jucunditate afficit & permulcet. Quem non delectet concinna antiquarum rerum varietas? Cui non perplaceat numerosa veterum exemplorum diversitas? Cujus mentem voluptate non perfundat oculis usurpare, quasi præsentis, veros rerum & actio-

actionum, ante plura secula gestarum, modos atque eventus? Profecto truncus sit, oportet, qui hilce non delectatur. Unde vetusto Jambico dicitur:

Iustissimum est animo historia omnis pabulum.

Ceterum hoc, quicquid est delectationis atque utilitatis, ex lectione historiarum redundans, ut peculiare delictum & commodum, legentibus accidit. Qui autem historias aut conscribunt, aut, ab aliis conscriptas, in publicam lucem emittunt, etiam aliis & quidem, si non universis, plurimis prodesse satagunt, adeoque de publico pulcherrimè merentur. Nam, ut, qui consignandis historiis operam impendunt, non sibi & præsentibus aut *συγχρότοις*, sed absentibus atque posteris inservire destinant; ita historiæ semel scriptæ, auctoribus suis superstites, non ullis temporum aut locorum terminis continentur; sed beneficio scriptorii calami vel typographicæ artis & ab interitu conservatæ & huc illuc circumlatæ, in qualibet orbis plagâ serâque posteritate legi possunt. Sicut nostro tempore, per universum ferme terrarum orbem; antiquissimi leguntur historici, *Herodotus*, *Thucydides*, *Xenophon* (ut de sacris Vet. Testamenti Scriptoribus & Poetis, Græcis pariter & Latinis nihil dicamus;) alique, sanctissimâ Christi nativitate priores. Quantum verò commodi ac utilitatis publica res, adeoque universitas generis humani, ex scriptione historiarum semper ceperit & capere possit, paucis explicari nequit: nisi enim literis comprehensæ essent historiæ, nullâ certitudine exempla virtutum vitiorumque aut documenta utriusque fortunæ suppeditaarent; & res olim gloriose gestæ, si, qui describebant, nulli fuissent, dudum inter fabulas & commenta essent relatæ. At postquam eas immortalitati stilus historicorum consecravimus, per plurimum valent & veritate ad docen-

cendum, & vituperio ad cavendum, & laudationibus, seu virtutis stimulis, ad incitandum. Quas historiarum, literis consignatarum, utilitates Poeta graviter satis in compendium mittit, cum historiam laudat,

- - quodd gestis praesit custodia rebus,
Et det, quod caveas, quodque sequaris iter.
Priscaque ne veteris vanescat gloria secli,
Gaudeat invisitis erueri e tenebris.
Et sua virtuti dare praemia, & impia rursus
Sedula famosis mittere facta notis.

Planius hoc idem in vitâ D. Antonii exponit Ennodius: *Ut praestantes, inquit, adsurgunt buccinis; ut equorum celeritas ad potiore cursum ferratâ calce provocatur: ita dum majorum virtus sollicitat, ingenia novella confortat. Qui cana exercitia & veterum gesta relegit, ad disciplinarum frugem propositis laudum praemiis inardescit. Imago praecedentis gloriae, ut ad posteros veniat, linguarum (historiarum) catenam retinetur. Non licet per aetates perire, si quid lectio, serenis actibus amica, susceperit. Itaque eloquentiae diuturnitas mortalis naturae, sine congressionis periculo; vincit angustiam; per quam optimorum conversatio, ipsis decedentibus, nescit occasum. Restituetur quidem corpus origini & destinatus à superis Spiritus ad proprium recurrit auctorem: quorum tamen probitas libris mandata fuerit, eorum vitalis est obitus. En! ut historici, dum monumenta posteritati conficiunt, & illis, de quibus scribunt, & sibi met ipsis immortalitatem nominis conciliant. Illâ tamen ea propter praecipuè dignissimi, quod, nolentes sibi solis sapere, vigorem memoriae ingenii acumen historiis concinnandis, non sine valetudinis vitaeque suae dispendio, impendunt, quo possint quam plurimis & quidem multa post secula victuris & voluptatem afferre & prodesse. In hoc*

hoc autem bene merendi studio atque beneficio scriptoribus historiarum egregiè subveniunt atque succedunt, qui historica aliorum opera vel describenda sumunt, uti veterum librarii, vel solertià typothetarum imprimenda curant, quo ea, facili negotio per plurimorum manus distributa, ubicunque perlegi possint utiliter. Unde non ineptè quis dixerit, per typographicam historiarum promulgationem exactè obtineri finem, quem consignatione earum intenderit historicus. Et, quia conscriptio necessario præcedere debet evulgationem, atque illa exigui usus est, nisi succedentem sibi hanc habeat; dubium manet, uter, qui scribit aut qui in communem usum emittit historias, exstantiori beneficio eruditum orbem patriamque sibi devinciat: utrumque id facere quam pulcherrime, nemo negaverit, nisi, cui elleboro opus est, ut ab invidentiæ & malevolentiae ægritudine purgetur.

Eximiam hujusmodi meriti gloriæque laurum à Svio-Gothiâ & eruditis extra eam sibi acquisivit, dum vixit, OLAVUS Nicolai VERELIUS, qui, ab anno superioris seculi M. DC. LXII cum Academiæ antea fuisset quæstor, antiquitatum & veteris Gothicæ lingvæ Professor & simul Regii Antiq. Collegii Assessor, tandemque Academicæ Upsal. Bibliothecæ præfectus, ad d. 3. Januar. quo pie obiit, anni M. DC. LXXXII, egregiis in linguam & Archeologiam, adeoque in historiam Svio-Gothicam laboribus meritisque ita inclaruit, ut ornamentis literariæ Svio-Gothiæ jure accenseatur audiatque, etiam ab exteris, *celeberrimus antiquitatum Patriæ adfector*. Natum fuisse constat in prædio Ragnilstorp, anno M. DC. XVIII, patre Domino NICOLAO Petri, Pastore, in annum seculi ejus M. DC. LXI, ecclesiæ *Ingatorp* in Smolandicâ Nomarchia *Wedbo* sitæ, cujus Pastorem nepos hujus
d à so-

à sorore Dn. NICOLAUS Nic. RYMONIUS hodie agit. Post studia literarum in Scholis patriis & ad Upsalensem Academiam gnaviter feliciterque continuata, literaria ad externas Academias, in ipsam usque Italiam, peregrinatione functus est, & patriæ redditus, antequam quæsturæ, de qua modo diximus, præficeretur, aliquantisper privatus vixit. Interea, ne vir ad erudita negotia natus & factus, sub hoc otio foret otiosus, putatur; hortatu *Cancellarii Magni, Dn. AXELII OXENSTIERNA*, hanc, quæ nunc typis descripta in publicam lucem emittitur, composuisse *Epitomen Historiæ Svio-Gothicæ, quatuor libris constantem, cum appendice duorum librorum de Gothorum extra patriam rebus gestis*. Quum itaque hac ætate & prius, quam ei veterum Svio-Gothiæ scriptorum adyta perlustrare abditosque antiquitatum sinus accuratius excutere licuisset, hanc historiam scripserit VERELIUS, nemo dicam ei impingat, quod, sub sæculis ad illatum septentrioni Evangelii lumen proximis, in recensendis Regibus & ordinandâ Chronologia, *Ericum Olavi & Joannem Magni* aliosque secutus, subinde discedat ab iis, quæ *apxwva* recentiorum, utpote OERNHIELMII, ER. BENZELII, fil: OL. CELSII &c, per examinata & luci exposita veterum Chronica, Diaria atque alia monimenta, indubitata præstitit & certissima. Quibus procul dubio accessisset VERELIUS, si aut hanc posterioribus suis annis scripisset aut *Περσidas* *Διτρεπας* illi adjecisset. Et, nisi valde fallimur, fuerint hæc, postmodum fortassis ab ipso deprehensæ, hallucinationes in causa, cur hanc suam historiam æternis tenebris damnarit atque adeo preßerit, ut b. m. *Joannes SCHEFFERUS*, qui catalogum Verelianorum scriptorum in Sveciâ suâ literata adduxit, hanc, ut sibi ignoratam, omiserit. Tamen sole & luce, immo æternitate, dignissimam judi-
ca-

cabunt, quicunque legerint; quippe concinnitate verborum, gravitate stili, ornatu sententiarum eloquique suavitate *à capite ad calcem*, ut ajunt, adeo exactam, ut, si alia *Vereliana* *Suade* documenta non superessent, hæc sola extra controversiam poneret, Historicum fuisse VERELIUM sui ævi eloquentissimum. Immortales proinde VERELIO, quia dum is in vivis fuit, non egit nec retulit, habebit Patria gratias.

Dum terra cælum media libratum feret,

Nitidusque certas mundus evolvit vices;

quod eam ille delectare & illustrare voluit luculentissima hæc rerum antiquitus gloriose gestarum commemoratione. Quâ, ut antiquissimis Septentrionis Regibus ac Heroibus, atque universæ, quæ antefuit, genti, vitam restituit, ita sibi met ipsi pulchram peperit nominis & honoris adorem, apud posteros æternum duraturam.

Plurimam quoque ab omnibus doctis atque Historiæ Svio-Gothicæ amantibus, non dubium est, quin gratiam initurus sit Clarissimus vir, Mag. PETRUS SCHENBERG, O-Gothus, qui, ut est eruditione atque humanitate in paucis politissimus, noluit æstimatissimum hoc *Vereliana Eloquentia* καίμητις aut apud paucos in spissis silentii tenebris diutius delitescere, aut, si quando clanculum prodiret, semper pluribus, per excribentium festinationem vel incuriam, σφάλμασι deturpari, aut denique in æternam, quæ imminebat, oblivionis abyssum demergi; Proinde nullis curis, vigillis & sumtibus pepercit, ut popularis olim suus, OLAVUS VERELIUS, Historiam majorum suorum, h. e. SVIO-GOTHICAM, disertissimo stilo complexus, in publicum prodiret, habitu, quo fieri potuit, decentissimo indutus. Hac in VERELIUM pietate, hoc eximio rei literariæ & juventuti patriæ inservien-

di ardore id ab omnibus, qui Latinas callent & Svio-Gothicas præ Græcis & Romanis adamant historias, obtinuerit impetraveritque VERELIANÆ hujus Historiæ editor, Mag. PETR. SCHENBERG, ut non modo illum non pœnituerit aut factarum impensarum aut molestiæ in hanc editionem insuntæ; sed & ut communi omnium bonorum adplausu ac favore incitetur ad plura hujus modi documenta, industriam & diligentiam ejus palam testantia, cum orbe erudito quantocius communicanda. Hæc operi huic historico, vere aureo & longe supra mea eloquia posito, præfari volui, precibus Dni. Editoris adductus. Inde etiam est, quod ad eas, quas perlegere mihi licuit, plagulas pauca fecerim *incompleta*; operi forte subjienda. Quibus eò faciliorem paciscor veniam, quod tantummodo, si quando per discrepantiam exemplarium, manu scriptorum, mendæ irrepperint, aut quædam obscuritate laborare visa fuerint, innoxiam eorum emendationem aut illustrationem tentaverim.

Dabam Linköple
d. 18. Mart. M. DCC. XXX.

AND. OL. RHYZELIUS,
Archipp. Lincop.



AND.

AND. GOEDINGII Archi Præpos. We-
xion: testimonium de historia hac, in præfat.
ad VERELII Hierarchiam, typis expres-
sam.

Scriptor (Verelius) sane est iudicii acerrimi, elegantissi-
mique stili, qui semper æquabilis & apta lineamen-
torum compositione uniformis in quadrum decurrit, &
lectorem quemvis idoneum multa delectatione perfundit. De-
clarant hoc ipsum abunde scripta ejus, partim quæ typis im-
pressa multorumque manibus teruntur, partim quæ indedita in
privatorum cellulis latent. & lucem publicam adhuc non ad-
spexerunt, adeo ut in hoc dicendi scribendique genere, ante-
ferendus ipsi sit nemo. Et memini lectam mihi fuisse, dum
Parisiis Gallorum, ante hos xxx quinque annos. commorarer,
manuscript. ejus historiam Regum fœdente, ad exitum ma-
gni illius Gustavi Adolphi in Germaniam. cujus ultima, qui-
bus eadem clauditur, hæc fuere verba: sic abiit Gustavus
in Germaniam nunquam rediturus. Scil. adduxerat secum
ex suecia illustris quidam sympatriota meus bocce manuscr.,
qui ejus legendi copiam quidem mihi impertivit, exscribendi
vero non æque concessit.

Quod si votis locus esset, optaremus vehementer. ut ty-
pis propediem evulgaretur. atque adeo lucem publicam subeat.
Nam indidem cuius primum foret cernere, ita Verelium
Nostrum feliciter omnes boni historici partes explevisse, ut
ultra requirendum merito sit nihil.

L. B.

QUæ in textu occurrunt *οφειλµατα* Typographica, non incuriæ meæ sed temporis angustia ut imputes, maximepore Te, B. L. rogatum volo. Nam admodum pauca mihi fuerunt istæ horulæ, quas aliis suffurari curis & conterendis corrigendisque exemplaribus impendere potui. Indicem eorum verborum, quibus aliquod inest mendum, conficere & ad calcem libri adicere quidem potuisssem; sed, quoniam pauca admodum sunt & ejusmodi fere, ut eruditus lector ea facile corrigere possit ipse, supervacaneo labore supersedeo. Extantiora fere sunt hæc
Pag. 7 lin. 13 lege pro *nostram*, *nostrum*. Pag. 12 lin. 12 pro *incubantique*, lege *incubantisque*. Pag. 23 lin. 3, pro *cessisset*, erit, *cessuisset*. Pag. 32 lin. 5 lege *deherent*. Pag. 38 lin. 1 *ceterisque*. Pag. 40 lin. 18 lege *infantum*. Pag. 58 lin. 6 pro *ex* substitue *cum*, &c.

Omnia fere *Vereliana* typis evulgata sunt, præter *tres libros Epistolarum*, qui, una cum *Peregrinatione Cosmopolitana*, eodem auctore, propediem prelo subjicientur. De cetero, ut hæc Tibi, B. L., placeant

Jam sunt à primis proxima vota mihi.

Vale, scribebam Stokholmia die 6 Aprilis 1730.

EDITOR.



OLA-

OLAVUS VERELIUS


Lectori. suo salutem dicit.

Quamvis inter sit majorum gloriosa facinora posteros discere imitaturque, quia nemini ignoratum, heic operose non diducam. Illud satis liquidum, si inter se conferantur gentes, quasdam rerum gestarum magnitudine & gloria alias anteivisse. Nec defunt heic laudibus suis Græci Romanique, ceteris contradicere non audentibus, an quia res non habent, vel scriptorum forsitan, qui suos celebraverunt, eloquentiæ se impares deprehenderunt. Ceterum nulla tam afflictæ sortis fuerit gens, quæ de progenitoribus suis aliquid non possit gloriari. De majoribus nostris panegyrim condere, alterius fuerit curæ & industriæ. Hoc in præsens dixerim: me in memoriis eorum evolvendis incredibilem delectationem cepisse; nec infructuosius forsitan operam collocasse, quam si in Græcis aut Romanis antiquitatibus otium & ingenium occupavissem. Præposterè sane mortales, qui domestica ignorare, foris sapere egregium sibi ducunt. Istius culpæ ne affinis haberer, indiculum mihi confeci eorum, quæ ad historiæ nostræ seriem pertinebant, aut facinore in aliquam partem illustri legentis animum afficere possunt, angustæ & infirmæ memoriæ meæ aliquale subsidium. Illud non satis exploratæ descensionis, quod in tanta temporum longinquitate obscura sit antiquitas & minus sibi interdum consentiens. Ea proinde optima duxi, quæ quam minimam suspicionem habebant vanitatis. Curis vero istis qua-

qualibuscunque ambitiose veniam non exoro, satis certus, me ineptias non coloravisse, neque vera quæ sunt, ira studiove, quas sibi multi ad scribendum causas sumunt, corrupisse. Malitiosa profecto industria, quæ laborare facit annalium fidem, & de posteritate, quam decipit, pessime meretur. Juxta & illorum deferui institutum, quilibet suis potentiorum patrocinia sollicitè examiniunt; satis gnarus, quam infirmum sit adversus calumniam (i) libidinem hoc scutum. Vel in numinis alicujus pulvinari tua reponas, nulla majestatis reverentia prohibebit, quin & illuc improbitatis audacia profanusque furor ruat. Et cum magnorum fortuna obrectationi semper sit obnoxia, quomodo adversus famæ iniquitatem alienæ necessitati præstabit, quod sibi ipsi non potest? Tua heic, Lector, libera sit censura; si bonus & candidus, invenies, quod approbes vel excuses; sin livor te ad sinistra judicia flectet, non tanti est, ut morsus tuos deprec. Vale.



EPITO-



EPITOME HISTORIÆ SUIO- GOTHICÆ.

LIBER PRIMUS.

Caput I.



Uiones Gothique maiores nostri, qui magnam orbis partem armis subegerunt, initia, tantis facinoribus paria, habuerunt. Originem quippe ab ipso *Noacho*, rebus ab antiquissima memoria repetitis, duxisse constat. Is, postquam diluvies tristic hominum nefas expiasset, vacuum orbem filiis divisit. Et Japheti quidem, natu maximi, filius *Magogus* in hæc borealia concedens, *Magogetas* à se gentes nuncupavit. Quod nomen temporum lapsu in Gothorum cessit. Sed, quia Græcæ Latinæque elocutioni insolens erat,

extrito bivocalis literæ membro, Getæ primum, inde etiam *Gothi* dici cœperunt. Frustra enim sunt, qui ex ista nominis diversitate, quam linguæ nostræ apud externos inscitia peperit, aliam atque aliam gentem in orbis theatrum inducunt, tantum ut Origines nostras & Majorum decora convellant. Quorum subdolum argutiam, & antiquorum scriptorum auctoritas, & in eorum sententiam concedentia, nostri ævi non lubrica suffragia rectorserunt. Quin eo nonnullorum improbitas progressa, ut criticum illud suum acumen, quod, divexandis meliorum scriptorum monumentis, non unam lauream quæsit, sursum ac deorsum versent, quo Gothos illos nobis eripiant, qui, senescente imperii Romani majestate, toti orbi inclaruerunt. Qua libidine factum, ut majorum nostrorum virtutem ac lacertorum robur illi melius olim cognoverint, qui forte aut injuriis ad virium experimenta venerunt, quam nunc ortum & patriam, qui umbratilibus ingeniorum pugnis ac seditionibus totum literarium orbem permiscunt. Improbam istam audaciam, quæ tot illustrium scriptorum fidem laceffere, annaliumque monumenta ridiculæ fabulositatis, errorisque insimulare, gloriæ sibi ducit, in poenam legibus nostris dedi, æquum foret, quæ extra patriam nostram Gothorum primigenium nomen nusquam agnoscunt; hinc autem in alias terras diffusum, ut Gotho, etiam in Græcia militanti, paternam hæreditatem, abjecto revertendi consilio, liberam & integram pronuntiaverint. Vellem duræ ipsorum fronti impactas moles istas saxæas, literis Runicis apud nos inscriptas, quas, consanguineis fratribusque in Mœsia, Græcia & Longobardia interfectis, domi erexit propinquorum pietas, notatis nominibus & rei gestæ titulo. Quod officium & æternitatis memoria, extraneis credo, & in-

& incognitis tribut impendique potuit ! Et cum Ostro-
 Gothorum Vifi Gothorumque nomen in Italia & Hispania
 fata iniqua extinxerint, domi tamen & in avitis sedibus,
 inde à prima gentis origine, in nostram usque ætatem, per
 tot rerum aspera atque ardua perduravit, ut florentissimum
 hodieque regnum constituat. *Sueoniam* vero nomen, si-
 ve illud illustri inter suos principi *Suenoni*, seu potius ex-
 cultis solitudinibus sit deferendum, eandem originis cele-
 britatem sibi vendicat. Duæ hæ gentes nomine potius,
 quam sanguine, diversæ, primis coloniarum deductioni-
 bus, borealem hunc tractum, latinis scriptoribus Scan-
 diæ & Scandinaviæ nomine celebratum, occupaverunt.
 Est vero Scandia gentium inclitarum domicilium, mari
 undique clausa, nisi quod exigua sui parte Moscoviæ ad-
 hæreat. Ab occasu & meridie, vastissimo cingitur Ocea-
 no: à Germania sinu separatur Codano, à Finningia Ve-
 nedico, inter quem & lacum album, parvum terræ spa-
 tium intercurrentis, utrique mari coeundi licentiam abstu-
 lit. Tria in se continet regna; Sueoniam, Gothiam &
 Norvegiam. Australiora tenet *Gothia*, quæ diffuso ter-
 rarum tractu O Gothiam, W Gothiam & Smalandiam,
 quarum appendices Scania, Blekingia & Hallandia, in se
 complexit. *Sueonia* vero Norvegiæ perpetuo Boreali-
 um montium jugo contigua, in ultimum aquilonem recedit.
 Ubi, cum ad brumam vergit annus, depressiori orbita iter
 suum urgens Phœbus, breve admodum lucis suæ benefi-
 cium mortalibus indulget. Ne vero de iniquitate ista
 conqueri possint, cumulado fervore, diem quasi perpetu-
 um æstate facit. Lucido quippe jubare Horizontem strin-
 gens, noctis opaca irradiat. gratissimumque lumen suum
 vix subtrahit. Quo fit, ut intra septem septimanarum
 spatium ferere & metere possint. In *Gothia* vero & ma-
 jori

jori Sueoniæ parte, tantæ lucis vicissitudines non sunt: Sed, ut ætate viginti & ultra horarum dies est, ita, cum brevissimus est, sex nobis horis solem exhibet. Terra ipsa, annonæ proventu abundans, tum pecoris, mellis, argenti, ferrique & æris multum dives; tum externi auxilii, sale & vino excepto, nullius indiga. Quamvis & huic defectui incolarum subvenerit industria. Nam ex maris falsedine & eliquata Cerere utrumque exprimunt. Incolæ dura exercitatione ad laborem firmantur. Liberalitate quondam & officioso hospitum cultu ceteras gentes omnes anteiverunt; Sed jam frequentata cum exteris commercia, temporumque in pejora ruentium necessitas, rei domesticæ propiorem curam admoveere coëgerunt. In alios fidi sunt & benivoli, sed injuriarum impatientissimi, & truces sæpe vindices. In bello vi & aperto Marte, non dolo & fraudibus, rem gerere soliti. Ex hac Scandia innumeræ istæ populorum inundationes prorupere, quæ bellis & victoriis, imperiosas quasque gentes attriverunt.

Caput II.

Quibus institutis, quove imperii genere, majores nostri, circa prima reipublicæ initia, vixerint, in tanta temporum longinquitate parum explorati habemus. Verò tamen consentaneum est, ex primoribus gentis captos aliquos, qui suadendo consulendoque publica munia oblerent. Regia illis autoritas, nomen a Diar & Drottar (judice) fuit. Unde hodieque Regina Drottning / summus autem justitiæ præses, Drottsket / dicitur. Quin & primus in mensa cujusque locus Drottsåtit nuncupatur; seu, quia illorum temporum modestia insolens non duxerit, inter Cives regem discumbere; seu etiam, quod pa-

ter-

terfamilias quilibet in domo sua Rex esset. Unde & leges nostræ inter majestatis crimina numerant, si quis vel minimum ruricolam in lare suo violet. Principum vero nutus & arbitria ita respiciebant Cives, ut tamen libertatis suæ memores essent. Quia vero & Regum potestas, & libertas populi vix modum sibi statuunt, cum nullo retinaculo & officii limitibus cohibentur, publicæ salutis interfuit, leges quasdam condi, quæ mutuum utrinque fidei & amoris sacramentum essent. Fuere autem leges istæ, quas istorum temporum simplicitas rudi ligno inscribebat, paucæ, sed in vitia validæ, cum nondum improborum flagitia bonos mores expugnassent. Parce quippe & frugaliter viventibus luxuria, & alienarum rerum cupiditas, abfuerunt. Itaque nec forum litibus ferebat, nec quietem Civium discordia affixit. Populi in Centurias (*Hunderi*) discreti; querelas forte subortas, territoriorum præfides (*Hundarís Höfðingar*) ex æquo & bono componebant. Singulæ vero provinciæ Nomarcham (*Nagman*) eligeant, penes quem juris patrocinium, & publicæ libertatis custodia esset. (a) Tanta Nomarcharum horum potestas fuit, ut Regem, officio suo abutentem, in ordinem cogere possent. Et, cum Rex eligendus esset, re cum ordinum nunciis & legatis deliberata, quem Regno utilem deprehenderent, suffragiis suis designarunt. Jure enim & more majorum, præter equestrem ordinem, etiã populus, i. e. Sacrorum Antistites, Civitates & Rustici, per legatos suos & procuratores, comitiis interesse, publicisque utilitatibus providere solent. In Nomarchis vero præsidium populi fuit, adversus licentiam Regum,

A 3

gum,

 (a) Snorre Sturleson de Torgnio & Emundo legis. in vita Olai Skot-Rungi.

gum, fuereque tribuni plebis, & ipsi è plebe (b); donec amplissimam hanc dignitatem nobilitas sibi adfereret. Reges autem in comitiis Morating, præsentibus Nomarchis & legatis ordinum, sub dio eligebantur. Ad æqualium vero æmulationem & ambitum retundendum, præcipua ratio haberi solebat primogeniti, ut, si Regiis esset virtutibus, non alius ipsi præferretur. Publicis vero suffragiis regno destinatus, Regi defuncto ferale epulum instituebat, ipseque, privati instar, in imo subsellio assidebat, donec ingens cornu optimo liquore afferretur. (c) Tum assurgens, acceptoque in manus cornu, ad legum obsequium regniq; propagationem se obstringens, poculum exhaustit. Magna inde cum veneratione in regiam sedem deducebatur, & pro legitimo Rege ab omnibus agnoscebatur. Postquam vero Christiana sacra huc illata sunt, in desuetudinem abiere ceremoniæ istæ & Rex electus, a summo sacrorum Antistite, Upsalæ solemniter Regno inaugurari cœpit, dictusque est Rex Upsalensis & Enwaldj-Kunger / i. e. Monarcha. Sæpe tamen alii, opibus florentes, in provinciis Regium sibi nomen adrogarunt, ob id Heratj-Kungar / Lyde Kungar / et Statte-Kungar vocati. Multi insuper, qui nec ditiones, nec subditos habebant, sed piratica tantum & latrociniiis opes quærebant, Wijs-Kungar & Nddß-Kungar i. e. Reges maritimi dicebantur. Fuere illi juniores plerumque Regum filii, qui, majore natu, naturæ & publico gentium præscripto, in Regem electo, ab regnandi fortuna excludebantur. Ut tamen natalium tuerentur fastigium, Piraticâ, quæ tunc inter gloriæ & fortitudinis opera censebatur, sumptus & impensas

(b) Witsgothe Lagen Ting B. Cap. 1. Vondesun skal lagh mades war. (c) Enor. Sturl.

fas comparabant. Ejusmodi Reguli, ab Agnero divite ad Ingellum usque fuisse, annales memorant, qui omnibus istis astu & incendio sublati, solus rerum potitus est A primis autem regni initiis ad Albertum usque Mechelburgicum, liberrimis suffragiis, indigenam sibi creavere Regem; quamvis & hic materno sanguine Reges nostros contingeret. Nunquam tamen regnum consecutus fuisset, nisi proceres nonnulli, a Rege Magno proscripti, ejus odium caritati patriæ anteponentes, fidem suam Alberto obstrinxissent. Hinc magna calamitatis series, & non minus perniciofa Margarethæ, Erici & Christophori, Christierni & Johannis dominatio: Cui complementum & finem adjecit sæva & belluina Christierni secundi immanitas. Si qui prius per vim se intruserant, armis mox dejecti, & extra patriæ fines proturbati fuerunt, ut impudens eorum sit mendacium, qui Romanos imperatores Reges nobis dedisse comminiscuntur. Nunquam Romana potentia septentrionem nostram pervasit: nunquam majores nostri culmen illud suspexerunt. Illud vero à Gothis nostris concussum, eversumque, annalium non dubia fides toti orbi patefecit. Licet vero tot periculis & horrendis casibus jactata fuerit hæc respubl, divina tamen benignitate ex calamitatibus istis ita emerfit, ut in pristino vigore permanserit, nec inveniri potest regnum aliud, quod post hominum memoriam tot sæculis in statu suo perduraverit.

Caput III.

INter cetera societatis humanæ firmamenta, locum principem religio obtinet: cujus tantum in animos imperium, ut gentes barbaræ, & à civilis vitæ officiis abhorren-

rentes, ei tamen pareant. Nulla enim tam effera barbaries mortalium animos occupavit, ut Deorum metum & reverentiam prosciberent. Majores nostri, qui circa prima renovati orbis tempora borealem hanc plagam infederunt, DEI æterni cognitionem habuerunt à parentibus perceptam. Mox tamen maligni dæmonis perfidia seducti, a DEO desciverunt, religionemque sibi finxerunt, qualem diaboli instinctus & cæcus mentium error suasisit. Miserabitur sane humanæ mentis cœcitatem, vindicemque DEI iram, sui contemptum sic ulciscens, exhorrescet, quisquis in calamitatem istam volet intueri. Quam seduli, quam anxii & religiosi in sacrilega sua impietate fuerunt: dum numina, quæ fecerant ipsimet, horribili cultus obsequio prosequerentur. Vel enim grato in homines magnos ac bene meritos animo, divinos ipsis post mortem honores decrevere: Vel artis magicæ ludibriis fascinati, numen quoddam, & divinæ sapientiæ speciem, in imposteribus illis horrebant adorabantque. Diis vero suis, & Religioni sedem Upsalam dicarunt, ab Ubbone pridem conditam. Hic delubrum, ambitioso apparatu structum, conspiciebatur. Parietes, laquearia, tectum auro obducto, turres ædisque fastigia, aureis catenis revincta stuporem accedentibus injecerunt. Stabat vero fanum illud in luco sanctissimæ religionis, foribusque arbor imminebat raræ magnitudinis, ramis patulis perpetuoque virentibus. Templi hujus præsidem Deorumque summum venerabantur Thorum. (d) Strato is pulvinari sedebat coronatus, sub cœlo, duodecim stellis distincto, sceproque majestatis suæ terrorem mortalibus incutiebat.

Alii

(d) Gallis Tharan. Lucanus. Vorm. &c.

Aliis (e) tamen, nudi instar pueri, temoni currus infedisse, unaque manu plejades, altera sceptrum tenuisse, scribitur. Regem ipsum fuisse, non vana præsuntio est, solebatque vitula sacrum facere. Et, quia tempora ejus pace & annonæ proventu floruerant, ista felicitatis memoria, regiminisque ejus meritum, defuncto divinitatis centum contulit. Et imaginem quidem in delubro servantes, ipsum in cœlo degere persuasum habebant. Ibi tonare, fulminare (unde hodieque tonitru *Toorâ! Toorâ!* vocamus) tempestates ciere, sudum reducere, & Jovis plane imperio uti, credebant. Itaque magnis sacrificiis numen ejus sibi propitiabant, quo annum fecunditate bearet, famem, pestem, omniaque dira averruncaret. Ejus nomini Januarium mensem diemque Jovis consecrabant. Eum dejerantes (*Ja Thor Gudh/ ja Thor Madra &c.*) fœdera & sacramenta religiosissime sanciebant. Latus ejus dextrum Odinus claudebat, artibus magicis divinos honores consecutus. Asiaticæ hic immigrationis princeps fuit, & propter militarem famam, Gothorum armorum princeps habitus. Ab hoc belli auspicia capere, ante prælium humanis captivorum hostiis, post victoriam ludis, placare solebant. Equos etiam ad aram ejus immolabant, quorum capita pro signis in acie præferebantur. Vixerat ille prius Asgardli ad *Wanaqvist* / sic enim Majores nostri Tanaim vocabant, Scythiam vero minorem *Wanahem* / incolas Vaner, majorem vero Scythiam *Særland: Snor. Sturl.* Illusionum & præstigiæ Magicarum non tantum ipse mirus artifex, sed & aliis disciplinam istam tradebat. In varias formas se transmutare, invisibilem se facere, dissita momento

B

adi-

(e) Saml. Svenst Cron. & Olaus Petri. Ericus Upsal.

adire, &, quæ ibi contigerant, exacte referre; tempestatis marisque fremitum compescere, ignem solo jussu extinguere; homines fascinare, visum & intellectum eis auferre; ferro lædendi vim adimere; defunctorum manes elicere, & rursus condere; montes carminibus aperire, aurum argentumque, aliasque divitis naturæ opes eruere; multaque alia, naturæ insueta & contraria, patrare solebat. Habitus etiam fuit opum conciliator, & qui cumulandis illicite divitiis incumbunt, cum Odino commercium habere etiamnum dicuntur. Decussum Mime-ri caput vocale reddidit, corvosque cicuratos & humanæ vocis modulo institutos, quæ per locorum longinqua contingebant, sibi referre assuefecit. Ante bellorum strages & sanguinis profusiones, se videndum præbuit, certum illis victoriæ omen, quibus apparuit. Fuit autem, dum vixit, libidinibus & flagitiis omnibus coopertus, adeo ut sacrorum & religionis famæ timentes, Dii Byzantini, exilio eum multaverint; qua pœna cum flagitiorum infamia expiata videretur, dignitati pristina restitutus est. Majorem vitæ partem Sigtunæ, quæ propter loci amœnitatem plurimum ipsi placuerat, transegit, ibique, ultimæ voluntatis suæ præscripto, post mortem crematus est. Ipse morem cremandi heroas demortuos introduxit, una cum thesauris & rebus carioribus, quæ propterea dominos suos ad Valhalden i. e. mortuorum domicilium, comitari dicebantur. Ingestis postea tumulis lapides superponebantur, qui scriptura Runica defunctorum memoriam ad posteros propagarent. Ab hoc Magicæ artis infamia ad Septentrionales profluxit, quæ multis seculis hic viguit; nec postquam Christiana pietas huc immigravit, penitus excindi, abolerique potuit. Sceleris istius magisterium, & arcana artis, suis in ludis tra-

tradebantur. Disciplina summa fuit, aliis nocere posse, si velles, aut noxiam vim prævenire, & in autorem re-
torquere. Experientissimi vero censebantur *Finni & Lap-
pones*, qui navigantibus ventorum obsequia vendere, ho-
stibus procellas & fatalem tempestatem immittere, qui-
bus male volebant, etiam centum milliarium intercape-
dine disjunctis, lethalem ictum incutere potuerunt. Ho-
mines in lupos convertebant. Sciscitantibus absentium
fata, per animarum raptus, aperire noverunt. Isto qui-
dem ritu, ut tympano, diversis animalium figuris, ra-
nam æneam imponant, subjectoque igne, inconditum bo-
atum edant, malleo interim, æneis annulis ornato, tym-
panum pulsant, usque quo exanimis decident. Sacro-
rum vero arcânis intervenire, præter consulentes, veti-
tum, ut & jacentis corpus contingere; quod si quis te-
merarie ausit, animam rursus in illud non reverti persua-
sum. Evigilantes è somno, qui, pro absentium interca-
pedine, longior vel brevior, exacte omnia referre, si-
gnum etiam & tesseram, in rei fidem, monstrare sci-
unt. Magnum profecto documentum, quam potens sit
malus genius in iis, qui à cœlestis doctrinæ luce defece-
runt. His artibus *Odinus* cœlum meruit, ut & uxor ejus
Frigga, quæ sinistrum *Thori* latus cingens, amorum de-
liciarumque Dea habebatur. Ei juvenes & puellæ pro fe-
lici matrimonio supplicabant: Et hæc, ut alma *Lucina*,
nuptis opem ferre credebatur. Gladio autem & arcu ac-
cingebatur, quod & muliebris sexus apud nos quondam
belli studia amplecteretur. Et, ut *Mercurii* dies *Odino*,
ita *Friggæ Veneris* dicatus est: ejusque honori *Orionis* fi-
dus, colus & fusus *Friggæ*, nuncupatum. Tria hæc pri-
maria apud nos numina fuere: Norvegi *Niordum*, nomi-
nis sui conditorem, his adjecerunt. Nos reliquum Deo-
rum

rum Dearumque vulgus, hic breviter recensēbimus. *Goam* sive *Gœjsam*, Thori sororem vel filiam, tacentibus nostris annalibus, vicinarum gentium fasti inter Deas nostras computant; (f) ejusque nomini mensem Februarium consecratum: quo magnum pro pace & victoria sacrificium peragebatur. *Facia*, Odini filia, uxor Niorði, sapientia sua & sedulitate, circa Deorum sacra obeunda, inter numina censi meruit. *Thorelda* eadem nobis, quæ Latinis *Ceres*. *Disam*, Thori uxorem, summam justitiæ patronam & Antistitem, muneris sui sanctitas consecravit, ut vult nonnemo. (g) Ejus memoriæ tertius septimanæ dies, & anniverfariæ nundinæ Upsalenses, *Disfling*, dicatæ. Hæc tamen aliter publica traditio memorat; Summam nempe annonæ caritatem patriam afflixisse, Regemque in consiliis Upsalensibus decrevisse, inutilem omnem turbam ferro necandam. *Disam* vero, non absurdi ingenii puellam, quæ *Vænegarnis* vivebat, Regis stolidam & impiam sententiam increpavisse, eaque propter ab irato rege, Upsalam accersitam, ut nec nuda, nec vestita, nec die, nec nocte, nec crescente, nec decrescente Luna, nec eques nec pedes accederet. Quas illa captiones ingenio versatili facile elusit. Reticulo enim circumdata, in ipso crepusculo, cum Luna implevit orbem, hirco insidens in vehiculo suspenso, cui famulum junxerat, ista se pompa & apparatu Regi stitit. Et ille, commento haud illepedo delectatus, si quid melius rebusque posset expromere, jubet. Consilium illa dedit, ut ad sublevandam annonæ difficultatem, populi superbam multitudinem, ad borealiores partes, adhuc incul-

(f) Arngrimus p. 327. Vormius, Västovius. Enor. Eturl.

(g) Vorm. fast. Dan. 14. & 2. 3. Västovius.

incultas, & habitatoribus vacuas, deduceret; Sic & ceteris annonam suffecturam, & hos patriæ fines ampliaturus. Ista prudentia, Regis thalamos, & amorem populi, immortalē etiam nominis famam, puellæ conciliavit. Sed ex diverticulo redeamus. Summus Deorum Pontifex *Milotinus* sacrificia ordinavit, ritusque & ceremonias distinxit: Ipse, magica arte, divinitatis fastigium adeptus. Post hunc *Frœe* idolomaniam multum auxit, nefasque immane commentus, humanas hostias adjecit. Cui inter Deos relato, *furvæ* hostiæ immolabantur, leetisterniaque & ludi anniversarii consecrabantur. Pluresque alii ut *Vagnosius*, *Rostiosus*, *Rostariusque* Thori vel Odini filii habiti, divinos fere honores consecuti sunt. Talem præstigiatores & Dæmonem *Bochum* fuisse, credibile est, histrionibus Italis hodieque notum; (Ocus Bochus carmina præsto) & impia per numen ejus dejerandi consuetudo, nobis adhuc non desita (*Boctþdððh / Boctþgðððl / þá tili þáðferð.*) Malignum etiam numen *Neccum*, aquis inesse, majorum etiam cæcitas credebatur; cui pelendo chalybem valere sibi persuadebant: unde nataturi aut lavaturi, quoties fluminibus aut lacubus se immitunt, chalybis ferrive frustulo, aquis immerso, tanquam amuleto, se munitos existimant. Si quos vero insidiosi aquarum vortices hauserunt, aut nervorum rigor, aut natandi imperitia perdidit, ab *Necco* subreptum existimabant. Dicere solemus *Fanin*, quem dejerant; quoties diris imprecationibus se aut inimicos devovent. *Raggam* etiam torvum & malignum genium putaverant. Inde hodieque de iis, qui plena ratione non utuntur, dicere suevit vulgus: *Jugh tándæter Raggan ríðer ðígh*. *Raggina* sunt spectra & Sylvestres Dii apud Samogethas, ut scribit *Lascius* de Diis Samogetharum. Cui denique

loco tutelare numen tribuebant, quod superstitioso cultu placare aut non offendere satagebant. Quorum sunt, *Compterdd*/ Lares, *Sloggrdd*/ Nemorum & Lucorum præsidēs, propter quorum secretum & reverentiam, sacras illas arbores sternere aut violare piaculum & capitale fuit. Forte & in lucis istis, Faunorum Sylvanorumque spectrorum, Larvarum, & manium illusiones credulis frequentius offerebantur. *Berggrdd*/ metallorum & mineralium potestatem habet; *Störrdd* maris imperium possidet, quam sine certo nomine in parva insula *Blåtulla*/ inter *Ölandiam* & *Gotlandiam*, vulgus nauticum superstitioso silentio adorant, ne præternavigantes tempestatibus affligat. In hac insula sagas & veneficas anniversaria sua comitia, trinoctio ante Pascha, habere, ibique magistro suo *Odino* studiorum rationem reddere, ipsæ inter tormenta & quæstiones solent confiteri. Hæc fere sunt numina, quæ majorum simplicitas, aut vesania consecravit. Jam sacra videamus, quibus horrendæ impietatis autores sibi popitiarunt demerueruntque. Simpliciora illa initio, utpote quæ intra libamina & haud operosa donaria constiterunt. *Thor* ipse, antequam Deus, sola vitula sacrum faciebat. Sed *Odini* accessu, omnia in majus aucta. Præter menstrua enim & anniversaria sacra, quæ minori victimarum apparatu peragebantur, quolibet novenario, totius regni celebritate & conventu *Upsalæ* frequentabatur. Novem dies sacra facientium pietas sibi poscebat. Singulis vero istis diebus novem, masculi sexus, victimæ ad aram cædebantur. (b) Homines vero totidem sorte legebantur, qui, Diis immolandi, fonti (*Odenfälla*/ *Blottfälla*) qui

(b) 99. scribit Dithm. lib. 2. Chron.

qui in luco scaturiebat, solemnī ritu immergebantur: qui, si interclusa anima, mortalitatem cito explebant, gratum & acceptum Diis sacrificium existimatum: moxque extracta cadavera, cum gratulatione in luco suspendebantur, rite exsolutæ pietatis argumentum. Quamvis sit, qui in anniversariis sacris, tantam hominum stragem haud editam, asserat. Auspiciatissimum vero regni sacrificium habitum, si fors ipsum regem designaret, cujus immolatio, faustis omnium vocibus & applausu, peragebatur. Istitis sacris devotus Rex *Domalder*, ad placandam famis sævitiam, *Thorelda* immolatus fuit, cum taurorum holocausta & subditorum victimæ nihil proficerent. Spontanei vero voti parricidium regis *Ami* fuit, qui impio vitæ desiderio novem ordine filios *Odin* immolavit: quod cujusque filii mactatio decem vitæ annos parenti prorogaret. Sorte vero signati, fatum suum læti amplectebantur, quod ad Deorum consortium se vocari persuasum habebant. (i) Sacrificia ista tripudiis, Musica & notarum strepitu celebrabant Sacerdotes: instituebantur etiam solennes commestationes (*Offergille*) in quibus victimarum etiam immundarum carnes assumebantur: (k) pateræ vero in Deorum honorem libabantur, additis votis, pro Regis salute & victoriis, pro regni incremento, pro anni fecunditate, ceterisque, quæ mortalium pietas à Diis sibi pacisci solet. Inde heroum bello defunctorum pateræ circumferebantur. Tandem sibi quisque in memoriam amicorum mortuorum propinabant. Dum vero ita se genialiter invitabant, Scaldi adfuerunt, qui non *Amaryllidas*, *Phyllidas* & ignavos amores, sed præclara majorum facinora, heroas, prælia can-

(i) Saxo lib. 6.

(k) Enor. Eturh.

canebant; quæ carmina, historica narratione evoluta, juvenum memoriæ tradebantur. Illud etiam pietatis & venerationis argumentum est, quod concitato in nubibus fragore, sagittas arcubus excusserunt, malleosque (Thorshambrar) quassaverint, opem Diis suis laturo. Horrenda hæc idololatria & cæcus mentium error, majores nostros per multa secula involutos tenuit, donec tandem æternus DEus, triste hoc satum miseratus, cœlestis sapientiæ jubare miserorum corda illustraret.

Caput IV.

Regum nostrorum primus, vel inter primos illustrissimus, Ericus fuit; (l) legum hic conditor, & summus Justitiæ Antistes, non intermoritura meritorum suorum elogia ad posteros transmisit. Ejus auspiciis coloniæ in insulas Vitahedh / sive Vitastett / deductæ sunt, quæ præfectorum potestate diu coercitæ, sub Dano tandem servitutem ab se amoliebantur. (m) Veniam nobis dabunt æqui rerum æstimatores, quod tanta temporum vetustate & caligine, continuam & non interruptam principum seriem exhibere nequeamus. Vix pauca nomina, suppressa facinorum gloria, Historiarum fragmenta exhibent. Inter illos Gorus, Gethar, Gylfi, pluresque alii infelices & sic inglorii principes censentur. Cum enim Magicæ artis infamia gloriæ tunc duceretur, pessimus quisque plurimum pollebat. Inde scelera & impietatis certamina: Inde parricidia meliorum, calamitates, & impiæ plerumque bellorum causæ, ut mirum non sit, si in tanta omnium confusione incerta fluctuaverit

 (l) Post diluvium 357. Laurent. Paul. (m) Rim-Sirén,

rit Reipub. administratio. Haud facile definiverim, quanto temporum decursu, hæc calamitas continuaverit; quædringentorum annorum circulum describit nonnemo, sua magis conjectura, quam rationum documentis: sed suo sensu quisque fruatur: illud haud ambiguum, civilibus discordiis & vicinorum piratica, patriam adflictam fuisse. Igitur *Bericus*, consilio bonus, & orandi non ineptus; publica mala civibus edisserit, quorum finis futurus non esset, quamdiu legum & principum contempta autoritate civile ferrum in propria viscera stringerent. Istac occasione lætos, Estones, Finnos, Ulmegavos, laceessere & pro victoribus se gerere. Sveones tantum dedecus neglectum spectare, & inquietum ardorem in se ipsos consumere, quem in hostem honestius effundere possent. His incitati, campum & prælium poscunt. Et ille animis utendum ratus, ingentem navibus bellatorum vim imponit, liberis conjugibusque, in solatium longinquæ expeditionis, comitantibus. Classẽ inde lustrans, è Gotlandia exploratores in hostem præmittit. Illis, cuncta audentibus, prona renunciantibus, universas vires in Ulmegavos effundit. Mox victor; multitudinem in agris collocat, castrisque & præsidiis adversus vim firmat. Hic ille est *Bericus*, qui Sveo-Gothicum nomen, domi illustre, aliis orbis partibus intulit. Quando vero tam celebris expeditio confecta fuerit, mihi in tanta temporum incertitudine vix quicquam explorati: Annum orbis conditi bis millesimum sexcentesium quidam huic tribuunt; alii adhuc sunt liberaliores. Nemo interim nostro præiudicio se gravatum conqueretur; quin id amplectatur, quod rerum gestarum rationi magis congruere videbitur. Quicquid vero foris gloriose patnaverunt populi nostri, separato volumine tradere decrevimus, cum

cum prius rerum domesticarum memoriam evolverimus.

Caput V.

EXonerata sic discordi multitudine, ceteris quies & Legum reverentia rediit. Pacato itaq; principatui prae-
fuit *Humulpus*. Dani, nepotis ejus *Humeli* imperium dedi-
gnati, quos pridem ab Erico Rege in insulas *Wetaland*
deductos adseruimus, (n) praefectose ejus ejecerunt. Sed, cum
legitimum obsequium exuerent, aliam ipsis servitutem
Saxones, Jutone duce, à quo Jutiæ nomen, intentabant.
Igitur discessionis suæ poenitentes, *Humeli* gratiam
& auxilia implorant: qui reconciliatis & in libertatem
vindicatis, filium suum *Danum* regem dedit, à quo gen-
ti & regno nomen. *Gotilas*, qui post *Humelum* regna-
vit, *Amalo* cognato regi, adversus *Carelas* & *Esthones*
auxilium tulit. *Sigtrugus* regni fortunam; seriemque re-
rum ab *Odino* sciscitatus, aurum sibi exitiosum fore in-
tellexit. Itaq; a ferro securus, bellorum discrimina ultro
exposcebat. Filiam suam *Gro*, electæ pulcritudinis puel-
lam, Finno-*rum* principi *Humbli* desponderat. Hanc *Sci-*
oldi filius, *Gramus* *Danus* simul ambivit; & voto apud
patrem inferior, plectam Virginem secum in *Daniam*
abduxit, belli inextinguibilis facem. Pater enim autorita-
tem suam, sanguiniq; illatam injuriam vindicaturus, si-
mul Oraculo fretus, arma in *Gramum* sumit. Sed & huic
oraculum innotuerat. Itaque Caput, ardentius sibi im-
minentis, aurea clava elisit, fidemq; oraculi implevit.
Non tulit id æquo animo *Scarimus*, cognatus ejus, *W: Go-*
thorum

(n) Danos Gothorum sobolem esse, affirmat *Jornandes*,
Cron. Ryth. Dan.

thorum princeps : Cujus exercitui impar Gramus fingulare certamen offert. Nec detrectat alter, quamvis senio debilis, ne cedens pro victo haberetur. Huic juvenile robur, animi ferocia, & amor victoriam pollicebatur. Alteri justa indignatio, vires effœtas in pugnam armabat. Invalidum cum integro congredi audere, fatis ad virtutem fuit : Quo tamen victoria inclinatura eſſet, omnes facile prævidebant. Univerſa deinde cognatorum turba, ſingulatim relictas vires inſtaurando, neci deditur. Tantam principum ſtragem cruentum illud duellum edidit. Quod tametſi pro gloria plerumque inibatur, in eorum tamen ſorte, qui victi cadunt, ceterorum ſalutem verti, haud æquum. Felix hæcenus Gramus tandem intellexit fortunam lubricam eſſe, & illos ſæpe evertere, quos ad invidiam extulit. Superfuit *Sviſdager*, Norvegiæ Princeps, qui rerum in Sveonia potitus, ut cognatorum manibus, victoris ſanguine, parentaret. Nam & ſororem ejus per vim ſtupravit, & filiam in Norvegiam abduxit, tandem & parentem interfecit. (o) Filio tamen ejus *Gutormo*, quem Gro ipſi pepererat, paternum principatum reliquit, ea tamen lege, ut tributorum obſequio ſibi obnoxius eſſe deberet. Alter vero filius *Hadingus*, ſervili conditioni exilium præferens, in Ruſſiam abiit : Unde poſtea reverſus *Sviſdagerum* in Gotlandia oppreſſit. Ab incunabulis, artibus magicis ſtudit *Hadingus*, præceptoribus uſus *Vagnoſto* & *Hapilo*, pugilibus *Sveonibus*. Nec parum *Hartgrepæ* diſciplina & *Odini* familiaritate profecit ; adeo ut humanis viribus invictus haberetur. *Aſmundum*, *Sviſdageri* filium, *Sveoniæ* & *Norvegiæ* regem, prælio victum, interfecit, ab ipſo tamen prius vulneratus

C 2

&

(o) Pont. 1. 1.

& perpetua claudicatione multatus. Victoriā interim suā persequens, Sveoniā rapina & cædibus vastat. Inde ut illum detrahat, Daniā populatur *Uffo*, hosti faciens, quæ domi patiebatur. Et pro voto consilium cessit. Ad sua enim defendenda revocato, Hadingo spatium fuit, prædiis regnum firmandi, & quæ ad bellum facerent, providendi. Unde iterum irruens Hadingus, eo angustiarum reductus est, ut infando cibo famem vincere cogeretur, itineribusq; undiq; interceptis, vix tandem fuga elapsus, *Uffonem* per insidias postmodum oppressit. Sed jam cantior & incerta casuum reputans; *Hunningum*, *Uffonis* fratrem, arctissimo amicitiae fœdere sibi conciliavit. Tantaq; his intercessit necessitudo, ut neuter alteri supervivere sustinuerit. Hadingi quidem morte vulgata, *Hunningus* ferale epulum exhibiturus, vas ingens mellei liquoris in cœnaculo statuit, ceterisq; in lætitiā solutis, seipsum in illud præcipitavit, dulcissimum mortis genus existimans, quod fidei & amicitiae impenderetur. *Hunningum*, tam pio errore deceptum, videns Hadingus, in totius regni celebritate se suspendit; raro amicitiae exemplo in illis, qui quondam hostes fuerant.

Caput VI.

DEbeatur *Regnero* sceptrum, sed novercæ *Thorilæ* odio, una cum fratre *Thoraldo*, ad servilis conditionis angustias reductus, inter bubulcorum sordes vitam exhibere cōgebatur. Nulla interim improbitatis studia, fata irrita reddere valuerunt. *Swanhwiſta* quippe, Hadingi filia, indignam juvenibus sortem miserata, modico famulatio stipata, eos inquit: Sanctissimaq; parentum necessitudine commemorata, suum *Regnero* matrimonio-

trimonium paciscitur. Hoc ille in spem regni erectus, novercam ultus est, & servilem squalorem purpura mutavit. (p) Ex *Swanhvotsta Holbrotum* sustulit, regni successorem, affinemque suum *Frotonem* primum, Daniae regem, saepius sibi infestum, interemit. (q) Holbrotus *Esthones*, *Carelas* & *Russos* armis subegit: & post immensam populorum stragem, Danorum etiam regem *Roë*, tribus praeliis superatum, extinxit: quicquid inter *Tanaim* & Oceanum australem, imperio suo complexus. (r) Ex *Gyritha* Norvaga, duos, optimae indolis filios, *Attilam* & *Hotherum* genuit, eosque in fidem & disciplinam *Gevaro*, Norvegiae regi, tradidit. Duræ interim servitutis suæ pertæsi Dani, *Helgone* duce ad libertatem adspirabant: in quos dum bellum parat Holbrotus, naufragio periit. Alii navali praelio occubuisse adserunt. *Helgone* defuncto, filiam ejus & una uxorem *Ursam* in matrimonium accepit *Attila*, amicitiae forte & pacis pignus: sed illa, si-ve innata perfidia, si-ve patriæ servitutis memor, ultionis fraudem medita batur. Accito enim è Dania filio, *Rolvoni Stråsa*/mariti thesauros prodidit, fugam cum ipso simul capescens. Narrat hic vetustum Cronicum nostrum, *Attilam* tanta in Danos acerbitate fuisse, ut devictis canem *Raccam*, ad ludibrium & ignominiam, imposuerit: mortemque ei minatus fuerit, qui *Raccæ* interitum primus nuntiaret. *Enið* autem regni avidus, ænigmatibus regis animum tentavit: ajebat enim, in Dania apes sine Rege errare: tum in itinere multa sibi mira conspecta fuisse: vidisse enim lupum ab ovibus devoratum; tum ve-

C 3

hicu-

- (p) Haraldum Hist. Dan. vocant. (q) Saxo, Pont aliiq;
Meursius tamen sua morte occubuisse adserit. (r) A. M.
3040. Paul,

hiculum a lupis absumtum, tauris dilapsis; securim etiam a muribus corrosam, manubrio illaeso. Non absurdo viri ingenio delectatus Attila, an Racca mortuus esset quaesivit? Abs te hoc audio respondit *Enid*. Quid vellet intelligens Attila, regnum pollicetur, evoluta prius aenigmatum involucro. Itaque spei suae non ambiguus hic Oedipus, obscuros sensus sic explicuit: Rusticum nempe, agris oviculis suis, dissecatas luporum carnes in medicinam coxisse: Castores etiam exisos arborum truncos, fruendae domus gratia, super glaciem trahentes, conspectis lupis aufugisse, in dorsum vero reclinatam, & trahae vicem subeuntem, incubantiq; trunci pondere retentam, lupis in praedam cessisse. Tum ex caseo fabricatis securibus, lignea manubria inseruisse pueros, quae integra remansissent, securibus murium arroso consumtis. Cronico huic Runica consentit Regum Danicorum series, facti tamen circumstantiis nonnihil variatis. Nullam hic veri speciem agnoscit Pontanus. Olaus etiam Vormius summa convitiolorum acerbitate Johannem Magnum proscindit, ut antea calumniator Rosenfontanus, quod in rebus patriae nostrae tradendis, haec antiquorum monumentorum fide retulisset. Ego ut feram & barbaram impotentiam, à virtutis & rationis laude longe proscribo & detestor: ita majorum nostrorum in injuriis vindicandis atrocitatem reputans, facti istius insolentiam inter incredibilia non numero. (f) Nam & simile Gunnonis in Norvegos factum Saxo, & Osteni regis nostri in Nidrosienses, prodit Snorre Sturleson. Si Danum quempiam hanc

(f) 3 Gudhrith Sigge Gøstefsons tija mart s. Høfdinga i Danmark. Och Emeriges Konung sticade en Rasta at vara Kung i Danmark Comment. ad frag. Run.

hanc nobis contumeliam irrogasse prodidisset Saxo, non vanitatem & figmentum, sed ex Apollinis tripode prolatum, censisset Vormius, suoq; elogio exornasset. Cæcum igitur & lubricum ejus Oraculum, Vormio interpretandum relinquo, quod ob eandem Hundingi, Helgoni agnomen hæsisse adferit. Raccam & Hundingum idem valere nemini non cognitum. Utroq; enim canem vel canis filium, lingua nostra designat. Rolvonis sororem Skuldam, nuptiis sibi copulaverat *Hiartvarius*, scaniæ præfectus; sanctius tamen sibi Regis obsequium, quam affinitatis jura putavit, Rolvonem, cum pugilibus suis Biarkone & Hialtone, in arce zetra neci dedendo; ipse tamen brevi post, ab Voggone, Rolvonis amico, interfectus est. *Teutones* etiam ab Attila præliis attritos, in historiis nostris reperio. Et quia hærede masculino carebat, regnum ad Fratrem ejus *Hoþerum* devolutum est. Multa hic à natura eximia habuit. In his ingenium excelsum, & optimis artibus excultum, Eloquentia & amicitiae conciliandæ peritia omnes anteibat. Meruissetq; inter omnes Reges principem locum, si magicæ artis abfuisset ludibrium. Ista juvenis indole capta Nanna, Gevari filia, amoris mutui fidem dat. Pari voto hanc ambiebat Balderus, Selandiæ princeps, sed spei suæ irritus, domum revertit, repulsæ dolorem in infelicem æmulum effusus. Popularibus igitur ad rebellionem stimulis; Galderoq; Saxonum rege, in belli societatem allecto, Odinum, cuius, propter magicæ superstitionis disciplinam, filius habebatur, ceteraque bellorum numina, in partes pertraxit. His Deorum sacris agminibus, multisque bellatorum legionibus, accinctus, æmulum adoritur. Tanta huic virtutis suæ fiducia fuit, ut, quamvis Deos ad hostem detecisse intelligeret, victoriæ tamen numen in dextra sua se

se portare existimaret. Divinis humanisque viribus permixtum praelium, alium habuit eventum, quam nostri præcipere potuisset divinatio. Victi cessere Dii, & Balderus, dignus istis numinibus alumnus, turpi fuga sibi consuluit. Major multo Galderi gloria, in ipso praelio cadentis; Cujus cadaver, pulcherrimis funeris exsequiis elatum, regio rogo ab Hothero crematum fuit. Classe depressa, hostibusq; sponsam, solemnem nuptiarum ritu sibi copulatam, in sveciam abducit Hotherus. In Sialandiam reverterus Balderus, ceptam semel rebellionem acrius urgebat, popularibus regnum conferentibus. Ad motus istos compescendos, tumultuario collecto milite, profectus Hotherus, pugna inferior, in Jutiam concessit. Inde domum repetens, à Dania inquieta & rebeli abstinere cogitavit. Optimatibus tamen aliter decernentibus, novis militum delectibus exercitum auxit, cujus ope, Baldero vitam & regnum abstulit. Danis in priorem servitutem recidentibus, Gevarum socerum, Norvegiæ regem, cum quidam Gunno sive Gauto; homo potens & ambitiosus, insidiis sustulisset, ferro parricidam ultus est, & paternum principatum, Hertleto & Gerito filiis restituit. Tandem quidam Bous, infami Odini, cum Rinda, stupro apud Rutenos editus, fratris Balderi necem ulcisci aggressus est. Hotherus, ut adversus subita casuum se & regnum muniret, filium Rodericum, Sveonibus, Gothis & Danis præfecit, securius pericula excepturus, postquam regno consulisset. Ista tamen sollicitudo, mortis secururæ quasi omen fuit. In praelio enim contra Boum cecidit, & brevi post ipse Bous ex vulnere dolore decessit. In harum rerum enarratione, præter fabularum paradoxa, multa lubrica, sibi contraria & aperte falsa comminiscitur Saxo lib. 3. ut mirari liceat hominis securitatem.

tatem. Fingit enim, Sveones Danis tributa solvisse, & Hotheri morte, ab isto necessitatis obsequio liberatos. Cum interim antea fateri coactus fuerit, Hotherum à Sveonibus Dania regem impositum fuisse. Hotheri mors Seelandis etiam defectionis audaciam fecit. Ad illos in ordinem redigendos, classẽ validam instruxit Rodericus, factaque exscensione, in insidiis latitantes pro merito multavit. Igitur quidam eorum, ferocia promptus, singulare certamen offert, ea lege, ut victor patriam servitute liberaret, aut victus suorum calamitatem auspicaretur. Nec, denegata virtuti ejus hæc arena, in qua Roderici militem, animo quam viribus valentiorẽ, oppressit. Comilitonis clade haud motus Ubbo, natione Danus, in gloriantem & exultantem operam suam offert. Roricum tamen periculi sui præmia poscit. Ille armillas, Ubboni atas è puppi, langvidiori brachio, quam interstitii magnitudo postulabat, excussit; quo factum, ut undis interceptæ, Rorico cognomen Slingaband dederint. Et quamvis casus præmium intervertisset, libertatẽ incitatus adversarium adoritur: qui pro ira & præmio concurrentes, mutuis se vulneribus conficiunt: necisq; suæ impendio, ceterorum pericula redimunt: Horvendillum, virum strenuum, & piratica celebrem, sororis suæ Gerutæ nuptiis honoravit, Jutiæque præsidem dedit Roricus; ut geminato beneficio obnoxium sibi faceret. Istius felicitatis invidia succensus Fengo, fratrem parricidio sustulit, uxoremque ejus Gerutam stupravit; & postea incestu sibi copulavit, trucidassetq; filium ejus Amletum, nisi vecordiae & stoliditatis finilulatione, partrui crudelitatem evasisset. Verum & sic suspectus, in Britannia interficiendum mandavit. Sed homo callidus pericula in gloriam suam vertit, & in patriam

D

redux,

redux, Fengonem, cum omnibus suis crapula faucium, immisso igne, combussit: parenti vindictam, sibi regnum, quærens, quod tamen postea cum vita ipsi ademit Vigletus. Ista parricidiorum certamina execratus Roricus, gentem male obsequentem, sub propriis Tyrannis poenas luere permittit: Ipse Gothis & Sveonibus suis ad provectam ætatem pacate præfuit. Ad paternum principatum evectus *Atislus* (*Attila*), finitimis late bello pressis, iniquo admodum animo tulit, Vigleti filium Vermundum, Daniam injusto titulo possidere: utpote quæ sibi legitimo Regi deberetur. Et cum restitutionem aut tributorum obsequium per legatos frustra urfisset, jus suum armis repetere statuit. Facta igitur irruptione, Daniam armis late pervasit, atq; ad Slevicum resistere audentem, Vermundi exercitum cecidit, profligavitq;. Ipsum Frovinum, summum militiæ ducem, duello prostravit. Vermundus, promisso se victoris majestatem comiter observaturum, amissum bello regnum, obsequii additione retinuit. Isthoc artificio incubantem faucibus Atislum ab se amolitus, quod promiserat, implere insuper habuit. Facilitatem suam, contemptu elusam, supra modum indignatus Atislus, instructo Daniam exercitu petit. Sed comparatis ad resistendum viribus, re infecta eum redire coëgit Vermundus. Atisli interim potentiam sibi & regno aliquando extiosam fore timens, Ketonem & Vigonem Frovini filios, percussores in eum immittit. Illi & præmio invitati, & paternæ ultionis avidi, suppressis natalibus & adventus consilio, Atisli regiam petunt. Qui hospites, gentis nostræ more, benigne & comiter accepit; mox etiam inter familiares admisit. Nulla tamen beneficii gratia proditorum perfidiam vincere potuit. Nam & solum & incautum simul adorti, trucidarunt. Quo scelerere

lere magnam apud externos contraxere ignominiam Dani, semiviri & imbelles habiti; quod publico more sancitam duelli legem, infami opprobrio violassent.

Caput VII.

Botviki principatus & ipsi & regno ejus exitiosus fuit. Magna ipsi indoles, nec obscura virtutis documenta, si legum potius præscripto, quam consilio improborum, imperandum sibi putavisset. *Sed divinam plane oportet esse indolem, quam in summa licentia assentatorum non pervertat improbitas.* Itaque, cum civium odio flagraret, bello etiam a Danorum rege Hugledo laceffit. Non defuit ipsi vindicandi promptitudo; sed averfis ab se civium animis, vix modicam classem instruere potuit, cui Hogrimum & Hosmodum præfecit. Classiaris autem officia invito facientibus, victoria amissa est, Duces interfecti. Has res inprospere gestas, improvise Mæscorum irruptio magis afflixit. Igitur consilii incertus Botvildus, suamq; magis quam Civium salutem curans, ad Carelas profugit. Rebus tamen utcunque pacatis, inglorius revertitur, & mox decedit. Alieno periculo meliores imperandi artes edoctus *Carolus*, quicquid deliquerat Botvildus, virtute sua emendavit. Cumq; innocentia ceteros anteciret, leges, quarum ipse exemplar fuit, subditis facile pervasit. Nec civibus magis quam peregrinis amatus fuit. Quorum in gratiam & istam tulit legem, ut, qui hospitem tecto ter arcuisse convinceretur, hujus, subjecto igne, comburerentur aedes. Istis moribus pacem magis quam arma excoluit: nec ullum ejus bellicum facinus commemorant fasti, nisi quod Tordonem generum, Norvegiæ Regulum, signis infestis se petentem, manu sua interfe-

terfecit. Ejus desiderium & amorem *Grimmeri* intendebat avaritia & crudelitas. (r) Deorum sanum Upsalæ diripuit, catenamq; auream immensi pretii & cetera delubri instrumenta abstulit. Exactionum præterea, quibus subditos exhauriebat, nullus erat modus. Nec ut patriæ necessitatibus subveniret; ut bene meritos ministros præmiaretur, ista corrasit: sed ut specioso fulgore insatiabiles oculos suos pasceret. Et cum publicum prædonem execrarentur Cives, vindictam non distulere fata. De improvviso enim irruentes *Esthones*, comprehensum Regem in furcam egerunt, suis succurrere parum laborantibus. *Tordoni*, quamquam egregiæ indolis, multum paterna delicta obfuerunt. Civium tamen benevolentiam summo studio adfectabat. Et profligatis *Esthonibus* atque *Saxonibus*, qui piratica *Codanum* mare infestabant, tam carus civibus evasit, quam exosus ante & contemptus pater fuit. *Gotharus*, Frotonem Vegetum (*Frêne*) *Daniæ* regem. ob cædem in Frogerum, socerum suum, *Norvegiæ* regem, patratam, interemit. Filio tamen ejus *Dano*, ejus nominis tertio, admodum puero regnum non ademittit. Quin adversus *Saxones*, bello lacessentes, auxilio juvit. (u) Inter hunc *Danum*, & *Gothari* filium *Attaulfum*, grave bellum exarsit. Decretum utrinque acerrime navali prælio: victus *Danus*, quiq; in auxiliis erant, cervices *Gothari* jugo submittere coacti sunt. *Attaulfo* *Algotus*, huic *Ericus*, & post *Lindormus* successerunt. Quo adversus *Esthones* & *Rutenos* occupato, *Dani*, *Fridlevo* Celere autore, excusso *Sveonum* jugo, in libertatem se adleruerunt. *Lindormo* mortuo, *Sveones*, *Gothis* in-

con-

(r) 344 f. Paul. (u) Joh. M. ex fragment. rerum Angl. & Dan. Romæ in ædibus D. Brigittæ allervatis.

confulcis, *Alricum*, Gothi pari æmulatione *Gestillum* (*Gestiblundum*) regem creavere. Hinc furiosa illa belli tempestas, quæ Regna florentissima civilibus armis diu afflixit. Alricus quippe universas Sveonum vires in *Gestillum* convertit. Hic resistendi impar, auxilia ab Rolero, Norvegiæ rege, & Frothone tertio impetravit: quæ ductabat *Ericus* Disertus; vir manu strenuus, & consilio non inferior. Primo impetu Gauthonus, Alrici filius, obtritatus est: Inde pater singulari certamine ab *Erico*, qui provocati *Gestilli*, sed senis & debilis, vices subiebat, oppressus. Ex vulneribus convalescentem *Ericum* Sveonibus per vim imposuit *Gestillus*: & in Gothiæ regno successorem etiam habuit. Erat hic natione Norvegus, & sub Getharo rege, virtutis tirocinia juvenis deposuerat. Inde Frothonis militiam secutus, stipendia plura meruerat. Cujus sororem *Gunnaram* in matrimonium accepit, eloquentiæ suæ præmium. Erat enim admodum disertus, &, quod mirere, avium brutorumque voces interpretari callebat. Sveonum Gothorumque inito regno, odia & contrariorum suffragiorum simultates prudenter composuit. Pace & pluribus commodis effloruit Principatus ejus. Proceslerat enim mortalium votis exoptata dies, qua clarissimum pacis sidus, servator Christus, mundo se intulit.

Caput VIII.

ERrico *Gödricus* & *Haldanus* filii fuere: illum Gothi, hunc Sveones, regem sibi eligunt. Nec defuerunt qui *Gödrici* aures pravis consiliis pulsarent: ignaviæ argumentum exprobrantes, majorem principatus paterni portionem secundo genito *Haldano* cecidisse. Sed ille civium vota, & fraternæ caritatis jura sanctiora apud se esse

reposuit, quam ullam ditionum amplitudinem. Si quietis impatientes essent, se gloriosum illis bellum quaesitum. (x) Et continuo in terras trans Codanum expeditione suscepta, armis eas in potestatem redegit. Hic vero copiis ejus divisas, pars ad Alpium juga delati, *Scitferos* condidere; alii in Britanniam concedentes, Pictorum genti originem dedere; Multicum Godrico in patriam reverterunt. *Filimerus* Magnus, alias Vilchinus, post patris reditum, totum istum Scythiae tractum, sub ditione sua tenuit. Sed non eadem *Niordiani* virtus aut fortuna fuit. Hunc quippe, omnesq; Gothosè Russia expulit *Hernitus*: qui per Sarmatiam & Scythiam palantes, popularibus suis in Thracia conjunguntur. *Hernitus* vero etiam in Sveones victoriam suam perlecutus est. Sed & ille reiectus, & filii ejus *Hernitus* & *Ofantrix* in expeditione illa interierunt. *Gödrici* expeditione imminutæ admodum fuerunt Patriæ vires. Itaque Norvegi, injuriarum, ab *Erico* illatarum, memores, *Haldano* bellum inferunt. Ille adsumpto in societatem *Fridlevo*, *Frothonis* filio, qui apud *Rutenos* degebat, Norvegos repressit. Et acceptæ operæ non ingratus æstimator; *Fridlevum* in paternum principatum adseruit; profligato *Hiarnone*, cui propter Epitaphium, in *Frothonis* cineres conditum, popularis æstimatio sceptrum dederat. Inde etiam adversus *Amundum*, Norvegiæ regem, auxilio juvit. Filiam enim ejus *Frogertam* in matrimonium frustra petens, repulsæ injuriam armis ulcisci statuit, patremq; interfecto, virginem, non invitam, duxit. Severum *Haldani* imperium averfati potentiores nonnulli, ipsum interficiunt. Et difficulter admodum filius ejus *Sigvardus* ad principatum pervenit. *Carolus* interim, *Niordiani* fili-

 (x) 2da Gothorum emigratio. A. C. 72.

filium, Gothi seorsim sibi regem capiunt: recruditq; so-
 poratus invidiæ dolor, qui horrendis casibus hæc regna
 involverat. Erant Olavo, Daniæ Regi, duo filii, Frotho
 & Haraldus. Hic Caroli filiam *Signem*, Frotho Ulfildam
 Sigvardo natam, uxores ducunt. Hæc, æmulationis im-
 patiens, maritum ad parricidium impellit. Itaque, sub-
 lato per insidias Haraldo fratre, Carolum, nepotum tu-
 torem, oppressit. Adultior interim *Haldanus*, Haraldus
 filius, Patris avique necem, patrui parricidio vindicavit.
 Sigvardum etiam socerum ejus pari ferocia sustulit. Nec
 stetit semel incitatus furor. Regem creaverant Sveones
Ericum, Sigvardi ex Ulfilda nepotem. Hunc bello per-
 sequens, graviter vulneratur. Ubi convaluit, iterum in-
 feliciter oppugnat. Ericus vero fortunæ suæ insistent,
 fratrem ejus Haraldum, rerum in Dania potiuntem, tri-
 bus fufum præliis, quarto interemit. Sed felicia ista tri-
 stior eventus exceperit. Haldanus quippe tot cladibus aspe-
 ratus, strenue moriendo, malis suis defungi satagebat.
 Sed, quæ hæcenus eum persecuta erat fortuna, ad ulti-
 mum non desistit. Pugna enim navali superior Ericum
 comprehendit, ejusque sanguine fraternis manibus & in-
 dignationi suæ parentavit. Ita sublati omnibus æmu-
 lis, Sveoniæ regnum adeptus est. Multis tamen displicu-
 it sceptrum, quod tot regum sanguine fœdatum erat. In-
 ter illos Sivaldus quidam, magno loco natus, animique
 audacia natales æquans, invidiosa regem oratione apud
 populum insectatus, *Miserari se, ait, fortunas Patriæ,*
quod in solio regio illum venerari necessum sit, qui tot illud
regum sanguine cruentaverit: Qui adolescentiam suam tot
parricidiis imbuerit: qui naturæ jus & patrui majestatem
conculcaverit. Illacrimare se, quoties Sigvardi & Erici re-
gum desideratissimorum, solum ab infami hoc parricida oc-
cupa-

capatum videat. Si generosum quodq; pectus justus concitaret dolor, externum hunc Tyrannum, tot sceleribus & parricidiis coopertum, cervicibus publicis haud diu insultaturum, justosq; & legitimos non defuturos principes, qui tantum dedecus & opprobrium virtute sua deleret. De tulissent Sivaldo imperium, nisi superveniens Haldani miles concionem disjecisset. Desertus itaq; Sivaldus, duello Haldanum provocat, & cum septem filiis interficitur. Pari virtute Hardbenum Helsingum, novem cubitorum mensura monstrosum, Cytherum etiam, Grimmonem, Ebbonemq; pluresq; alios gigantes, oppressit: habitusq; est inter pugiles ea tempestate, præstantissimus. Haldano mortuo, *Vingvinus*, Gothorum Rex, provecta jam ætate, Sveones & Danos sceptro suo adjungit. Perit vero Rengvaldi insidiis, qui regio sanguine ortus, per factionem optimatum Sveoniæ regnum consecutus erat. Parentis tamen necem ultus est sigvaldus, & in Selandia prælio victum Rengvaldum extinxit. Rengvaldo cæso, apud Sveones successit filius *Amundus*; quatuor liberorum genitor. In illis Hako, magnitudinis paternæ hæres, piratica Hiberniam vexabat. Helvinus vero Hagbartus & Amundus, ne fratri audacia inferiores haberentur, & ipsi piraticam aggressi, in Siggari, Danorum regis, filios Alsum & Algerum, eidem studio deditos, inciderunt, commissoque acriter prælio, pacis fœdus & amicitiam inter se sanciverunt. Cujus auspicio in regiam Siggari admissi, omnibus humanitatis officiis excipiuntur. Fuit autem Siggaro filia *Signe*, formæ & morum illecebris sui seculi facile princeps. In illam, mutui amoris flamma, statim exarsit Hagbartus; nec difficulter votis suis obnoxiam reddidit. Igitur Hildegisle ex Teutonia procus, amorem suum non incertum modo, sed & præventum dolens, ad in-

insidias, & sventa aulis scelera, convertitur, operam mercatus sycophantæ ejusdam Botvisi. Hic odiorum ingeniosus artifex, Alfum & Algerum, in eadem Helvini & Amundi induxit. Superveniens tamen Hagbartus, fratrum interfectores morte multavit. Hildegisle, nates telo trajectus, elapsus est. Hoc patrato facinore, justam Sigardi indignationem veritus, fuga sibi consuluit. Duro tamen amoris imperio subactus, haud dubium vitæ periculum subire coactus est. Itaq; muliebris cultus favore in regiam irrepens, furtivo Signes amore & amplexibus fruïtur. Voti sui damnatus, si invidenda ipsum felicitas non evertisset. Famulæ enim garrulitate vel perfidia proditus, multis stipatorum manu sua prius interfectis, in vincula abripitur. Inde ob eadem regionum juvenum filiaq; stuprum, mortis sententia prolata, infelici arbore suspensus est. Signe, ut amasio vicem referret, fideiq; non vulgare documentum proderet, incensa gynæconiti, populo gulam elisit. Tam funestum exitum amor incautus sortitus est; illis etiam exitiosum, qui supplicium procuraverunt. Hako enim, accepto fratrum interitu, omne piraticæ expeditionis robur in Sigarum convertit, eumq; interfecit: filiumq; ejus Sivaldum, vindictam cogitantem, altero prælio delevit. Et victoria inhumaniter usus, quicquid obvium erat, furori suo immolavit. (y) Ista sævitia omnem domus regiæ stirpem exscidit, sola excepta Gyrita, quam ex Alphilda, Sivardi Gothorum regis filia, sustulerat Alfus. Et cum nemo superesset, in quem regni fortuna transferri posset, singulæ provinciæ separatos accipere præfectos.

E

Caput

*****o*****

(y) Saxo, Lindenberg. Pontanus

Caput IX.

HAkone è vivis sublato, Sveones *Ingonem* suffecerunt, qui, oppresso Sigvardo Gothorum rege, principatum ejus sibi adseruit. Stabilita regum sede Uplalæ, illas eligendorum solemnitates ad lapidem Mora *Sten* sub dio fieri præcepit. Publicam etiam regni circuitionem (*Erifsgatu*) ab eo institutam memoratur. Duos post se reliquit filios, utrosq; reges. Majorem natu *Nearchum*, fata properata imperio eripuerunt; *Froë* vero diutius civium desideriis commodaverunt. Huic ex merito *pacifici* nomen impositum. Quam carus acceptusque civibus fuit, inde liquet, quod rebus humanis exemptum divinis honoribus donaverint. Si quis in Judicio probatione legitima deficeretur, rei dubiæ fidem armis adstruere permittebat. Successorem ejus *Urbanum* gemina soboles beavit: *Nordianum* sibi Norvegi (*Trondhemenses*) regem petiverunt: *Ostenum* paternæ magnitudo fortunæ manebat. Subditorum insidiis circumvento Nordiano, merito exacerbatus *Ostenus*, satrapem suum *Gunnarum* cum copiis misit, qui à perfidis pœnam exigeret. (2) Ille rigidi mandati executor sævus, nuper creatum regem *Rengvaldum* interfecit; & ex filia ejus *Drotta*, stupro cognita, *Hildigerum* procreavit. Devictis autem Norvegis (*Trondensibus*) & pessima conditione mulctatis, canem suum *Edv* per contumeliam imposuit: addictoq; satel- litio, regium ei honorem deferri sub pœna capitis injunxit. *Gunnaro* interfecto, *Drottam* sibi matrimonio copulat *Brocarus*, quæ *Haldanum* ipsi genuit. Hic cum ado-

(2) *Östin* *Ulrada* *Enar*. *Sturl. Saxo* lib. 7.

adolevisset, fratrem Hildigerum duello prostravit : Et ex Gyrita, Alfi filia, Haraldum, Daniæ postea regem, procreavit. Osteno sine prole macula defuncto, quadraginta circiter annis, regum creandorum suffragiis divisi inter se, Gothi Sveonesque agitabant. Quo temporis decursu apud Gothos sex, quatuor vero apud Sveones imperaverunt reges. Et *Siolmum* quidem Froë ex Gerda filium, sed turpissimum commessatorem, Gothi regem creaverunt. Cujus probrosam vitam consentaneus clausit exitus. Servorum enim suorum jurgiis, inter pocula oppressus, & in multis cadum submersus interiit. (a) Filium ejus *Sverkerum*, hominem robustissimum, ut manum lapidi impressisse dicatur, ferocior equus decussum examinavit. *Vallander* uxoris suæ Dvivæ beneficiis periit. Repudii quippe injuria efferata, incubo suffocari fecit. *Visburum*, hominem sordidum & ignavum, non impetrata repudiata matris Audæ dote, proprii filii incendio sustulerunt. *Domalder* cum regnum avaritia exhausisset, ad sedandam annonæ difficultatem, Thoreldæ Upsalæ immolatus est. *Domari*, per vitia sua invisus, regnum diuturnum non fuit. *Attila* apud Sveones defuncto, successus est *Digver*, virtute magis sua & meritis, quam natalibus conspicuus. (b) Patris meritum æquabat *Dager*, expeditione sua in Danos & Rutenos non infelix : *Alricum* ob imperii modestiam, plurimum amabant subditi; importuno tamen fratris Erii jurgio laceffit, inter venandum fræno capite comminuto, corrui, fratricida una expirante. *Ingo* (*Ingve*, *Ingemar* / *Agut* / *Snor. Sturl.*) Sveonum Gothorumq; imperio potitus, succrescentem

E 2

Ha-

(a) De hoc vid. fab. *Snor. Sturl.* (b) *Digvi var then fyrsti som kallades Rung / de forna het Drottar.*

Haraldi Hildetani, qui, in præfecturas dispersas Daniæ provincias, regis titulo collegit, potentiam supectans, bellum illi publice indicit. Anticipatis vero per Haraldum insidiis, scelere uxoris Skiælvæ, feminae Danicæ, in insula Agnasth, ubi nunc Holmia sita est, periit. Novam pœnam sceleris atrocitas meruisse videbatur. Itaq; egesta humo, in specum vivam intruserunt; indignam, quæ ad solis intuitum animam impiam efflaret. In fratris imperium, juxta & inimicitias, succedens *Ingellus*, Haraldum bis profligavit, sororemq; ejus Geram raptam, infelici sibi matrimonio junxit. Violato enim genialis thori sacramento, pudicitiam turpiter habuit. Hoc promiscuæ libidinis commercio, etiam mariti fratrem, Alferum implicuit. Nata hinc indignationis & odiorum acerbitas, in regis cædem tandem prorupit. Per idem tempus Hako quidam in Norvegia potens, excursionibus & latrociniiis Sveoniam vexabat, interfecto Hugglecho Alferi filio. In hunc armati *Jorundus & Ericus*, Ingelli filii, acerrimum prælium conseruerunt. Erico interfecto, Jorundusq; in fugam acto, lethaliter vulneratus Hako, in navim suam se deferri præcepit, sublatisque velis, in altum projectus, navem incendit, multiplicatæ mortis spectaculo, posteritatis commendationem redempturus. Regno solemniter inito, piraticam tamen semper exercuit Jorundus, & Daniæ ubiq; imminens, insidiis tamen excipitur & ad fretum Odafund, prope sinum Limfiord, elisa gula interiit. Supra modum indignatus *Haquinus Ringo*, Jorundi frater, Sveones virtute semper superiores, insidiis tamen Danicis succumbere, vindicta semel defungi satagebat: omnemq; bello aptam ætatem armabat. Tanti apparatus fama excitatus Haraldus, ex suis sociorumq; auxiliis, infinitam prope bellatorum vim contraxit. Pugnatum in Bra-

Bravallinis, Verendiæ campis, tanto animorum ardore, tanto pugnantium numero & virtute, ut nullum unquam illustrius prælium, in Borealibus his terris ad posteritatis memoriam pervenerit. Ipse Ringo inter primos Martem acerrime ciebat : *Starkaterus* & *Olo* ipsa agmina protrebant : Dalekarli sagittarii turbatos ordines in fugam verterunt. Regis sui morte vulgata (ab auriga Bunone interfectum constat) Dani non occulte pedem referre cœperunt. Ejus consternationis ignarus Ringo, fortunaq; strenue usus, stragem memorabilem edidit. Autor est Saxo, procerum Sveonum duodecim millibus desideratis, Danorum gregariis non computatis, triginta millia eminentioris militiæ cecidisse. Equidem, si ex apparatus magnitudine, & pugnantium ira, stragem æstimari conveniat, magnam fuisse crediderim, longe tamen infra istum numerum constituisse. Sed famæ in majus omnia extollenti velificatus Saxo, quousq; posteritatis admiratio progredi posset, experiri voluit. Modestior tamen hic multo quam in Frothonis Tertii facinoribus commemorandis lib. 5. p. 89. : quem uno prælio nongentas myriades Hunnorum devicisse, Regibusque centum septuaginta sub jugum missis, regna eorum sibi subjecisse, adseverat. Si totidem testibus factum adstrueret, sanis tamen fidem non faceret, cum tot Reges simul universus orbis non tulerit; & ad centesimam orbis partem, Frothonini nominis fama haud pervenerit. Tam illustri victoria potitus Ringo, perquisitum inter cæsorū cadavera corpus Haraldī, regio plane funere extulit. Rogo ex aurata ejus puppi constructo, corpus cum armis, & pretio rarioribus donis, cremavit; Cineresq; urnula collectos, cum equo aureis stragulis, titulo ejus dedicato, funerandos mandavit. Ultimo adjecto voto, ut hoc vectore usus, fati

confortes, ad nigram ditis aulam antecederet; ceteriq; illuc tendentibus placidarum expeteret sedes. Hoc pietatis officio defunctus, singulis belli ducibus militaria præmia distribuit. Starkaterus sola gloria contentus fuit. Oloni consanguineo Scaniz præfecturam dedit. Hethæ sibi tributariæ Juthiam & Selandiam subjecit. Sed feminæ jugum aspernati, Oloni potestatem in se faciunt. Mox consilii pœnitentes, ingenti auri pondere Starkaterum in cædem ejus impellunt.

Caput X.

ERat hic Starkaterus patre Storverko in Helsingia natus, supraq; communem staturam longe evehctus, pari robore & vivacitate tria hominum secula peregit. In Vichari Norigiz Regis jugulo, Deorum favori facinorum suorum principia dedicavit. Hinc piraticam agens, Russiam invasit: Superatoq; Flocco & contracta cum Biarmentibus athleticis familiaritate, Haldani Sveonum regis militiam secutus est. Inde in Hiberniam transiens, egregium fortitudinis specimen in Duos pugiles edidit. Et ne Russia virtutem ejus ignoraret, in rupe Anasiäll, magnæ opinionis gladiatorem Visinum oppressit. In Sarmatia Valse, in Thracia Tannam lucta contrivit. Hamo apud Saxones congressus, pugno ejus contusus in terram ruit: mox, indignatione vires acuate, immersum capiti ferrum uno ictu ad nates usque adegit. Rursus Haldani militiam amplexus, abstractum deliciis animum continuo armorum rigori impendit. Helgonis Norvegi sponsam, oppressis simul novem gigantibus in montibus borealibus, adseruit. Sex quidem sine mutuo vulnere, ceteros prope deficiens confecit. Virium & laudis æmulos, laceratorum robore, imbelles & effeminatos, aculeatis se-
veris-

verisque exprobrationibus ulciscébatur, Claro autem sanguine natos à majorum virtute degenerare indignanter tulit. *Ingello*, qui, damnato paternæ frugalitatis instituto, luxuria difflebat, saccum carbonum misit, ad nasum acuendum, ut inquiebat, quo necis paternæ autores pro merito multare auderet. Altero autem in virtutis viam non redeunte, memor familiaritatis, quæ sibi cum Frothone intercesserat, ipse in Daniam concessit, Regemque vitiis suis perditum, in meliorem frugem perduxit. Videtur equidem in gloriâ istius seculi hunc virum produxisse natura. Non enim fortitudinis laude tantum ceteros omnes anteiverit, sed sapientia etiam & integritate vitæ. Nullius thorum concussit, nec innuptarum pudorem sollicitavit : Castitatis in se pariter & aliis severus exactor. Gulæ illecebras, delicatasque nequitias hostili odio prosequébatur. Parcimoniam autem & frugalitatem unice amabat, & carminum eloquiis celebrabat. Erat enim in poësi patria disertissimus. Itaque & sua & aliorum præclara facinora æternitati consecravit. Historiam belli, quod inter Ringonem & Haraldum intercessit, adcurata serie digestam, memoriæ posteritatis tradidit. Neminem injuria affecit : nec quemquam provocavit, nisi laceffitus, aut sceleribus ejus iratus. Artem magicam, illis temporibus nimis familiarem, ut ingenuo homine indignam, aversabatur. Nihil denique in tota vita patraverat, cujus ipsum poenitebat, Olonis cædem si excipias, cujus ad ultimum vitæ punctum acerba ipsi recordatio fuit. Tandem proluxa ætate defessus, gloriosam vitæ seriem illustri actu abrumpere, fatumque proprio arbitrio sibi maturare, egregium putavit. Itaque prolato centum viginti librarum auro, quod emendi in se percussoris gratia gerebat, Hatherum, ad patris Lenni, a se interfecti, vindictam

etiam hortatur; *Diu, inquit, sibi tam clari percussoris operam desideratam; Horruisse ab ignava dextra fatum deprecere. Igitur jam vicem referat, jugulumq; obire cupientis, ferro vindice demetat.* Annuente ensem porrigit, monito tamen, ne muliebriter eo uteretur. Adjecit etiam, armis insuperabilem futurum, si peracta cæde, ante cadaveris lapsum truncum caputq; interfiliret. Caput cervice decussum, morsu terram petivit, ferocitatem retinens viventis. Percussor fraudem veritus, saltu abstinuit, ne forte eximii cadaveris mole obrueretur, tristemq; operæ commodatæ mercedem reciperet, Humanitatis tamen haud immemor, corpus ejus ultimo funeris honore prosecutus est. Generosum illud anticipatæ mortis consilium, in se exsequi noluit Ringo (vocatur hic etiam Aune in historiis nostris;) quin tantum ipsi fuit vitæ desiderium, ut, ejus prorogandæ gratia, novem ordine filios Odino immolaret Snor. Sturl.: singulorumq; parricidio decennium lucratus, eo ætatis processit, ut infantium more, lacte in os instillato, sustentandus foret. Cron. Sveon.

Caput XI.

ITa fracti ab Ringone Dani videbantur, ut, ad libertatem rursus aspiraturos, nemo crederet. Sed ut nemo tam imbellis afflictusve est, quin spei melioris capax sit, ita Olonis filium Omundum, pro libertatis recuperatione nihil non audentem, cupide amplectuntur Dani. Quoque facilius ausa perficerent, *Egillum Vendelkråka*, rerum in Sveonia potitum, & non dubium rebellionis vindicem, bello domestico implicaverunt. Motibus illis tandem compositis, cum pro victoria, Diis suis Uplalæ sacrum faceret Egillus, taurumq; ferientium manibus elapsum, non cer-

to

to satis venabili ictu impeteret, cornibus ejus transverberatus corruit. *Otarus* (Gotharus) nunquam fidum Danorum obsequium videns, nisi ferro coerceretur, maluit patrio regno frui, quam in alieno acquirendo vires suas atterere. Igitur legatum suum Ebbe in Daniam expedit, nuptiarum inter se & Omundi filiam conciliatorem. Re ex votogesta, reversum, ad sponfam adducendam, iterato mittit. Sed in itinere insidiis tantum non oppressus, acceptæ injuriæ nuncius regi suo fuit. Nec dubius à Sivaldo, virginis fratre, insidias structas, pœnas de perfido sumere festinabat, quem, in Scania cum delectis militum occurrentem, profligavit; &, quicquid intra fretum Deresund fuit, ditionis suæ fecit. Iterum, reparatis viribus, belli fortunam subeuntem, præfectus Scaniæ Simon Snare (celer) internecone delevit. Sclavorum interim captivitate elapsus *Jarmericus*, ad recuperandam Scaniam animum adjecit. Et commodum ipsi accidit, quod Sibbonem quendam, stupri cum sorore sua compertum, supplicio affecerat Gotharus: Propinqui quippe ejus, cædis injuria se læsos arbitantes, ad Jarmericum profugerunt: eiq; Scaniæ recipiendæ adjutores fuerunt. Circa hæc tempora a. C. 382. sæva fame septentrionem nostrum adflictum fuisse, memorant annales, magnamq; hominum multitudinem, Acone & Ebbe ducibus, patria egressam, quaesitis primum circa Rhenum sedibus, inde inter Alpes & Apenninum confidentem, gentem Longobardorum condidisse. Originis equidem veritatem sibi constare, nemo dubitaverit; cum præter publicam traditionem, ipsum nomen id evincat. Sic enim ab armorum genere, & longis bipennibus (nobis *långa Bårder*) non à prolixitate barbæ, multis nationibus tunc usitatæ, dici ratio persuadet. Temporis tamen supputationem vacillare is facile

leprehenderit, qui Straboni, Ptolomæo, Paterculo, Tacitoque Longobardicum nomen, & quidem Germanico cælo ferocius, innotuisse videt. Rem intricatam facile tamen expediverit; prout Gothi etiam primum Bericone duce, inde Gôtherici auspiciis, multis seculis post, è Scandia eruperunt. Pontanum interim Stephaniumq; Vanefridi commentarium obstrigilantes miror; & ex carmine quodam Gothico vetustissimo, ut ajunt, aliam emigrationis Longobardicæ seriem comminiscetes. Itane homines, famæ suæ securi, fucò apertissimo, legentium oculis illudere se posse speraverunt? Carmen illud nec vetustum, nec Gothicum, sed heri aut hodie, ab inepto quodam versificatore, & quidem dialecto Jutica consarcinatum esse, qui primis labris veteris lingvæ saporem gustavit, facile discernet. Priusquam in Italiam irrumperent Longobardi, reges habuerunt, *Aconem, Ebbe, Hagilmundum, Lanussionem, Cethum, Hildochum, Godocum, Classo, Tatbo, Vaco, Valdaricum, Andainum, & Alboinum*, a Narsete, in Italiam, contra Gothos, cum gente sua illectum. Inde ex auxiliatoribus Domini facti, fundato imperio, triginta duobus regibus paruerunt. Donec eorum ultimum *Desiderium*, Romano Pontifici gravem, Carolus Magnus devicerit, gentemq; bellicosam imperio suo subderet. Sed ex diverticulo ad domestica redeamus. Post Otharum *Gudmundus*, inde *Adelus* (*Uldr. Attil*) imperavit, qui suis Sclavorumque viribus, de Jarmerico triumphans, cum vota & supplicationes Diis Upsalæ redditurus esset, equo ferociori, quem in deliciis habebat, excussus, cervicem fregit. *Estenus* ob impotens imperium suum, à subditis interfectus est. *Ingemar* *Ruthenos, Essthom* & *Curetes* feliciter domuit. Danos etiam è Scania ejecit: quorum tandem insidiis, ad insulam Lagundoë,

in

in freto Baltico circumventus, interiit. Omnem movebat lapidem *Sivaldus*, ut Scaniam reciperet, Holstani, Gothorum regis, præsidio bene munitus. Sed astutior filius ejus *Snio*, matrimonii cum filia Holstani obtentu, amissæ provinciæ imminabat. At quorsum ista tenderent, non ignarus parens, nuptiarum ipem præcidit, filiam *Biörnioni*, Sveonum Regi, in matrimonium collocando: quem mox rebus humanis exemptus, in Gothorum regno successorem habuit. Insidias nihilo secius pertexuit *Snio*, subornatis lenonibus, qui reginam pellicerent. Et illa muliebri levitate, legitimi thori posthabita fide, ad dedecoris sui procum concessit. Inde belli funesta seges, quæ utraq; regna cladibus diu concussit. Quæ infsecuta sunt tempora, continua calamitatum serie, patriæ suæ funesta, alto silentio involvit Saxo: ne gentis suæ servitutem & dedecus edisserendo, posteritati proderet, ad quæ cum rubore memoriam retorqueret. Conqueritur de hoc Historicus eorum *Hvitfeldius*, in vita *Haraldi* quarti, & trecentorum ad minimum annorum defectum deplorat. Istam jacturam non paucorum adhuc accessione augent *Lyscander* alique; quibus & suum calculum adjicit *Meursius*. Sed omissis externis, nostros annales consulamus, qui sequentes nobis reges exhibent. Post *Ravallum* præfuere *Svartanus*, & *Tordo*. Deinde *Rödolphus*, qui relicto patrio principatu, ad popularem suum *Theodericum*, Gothis in Italia imperantem, concessit. Domesticis vero rebus *Hasthinus*, mox *Attila Tordoq;* præfuerunt. *Algutus* innanium curiosus, dum Cervis jugalibus sylvestres Satyros confectatur, Ruteni regnum ejus pira: tica vexant. Qua occasione usus *Ostannus* sceptrum invasit. Sed insolentem ejus dominationem, ab Civium cervicibus, depulit *Artus*, Tyranni gula laqueo elisa. Inter hunc

hunc *Artum & Biörnnonem*, Caroli Magni æqualem, octo in fastis patriæ recensentur Reges; *Haquinus*, Caroli duo, *Birgerus*, *Ericus*, *Torilus*, *Biorno & Alricus*. Atq; hi sunt reges, qui ab ultima antiquitatis memoria, rerum in Scandia nostra potientes, extiterunt, quamdiu ad gentilis Idololotriæ abominaciones projecta fuit: Quorum multa, præclare facta, posteritati ideo ignorantur, quod haud pleno famæ præconio excepta, longi temporis injuria oblitteravit.



EPITOME HISTORIÆ SUIO- GOTHICÆ.

LIBER SECUNDUS.

Caput I.

HActenus gentis nostræ primordia, res
domi militiæque memorabiles, & in Diis
suis colendis operosam sedulitatem, pro in-
genii modulo, persecuti sumus : nunc læ-
tiori auspicio, reliquum narrationis textum
ordientes, immensam Dei bonitatem suppliciter venera-
mur, qui lacrimabile orbis Arctoi fatum miseratus, gra-
tioso vultus sui sidere, opacam impietatis caliginem di-
spulit; & sacratissimis Oraculorum iussionibus, æternæ
voluntatis suæ imperium popularibus nostris patefecit.
Moderabatur tunc, A. Ch. 800, inter nos imperii habenas
Biørno, cum Carolo Magno, Christianam religionem apud
Saxones propaganti, varias molestias creavit Rex Daniæ
Gótricus, Idololatricæ impietatis Patronus acerrimus.
Cujus insolentia ut frænum poneret, per legatos fœdus
cum *Biörn*one pepigit. Horum opera Christianis sacris
imbutus Rex *Biørno*, subditos suos eidem religioni initia-

ri fatagebat. Itaq; missum, à *Carolo* Herbertum, doctrinæ propagatorem, summo amore complexus, O-Gothorum Pontificem constituit, exstructo Lincopiæ templo splendidissimo, quod sacrorum usui inserviret. Sed cum unius opera tanto labori non sufficeret, missis legatis, *Ansgarium*, monachum Corbegensem impetravit, qui *Birgam*, urbem regni tum principem, ad Christianam religionem convertit. Hac tempestate Vineta, florentissimum ad Viadrum emporium, orta discordia inter Vendos, Germanos, & Gothicæ nationis cives, deletum est: Cujus interitus tanta urbi Visbyensi, in Gothlandia, incrementa dedit, ut omnibus inde, mare Balthicum navigantibus, jura maritima præscriperit. Tantas jam in Patria radices Christiana religio egerat, ut, nisi insequentium aliquot regum scelera & parricidia intervenissent, extirpata penitus gentilis impietas fuisset. Mortuo quippe *Biörnone*, *Bratemundus* & *Sigwardus* Frò de principatu armis contendebant. *Bratemundus*, ut fratrem *Sigwardum* opprimeret, regis Norvegiæ *Sigvardi* operam impetravit. Pugnatum in *Nericia* contrariis fratrum aulpiis. Victorque *Sigwardus* *Bratemundum* interfecit: Inde totam belli molem in *Sigwardum* Norvegum, ob fratri latas suppetias, convertens, ipsum e medio sustulit, omnesque illustiores feminas impuram pati vim coëgit. Sed haud diuturna ipsi Norvegiæ fuit possessio, quam sevitia & jam exasperaverat: Avi enim cædem & materni sanguinis injurias ulturus, *Rægnerus* *Vodbrof*, Daniæ rex, in vasoris sanguine, defuncti manibus, laceffitæque matronarum pudicitiae litavit. Quoque facilius Scaniam, quam ad regni sui corpus pertinere arbitrabatur, occuparet, *Thoram*, *Herotbi*, qui *Sigwardo* & *Bratemundo* in regno successerat, filiam in matrimonium accepit, pluresq; ex ea filios

genuit, quæ res magnas deinceps turbas concitavit. Cum enim, Herotho mortuo, *Carolus*, qui aliis perperam *Sorlus* dicitur, sibi regem creavissent, filios suos, materni sanguinis prærogativa, Sveonibus obtrudere satagebat Regnerus *Lodbrok*. Ea contentione ad armorum certamen deducta, *Carolus* victoriam pariter & vitam amisit: filius Regneri *Biørno* regnum invasit: quo tamen brevi post spoliatus fuit. Illegitimum enim alieni principatus usurpatorem, publicis viribus exturbavit *Ingellus*. Qui cum publicas opes, multum ex eo imminutas esse, deprehenderet, quod in plurium regulorum, Satraparumq; (*Härads-Konger / Stätte-Konger*) præfecturas dispersæ essent regni ditiones, sublati Tyrannionibus istis, opes

Ingiall Alrada war Öfwer-Kong
i Upsala/ han wille taga af daga
alla Härads-Konger/ som wero
blefne sedan Riket gick i brödra-
skipte. Wdd så til sitt Kongl. arf-
wedhl alla jarlar och lyde-Kongar:
När de suto i sine höga säte/ stegh
Ingiall upp af pallen/ togh wijdh
det stora horn och swor/ at han half-
parten mehr skulle uthwidga sitt rike
eller wdd der öfwer: Sedan när al-
la wero druckne/ tände han eld på
salen/ och brende dem inne/ och ator-
de sig til Enewals Kong. Men
Gram af Sudermanland war intet
der/ han gjorde förbund med sin
swärfader Aune Östgötha-Konge/
och sin mågh Stortward. Ingialds
dotter het Asa Alrada/ han fick Bud-
eorum sibi subdere
decrevit. Hujusque
consilii sui certus,
duodecim eorum,
convivii simulatio-
ne proditos, sustu-
lit. Quo facto Prin-
cipatum quidem su-
um dilatavit: volun-
tates vero civium
non parum offendit,
ut de cetero ipsum
Alrada vocitarint.
Biørno interim au-
xiliantibus fratribus
Ivaro Widfaren &
Vid-serko adpropin-
quabat. Quorum
viribus impar In-
gel-

gellus, quod civium benivolentia destitueretur, svadente Asa filia, incendio se consumsit. Filius vero ejus Olaus Tråtälta/ quod universa Ingelli stirps, ob patris scvitiam, ad necem bi consulit: Et ad flumen Gothaelf confidens, excultis solitudinibus, Vermelandiæ nomen dedit. Hinc civium sibi conciliatis animis, viribusq; auctus, incubantes patriæ Biörnönem & Ivarum profligavit. Biderikum etiam, qui latrociniiis suis in Russia creverat, Finlandiæ imminentem, armis submovit. (c) Mortuo Erico & Canuto Hirsuto (Fodensnut) pupillarem ætatem non egresso, regnum Dantiæ occupavit & per quinquennium retinuit. Duos reliquit filios, virtute & fortuna sibi æquales. Haldanum quippe. (d) Hwistbeen / natu majorem, Norvegiani sibi regem constituerunt: Ingo, paternæ magnitudinis hæres exstitit, atque ita non sine magno labore ejus æmulis, rebusq; domi compositis, ad ultima fata principatum suum pacate continuavit. Quo magis miror Sturlesonium scripto prodidisse, Odino ipsum immolatum fuisse: cum nec in prælio ceciderit, cujusmodi Odino immolare dicebantur: neque, ut Domalder, in publico regni sacrificio per victimarios immolatus fuerit. Ingo suscepta in Rutenos expeditione ditiones eorum longe lateque

(c) Ericus Pomer. Erpold. Udenberg. Pontanus, Meursius,

(d) Cron. Vet. Ol. Pet,

vastavit. Simulates vero cum Daniæ regibus quieverant, quia Regneri filiam in matrimonium acceperat, ex qua *Ericum* *Wälderhätt* successorem sibi habuit. Tantæ hic fuit in magicis artibus experientiæ, ut ad pilei motum ventorum oblequia moderaretur. *Ericus* *Egersüll* (victoriosus) delatum sibi regnum magna gloria cumulavit. Agnerum enim, Lodbroki filium, Britannia ejectum, fratrumque exemplo Sveoniæ inhiantem, è medio sustulit. Inde Curetes, Estones & Prussos, piratica Haraldi *Blåtand* irritatos, nec à maleficiis in Sveones & Gothos sibi temperantes, magna ipsorum clade perdomuit. Itaq; cum fortitudinis ejus fama late inclaresceret, arctiorem cum illo amicitiam inivit Otto primus. Displicuit autem summo opere Haraldo, tantorum Principum potentiam scedere coaluisse: Regemque, sua sponte commotum, magis incitabat Sturbiörnus, Biörnons istius, qui Sveoniam prius vexaverat, filius. Hic, sorore sua Gyritha Haraldo conciliata, ope ejus in spem Sveoniæ, sibi subjiciendæ, erigebatur. Igitur ad sua defendenda revocato Haraldo, *Ericus* Sturbiörnnum pugnare audentem delevit; locaque præsidii apta, ad fretum usq; *Öresund* milite insedit. Pax interea inter imperatorem & Haraldum hac conditione sancita fuit, ut Christianæ religionis sacra amplecteretur. Rebus ita compositis, impietate Svenonis *Stu'tve'städgg* (barbæ bifurcatæ) excipitur: qui, multitudine sibi conciliata, parentem, tribus præliis victum, extinxit. Sed execrandum istud scelus haud diu impune tulit. *Ericus* quippè *Victoriosus*, memor, Haraldi se pridem armis lacescitum, exercitu in Daniam trajecto, Svenonem regno exiit. Itaque laribus exul, & extorris, Olai Tryggesonii, inde etiam Edelradi opem suppliciter imploravit. sed ab Norvego & Anglo juxta spretus, ad Scothos

G

pro-

profugit, ibiq; quatuordecim annos (Adam Bremens. l. 2. Cap. 10. & Meurs. Hist. Dan) in exilio vixit, ad mortem usque Erics Sigerfäll.

Caput II.

Ericus Stenkil (Erich Värfsäll / Erich sin milste) pater-
no principatu solemniter inito, ad collapsæ religionis
Christianæ restorationem animum adjecit. Adalvardus
& Stephanus, quos Bremensis Archiepiscopus miserat,
Upsalam, Sigtunam, & Bircam, fama veteri, populiq;
frequentia inclitas urbes, obeundo, æterna Dei oracula
incessantes edisseriebant. Tantoq; populi applausu excepti
sunt, ut pro una sacrorum celebratione, sexaginta, sep-
tuaginta alii, librarum argenti puri symbolam in medi-
um contulerint. *Sed, ut bona causa perperam agendo pe-
rit; ita inconsulto eorum zelo, optatissima initia pessime ce-
ciderunt.* Cum enim, rege frustra dissvadente, lucos
sternere, Deosq; Upsalæ dejicere cœpissent, populus, Chri-
stianis sacris nondum penitus imbutus, in furorem actus,
regem pariter & Adalvardum trucidavit. Stephanus in
silva Helsingiæ, Odmarfen / interfectus, & ubi postmo-
dum Ecclesia Norala constituta, fumeratus est. Stenkil-
li frater Olaus Skott-Konung / Sigfridi, Elchilli & Da-
vidis, ab Edelrado, Angliæ rege, missorum opera gen-
tilem impietatem penitus delevit. Controversiarum deci-
sionem, armorum certamine hæcenus peractam, abro-
gavit, ferriq; candentis tactionem induxit, quod, ad fir-
mandam doctrinam, ignitum portaslet ferrum religio-
nis præco Poppe Anglus. Runas etiam istorum (vasu
aboleri permisit, ut cum prisca literatura, impiæ super-
stitionis monumenta tollerentur, latinosq; characteres in
re-

reſectorum jura adoptavit. Inter hunc & Olauum Trygg-
geſon / regem Norvegiæ, ſpreti matrimonii injuria bel-
lum conſcivit. Cum enim Trygggeſonius ſpe matrimonii
Sigridæ Storrida (Sigrid hin riſta) viduæ Erici Seger-
ſall / matris Olai Skott-Konung / Daniæ immineret, Sve-
no Tiuſveſtidgg / in amiſſum quondam regnum jam re-
dux, nuptias iſtas actu diſſolvit, oblato filiæ ſuæ Thy-
ræ matrimonio. Igitur Trygggeſonius, jam alienatus, Sigri-
dam per colloquii ſimulationem in navim ſuam invitata-
; caſus fortuiti ſpecie, in undas præcipitavit, periſſetque
ampliſſimæ venerationis fœmina, niſi ſuccuriſſent ſui.
Sic voti ſui compos Sveno, Sigridam, Olao propter in-
juriam inſenſiſſimam, uxorem duxit, negatiſq; filiæ Ty-
ræ nuptiis, gemina fraude circumvenit. Sturlæſonius
tamen hæc aliter enarrat: Sigridam nempe Trygggeſonio
ſolemnibus nuptiarum facibus Kunghellæ nupſiſſe. Sed
cum ſæpius monita, majorum religionem deſerere nolu-
iſſet, maritum ira ſuccenſum chirothecæ verbere obſtina-
tæ frontem perſtrinxiſſe : fœminamq; non humilis ſpiritus,
contumelia exacerbatam, in patriam revertiſſe, diſiſſima
quæquæ marito imprecatam. Itaq; utroq; matrimonio fru-
ſtratus Trygggeſonius, Svenonis perfidiam armis ulciſci
aggreſſus eſt : Sed, cum duorum regum vires ſuſtinere
non poſſet, navali prælio in freto Dreund victus, ut erat
armatus, in mare ſe præcipitavit, ne vivus aut mortuus
in hoſtium poteſtatem veniret. Hac victoria potiti, No-
rigiam inter ſe diviſerunt Olaus Skott-Konung / Sveno
Tiuſveſtidgg / & Ericus Jarl. Perſimilis autem hæc di-
ſtributio illi fuit, qua leonem, vulpem & Aſinum præ-
dam inter ſe partitiſ aliquando, commemorat Mytholo-
gus. Dano enim & comite excluſis, totam ſibi Norigi-
am vindicavit Olaus, Præſecto ibi conſtituto Svenone
Jarl,

Jarl, cui sororem Holmfridam desponderat. Interea ex Anglia reversus Olaus Digre (crassus) filius Haraldi Grønste/ populares ad libertatem recuperandam stimulabat. Cui præter publicæ servitutis dedecus, privatae etiam irarum causæ fuerunt; quod patrem Haraldum, inverecondiæ ejus irata, Sigrida Storåda hic in Sveonia incendio consumsisset. Piratica igitur Sveones aggressus, multa circa Melerum damna dedit. Sed, cum servato freto Norström/ incumbenti Sveonum classe, elabi non posset, excavata de noctu isthmo, Söderström/ rates suas in mare deduxit. Inde Gothlandia prædis & latrociniiis diu vexata, domum reversus, totam Norrigiam ad rebellionem concitavit. Quam ut ad obsequium reduceret, magnum exercitum expedit Olaus Skott-Konung. Venum duce in itinere mortuo, totus ille apparatus frustra fuit. Commerciis interim ultro citroq; interdictis, non parum incommodi utrinq; acceptum est. Itaque Olaus Digre procerum suorum svasu, per legatos filiam Olai Skott-Konung Ingridam ambiebat: ut affinitatis vinculo odia hæcenus exercita quiescerent. (e) Et quamvis generum superbe aspernaretur, minis tamen Ravalli Jarl & Torgni judicis, legatorum petitioni annuere coactus est. Cum maturum erat, ut promissa implerentur, assensum retractavit. Res tamen sapientum interventu, atque Astridis, ignobilioris filiæ, utpote matre Vendica natæ, matrimonio compositæ fuerunt. Pacem etiam & amicitiam inter Canutum Divitem & Olaum Crassum conciliavit: quod materno sanguine Frater Canutus, alter gener suus esset. Mortuo vero Olao Skott-Konung/ amicitia istius arbitrio, Canutus Norrigiæ inhians, domesticis tumultibus Olaum impli-

(e) Snor. Sturl.

plicuit. Quibus difficultatibus pressus ad Amundum Annosum, quem alii Carbonarium vocant, quod maleficorum ædes comburere solet, confugit, qui Parenti suo in regno successerat. Hic periclitantem amicum ope juvandum ratus, belli in Canutum gerendi se participem fecit. Confugerat etiam ad Amundum Ulfo. *Sprafte Mag/* Sveo natalibus, sed qui, dolose impetratis nuptiis Estritæ sororis Canuti, affinis iram metuebat. Bellum decretum tripartito geri è re visum. Terrestrem exercitum in Scandia duxabat Amundus : navalibus copiis Selandiam infestabat Olaus : nec spernendæ classis ductor Ulfo Blekingiæ littora legebat. Sed Olai quidem naves, superveniente Canuti classe, cui Haquinus præerat, dissipatæ fuerunt. In Scania vero ad Stånga pñlit pontem inter Amundum & Canutum pari clade certatum est. (f) Ulfo, quos sibi hostes fors commiserat, stratagemate delevit. In Norvegiam fugiens Olaus, iterata civium rebellionem exipitur : itaq; rebus suis desperans, ad Jarislaum adfinem, Rutenorum Principem concessit. Canutus filium Svenonem Norvegis, haud invitis, regem imponit. Sed severitate ejus offensi; Olaus ab exilio revocant; domestico mox bello per quosdam, Canuti pecunia corruptos, interficiendum. Mirari hic licet frontem Stephani & Pontani, qui nulla monumentorum fide, contra omnem veritatem, Canutum etiam Sveoniæ regem fuisse adserere non verentur: tantum quia versus quidam vulgares quinq; eum regna tenuisse adfirmant : quæ coætaneus Canuti Encomiastes egregie hoc ordine enumerat : Dania, Anglia, Britannia, Scotia & Norvegia. Sex vero præpollentium regnorum

G 3

pos-

(f) Emundum in Scania cæsum, sed pari clade victoriam Canuto stitisse, Meursius scribit.

possefforem Saxo facit: nec, quæ fuerint, addit: Sveoniæ interim regem nusquam appellat. Angliam, Norigiam & Daniam imperio suo complexum fuisse, annalium monumenta non diffidentur. Cum vivere desisset Amundus Carbonarius, delatum est regnum ad filium ejus Amundum Slemma (vilem) impari matrimonio susceptum. Hunc veteris historiæ Danicæ fragmentum, de terminis inter Gothiam & Scaniam ponendis, Dano assensisse memorat. Cujus assertionis fides ut suspectissima, ita illud neutiquam dubium, Danos Scaniæ semper inhiavisse, istamque cupiditatem bellis sæpe occasionem dedisse: prout eadem de causa, inter Amundum hunc vilem & Carlutum, in Scania ad Stangapelle pugnatum est: ex qua pugna inferior Amundus discesserit. Meminit hic Cronicon nostrum vetustum, ut & leges Vestro-Gothorum, trium regnorum reges in insula Danaholm convenisse: Regique Upsalensi equum conscendenti frænum tenuisse Danum, Norvegum stapedes. (g) Contrario plane sensu ante centum triginta circiter annos, typis ista evulgavit Gothofridus Gemmon, regique suo hanc honoris prærogativam adrogavit. Unde tragice in Messenium debacchatur Vormius, quod, quæ jam orbi propalasset typographus Gothofridus, tam nequiter pervertere ausus fuerit. Equidem si monumentorum auctoritate standum, Gothofrido non cesserint leges nostræ;

&

- (g) In contiguis Hallandiæ Sveoniæ & Norvegiæ finibus insula mediocris est, parvam Daniam dixere, proprie tamen Hisingia appellatur, limites regnorum borealium moderni: Et ibi quieville tres Reges, & convivatos esse, tempore decreti Senothoniani super ingenti saxo, quolibet tn. in regno suo existente, libelli decretorii narratione notum est. Lysander in descript. Hallandiæ.

& non improbæ notæ Cronicon, vetustissimæ utraq; antiquitatis; Messeniusq; ab omni calumnia vacuus, qui, quæ in publicis monumentis reperit, cum fide descripsit. Vormio interim, an leges istæ uspiam gentium extiterint, non tam religiose quam perfide dubitanti, scrupulum adimere potuerunt, quæ literatorum teruntur manibus, vel, si tanti interesset, quæ in regni Archivis adlervantur exemplaria. Ceterum, ut sine ambitione, quod sentio, scribam, vix mihi persvadeo, tantam istorum temporum fuisse simplicitatem, ut rerum potientes ad ista demissionis officia descenderint: sed mutuam regum benivolentiam & humanitatem, ambitiosis utrinq; civium præconiis exceptam, talem sui tamam ad posteros propagavisse.

Caput III.

A Mundo è vivis excedente, Gothi Haquinum Rôde (rursum) Sveones Stenkilum ad regiam dignitatem extulerunt: prorupissetq; vetus discordiæ malum, nisi Stenkilus juvenis, Haquino, provectæ ætatis viro, cessisset, quod ejus fata utrumq; sibi regnum maturavissent. Danos in Scaniam irrumpentes sæpius profligavit. Successit ipsi Ingo, vir summæ integritatis, & ob bellum adversus Jarislaum, Rutenorum principem, feliciter confectum, magnæ apud suos existimationis. Bellum etiam gessit cum Magno Olai filio, Norvegiæ rege, de regni limitibus ad lacum Vener. E Scania etiam Svenonem Estritium ejecit; ubi tamen brevi post Danorum insidiis interiit. Sed vindicavit fratris fatum solumque Halstanus. Philippus insigni modestia principatum administravit. In Ingone, per venenum sublato, continuata regum, ejusdemque sanguinis series interrupta est. Ex uxore Ragnila,

quæ in Divorum numerum postea relata est, Christinam, S. Erici uxorem & Margaretam, Nicolai Danorum regis conjugem procreavit. Certantibus hinc votis, Ragvaldus Knaphöfde à Sveonibus, Magnus vero, Ingonis ex Margaretha nepos, à Gothis in regium solum evehuntur. Hic Canuto confagvineo suo interfecto, cum Daniam multis difficultatibus implicuisset, ab Erico Canuti fratre é medio sublatus est. Ragvaldi etiam violenta fuere fata. A Westro-Gothis enim prope Scaras trucidatus est: quod non requisita fide publica provinciam eorum intrasset. Ita enim civium libertati providerant leges, inde à primis temporibus, ut regi post solemnem inaugurationem, singulas regni provincias, jurisdictione & limitibus discretas, obire volenti, provinciæ legati ad limites occurrant, regem honorifice excepturi; privilegiisque & immunitatibus ab eo confirmatis, ad collimitaneæ provinciæ territorium deducturi: pari inde obsequio & reverentia excipiendum. Anno 1140. consilio Lincolniensi interfuit Cardinalis Nicolaus Albanensis Anglus, qui postea pontifex creatus, Adriani quarti nomen sibi induit: Henricumque Episcopum Upsalæ constituit. Magno adhuc vivente Gothiæ primum, mox etiam Sveoniæ Rex creatus est Svercherus, qui Ulfhildam Noricam, Nicolao Dantiæ Regi desponsatam, nuptiis sibi copulavit, & ex ea Carolum regni successorem reliquit. Alter vero filius ejus Johannes, ut aliquo facinore se strenuum demonstraret, conjugem sororemque viduam Caroli Hallandiæ præfecti, ad libidinis consortium raptas, in Sveoniam duxit. Quibus ad stupri vices evocatis, cum libidinis æstum fatiasset, parente populoque flagitium execrante, utramque remisit. (b) Qua rei indignitate motus Sveno Gratenhed bel-

*****?
(b) 1154. Pont.

bellum in Svercherum parat. Nec minus acerbat i Sveones, unius libidinem publicæ calamitatis causam futuram, Johannem, in bellum stipendia exigentem, interficiunt. Pater, filii nece periculi sui admonitus, in tutiora se recepit. Svenno interim, in Finvediam & Verendiam excursionem facta, multa damna, ad defensionem non satis paratis, intulit. Sed, cum in prædam raperentur omnia, aut incendiis vastarentur, agrestium multitudo, quæ facultatum suarum ruinam cum dolore adspiciebat, interceptis itineribus, factaq; arborum concæde, totum Sveonnis exercitum internecione delevit. Atque ita parva rusticorum manu, in patriæ prædones vindicatum fuit. Ipse Svercherus postea, cum ad sacra audienda properaret, ab servo suo stabulario, Magni Scatleri, regno inhiantis, pecunia corrupto (Messen. Tom. 2.) interfectus est. Itaque Gothi filium ejus Carolum in parentis locum surrogarunt: Sveones vero Ericum Jadvarson, Regis quondam Ingonis generum, regnare jusserunt: Virtutem ejus magis quam natales respicientes. (i) Rustici enim cujusdam divitis & honorati filius in Uplandia fuit: sed virtute & meritis summorum fortunam æquabat. Ad regnum effectus, juris patrociniū præcipuam muneris sui partem esse existimavit. Itaque leges veteres emendavit auxitq; quæ propterea Leges S. Erici etiamnum dicuntur. Ad juris sacerdotium, pietatis & religionis curam adjecit. Itaque Templum S. Trinitatis, ab Stenkilto & Olao Stotts-Könung inchoatum, sed per temporum negligentiam in ruderibus suis sepultum, consumavit, dedicavitque. Fin-

H lan-

- (i) Pro unione Gothici & Sveonici regni decrevisse ordines, ait Messenius, ut ex Svercheri & Erici progenie alterni reges caperentur, Tom. 2.

landos etiam, qui nondum cervices Christo submiserant, ad Christianam religionem convertit. Tantis tamen meritis indignam mercedem reportavit. Henricus quippe Scatler, quem ex Ingridæ, Ravaldi Knaphöfde filia genuerat Sveno Danus, domestica inopia ad aliena invadenda stimulatus, cum filio suo Magno, ex perditis quibusdam Sveonibus inita sceleris societate, Ericum, sacris Upsalæ vacantem, nefarie trucidavit. Ad tristem optimi Regis sui interitum vindicandum accurrentes Helsingi Uplandique, parricidas prope Upsalam justo supplicio adfecerunt, spoliisque ipsorum templum Danicæ ædificaverunt. Regis vero viventis innocentia, & civium in defunctum pietas, ipsum in Divorum numerum retulit. Igitur Sveones, Rege suo Erico orbat, Carolum Svercheri filium, Gothorum regem, ipsi sufficiunt. Qui summum Ecclesiasticæ dignitatis culmen ad regni maiestatem pertinere arbitrat, privilegium ab Alexandro tertio Romano Pontifice pro summo sacrorum Antistite, Upsalæ constituendo, impetravit. Creatusque est Stephanus primus Archiepiscopus Upsalensis; cum Antecessores ipsius, Episcopi solum nomine insigniti fuissent. Idem Alexander Papa, per Petrum Arosiensem Episcopum, ordinarium, cum suis successoribus, sedis Romanæ nuncium, commissarium, reddituumque Cameræ Apostolicæ collectorem, regi potestatem fecit transferendi Templi Cathedralis. Qui propterea in loco fani Idololatrici, novi Templi fundamenta marmorea jecit, quod post ducentesium demum annum consummatum fuit. Messen. Tom. 2. Ab exilio interim Norvegico reversus Canutus, Divi Erici filius, Carolum tanquam necis paternæ conscium, & Danica insuper adfinitate (gener Valdemari primi fuit) suspectum, in insula Visingia oppressit. Burislaum etiam & Colum, Caroli

ex

ex fratre Johanne nepotes, quia avito imperio imminere posse videbantur, sustulit. (k) Hoc tempore Esthones, piratica excursione in Melerum irrumpentes, Sigtunam incendio deleverunt, Archiepiscopumque Johannem in arce sua Almersteck trucidarunt. Patris ultione non plene sibi defunctus videbatur Canutus, nisi Danico etiam sanguine manibus ejus parentasset. Haraldum quendam regis in Sveonia natalibus ortum, cetera ignavum, imperitumque, Scanis novarum rerum cupidus regem dedit. Qui non leve Canuto, ut Saxo tradit, negotium exhibuit. Ad ultimum tamen praelio victus, cum Achone, secretorum suorum arbitro, in Sveoniam refugit. Svercherus Hack Caroli filius, regalem purpuram indutus (l) defuncti Canuti stirpem omnem morte & exilio multavit: eaque sævitia civium in se arma concitavit: frustra adferente Valdemaro secundo, Daniæ regis, cujus exercitus octodecim milium militum, quem ductabant Ebbe & Laurentius, Svenonis filii, in Westro-Gothia ad Lehna, occisione deletus est, ut ne cladis quidem nuncius superesset. (m) Elapso biennio, cives ad obsequium iterum reducere tentabat Svercherus, sed pari fortuna usus, ad Gestilsbröo (Gestilreen Eric. Ups.) cum principe Folcone, aliisque magnæ autoritatis viris, occubuit. Ab exilio ad imperium veniens Ericus, Canuti filius, omnibus fratrum consanguineorumque interfectores ignovit: clementia potius quam severitate principatum suum firmaturus. Octavo is imperii anno decessit, regni successione ad Johannem Mittem, Svercheri filium, devoluta. Puer hic admodum fuit: & quatuor, quibus vixit, annis, auspicio ejus tutores regnum administrabant. Per idem tempus Esthones, Ca-

H 2

relii

(k) 1185. (l) 1192. (m) 1208.

relii & ceteri Codani accolæ in Gothiam effusi, magnam prædam egere; Lincopensem præfulem, Ducesq; Carolum & Johannem ex bello Moschovitico, novem annos gesto, recens reversos trucidantes. Sed cladi elapsa uxor hujus, virilis audaciæ fœmina, tumultuario collecto milite, prædatores internecone delevit. 1219. Laur. Ner.

Caput IV.

Alternatis fatorum vicibus, Svercheri & Divi Erici familiæ imperabant parebantque. Ita decedentis Johannis honorem in se transfudit Ericus Blæsus. Qni, quantumvis lingvæ vitio & claudicatione impediretur, animi tamen virtutibus corporis defectum implevit. Præcipua & fida opera utebatur Birgeri Jarl de Bielbo, Ducis O-Gothiæ: cui propter virtutes & morum commendationem sororem suam in matrimonium dedit. Par etiam virtutis splendor in ceteris adfinibus fuit, si modestiam excipias. Canutus enim Folchungus, ducta regis sorore Helena, matrimonii istius fiducia, familiæq; suæ opibus, quas prudentia & Eloquentia æquabat, atq; etiam ambiciosi consanguineorum clientumq; votis, ad spem regni incitabatur. Huic consilia & operas sociabant filii Nicolai de Tofta, regis ex Mereta sorore nepotes, tum Hollingerus alique magnæ nobilitatis viri: qui regem claudum, balbutientemque despiciatui habentes, ad præconceptæ potentiæ culmen conscendere nitebantur. Nec defuere ipsis vires, quibus destinata perficerent. Fortuna etiam consilia promovit. Regem autem, ad sui defensionem excitatum, ad Alaström prælio fuderunt, Canutumq; regem salutaverunt. Sed reparatis viribus apud O-Gothos impetratisque auxiliis ab avunculo Valdemaro secundo rebel-

rebelles ad Sparsätra in Uplandia prælio vicit. Canutus & non pauci alii in pugna ceciderunt. Hollingerus cum nonnullis captus, aucta capite luit. Anno 1240. in Sveoniam venit legatus Pontificis Gregorii Noni, Gvilielmus Cardinalis Sabinensis, qui præter alia in mandatis habuit, sacerdotibus conjugia interdicere. Huc usque enim legitima celebraverunt matrimonia, ut ex vetustis legibus Uplandicis atque O-Gothicis liquet. Acerrime huic mandato restiterunt sacerdotes, qui, quod divino & gentium jure facere possent, pontificis tyrannide sibi eripi indignabantur. Placida tamen Regis Birgerique intercessione mitigati, jure suo cesserunt. (u) Miratur hic Hvitfeldus, quod tamdiu libertatem suam in hoc retinuerint Sveones, cum ante 120. annos Dania Pontificiæ servitutis jugum receperit. Sed manifestum est Sveones, Pontificis tyrannidi se subicere nunquam voluisse. Itaque Episcopos sibi & sacerdotes, quos volebant, pro lubitu constituerunt: eorumque jura & auctoritatem pro arbitrio circumscripserunt. (o) Conqueritur de hoc Alexander tertius Anno 1160; Innocentius tertius Anno 1210: & Innocentius quartus 1250. Progressu tamen temporis, qui doctrinæ superstitionem receperant, Ecclesiasticum quoque imperium agnoscere coacti sunt: quamvis plures reges id contempserint. Parentum nostrorum memoria, cum Rex Johannes ad Romana sacra deficeret, sedulo tamen cavit, ne Ecclesiasticæ jurisdictionis auctoritas Pontifici concederetur. Repressis Folkungis, omnia domi pacata erant. Itaque Tavastii, Finno- rum populus, ab Christianæ religionis obsequio abhorrentes, armis perdomandi occurrebant. Decretum id bellum Birgero Järl, qui devictos barbaros Chri-

H 3

sto

(u) Hvitfeld, Cron. part. I. p. 189. (o) Adam Bremen,

sto nomina dare coëgit : eisque in obsequio retinendis arcem Tavalteburg imposuit. Birgero in hac expeditione occupato, rex moritur : & Valdemarus puer admodum, sed paternorum meritorum intuitu civibus acceptus, Rex eligitur. Reversus Birgerus, & adversus filii honorem obliquus, proceres increpavit, quod Regem creassent, qui per ætatem seipsum regere non posset. Tum frater Ivarus Blå, *Ego, inquit, filium tuum Regem feci, Patris senis merita filii honoribus remuneraturus. Si factum displicet, tibi filioque prospice. Inveniemus alium, qui tanta fortuna dignus sit. Et si non aliunde, ex hac tunica mea latitantem excutiemus Regem.* Birgerus sibi filioq; timens, amplissimas egit gratias, decretaque adprobavit. Atque ita conquievit discordia & odium inter Svercheri & Eriki familias. Valdemarus quippe paternam stirpem ad Svercherum, maternum vero sanguinem ad Ericum referebat. Sveones etiam & Gothi, quos electionis prærogativa sæpe transversos egerat, posito disensionis studio, in unum amicitiae & imperii corpus fideliter coaluerunt. Birgerus filii nomine regnum administrans, multa in Patriæ commodum salubriter instituit. O-Gothorum leges dispersas hætenus, in unum corpus collegit publicavitq;. Leges etiam de pace domestica tulit, quæ alienæ domus invasorem exilio mulcebant. Sorores præterea, quæ ab paterna hæreditate adeunda penitus excludebantur, in favorem sexus in tertiam bonorum partem admisit : reliquas duas fratribus servavit, qui prius assem capiebant. Gestationem ferri candentis, tanquam periculofam & in Deum contumeliosam, abrogavit. Holmiam, totius jam regni caput, in Mæleri claustris condidit, ad irruptiones subitas reprimendas. Folkungi interim, aliorum spirituum retinentes, rebus novis studebant. Quorum

rum contumacia cum non nisi armis [frangi] posset, ad manus utrinque ventum. Priusquam tamen clasticum cerneretur, reconciliationem ipsis obtulit Birgerus, ab civili sanguine se abhorreere professus. Illi sive ingenio ejus diffisi, sive meritorum suorum conscii, suspectam amicitiam ejus habuerunt. Postquam vero Episcopus Lincolniensis Colo fidem suam interposuisset, in Birgeri castra concesserunt; qui mox correptos, securi percuti fecit. Utili quidem severitate, sed parum honesta, quod datam hostibus fidem fregisset. Tanti tamen putavit eminentium papaverum capita decutere, ne in publicam perniciem crescerent. Colo fide sua deceptos graviter ferens, abdicato munere suo, peregrinationem ad sepulchrum sanctum suscepit, & in itinere ex dolore decessit. Carolus vero factiosorum caput, evitata Birgeri fraude, in Prussiam exulatum ivit: in bello postmodum, quod Crucigeri in Lithuanos moverunt, interemtus. (p) A Birgeri excessu Valdemarus jam non dissimulanter malus, cuncta pro libidine agebat. Jutam, Sophiæ reginæ sororem, uxori pellicem superinduxit, prole in turpitudinis argumentum sublata. Cujus flagitii expiandi causa, peregrinationem Hierosolymam instituisse Pontanus & Messenius memorant. Fratres Magnum, Benedictum & Ericum uxoris instinctu, vatiniano persecutus odio, ad arma provocavit. Præcipua vero indignationis materia fuit, quod fratris Magni, Sudermannicæ Ducis, aula regiam splendore pene superaret. Optimus enim quisque & fortissimus, in Principis liberalis gratiam se inferere studuit. Atque ut sunt fœminæ impotentes magis; ita regina nunquam sine verborum contumeliis & ludibrio Magnum nomi-

minare potuit; maciem ejus, & fuscum faciei colorem cavillata. Itaque cum ad arma spectarent odia, Proceres, conventu Stregnesii habito, exulceratos animos ad concordiam reducere laborabant. Benedictus Lincopensis Episcopus, Principatum Finlandiæ fratri regi restituere se paratum esse ostendit, si mature caritatis fidem facere vellet: sed cum frustra omnia susciperentur, *Magnus Ladelås*, Hallandia & Scania, sex millium librarum argenti puri nomine, Erico Klipping Daniæ regi, oppignoratis, exercitum conflavit. Valdemarumq; in W-Gothia cæsum captivavit. Netamen pristinum fortunæ splendorem adimeret, Regnum Gothiæ ipsi reliquit. Sveoniæ vero regnum solemniter Upsalæ iniit, publicas ceremonias peragente Archiepiscopo Folchone. (g) Exautoratus miles Danicus, nec pro spe sua donativis excultus, in reditu cives plurimis damnis adfecit, odilque materiam inter Reges seminavit. Damni enim hujus æstimatione facta, Scaniam & Hallandiam, absque argenti, mutuo sumti, solutione sibi reddi postulavit Magnus. Quod cum facere nollet Ericus, Scaniam armis pervasit. Itaque Ericus, Valdemaro ad paries pertracto, facta spe restitutionis totius Regni, W-Gothiam & Verendiam ferro & flamma vastavit. Quam cladem miseratus Magnus, missis cum copiis *Ulfone Carlsson* prædatores in turpem fugam vertit, pluribus captis. Valdemarus vero brevi post, Danorum copiis stipatus, W-Gothiam & Verendiam adflixit, Magno non contraeunte, quod diceret, fratrem provincias suas etiam sine auxilio exterorum, vastare posse. Omnes tamen simultates, iusto fœdere inter Magnum & Ericum, quieverunt. Valdemarus etiam, paterna hæreditate contentus, totum regnum fratri cessit: (r) datis literis & publica renunciatione ad lapidem Morasteen.

Ca-

Caput V.

Moris habuit Magnus, ad Reipublicæ munera homines industrios, tametsi modicæ sortis, provehere. Itaq; Folkungi, antiqua sua nobilitate tumidi, quamvis literas & ceteras bonas artes contemnerent, inique tamen ferebant, meritos industriæ præmia capere. Quorum querelas ad Regem deferente Archi-Episcopo Jacobo, & Benedicto Regis fratre; *Regni sui salutem ministrorum suorum prudentia & virtute niti*, respondit: *quibus præmia sua denegare, extrema foret iniquitatis. Homines autem ignavos iis præferre, quorum virtus & merita in oculis sunt, ejus esse, qui ipse virtutis nuntium remittere velit; studerent eorum æquare aut superare industriam, quorum fortuna inviderent: Se virtutis præmia æqua manu divisurum.* Hac exprobratione excitati, plures eorum ad literas animum adplicuerunt. In illis Brynulfus, decem annos Parisiis sacris literis invigilans, Scarensem Episcopatum laboris præmium habuit. Hinc adparet, omnem quidem virtutem apud Regem in pretio fuisse; extraneis vero ad vitium usq; favebat. Petro cuidam Porse Dano, arcis præfecturam tribuit, qui convivii specie invitatum illuc, Regem in custodia detinuit, quousque Dánis stipendia solverentur; jramento insuper adstrictum, injuriam istam inultam futuram. Huic, quod mirere, Ludosiensem insuper arcem concessit, in majoris fidei & amicitiae pignus. Ingemar-us Danus, regiæ neptis Helenæ, ex Christina sorore, nuptiis insolens, indigenas nobiles contumeliis adficere nil pensi habuit. Itaq; Folkungi (S) omnium nomine regem

I

orant,

(S) Johan Philipsen/ Amund Sture/ Johan Carison/ Philip Rumbis.

orant, ne pateretur, bene meritos Cives, exterorum contumeliis & ludibriis vexari. Et querentibus cum satis non fieret, indignatione in vindictæ cupiditatem erumpente, Ingemarum, qui reginam Hillevigem, parentem suum Gerhardum, Holfatiæ comitem, excepturam, comitatus fuerat, Scaris trucidaverunt: Comite in captivitatem abducto: Regina vero ad Monasterium confugiente. Quod facinus cum supra veniam esse facile intelligerent, Valdemaro in societatem adscito, cœpta armis persequerantur. Rex, quia viribustam potentem factionem opprimere arduum erat, offensa spe veniæ, rebelles exarmavit: (r) blandissimisq; compellatos literis, in potestatem suam redegit: sumtoq; de præcipuis supplicio, Folchungorum pennas ita incidit, ut nunquam deinde succrescerent. (u) Valdamarus, ob turpem & flagitiosam vitam, concilio Benedicti Fratris & procerum regni, una cum filio suo Erico, in carcerem perpetuum mancipatur, ne homo perniciosus novis patriam periculis involveret. Ea occasione, Sveciæ & Gothiæ registitulum usurpare cœpit, ab antecessoribus regibus, jam inde à tempore Olai Stott-Konung/ intermissum. Messen. Tom. 2. Ita pace domi forisque constituta, Reipublicæ ordinandæ curam suscepit. Et quia ita imminutum erat regni patrimonium, ut defensioni adversus hostes, sumtibusq; in aulam faciendis non superpetet: decreto Comitiorum, agri omnes per totum regnum pretio æstimati; & pro cuiusq; mensuræ & fertilitatis modo, certi Reipubl. redditus deputati fuerunt. Omnes præterea fodinæ Metallicæ, piscationes uberiores in Bothnia, Finlandia, in mari fluminibusq; in lacu Hielmar & Vener, atq; Brånwijten cum suis fluminibus, regi

(r) 1280. (u) 1282.

regi Vestigiales factæ. Conſueverant huc usque ruſtici, quemlibet iter facientem, gratuito hoſpicio & com meatu excipere : Sed, quia hoſpitem multorum improbitate, damnoſa colonis fiebat liberalitas, lege vetuit Magnus, quicquam colono ingratu eripi, quin pretio omnia redimi, quæ ſponte non exhiberentur. Unde & Ladulås nominatus eſt, quod, ſeræ inſtar, ruſticorum ædeſtatas præſtaret. Et quia ſœdera cum vicinis regibus, ad regni ſecuritatem pertinere arbitrabarur, filio ſuo *Birgero*, ſucceſſori ſibi deſtinato. Mærtam *Erici Klipping*, Danorum Regis, filiam deſpondit : ſuam vero filiam *Ingeburgam*, filio ejus *Erico Menteved* conjugem addixit; ut mutua iſta adſinitate, regnorum concordia ſtabiliretur. In Monaſteriis condendis, ditandisq; non alius ipſo profuſior. Virginibus religioſis, quæ ad S. Claræ inſtitutum viverent, clauſtrum in ſuburbio Holmenſi Boreali condidit, eiſq; filiam ſuam *Richizam* præpoſuit. Tandem fato ſuo vicinus, quid ſe mortuo fieri vellet, ſenatu expoſuit : filioq; *Birgero*, adhuc pupillo, *Torgillum Knutſon*, regni *Drotzetum*, tutorem dedit. Qui mox, recepta in humeroſ imperii mole, bellum in *Careles* movit : victoſq; Chriſtianam religionem amplecti coëgit. Arces etiam *Viburgum* & *Øſlott* / adverſus irruptiones *Rutenorum*, ædificavit, victorq; in Patriam revertit. Moſcus interim reſpreſſus magis, quam domitus, ægre admodum ferebat, ſtructa nuper clauſtra cervicibus ſuis imminere. Itaque 30. duorum millium exercitu cinctus, ad iſta demolienda properavit. *Torgilli* tamen induſtria & ſedulitate, omnis iſte apparatus fruſtra fuit. Licet poſtea præſidiariorum militum defectu, qui, frumento corrupto utentes, moriebantur, in hoſtium manus pervenit *Øſlott*. Soli viginti, qui ſupervixerant, in infinitam hoſtium multitudinem

irruentes, Leonidæ virtutem exitumque æquarunt. Anno 1291. cursum suum, per aliquot dies, intermisit rapidissimum flumen Motala / quod prodigium magnas calamitates portendere, nostra & patrum memoria compertum est. Birgerus virilem ingressus ætatem, soboleque mascula per legitimum thorum auctus, regno solemniter Sudercopiæ inauguratur. In qua festivitate, frater ejus Valdemarus matrimonium inivit cum Torgilli filia: quod tamen irritum postea reddidit Archi-Episcopus Nicolaus; non tam spiritualis cognationis, quæ nulla erat, intuitu, quam odio in Torgillum. In publicis inde comitiis, patruorum procerumque consensu, regni successor declaratus est *Magnus*, Birgeri filius. Beneque publicæ quieti consultum erat, nisi fraternarum dissensionum furia hanc felicitatem evertissent. Rex quippe Ericum atque Valdemarum, postquam regni partem, patris testamento sibi legatam, ægre admodum obtinuissent, uxoris suæ criminationibus inductus, proscripsit. Illi bonis suis ejecti, ad asinum suum *Menned* in Daniam tendunt. Sed, quia gemino adfinitatis vinculo Birgero adhærebat, intuitam fidem ejus reputantes, apud Haquinum, Norvegiæ regem, refugium querebant. Extorres ille summa benevolentia excepit, arcem & oppidum Kunghellam ipsis concedens; Varbergam etiam ab Comite Jacobo redemit, eamque principi Erico dedit, spe matrimonii inter ipsum & filiam suam inveniendi. Principibus igitur, ex vicina Norvegia Vermlandiam atque W-Gothiam, continuis excursionibus, misere vastantibus, coactus est Birgerus reconciliationem offerre ademptasque ditiones restituere. Reconconciliata in hunc modum fratrum gratia, Torgillus, tanquam malorum omnium concitator, Holmiæ supplicio adficitur, optimo quoque viri fatum miserante. Principum tamen &
Epi-

Episcoporum laborabat odio, quod regiae utilitatis nomine, suum quæsisset commodum: credereturque ejus consilio Rex Ecclesiastica bona, tributorum onere gravasse. Eamque ob causam, sepulturæ honore, intercedente Archi-Episcopo, diu caruit. Rex, ut justitiæ se curam agere ostenderet, jurisperitis injunxit, jus omne vetus evolvere, inutilia refecare, & quæ desiderarentur, addere. Horum labore emendatas juris constitutiones, auctoritate sua publicavit. Usurpatas hætenus, servorum venditiones sustulit. Instar pecorum enim certo pretio vendebantur, bello capti, robustumque mancipium argenti puri libra æstimabatur. Injuriosum hoc naturæ & humanitati dominium averfatus, homines in commercio esse vetuit.

Caput VI.

PRincipes interim, cognitis fratris insidiis, cogitatum scelus antevertentes, regem cum uxore & duobus filiis, in aula Hatunensi captivatum, carceri Nycopiano includunt: primogenitus tamen ejus Magnus elapsus, servi sui humeris, ad avunculum in Daniam portatus fuit. In has angustias conjectus, totum fratri Erico regnum cessit, cui partem antea cedere non voluerat. Rege in potestatem suam redacto, regnum etiam sibi subiciebant Principes. Inde in Ericum Menved, qui affini liberando arma parabat, converso impetu, Scaniam diripuerunt, pluribus, non infimæ sortis, hominibus in captivitatem abductis. Insequenti anno, sexaginta millium exercitu, è Germanis Danisque conscripto, Nycopiam obsedit; sed conatu irrito. Commeatu enim deficiente, exercituque per intestinas seditiones dilapso, cum principibus pacisci conatus est. Hinc in comitiis Drebrogenfisibus, de Regis liberatione inter procures actum: illis adnitentibus, res

eo deducta est, ut injuriarum promissa oblivione, tertiam regni partem obtineret. Ita in libertatem restitutus, contra jusjurandum in Daniam aufugit; exercitumque, prioribus copiis non inferiorem, conflavit, hujus opera in pristinum se potentiae gradum restitutum sperans. Tanta laboriosa expeditione nihil aliud effectum fuit, nisi ut, datis acceptisque damnis nonnullis, prioribus se pactis de novo obstringeret. Quam in rem fidem suam obligarunt, *Ericus* Danus cum fratre *Christophoro*, Princeps Mechelburgensis *Henricus* & *Gerhardus* Comes Holsatiae. Ob auxilia, sibi adersus fratres praestita, Smalandiam, cum insula Visingia, datis codicillis, *Erico* Menved consignavisse Birgerum, scriptores Dani memorant; Pontanus & Meursius: quod nunc non disputo. Inter haec princeps *Ericus*, cum desponsatam sibi pridem Ingeburgam, Haquini Norvegi filiam, non obtineret; *Magno* quippe, Birgeri filio, ipsam interea conciliaverat Danus; nec reposcenti Haquino Kunghellam & Varbergam reddere vellet, ad arma utrinque ventum est, coactusque Norvegius fuit, ingratis nuptias ratas habere: *Erico* insuper Norvegiae haerede declarato, si absque prole mascula decederet. Rebus ita ex votis compositis, iter per Galliam & Germaniam suscepit; splendidissime ab *Clemente 4^{to}*, qui Avennione morabatur, exceptus. Inde in patriam redux, nuptias Ludosiae celebravit. Frater etiam *Valdemarus*, accepta Haquini nepte Ingeburg, convivii festivitatem genuit. Ductis uxoribus, qui hucusque convixerant, in suas quisque ditiones discessere, ut privatis inde commodis invigilarent. Birgerus etiam regni curis intentus, omnia pro bono rege egit: Gothlandos, ob exactionum gravitatem tumultuantes, composuit. Finnos etiam, eadem causa rebellantes, ad obsequium redegit; oppresso Bug-

Buggone, quem sibi regem creaverant. Et licet magna
 annonæ caritate, quam civiles dissentiones properarant, ad-
 fligeretur Patria; resanata tamen videbatur publicæ cala-
 mitatis cicatrix; sublati fratrum discordiis. Sed prolu-
 siones hæ tantum fuere sequentium, quas sub indigenis
 primum, inde etiam sub extraneis, temere ad imperium
 vocatis, exhaurire debebat patria. Rex enim captivitatis
 suæ injuriam, intimis visceribus impressam, fumendæ
 cum tempore ultionis solatio mitigabat. Sincerissimi
 interim amoris fūco, ad fictam benevolentiam incautis
 fratribus imposuit. Hac fiducia proditos Nycopiam alle-
 xit: dispersosq; eorum per oppidum satellitio, splendidi
 ipsos convivio in arce excepit: cum mero obrutos, sepa-
 rata cubicula ad somnum recepissent, intrantes stipatores
 Regii, raptum utrumque in tetrum carcerem detruserunt.
 Rex exprobrata ipsis memoria lusus Hâtunensis, claves
 in profundum conjecit, juramento addito, vivos inde non
 egressuros. Ericum, vulneribus prope confectum, terti-
 us dies exstinxit: Valdemarus, cum lacereto fratris bra-
 chio, sevam ventris rabiem tolerasset, in undecimam lu-
 cem vitam protraxit. Ita de principibus securus Birge-
 rus, Holmiam properavit: Sed divulgata sceleris fama,
 ab Valdemari præsidio repulsus est. Principum etiam cli-
 entes, contractis copiis, Nycopiam obsidebant. Quibus
 impar Birgerus Stegeburgum fugit. Quo cum è Dania
 occurrisset filius Magnus, cum sexcentis equitibus, pu-
 gnâ ausi cæduntur. Post, edita strage in dispersos ru-
 ricolos W-Gothiæ, in O-Gothiam reverterunt. Sed &
 hic iterum infelicitè pugnant. Rex cum uxore in Got-
 landiam fugit: Filius vero Magnus, Stecheburgi obses-
 sus, bis intercepto patris auxilio, in captivitatem abdu-
 ctus est; & post biennium, veluti piacularis victima, pa-
 rentis

rentis delicta Holmiæ capitis supplicio expiavit. Brunco, Valmarus, Svalebæccus aliiq; nonnulli scelerum ministri, in colle suburbano, qui postmodum mons Brunconis dictus est, rotis impositi fuerunt. Nycopia & Stegeburgum arces ab imo fundamento eversæ, ne ulla parricidii & scelerum mōnumenta superessent. Comitibus deinde ad Moraften habitis, (1319.) Birgerum ob impia facinora sua regno excidisse declarant: *Magnum* vero, principis Erici filium, quem, ulnis suis exceptum, circumstanti concioni commendabat *Matthias Kettelmundson*, in favorem meritorum parentis avique, licet tertium ætatis annum non explevisset, regem salutabant. Et quasi parum fuisset, duorum tantum potentissimorum regnorum scepra in infantis sinum conjici, tertium illi ē Norvegia fabricavit fortuna. Haquino enim sine liberis mortuo, (1321.) hunc, nepotem ejus, regni proceres sibi regem capiebant. *Matthias* interim *Kettelmundson*, regno, fiduciario jure, in se recepto, Scanenses, quod Birgero in clade agricolarum *W-Gothorum* adfuissent, pro merito multavit. Birgerum, extorrem jam filioque orbatum, Rex Daniæ *Christophorus*, ab exilio in fraternali solium vocatus, *Spicburgensi* territorio donavit: ubi cum conjuge reliquum infelicis vitæ tempus consumpsit. *Matthias Kettelmundson*, quamdiu sua manu imperii habenas torquebat, regis ignavi, & fastigio suo indigni, fortunam virtute sua sustentavit. Hallandiam, Scaniam, Blekingiam & Hvenam oppignoratas, consentiente rege *Christophoro*, ab *Holsatiis* 70000. selibris argenti puri, ponderis colonienfis, redemit; & perpetuo jure regno Gothiæ adunivit; (1343.) statutis regnorum limitibus in medio freto *Öresund* / ut publica procerum instrumenta evincunt. Si cum ceteris muneribus suis, virtutem quoque tribuere fortuna

tuna posset, magnum septentrionis sidus extitisset hic *Magnus*. Sed ideo evectum apparebat, ut tanto indignior deprehenderetur. Fortuna quoque ignaviam ejus destituit, cum inconsulto bello Moscum lacecessit. Dissuadebant hoc bellum prudentiores quique: diva etiam *Brigitta*, cujus somnia pro oraculis habebantur, probro tam regis vitam publice traducebat; belli eventum in ejus dedecus cessurum vaticinabatur. Et quoniam late diffusa est nominis ejus fama, non alienum fuerit, brevem ejus memoriam hic inferere. Nata fuit in Nericia, Anno Christiano 1303, Birgero patre: & regium etiam sanguinem in natalibus suis numerabat. Viro matura, nobili militi Ulfoni nupsit; eiq; 4. filios, & totidem filias peperit. Sed cum Veneris calorem imminuisset dies, (Anno 1344.) novus Apollinis furor præcordia occupavit: cœpitque cæcas sortium ambages, & ventura fata canere. Vanitatem & fraudis suspicionem submovebat vita innocenter acta. Et de fatidica Sibilla sinistri quid suspicari, ipse religionis horror prohibebat. Et quoniam literarum rudis erat, distantis vaticinia calamo excepit Magister Olaus Petri, Cœnobiarcha Alvastrænsis, expresso numinis imperio coactus, ut ferunt: quæ postea ab patribus ejusdem cœnobii in octo libros digesta, *visiones cælestes* inscribuntur. Opus tanti pretii istis temporibus, ut in Concilio Basileensi, multorum Cardinalium judicio examinatum confirmatumque & ab Gregorio undecimo atque Urbano Sexto, inter scripta irrefragabilis autoritatis relatum fuerit. Anno 1346. Romam ivit. Ubi cum vitæ instituto, vaticiniorumque celebritate, multis regibus, principibus, aliisque summæ fortunæ hominibus innotuisset, iter Hierosolymam versus ingressa est; Carolo, Birgero & Catharina, in longæ peregrinationis solatium, matrem comi-

mitantibus. Romam redux, literas ad Gregorium Undecimum dedit, præcepitque, ut Avinione decedens, ad majorum suorum Cathedram reverteretur. Ille hoc, quasi numinis mandatum, veneratus, Romam quantocytus remigravit. Cum viginti octo annos ibi degisset, diem obiit die 23. Julii Anno 1373. Filius Birgerus, cum sore Catharina, matris reliquias Roma Vadsstenum reportarunt, ibique in Monasterio funeraverunt, quod ipsa pridem, pro sexaginta virginibus, suo sumtu ædificaverat: eisque Salvatoris regulam, ordinisque Augustiniani professionem præscripserat. Quanti vero nominis non solum domi, sed & in Italia, atque remotioribus orbis partibus fuerit, vel inde adparet, quod Bonifacius Nonus (1391.) & Martinus Quintus ipsam consecraverint. Statuam ejus Marmoream, Romæ in templo Paulino, aræ majori obversam, cruciq; illi, quacum sermonis mutui commercium quondam habuisse dicitur, suppliciter inclinatam, non sine superstitionis averfione vidi. Infelicem eorum cæcitatem miseratus sum, qui, cum summa Dei injuria, præsens quoddam numen, in ligno & lapide, adorant. Ceterum nostri non est instituti, ista deplorare; nec quicquid cecinerit Vates ista huc accersere; tantum breviter delibabimus, quæ de sex Regibus; seipsos insequentibus, anticipata temporum futurorum evolutione, aperuerit: *primum*, ait, *futurum asinum coronatum, majorum gloriam macula adpersurum*: *Secundum*, *lupum insatiabilem, sed cui prædam inimicus eripiet*: *Tertium*, *Aquilam alte volantem*: *Quartum*, *Arietem cornibus obvia omnia proterentem*: *Quintum*, *Agnum mactatum, cujus sanguis, tametsi non usque adeo purus, multis occasio fit calamitatis*. *Sextum*, *scævum, crudelem, sanguinarium, innocentem oppressorem, terra marisque perturbatorem*: Sed regno dejectum

jectum miseris calamitatibusque succubiturum: Venturum interim alium, qui pro æquitatis amore vitam profunderet sit paratus. Quo instinctu hæc fuderit, alli ambiciose disputent: plurimum certe ea fuit vita, ut vatem non vanam fuisse sit deprehensum. Anno 1350. sævissima quædam pestis (digre dōden) in patriam grassabatur, qua non solum homines, sed bestię etiam moriebantur.

Caput VII.

GEMINA prole mascula regem auxerat conjunx Gallica *Blanca*: quæ res tanto civibus gaudio fuit, ut Ericum Gothiæ & Sveoniæ, Haquinum Norvegiæ regem designarent. Grata hæc civium voluntas parentibus quoque fuit, imperandi honorem in stirpe sua confirmatum gaudentibus. Sed tam tener hic affectus, sævo dolore postmodum extinctus fuit. Cum enim rex, sive prævæ indolis vitio, sive uxoris etiam illecebris stimulatus, cum ætate flagitia quoque cumulare, leges, civiumque libertatem libidine sua conculcaret, excussa patientia, sceptrum Erico committunt, quo pater per impotentiam abusus fuisset. Præter civium vota, privatæ etiam irarum causæ Ericum stimulabant, quod Benedictum quendam Algotum, terræ filium, collato principis titulo & præfecturis, in caput suum parentes arcessivissent. Itaque, processibus non improbantibus, novum istum principem in Scania armis sustulit: parentes pari impetu in ordinem redacturus. *Alberti* tamen *Mechelburgensis*, qui Regis sororem in matrimonio habebat, & *Gerhardi* *Holsati* interventu, res istæ compositæ sunt: Ut *Erico Smalandia*, *O-Gothia*, *Diœcesis Aboënsis*, *Scania*, *Blekingia* & *Hallandia meridionalis* cederet: *W-Gotbiam*, *Ölandiam*, *Goth-*
lan-

landiam, Vermelandiam, Daliā, Hallandiam septentrionalem cum Sveonia regno Magnus retineret. Regina, tigridi omni sævior, inaudito terris nostris scelere, dolorem suum exstingvere instituit. Blanditiis quippe ad se perductum filium veneno sustulit. Quæ res cum non obscuram civium vindictam minari videretur, cum marito ad Valdemarum Danum profecta, filiam ejus Margaretham septennem, filio suo Haquino despondet. Traditis etiam codicillis, Hallandiam, Blekingiam & Scaniā Valdemaro restitunt, ut ejus auxilio in subditos uterentur. Gothlandiam præterea & Slandiam rapinis ejus permisserunt; in quibus arcibus diruendis, diripiendq; opibus 2300 rusticorum cæsa sunt. Itaq; publicum patriæ prædonem execrati cives, filium ejus Haquinum, Norvegiæ regem, in patris solium evexerunt, atq; ut ipsum Calmariae captivarent, impulerunt. Danicam præterea adfinitatem exossi, Elizabetham Mechelburgensem, missa solemnī legatione, Haquino desponsari fecerunt. Parentum interim delinitus blanditiis Haquinus, liberos eos dimisit. Qui ad Valdemarum mox contententes, tempus observabant, quo nova sponsa in Sveoniam migraret. Nec mitiora fata fuerunt, quam ut adversa tempestate ad littus Danicum disjiceretur. Ubi cum suis in captivitatem concessit, (1363.) usq; quo pactæ pridem nuptiæ, inter Haquinum & Margaretham Danam, Hafniæ celebrarentur. Itaque voto suo penitus dejecta, Wadstenense Monasterium ingressa est, ubi inter virgines cælibem deinde vitam peregit. Magnus interim pristinae potestati restitutus, quo receptam Tyrannidem melius stabiliret, 24 optimates proscripsit. Qui ab Alberto Mechelburgensi humaniter excepti, filium ejus & ipsum Albertum, (1365.) regis Magni ex sorore nepotem, in regnum introducunt: privatam dolore im-

immeritæ patriæ cladibus satiaturi. Re enim ad
 cruentum certamen deducta, multi utrinque cives pe-
 rierunt. Pugnae tamen superior Albertus, captivum Ma-
 gnum septennali carcere inclusit. Sed, quia multis ad-
 huc integra in Magnum fides duravit, filius etiam Haqui-
 nus, pro liberando patre, nihil non conabatur, Holmiam
 ope Hunningi, Episcopi Aboensis, obsidione premendo.
 Ideo non parvam equitum manum sibi in Germania com-
 paravit Albertus, qui cum effræni lascivia inermes ruri-
 colas excoriarent, Uplandi, correptis armis, ceteros ci-
 ves ad libertatem recuperandam hortabantur. Quiev-
 ere tamen in hunc modum dissentiones; ut solutis 12 milli-
 bus selibrarum argenti, in libertatem restitueretur *Ma-
 gnus*; regnumque *Alberto* cederet. In argenti istius sum-
 mam 60 Nobiles Norvegi fidem suam obligarunt. Ita è
 carceris squaloribus erutus Magnus, ad filium in Norve-
 giam concessit: ubi non multo post, aquis submersus, in-
 teriit. Hic Danorum scriptores, (Pontanus p. 497. Me-
 urs.) invita veritate, comminiscuntur Albertum perpetuo
 jure cessisse Valdemaro, *Gotlandiam*, *Verendiam*, *Firve-
 diam*, *Kindiam & Marchiam*, cum toto territorio *Elfsbur-
 gensi*: addita sacramenti religione, se regem Magnum è
 vinculis nunquam dimissurum, nec pacem cum filio ejus
 Haquino facturum, nisi ipse sponsonem ratam habe-
 ret. Tam absurda in lucem proferentes, ipsa sapientiæ
 suæ vanitate coarguuntur. Tanta, scilicet, vecordia Al-
 bertum fuisse putabimus, ut victor & triumphator ter-
 ti- am regni sui partem, regi extraneo, suspecto, inimico,
 gratis dederit; quo tanto conspectior futura esset fides ca-
 ptivitatis Magni? Sic solent pastores vulpi agnos donare,
 ut persvadeant, lupo, à se capto, impune non futurum!
 Omnium præterea mortalium ingratusissimus perfidissimus-

que fuisset Valdemarus; si perpetuum ei carcerem procurasset, à quo tantis beneficiis affectus fuisset; Operam etiam adhiberet, ut filia & gener suus Haquinus regno excluderetur, quod Sveonum suffragia ipsi antea detulerant; sed rejiciamus hæc fabularum monstra in suos auctores, & ad institutum revertamur. In regni possessione stabilitus *Albertus*, totam aulam, suæ nationis hominibus, implevit, interq; ipsos regni patrimonium dispertitus est: Reip, munera, Præfecturæ, Magistratus, ut spoliū, alienigenis servabantur. Quæ cum inexplibili Harpyarum voragini non sufficerent, quovis prætextu in fiscum corripiebantur privatorum opes. Et ne injuriis ludibria deessent, ficto consanguinitatis nomine, cerdones & vilissimos quosque è Mechelburgo, ad nobiliora atque opulentiora matrimonia provexit. Inter has tamen rapinas & eviscerationes semper egebat, ordinumque subsidia, ad aukæ inopiam sublevandam, implorabat. Supplicantibus, *ut inutilem & perniciosum Germanorum confluum exoneraret*; tanto splendore & decore aulam suam carere non posse respondit. Et frustra se regem existimans, si potenti quicquam negare auderet, tertium quodque prædium nobilibus per vim extorsit, Germanisque suis tribuit. Gentilitia sua hæredia relinquere cunctantes, proscriptionibus & exilio multavit. Grata hæc *Margaretha* Danæ fuerunt, ægramque Sveonum patientiam callide irritavit, libertatis spem ostentans, si se ipsos ulcisci auderent. Hoc pacto conciliatis sibi exulum ceterorumque, qui *Alberti* avaritiam & crudelitatem aversebantur, voluntatibus, regni Sveo-Gothici insignia sibi usurpare cœpit. (Pontanus.) Qua injuria irritatus *Albertus*, Daniæ & Norvegiæ insignia suis inseruit: &, ut gemina contumelia se ulcisceretur, cotem ipsi misit ad acus, forfices

fices & cetera gynæcei instrumenta acuenda. Et quasi Marte tam promptum esset, quam convitiis certare, bellum etiam indixit. Inter assentatores Teutones, nil nisi trophæa, & triumphus jactabantur: alius tamen eorum sensus, qui regem temerarium, civiumque benevolentia & ærario destitutum, in principem, Daniæ & Norvegiæ viribus succinctam, Sveonumque multorum studiis subnixam, arma capere videbant. Confluebat undique miles, & in Danicum bellum nomina dabat. Sed non suppetebat, unde stipendia persolverentur. Itaque *Gothlandiam* pro 10 millibus aureorum, Equitibus Ordinis Teutonici, in Prussia oppigneravit. Acies, utrinque ad prælium paratas, W-Gothia commisit, Albertumque, insolentia suæ pœnas luiturum, armis superatum, cum filio Erico in Margarethæ manus, nemesis tradidit. Eventus hic fuit prælii, sed non finis calamitatum patriæ. Rege enim in septennalem carcerem abducto, miserima ubique rerum facies fuit. Sveonibus amissam victoriam, regisque captivitatem, imputabant Germani. Illi contra, horum improbitate & pessimis in patriam raeritis, bellum temere conflatum regerebant. Novum regem creare aliis placebat: multis Alberti reverentia obstitit. Potuisset statim imperium rapere Margaretha, sed Sveonum in externos contumaciam verita, intestinis malis & cladibus opprimi volebat, ut tanto patientius, servitutis jugum postea subirent. Mechelburgenses, specie obsequii in Albertum regem, per patriam palantes, infinitas clades agricolis inflixerunt; quos, ad sui defensionem concurrentes, agminatim conciderunt. Mercatores Germani, qui Holmiam incolebant, inita conjuratione, cives Sveonas terro, igne, aqua & crucibus consumferunt. Mare etiam, piratica Mechelburgensium, tam infestum fuit, ut navigatio

gatio omnis & commercia interturbarentur. Igitur civitates Vandalicæ, quæ in partem Danorum veniebant; apud Margaretham effecerunt, ut intra triennium solutis 60 millibus (70000. Eric. Upsl.) selibrarum argenti puri, aut cessione regni, libertatem suam redimeret Albertus; neutra vero conditione impleta, in priorem captivitatem reverteretur. Ita vinculis solutus, regnumq; sua culpa misere desolatum, in pristinam felicitatem se restituere posse desperans; filio præterea orbatus, successorisq; incerti curam non habens, sacramenti religione cives exsolvit, ut in Margarethæ Tyrannidem concederent, si ita libitum illis esset, fidem eorum & obsequia, in despectissima etiam fortuna sibi servata, summis laudum præconiis efferebant.

Caput VIII.

ITa rursus inter sacrum & saxum constituti Sveones, rerum suarum incerti fluctuabant. Saniore quicq; Margarethæ imperium, angve pejus, averfabantur, Tyrannidem se, non fortunam, mutaturos certi: Sed quia multi ab Alberto proscripti, fidem suam ei obstinuerant, victa sunt meliora suffragia à pluribus. Nata fuit Margaretha ex furtivo regis Valdemari, cum conjuge sua, concubitu. Cum enim impudicitix suspectam Selburgi inclusisset, (Pontanus.) de nocte illuc divertens, meretricio ritu sibi suppositam compressit. Atq; sic scorti, ut putabatur, amplexibus irretitus, legitimam sibi hæredem sustulit: cui, conjugio Haquini, filiiq; Olai, fata Norvegiæ adjunxerunt. Patriæ etiam sinistra fortuna voluit, ut insolenti cervices nostras jugo premeret. Dici vix potest, quam dulce cecinerit blandissima hæc Sirene, dum exitium nobis machinabatur. Salvam legum patriarum auctoritatem,

tem, magistratus, exactionum & civilium causarum arbitria, indigenis servanda, stipulantibus, promptissimo assensu adstipulabatur: fide, literis & sacramento religione, promissa confirmans. Sed quæ fides apud illam, quæ perjuria in virtutibus suis numerabat? Cum præfecturas omnes & reip. munera involasse Danos conquererentur, risu contumeliisq; illudit: *Servarent diligenter literas, quibus privilegium eorum confirmaverat: se arces & præfecturas, quibus vellet, servaturam.* Sveonum neminem pati potuit, præter Abrahamum Brorsson/ qui, propter libidinis consortium, interioris fuit admissionis. Eamq; ob causam, Regis Erici mandato, securi percussus, ipsa adhuc vivente, & caros Adonidis manes, anniversaria memoria celebratione, in sacra Roschildensi æde prosequente. Secretæ tamen libidines in obscuro facile periissent, nisi, omni proscripto pudore, palam fecisset, se dedecorum infamia delectari. Monetum enim, turpitudinis sui caractere, publice signari fecit (x): quod ipsum Emblemata, Orebrogensibus quoque, insignium loco, impertivit: quo ad Caroli noni usq; ætatem usi sunt. Creditur, hoc propudiosæ insolentiæ ludibrio Sveonibus insultavisse, ut, qui viros se semper prædicarent, ejus imperia jam agnoscerent, quam ad muliebris patientiæ legem natura damnavisset. Scriptores interim Dani, ut Divæ suæ infamiam deleant, honestatis velo turpitudinem obtegunt. Non enim sexus ejus characterem, sed bivocalem literam ex

L

O &

(x) Nullius fere illustrius nomen, quam Margarethæ Valdemari, quæ tribus una regnis jus dixit, cum ceteris ausis, plusquam regiis, tum quod nummum pudendo muliebri signaret: aut decus muliebre asserens, aut viris socordiam exprobrans. Jacob, Typot, in relatione Histor. de regno Sveciæ.

O & E conflata fuisse, quæ, extrita præli cælatura, propudiosæ imaginis exemplar figurasset. Digni sunt tam lepidi literatores, qui ex hoc Mustaceo laureolam capiant, inventamq; literam Musarum suarum stolis adfigant, & pro singulari ornamento sibi habeant. Nos enim dehinc stamentum illud atq; probum ex publicis monumentis erasimus. Sub prætextu Gothlandiæ redimendæ, infinitam argenti vim Sveonibus extorsit. Jumentum quodlibet, focus & conjugium ære taxata; cujus ne centesima quidem pars Gothlandiæ redemptioni cessit. Variis enim injuriis vexati Equites ordinis Teutonici, acceptis novem millibus aureorum, insulam reliquerunt. Sed quicquid unquam corradî poterat, in Daniam deferrebat: ut, exhaustis opibus, libertatis quoq; contumacia subjugatis addimeretur. Tam injuriose habiti Sveones, pacem exuerunt. Illa, ut consternationem exarmaret, imperio se sponte cessuram profitetur, si in nepotem suum Ericum Pomeranum essent consensuri. (1396.) Istam in rem trium regnorum senatus Calmariam convenit. Decretum ibi; *ut perpetuo dehinc fœdere uni regi parerent omnia tria regna. Singulorum vero libertati ita consulebatur, ut, quadrimestri spatio, per vices in quolibet regno degere deberet Rex. Ceterum jura, leges, privilegia, nomen cuique servarentur: munera omnia publica indigenis committerentur. Ipsa regna equali inter se jure & eminentia gauderent; nec unum in accessionem alterius deprimeretur. Legeret sibi unum, quodque ex suo corpore, Proregem, Marschum, Aula magistrum & Cancellarium, ceteris plane inconsultis: Vethigalia, redditus in cujusque regni erarium inferrentur; nec in dispendium ceterorum erogarentur. Bellis suscipiendis, singulorum consensus requireretur; tenerenturque cetera gravato succurrere suis impensis, usque quo subsidio*

dia in illud regnum provenirent, quod belli mola premere-
 tur: ejus deinde stipendiis militatura. Rege mortuo, qua-
 draginta jurati procures, ex quolibet regno, Halmstadium
 convenirent; & regis filio non superstite, sorte decernerent,
 ex quo regno regem eligere deberent; ne nulla contentus
 querela suboriri posset. Et his 120 circa Electionem dissi-
 dentibus, 12 ex eorum numero ducerentur, qui concordibus suf-
 fragiis rem peragerent. Plausibiles sane conditiones, qui-
 bus libertati cujusq; satis provisum erat. Sed re ipsa com-
 pertum fuit, fœdus illud in Sueoniæ & Norvegiæ ruinam
 excogitatum fuisse. Dani quippe, quæ promiserant, tam
 præstare cogitabant, quam esuriens canis jejunium, visâ
 ossa. Quo fiebat, ut, perjuriis horum, in extremum exi-
 tium perducti Sveones, fœdus tandem illud condemna-
 rint. Hujus vi fœderis *Ericus Pomeranus* Sueoniæ pri-
 mum, deinde, postquam *Margaretha* ad inferos conces-
 sit, omnium trium regnorum solum adeptus est: qui
 materteræ artibus imbutus, eo humilitatis Sveones redi-
 gere cogitabat, ne quid adversus violenta imperia moliri
 possent. Cui rei perficiendæ bellum in Holfatos fuscipi
 placuit. Gestum illud fuit per 29 annos, semper fere in-
 feliciter. (Meurs.) Non enim tam vincere, quam Sve-
 onum vires frangere cupiebat. Cogebatur enim nobili-
 tas suis stipendiis assiduo militare; & cum ne sic quidem
 satis cito periret, trecentos ordinis equestris viros, sævis-
 simæ tempestati objectos, in ipso fere portu submergi fe-
 cit. Non suffecere tamen Tyranno tot annorum clades,
 nisi alio se bello cum Vandalicis civitatibus implicaret;
 quod 9 continuos annos duravit. Inter hæc Romanum
 Imperatorem invisit: Hierosolymas etiam tendit, scele-
 rum forte expiandorum prætextu. Marito absente, Regi-
 na *Philippa Angla*, gloriæ avida, 75 naves bellicas Stral-
 sun-

fundam expedit; quæ omnes ibi à Sundensibus atq; Lubecensibus captæ, aut depressæ fuerunt. Quæ ipsi temeritas non parvo constitit. A marito enim, domum reverso, ita excepta est, ut brevi deinde post in Monasterio Vadsthenensi decederet. Extincta foris nobilitate, ceteros cives vi, rapinis & immanibus exactionibus exhausti; (y) adeo ut, ne teruncius quidem, in toto regno residuus fere esset; cogerenturq; miseri domesticam suppellectilem, pecudes, prædia, & tantum non semetipsos in Danicam voraginem præcipitare. Inter alios Regis Gryphes & Harpyias, *Jöfso* *Erichsson* Dalecarli viscerandis præfuit; tantæ immanitatis bellua, ut, maritis fumo necatis, uxores gravidas iugo adplicaret; quæ inter laborum angustias, projecto fœtu, nova aratri aggravatione ad necem adigebantur. Horrendum prorsus, enervatam abortiendi doloribus, imbecilem naturam non potuisse se calamitatis privilegio, truculentia eximere! Matronas virginesque, ante maritorum & parentum ora, infanda stupri libidine violare, ludum jocumque putavit. Igitur Engelbertus, mediocris nobilitatis vir, apud regem semel (1433) iterumque, de *Jöfsonis* ceterorumque præfectorum sævitia, frustra questus, populares ad arma & libertatem vocavit. Et illi, vindicem suum non destituentes, correptis armis, præfectos regios ejecerunt. *Jöfso*, prope Vadstenum in rusticorum manus perveniens, promeritas scelerum suorum pœnas luit. Adhuc tamen in regem, quamvis severum & crudelem, integra senatorum voluntas: quos, cum bonis verbis in partes suas pertrahere non posset, *Engelbertus*, an Tyranni scelera iam sacrosancta habe-

 (y) Af Markaland gafs 10. Markastatu förutan andra utgåro der.

habuerent, exquisivit, ut nefas putarent, libertatis meminisse? Si ei diutius adhaerent, qui civium innocentum vitam & fortunam concubabat, se ipsos praedonum & proditorum loco habiturum, bonaque eorum praeda addicturum. Quibus minis inducti, Erico fidem & obsequium rescripserunt. Exactos praefectos suos, Sveonesq; in libertatem se adse-ruisse, agre ferens Ericus, maxima classe Sveoniam petiit: majori tamen ejus parte tempestate amissa, ipse Holmiam tandem delatus est. Engelbertus proceresq; laesa fidei postulati, non obsequii impatientia, sed ipsius perfidia, & injuriis coactos se hic devenisse, respondebant, ut, quo jure Regem eum constituisent, eodem tyrannum & praedonem deicerent. Arce itaq; Holmensi praesidio firmata, in Daniam recessit. Publicae interim salutis curam non intermittebat Senatus cum Engelberto. In comitiis Sigtunensibus tantum effecit Kröpelinus, praefectus Holmensis, ut sequenti anno Ericus in regnum restitueretur. Quod cum perfidis promissis, recepisset, asperiores multo tyrannidem exercuit. Conquerentibus de hoc civibus, assentator inquit; *Vester esse volo*; rebusq; pro libidine constitutis, in Daniam suam remeavit. Non delusus se tantum Senatores, sed & in pejorem conditionem rejectos videntes, (1436) cum Engelberto Arbogiam concedunt, de publica omnium salute consilia initura. Quo perlatæ etiam sunt literæ supplices Holmensium, qui Albertinorum temporum memores, a praesidio regio civibusq; Germanis non leviter sibi timebant. Quæ res praesentiam optimatum requirebat; sed accurrentes, urbis ingressu prohibentur. Evocati Consules Germani, frivolas exclusionis causas praetextentes, à Senatoribus detinentur. Ceteri cives, pacis tempore hanc injuriam senatui illatam indignantes, effractis portis, introitum aperuerunt; liberta-

tisque vexillum in foro evexerunt. Arcis praefectus Ericus Jutho, qua nocere posset, occasionem non intermittens, ignem urbi subiecit; ivissetq; in cineres, nisi sedula civium opera intervenisset. Arcis obsidendae cura *Carolo Knutson* commissa; *Engelbertus & Ericus Puke*, collectis militaribus copiis, trium mensium spatio, omnes saevitiae Danicae reliquias, per totum regnum, deleverunt. Hallandiam etiam & Scaniam in suam potestatem redegerunt. Post tanta in Patriam merita, impia Magni Benedicti in Giöcksholm manu cecidit Engelbertus: Vir fide, constantia, animi magnitudine, & in patriam amore prorsus singularis. Tam acerbo casu consternata patria, externorum simul & optimatum libidini paruit. Regni praefecturam adeptus *Carolus Knutson*, percussorem Engelberti in fidem suam recepit, opulentioresque provincias sibi servavit, ut aemulorum suorum potentiam infringeret. Quorum praecipui erant *Drotzetius Christiernus Vulfson*, *Ericus Puke*, *Broderus Swensson*, & *Nicolaus Stensson*. Melius tamen illis non cessere aemulationis studia, quam ut carcere vel supplicio ausa sua luerent. In comitiis Calmariensibus facta Erico spes recipiendi principatus, si ad saniozem mentem esset reversurus: res tamen ad concilium Sudercopense delata, Ericus, ut ad praestitutum tempus adesset, e Gothlandia solvit, sed naufragio vix superstes, in litus insulae rejectus est. Rege frustra expectato, arces nonnullas, quae adhuc in extraneorum manibus erant, repetebat Carolus Knutson; renuentesq; detinuit, usq; quo praefecturis cessissent; quae deinde, majorum more, indigenis conceditae fuerunt. Susceptae inde, de Erico constituendo, consultationes irritae fuerunt, quod nullis se legibus adstringi pateretur, absolutamque Tyrannidem affectaret. Ad comitia

mitia tamen, die Martini habenda, citatur, ut, ni intra tres menses compareat, civibusque satisfaciatur, omni reversionis spe excideret. Inter hæc Dani imperium ejus ejurant, quod thesauros Daniæ avexisset, regnumque *Bogislao Patrueli* conciliare decrevisset, multasque ex regno Daniæ partes divulsisset. Quorum criminum invidiam in illos, tanquam autores, retorquens, sese innocentem fuisse rescripsit; (Pontanus. Meursius.) Sed inquieta eorum ingenia, violenta imperia, injustitiam, iniquitatem, perfidiam, atq; immanem avaritiam in causa fuisse, cur Svedones patientiam tandem excusserint. Ita regnis suis exutus, per 10 annos in Gothlandia se piratica sustentavit: Insula tandem Danis tradita, in Pomeraniam trajiciens, duas naves, regia Gaza onustas, tempestate amisit, totidemq; Rivoldiæ annis exactis, decessit cum vixisset 74, regnasset quadraginta duos, & 20 annos exul fuisset.

Caput IX.

ERico excluso, finiri calamitas Patriæ potuisset, si ad regiam dignitatem indigenam aliquem evexissent. Bene de regno meritis erat *Carolus Knutson*; ceteri tamen optimates meritis ejus ambitionem suam antehabuerunt. Gliscens inde simultas externis spem regni fecit. Nec quicquam omisere Dani, quo *Christophorum* suum Bavarum, insidiosa commendatione, incautis obruderent. Nec repugnabat magnopere *Carolus*, si, pro republica perpeffi labores sui, alio præmio redhostirentur. Itaq; ut principatus jacturam patienter ferret, Finlandiæ præfecturam ei tribuit senatus & Olandiam in perpetuam possessionem; ita tamen, ut 40 millibus dachmarum Holmensium redimi posset, si regni necessitas ita exigeret.

ret. Igitur voti sui jam prope certus Christophorus, Sveonum voluntates sibi demereri, studebat: Carolum etiam parentis loco venerabatur. Futuri regiminis sui præscriptum, à Sveonibus tale acceptavit: *ut regni jura & leges inviolata conservaret: extraneum neminem in senatum legeret: arces & præfecturas indigenis committeret: Regni redditus & vectigalia alio non efferret: Gothlandiam Sveonia restitueret.* In ipsa inauguratione sua, septuaginta illustres viros, equestri cingulo, donavit. Germanos inde suos propiori adfectu fovens, ad reipubl. munera promoveri incepit: ab senatu tamen utriusq; regni serio admonitus, destitit. Multa interim damna civibus Sveonibus, é Gothlandia piraticis suis excursionibus, intulit Ericus. Regis opem in hunc implorantibus, *avunculum vite necessarius indigere*, respondit: quasi justitiæ esset, innocentum fortunas, prædoni consanguineo relinquere. Præfecturas, stipendia & Reip. munera, non solum divendere; sed & in unum plures simul inducere, solemne habuit. Quo fiebat, ut sæpe dialeserent magistratus, pluresque de uno munere, armis inter se contenderent. Rem fori tamen in hoc adjuvare visus est, quod ex provinciarum legibus, corpus quoddam juris compilare fecit. Sed quid juvat, aliis leges præscribere, quas ipse violas? videasque reges malos, ad leges ferendas & innovandas, promptissimos esse; sed, ut sancte & salubriter conditas observent, ab libidine sua non impetrare. Plus sane præstitisset Christophorus vita sua, innocentiae exemplar exhibendo, quam si legibus irritis justitiæ illulisset. Sed cum libidinum, flagitiorumque domesticorum infamiam non erubesceret, publicæ calamitatis causam, ex vite ejus flagitiosa & impia, profluxisse creditum est. Ad pestis quippe sævitiam magna annonæ caritas accessit: ut inopia

pia frugum, arborum cortices, in panem excoquerent pauperiores. Unde & ipsi cognomen, *Barta=Konung* / inditum est. Benivolentiam, quam in *Carolus Knutson* simulaverat, in odium & insidias convertit : quod virtus ejus & integritas popularibus acceptior esset. Aversionem istam pro viribus auxit *Drotzetus*, *Christiernus Nilsson* / ut ipsius ruina captivitatis suæ injuriam ulcisceretur. Sua tamen cautione & amore civium, firmior erat Carolus, quam ut Regis & *Drotzeti* insidiis subverti posset. Corrasas apud Sveones opes, in Daniam averturus, naufragium passus est; *Neptunusq;* Sveonum vere vindex, interceptum thesaurum, fratri suo *Plutoni* legavit. Regem tamen ad litus enatare permisit : qui brevi post, *Helsingburgi* diem suum obiit. Variantibus inde procerum Sveonum, de Rege eligendo, sententiis, ii tandem vicere, qui, indigenam aliquem creandum, decernebant. Virtutem vero & merita æstimando, non erat, quem *Carolo Knutson* anteferrent. Ejus tamen electioni refragabatur *Archi-Episcopus Johannes*, honorem illum, in patrem suum *Benedictum*, translatum cupiens. Sed ceterorum consensui impar, presso odio, *Carolus*, (1448.) in comitiis *Morating* regem designatum, *Upsalæ* coronavit. Prima ejus expeditio in *Gothlandiam* fuit, piratarum excursionum nidum : capta insula, cum urbe *Visbyensi*, *Ericus* in potestatem redactus fuisset, nisi fatali præfectorum *Magni Green* & *Birgeri Trolle* ignavia, an perfidia, constitutis induciis, arcem commeatu instruxisset. Impetratis inde è *Dania* auxiliis, arcem illis tradens, in *Pomeraniam* suam navigavit. (1449.) Mox cum classe adveniens *Christiernus*, tota insula classarios *Caroli* ejecit. Hoc tamen damnum majori fortuna pensatum fuit. Per idem enim tempus, cupientibus proceribus *Norvegiæ*,

M

regi-

regium honorem Nidrosiæ solemniter inivit : rebus ex voto ibi constitutis, Aslaco Turesson & Enaro Muscæ, regni curam commisit. Omnem interim movebant lapidem Dani, quo *Christiernum* suum *Oldenburgicum* Sveonibus conciliarent. Conventum Halmstadiensem, pro publica regnorum quiete indictum, Senatores aliquot invisere, quorum principes erant Magnus Ören & Nicolaus Jönsson / sed fidei & mandatorum immemores, inimica ibi in regem, cum Danis, fabricaverunt consilia. Is, pro mansuetudine sua, sceleris compertos, arcium præfecturarumque ademptione, mulctare satis sibi putavit. Hac, ut interpretabantur, injuria affecti, in Daniam profugerunt, strenuamque Christierno, contra regem & patriam, operam navaverunt. Conatum itaque irriti Dani, viam dispiciebant, quemadmodum Carolum, subditis invisum redderent. Et illa commodissima occurrebat, ut assiduis belli inferendi minis eum distinerent. Nec fefellit astutos consilium. Colonus quippe, continua militum discurfatione vexatus, publicanorum insolentiam acerbius ferebat : regi, ut malorum auctori, irascebatur. Lætum id Christierno, qui per præfectum suum Olavum Mælsjon (al. Est. Isjon) orani Holmensem populatus, bellum movere inceperat. Quoque latius terrorem daret, W-Gothiam prædis & rapinis corripuit. Mox tamen inde rejectus, & Hallandiæ Scaniæque vastitate, W-Gothiæ damnum pensatum fuit. Cum in eo esset, ut Hlandiam, ab Danis interceptam, recuperaret, Archi-Episcopus odiorum suorum tenax, & Danicarum propterea partium, Uplandos & Vestmannos in arma concitavit, Carolumque revertentem ad Stregnesium cecidit, & mox Hoimiam obsedit. In his angustiis deprehensus, civiumque benivolentia destitutus, thesauros suos Monachorum

rum fidei & custodiæ tradidit; levatisque ancoris, Gedanum ad Calimirus, Poloniae regem, navigavit. Antequam terra solveret, quæsit servus; *an quicquam omis-
sum existimaret? Te, inquit, Tuiq; similes in furcam
agere destiti: unde merito mihi hac calamitas provenit.* Ejecto Rege, munitiora regni loca occupavit Archi Episcopus, nulla Christierni mentione facta, quem sciebat publico odio laborare. Cum classe interim, ut inter ipsos convenerat, quasi in auxilium contra Carolum venientem, Holmiam introducit, regemq; creat. Et Monachi, ne minus, quam Archi Episcopus, perfidi essent, thesauros Caroli Christierno prodiderunt. Qui cum ad Holsatiam & Stormariam, ab Comite Schaumburgensi, redimendas non sufficerent, gravissimis cives exactionibus pressit: nec querentibus remedium, nisi ab armis. Motibus illis compositis, Archi Episcopus, ab indignante Christierno, in carcerem conjicitur, in illum quidem innocens, sed, propter perfidiam in Regem & Patriam, centum furcis dignus. Romani Pontificis minas, ob indignum facinus, in sacri ordinis principem virum, perpetratum, cavillando elusit: Non Archi-Episcopum, sed perjurum, officii desertorem, civiliumq; munerum usurpatorem, abs se in ordinem redactum. Illa interim, in Archi-Episcopum severitas, improspere Christierno cessit. Catillus quippe, Lincopensis præsul, ut avunculum liberaret, depositis sacris infulis, magno eum prælio ad Haraker fregit, patriaq; expulit. Ita sui rursus juris cives, regem alienigenam, Archi-Episcopi perfidia introductum, vitioq; creatum, rejiciunt, Carolumq; Gedano revocant. Cui ut negotium faceflet Christiernus, capitalem ejus inimicum, Archi-Episcopum è carcere dimisit, magnis præmiis & promissis oneratum. Reducem in gratiam recepit Car-

rolus, intercedentibus, fidemq; suam pro illo obstringentibus, patribus collegii Ecclesiastici Upsal. Aspidem tamen in sinum admisit, à quo, pro collato beneficio, vulnus acciperet. Pristinæ enim dignitati restitutus, diris regem devovit; seque Principem & Gubernatorem regni ferendo, Carolum Holmiæ obsedit: atq; ut regnum abdicaret, sacramentum & fidem subditis remitteret, adversariosq; famæ & honori restitueret, coëgit. Animus quidem Archi-Episcopo fuit, Christiernum reducere: Factionis tamen sociis, regnum inter se dividere, Caroloque stipendium vel provinciam aliquam tribuere, placuit. Quæ sententia prævalente, pro adempto regno, Raseburgensem in Finlandia præfecturam ipsi reddiderunt. Haud æqua fane retributio, si ad justitiæ lancem expendenda fuisset. Humanitatis interim famam affectabant, quod regis titulum ipsi non eripuerunt. Sic rege suo orbata patria, disfidii rapinisq; optimatum discerpebatur. Archi-Episcopo, ob non obscura in Christiernum studia, regni præfectura adempta, in *Ericum Axelsson* transfertur. Sed illo & factionis viribus & Christierni auxiliis crescente, Ericus Axelsson & Nicolaus Sture, desideriis civium, in reducendo Carolo, operas suas commodarunt. Sic jam tertium (1468.) in regni solium collocatus, postquam tres fere annos privatus vixisset. Archi-Episcopus Patriæ suæ tortor & proditor atrocissimus, regisq; æmulus, ne plura in regnum scelera perpetraret, propitia fata interceserunt, ad Cereris generum relegando. Cum ipso tamen factionis hydra extincta non fuit, superstites Erico Carlson, Frotone Carlson & Erico Nilson, qui novis patriam turbis involverent; quamvis non pari sceleris effectu. Rebelibus cæsis & in Daniam fugatis, Halmstadii reconciliati-
one inter Carolum & Christiernum frustra tentata, Danus
irru-

irruptionem in W-Gothiam fecit. Mox tamen inde Stenonis & Nicolai Sture opera rejectus fuit. Quin & illud annalium memoria ereptum, perire non meretur; Caroli hujus tempore, Moschum ingenti exercitu Viburgum circumfedisſe, arcisque præfectum Canutum Poſſe, arcanae artis prodigio, victoriam obtinuiffe. Civibus enim militibusq; ſuis in cellas & cavernas abditis, aneum lebetem in fumina propugnaculi turri collocavit. Repletus iſ erat avernali pharmaco, quod ab ſervo, auribus cera obturato, ſuccenſum, tam horrendum edidit tonitru, ut quicumque fragorem iſtum auribus exciperent, exanimati corruerent. Si qui ſpiritum languidum adhuc trahebant, ab ſupervenientibus militibus præſidiariis trucidabantur. Fortunæ lubricum toties expertus Carolus, diem ſuum placide Holmiæ obiit. (1470) Totum vitæ ejus imperii que tempus ſeditionum & turbarum ſcena fuit. Ingenio quidem callidus, ſed in adverſis parum firmus, & ſic æmulorum inſultibus obnoxius deprehendebatur. Illos tamen facile repreſiſſet, ſi, coërcita ſeverius miniſtrorum ſuorum improbitate, Civium benivolentiam ſibi devinxiſſet.

Caput X.

Post avunculi mortem, regni habenas accepit *Steno Sture*, (1471.) tam innoxie popularitatis princeps, ut Civium ſuorum amor & deliciae merito audiret. Proſtigato emiſſario ſuo Erico Carſſon, decem millium exercitu Holmiam obſedit Chriſtiernus. Adproperantibus mox Stenonis copiis, quas Nicolaus Sture & Canutus Poſſe ductabant, commiſſa acerrime pugna fuit, in ſuburbio boreali ad radices montis Brunkonis. Et, Sveonibus majori virtute pugnantis, caſa Chriſtierni acies fuit, cum

belli duce Frottone Carlson. Qui ferrum evaserant, in vicinum flumen acti, perierunt. Christierno quatuor anteriores dentes sagitta excussi fuerunt; quæ alte faucibus impressa, non nisi gravissimo cruciatu evelli potuit. Claudius Rönovius, Daniæ Marfcus, Turo Turfon, Nicolaus Christiernson, Andreas Frijs, pluresque alii in Stenonis potestatem venerunt. Fugato Christierno, quies regno rediisset, nisi Moscus populationibus Finlandiam involvisset. In illum missus Ericus Axelson, Regni Marfcus, prædatorem debellavit: exstructoque in finibus Savolaxorum Olaoburgo, hostiles irruptiones coercuit. Quiescentibus ita externorum turbis, ad pacis artes conversus Steno, multa, in patriæ honorem & commodum, bono consilio, emendavit. Inter cetera præclara sua, ipsi auspicia Academia Upsalensis debet: (1479.) Bononiensis Academiæ privilegia, ipsi conferente Sixto Quarto, Romano Pontifice. Christierno mortuo, Norvegiæ procures fædus cum Sveonibus ineunt, de Danorum, in Rege sibi capiendo, societate repudianda. Magnis tamen promissis Halmstadii circumventi, in *Johannem* consenserunt. Cui etiam, post biennium, (1483.) in comitiis Calmariensibus, nostri procures spem regni, sed difficillimis conditionibus, fecerunt. *Ut, nempe, articulatim unionis capita, tempore Margarethæ sancita, observaret: Gotlandiam regno Sveonia restitueret: Regno de damnis, ab Christierno patre illatis, satisfaceret: æs alienum solveret; thesauros, redditus, & publica instrumenta non auferret: regno de jure & legibus, senatui de honore & bonis caveret.* Verum cum, his pluribusq; aliis conditionibus non impletis, regno obrepere non posset, ad arma consilium adjecit, Moscumq; in Stenonem concitavit. Ita é re publica visum quibusdam, *Johannis* spem non differendam, ne duobus simul bellis

pa-

patria implicaretur : obnitente maxime Stenone, non quod regnum ambiret, sed quod, conspectis Danicis artibus, ab Jahanne simul & æmulis sibi timeret. Hinc ad incolumitatis præsidia respiciens, cum Ivaro Axelson, affine suo, agere coepit, de *Gothlandia & Finlandia* sibi tradendis, oblata alia, non minoris pretii, præfectura. Finlandiam quidem amicorum opera impetravit : (1490.) Gothlandiam vero majori pretio interceptit. Danus inaugurationem literis nunciisque subinde urgebat. Steno, cum Vandalicis civitatibus percusso fœdere, regni administratione decedere noluit. Civium enim effecere preces, ut ipsam retineret. Westro-Gothia ejectus Jahan- nes, ad conventum Calmariensem (1495.) profectus est, si forte Sveonum voluntates sibi demereri posset. Stenone autem, à cujus nutu rei summa dependebat, ibi non comparente, frustra eorum fuere studia, qui Dano cupiebant. Sequenti anno, (1496.) ad comitia iterum ibi peragenda, magna classe accessit; Vim forsan exerciturus, si bona gratia regnum impetrare non posset. Et menses aliquot frustra expectatus Steno, literas tandem Jahanni misit, quibus bellum an pacem eligere vellet, integrum ipsi faciebat. Ita ad Calmariam frustra hærenti, incensa prætoria puppis, regiam suppellectilem fundo misit : ceteram itidem classem exorta tempestas fœde afflixit. Itaque Neptuno non minus, quam Stenoni iratus, destinata sua in ludibrium recidisse indignabatur. Ne tamen nihil egisse videretur, oblati trium annorum induciis, Stenonem ab Ansætico fœdere deducere conabatur. Sed ille, quorsum consilia tenderent, non ignarus, induciis in breve tempus factis, à fœdere non discessit. Moscus interim, accepta ad Viburgum clade novem millium militum, recesserat. Mox tamen, reparatis viribus, terrorem

&

& cladem ruricolis inermibus intulit. Stenonis quippe miles, in præsidia dispersitus, satis habuit, inundantes hostium copias ab se depellere; de præsidiis magis, quam agrorum damnis, sollicitus. Regresso Mosco, qui ad populationes magis, quam bellum, venerat, Steno belli administrandi curam *Svantoni & Canuto Pesse*, qui prius ad Viburgum rem bene gesserat, committit, &, ad delectus habendos, in Sveoniam revertit. Illi, militum supplemento diu frustra expectato, parva manu insignem de hoste victoriam reportarunt. Steno enim, ambiguas procerum voluntates & Dani studia suspectans, omni se præsidio militum domi nudare, consultum non ducebat. Senescente tamen anno, non spernendi auxilii ductor ipse in Finlandiam fuit. Sed jam Svanto, rebus convasatis, domuitionem parabat: & revertendi certum, cum ad novam expeditionem inducere non posset Steno, jurgia & iræ utrumque commiserunt. Svantonis etiam animum ab se prius abalienaverat, quod demortui parentis præfecturam, senatu etiam suadente, in ipsum non transtulerat. Itaque cum ceteris æmulis haud dubie accessurus Svanto videretur, rebus utrinque cum Moscho compositis, sibi revertendum statuit. Reversum senatores Magistratu decedere jubent; *quod in tantis turbis & armorum motu, rege opus esset, nec differri ulterius possent promissa, Johanni Regi facta.* In speciem ista prætexebantur: præcipua tamen ægritudinis causa fuit, quod ceterorum civium studio subnixus Steno, multa faceret, non requisita auctoritate Senatus. Svantoni etiam alto corde hæsit, exprobratæ sibi fugæ injuria. Negabat autem Steno, senatui se regnum redditurum, quod omnium ordinum consensu teneret. Si illi juberent, mandatis se libenter obtemperaturum. Stenone cum Senatu altercante, Johannes W-

Go-

Gothiam & Smalandiam armis corripuit. Igitur Archi-
 Episcopus Jacobus, homo quietus & Patriæ amans; lon-
 gèq; à priore Johanne diversus, tanquam princeps sena-
 tus, omnia solícite egit, quo Stenonem & proceres in
 gratiam reduceret. Ipso autem, nisi salva autoritate sua,
 reconciliationem abnuente, Archi-Episcopus, ceteris non
 minus obstinatis, recessit. Arvidus Trolle, rebus cum
 Dano compositis, Calmariam ipsi cedit. Steno igitur, a-
 pud plebem senatum criminatus, quod regem alienigenam
 & insolentem Dominum, in cervices omnium arcesseret,
 Archi-Episcopum, cum nonnullis senatoribus, in arce Ste-
 kana obsedit, villamq; ejus & curiam Upsalæ diripuit, E-
 piscopo Henrico in captivitatem abducto. Jahannes, quo
 periclitantibus amicis opem ferret, Holmiam propere ten-
 dit, Stenonemq; in suburbio cecidit, Dalekarlis, auxilio
 adproperantibus, prius ad Rotebro dissipatis. Jubente
 igitur sinistra patriæ fortuna, Holmiam, totumq; regnum,
 in *Jahannis* manus tradidit, (1497.) rerum anteaclarum
 oblivionem, vitæq; & fortunarum securitatem pactus.
 Vix regno inauguratus erat Jahannes, cum Archi-Epi-
 scopus & ceteri, de acceptis damnis, Stenonem in jus voca-
 rent. Rege vero, ob fidem publicam ipsi datam, inter-
 cedente, pontificis auctoritatem imploravare; tantoque
 fervore litem persecuti sunt, ut nisi Conradus, Episcopus
 Strengnesiensis, Stenonis causam suscepisset, de vita peri-
 clitatus fuisset. Rebus ex voto ordinatis, in Daniam re-
 cessit; mox tamen, uxore & filio comitatus, rediit, (1499.)
 atq; à proceribus obtinuit, ut Christiernum, patri successo-
 rem, destinarent. Fuit Jahannes ingenii satis moderati &
 probi, adeo ut, cum convivio Sveonum proceres exce-
 pisset, & suggestor quidam scelerum, *hoc unum solide le-
 titiæ defuisse, quereretur, quod non adesset spiculator, qui*

N

Sve

Sveonum cervices demeteret; impiam latronis vocem averfatus, cœnaculo excefferit. Fatali tamen securitate, Scyllam istam declinare non curavit, ad quam *Albertus, Margareta, Ericus, Christophorus & Chriftiernus* naufragium feciffent. Damnata enim indigenarum fide, præfecturas & præfidia Danis tradidit; Vectigalia, redditus, omnemq; Reipubl. nervum in Daniam avexit. Quod utrumque ne faceret, sacramenti religione prohibebatur. Abalienatis fic Sveonum animis, bellum in Ditmarfos sumit, infelici plane eventum. Ab exigua quippe hostium manu turpiter victus & fugatus, (1501.) pleraque exercitus parte cæfa & deleta: Comites Oldenburgici duo, cum trecentis ac 60 é nobilitate Danica, cecidere: Tormenta omnia bellica, cum signis militaribus, in hostium potestatem venerunt. Regem sic fractum, sed tamen adversus justas querelas suas obftinatum, in ordinem redigere decreverunt Sveones. Quia tamen, præfentia Regis, componi omnia posse videbantur, Stenonis fvasu, adventum suum acceleravit. De Stenonis infidiis & sublesta in Regem fide, mira hic quædam, ex Petro Rosenfontano, comminiscitur Meurfius; eaque prorsus integritate, in rebus nostris exponendis, verfatur, qua Stenonem ceterosque Svionas in Jahanem fuiffè, invidiose arguit. Quamvis se, hominem Batavum, gratiæ odiiq; causas procul habuiffè, aliis perfvadere velit: quasi emolumentum commodique spes, mercenariam operam, in partium studia, flectere non posset! Aequitatem hominis vel inde perfpicias, quod Sveonibus, tantum non fingulis paginis, perfidiæ perduellionisque crimen impingit; quod externos Tyrannos, optimo quoque reclamante, per factionem introductos, rerumque potitos, ut datæ fidei & legum contemptores, perjuros, favos ejecerint, Remque publicam melioribus commiserint.

Da-

Danis vero, ad fidem exuendam, Christiernumque regno
 pellendum, metum ex Ianiena Holmensi, & asperum ni-
 mis in Torbernum Ore / suo tamen iudicio, haud innocen-
 tem, supplicium, justam & divinitus inspiratam causam
 fuisse contendit. Si Christierni in Sveonas merita percen-
 suisset, sævum & humani generis pestem, non injuria tra-
 duxisset; in Danicam vero Rempubl., cujus nos servitio
 auctorare institit, innocens plane fuit. Mirari sane, an
 misereri regum fata licet, quod injuriam interpretentur,
 jure secum agi. Potuisset Jahannes omnes Sveonum que-
 relas & indignationes exarmare, si fidei suæ sacramentum,
 & regni leges ratas esse voluisset. Ceterum fastigii sui me-
 mor, ad legum arbitria, acta sua devocari, indignabatur.
 Irritis igitur utrinque disceptationibus, acerbati animi in
 diversa ibant. Rex, Holmia præsidio bene firmata, con-
 jugem ibi gravidam reliquit. Ipse in Daniam, ad novas
 vires comparandas, navigavit. Itaque periculi metus, pro-
 cerum animos arctius colligavit. Quorum nomine publi-
 catæ literæ, regnum Jahanni abrogabant, Stenoni, publi-
 ca autoritate, rerum gerendarum summa tradita. Et,
 quia Jahanni maxima fiducia in præsidio Holmensi erat,
 e re visum, illud primum depellere. Obsessa urbe, Con-
 sules & Senatus Urbanus, Stenoni se permittere decreve-
 runt. Quo intellecto, qui in præsidio erat miles, ignem
 testis iniecit; itaque, haud ambiguo malo territi Cives, a-
 pertis portis Stenonem intromiserunt. Et quamvis extin-
 cto incendio, magnum tamen damnum acceptum est. Ja-
 hannes, rem serio agi videns, optimatum arbitrio litem
 committi flagitavit. Sed illi, ad fraudem jam cautiore,
 ab incepto non destiterunt. Christina ad extrema reda-
 cta, arcis deditionem fecit, (1502) seque in Stenonis pote-
 statem tradidit. Triduo post, cum classe appulit Jahannes,

conjugi opem laturus, sed alia, ac speraverat, rerum facie deprehensa, in Daniam mœstus retrocessit. Regina, liberaliter habita, sesquiannum in Sveonia mansit. Regnum, cum conjugē amissum, vi recuperaturus Jahan-nes, Anseaticis Civitatibus navigationem in Sveoniam interdixit. Atq; sic, intercepta commerciorum libertate, Lubecenses sibi hostes fecit. (1503.) Steno etiam, ut hostem distineret, Norvegos in ipsum concitavit. Sed tumultuantes ad obsequium reduxit Christiernus; inde in W-Gothiam irrumpens, Ludosiam cepit. Ibi, quod arma in propinquo nulla essent, secure agentem opprimere potuisset Achatius Johanson, præses O-Gothiæ, nisi, virtutis suæ fiducia, classico semisomnes excitasset. Ita tumultuario prælio, par utrinq; clades accepta fuit: & Christiernus, exusta Ludosia, copias suas in Scaniam reduxit. Locis omnibus munitis, præter Calmariam, in potestatem redactis, Reginam dimisit Steno, eamq; officiosæ deductionis causâ, in Smalandiam usque comitabatur. In hoc itinere, subita valetudine correptum, fata exstinxerunt. (1504.) Mors ejus, Hemmingi Gaddi, Lincopensis præfulis, jussu, celata, quousque Svantoni principatus confirmaretur. Funus ejus, viventis adparatu, Holmiam perlatum; & Svanto, comitatu immixtus, regni princeps & moderator à Gaddo & ceteris salutatus est. Quæ, licet præter morem fierent, senatus tamen rata habuit, ob vi-ri virtutem & merita.

Caput XI.

PRæsidio Danico adhuc insedebatur Calmaria, nec Svantonis obsidione, quamvis acri, ejici potuit. Lubecensium naves aliquot, Dani interdictum, de subvehendo com-

commeatu. spernentes, intercipiuntur. Inde comitiis Calmariae indictis, (1505.) cum Scotico & Brandeburgico legatis, Daniae & Norvegiae Senatoribus, adfuit Jahannes, si novo forte Sveonas obsequio irretire posset. Verum, illis non comparentibus, Dani & Norvegi, perduellionis sententiam, in Stenonem mortuum, Svantonemque protulerunt; quæ ut in Germania quoque rata esset, ab Imperatore impetravit Jahannes. Hac contumelia traductus Svanto, arctiori cum Lubecensibus percusso fœdere, Blekingiam vastavit. *Severinus Norby* Castelholmum diripuit, Stenone Tureson, cum conjuge, in captivitatem abrepto. Irritis inde, de pace tractatibus aliquot habitis, Ludosiam in cineres redegit Danus, prædaque acta, domum revertit. Et Svanto, ut W-Gothia & Aboæ damna pari clade pensaret, Scaniam depopulatus est. Lubecenses, imperatoris permissu, commercia per Codanum exercentes, Danus arripuit, & Travemundam 24 navium classe obsidens, onerarias naves, Revalia & Riga redeuntes, intercipit. Eam ob causam Dani Lubecæ, & in Dania vicissim Lubecenses, vadimonio detenti. Inde libera utrinque piratica, ditiones ultro citroque infestantur. Jahannem, quo Lubecenses melius in ordinem redigeret, ita cum Sveonibus transegisse, sua fide narrant scriptores Dani, ut solutis 13 millibus selibrarum (2) Holmensium quotannis, bello abstinerent. Lubecensium classis, Bornholmiam populata, Calmariam adpulit: cui juncta Svantonis classis, Hemmingi Gaddi, qui prius in Danos acriter peroraverat, ductu, Blekingiam & Lalandiam misere adfixit. Hic classianorum suborta consternatio, præ-

N 3

fe-

(2) Hanc pecunia summam ab Sveonibus petiisse Danum constat, sed non impetravisse, Meurs.

fectos Lubecam redire coëgit. Nostri interim Slandiam & Calmariam receperunt. Legati Moscovitici Holmiam adpellentes, pacem in 60 annos cum Svantone pepigerunt. (1510.) Lubecenses, inde rerum suarum satagentes, contra fœderis leges, pacem cum Dano, Sveonibus inconsultis, iniverunt. (1512.) Sed Svanto, postquam 8. annos regno præfuisset, decessit. Mox, de sufficiendo principe, in diversas sententias itum. Major senatus pars in *Ericum Trolle* propendebat. Erat enim & prudentia & morum atq; literarum commendatione conspicuus. Sed has prærogativas publicum familiæ odium, ob Danicæ factionis studia, destruebat. Eo igitur rejecto, Steno, Svantonis filius, regni moderator designatur. Jacobus, proVectæ jam ætatis senex, interposita fide sua, Stenonis suffragium & commendationem Gustavo Trolle impetravit, pro suprema sacrorum Antistitis infula adipiscenda. Agebat tum Romæ Gustavus, ubi Stenonis literas ad Pontificem & pecunias accepit. Itaque, re ex sententia gesta, domum revertit. (1515.) Nec quicquam intermisit Steno, quo reversum honorifice exciperet. Sed frustra fuit omnis humanitas, apud hominem ambitiosum & odiorum pertinacem. Pluris enim parentis repulsam, quam Stenonis beneficia reputans, malum ipsi omnibusque adversariis minabatur, arcemque suam Stækam communiebat. Præter veteres simultatis causas, etiam ab Christierno Dano in reditu corruptum fuisse, fama tulit. Quod & verum fuisse, legatus Pontificis Anglus *Arcimboldus* confirmavit. Cum enim iter per Daniam haberet, nuptiisque Christierni interesset, operam ejus, in Sveoniæ regno sibi conciliando, exambivit, editis fidorum sibi nominibus, qui rem pro viribus essent promoturi. Per hunc Steno, quantæ essent Danicæ factionis vires, facile intellexit. Itaque,

que, cum inimica, in Stenonem, consilia amplius in occulto non essent, nec ulla via, ad sanio rem mentem reduci, posset Gustavus, parentem ejus Ericum comprehendit Steno, (1516.) (1517.) ipsumque in arce Stækana obse- dit; & quia fiduciam in Christierni auxiliis, propediem adventuris, collocabat, oblatam sæpius, per regni Sena- tum, reconciliationem respuebat. Christiernus, ut ami- co periclitanti, in quo non minimum moliminum suorum momentum repositum erat, quantocius succurreret, qua- ter mille militum, ductu Johannis Trolle, Severini Nor- by & Caroli Canuti expedit, qui, facta circa Holmiam excensione, terrestri itinere Stækam petere decreverunt. Steno, tentata sæpius reconciliatione, frustratus, Danos prope Holmiam magna clade profligavit. Multi cæsi aut submersi; nonnulli capti fuerunt: qui ad naves refugere potuerunt, oram maritimam in *Tiuslia* deprædati, domum redierunt. Archi-Episcopus, accepta per captivos auxi- lii clade, ex insolenti humilis, civilium negotiorum abdi- cationem, arcisq; deditioem, si sacrorum sibi dignitas reservaretur, obtulit. Sed cum responderetur, *impias & sanguine imbutas manus, sacris admo veri non debere; belli sibi gerendi potestatem, a Pontifice factam adseruit; ut ea pro- pter homicida aut sanguinarius cense ri non deberet.* Haud ignarus Steno, quantas turbas Romani Pontificis autori- tas ciere posset, regni ordines Holmiam convocat, ad co- gnoscendam causam Archi-Episcopi, qui & ipse, fide pu- blica, aderat. Censuere omnes, *Stækam. tot rebellium re- ceptaculum, funditus diruendam; & Gustavum, ut perdu- ellem & proditorem, dignitate sua in perpetuum exuendum:* Arcimbaldi tamen intercessionem dederunt, ut in paternis prædiis libere degere posset. Huic edicto subscribere om- nes, literisq; invicem caverunt, de facto coram Ponti- fice

sic defendendo. *Johannes* vero *Brast* / *Lincopensis* præful, in chartula, ceræ suppressa, *invitum se subscripsisse*, in omnem eventum profitebatur. *Stækam* reductus *Gustavus Trolle*, invitis militibus, diu eam defendere non potuit; nec multum captivo dissimilis, in Monasterium *Arosiense* concessit. *Christiernus*, ut, aliquo juris prætextu, de *Sveonibus* vindictam exigeret, in gratiam *Archiepiscopi*, apud *Leonem* 10. effecit, ut sacristitium per totum regnum imperaret, sententiæque executionem sibi demandaret. Eam in rem, instructa classe, *Holmiam* navigavit; (1518.) castrisq; in suburbio meridionali collocatis, urbem oppugnare cepit. Pugna inde cum *Stenonis* militibus, ad *Brenne-threctia* / conferta, magnoque accepto damno, in naves suas se recepit. Diu tamen in ora maritima hæsit, ventis navigationem impredientibus. Quo fiebat, ut fame emaceratus miles, aut moreretur, aut transfugeret. Huc necessitatis adactus, pacis perpetuæ, inter regna conciliandæ, simulatione, *Stenonem* circumvenire institit. Et hic, quietis cupidus, extrema necessitate laboranti hosti, commeatum gratis submisit. *Ivisletq;* ipsemet ad *Christiernum* invitatus, nisi pia civium intervenisset sollicitudo, Accepta interim publica Regis fide, *Gustavum Ericson*, *Laurentium Siggesson*, *Georgium Siggesson*, *Olaum Rynim*, *Benedictum Nilson* & *Hemmingum Gadd*, Senatorii ordinis viros, misit, qui rem cum *Christierno* transfigerent. Sed ille, egregius fidei suæ conservator, pacis simulatione proditos comprehendit, atque, ventis adspirantibus, in *Daniam* abvexit, tetri carceris squaloribus emacerandos. Insequenti anno, Pontificis edictum per *Birgerum Lundensem*, & *Lagonem Urne Rofhildensem*, promulgari fecit: *Stenone*, ceterisque brutum istud fulmen deridentibus. Brevi post, *Christierni*
 Clas-

Classarii Glandiam, cum arce Borcholmenfi, in potestatem redegerunt, Calmariam etiam oppugnare adorti, à Stenonis militibus rejiciuntur. Majoribus, inde comparatis copiis, ductu Ottonis Crumpii, W-Gothiam corripuit. Cui ad Bogesund occurrens Steno, & inter primos promptissime dimicans, in femore vulneratur, faucibusq; pugna effertur. Ducis fortuna perculsum exercitum, non magno labore, disjecerunt Dani, & nemine prohibente, ad silvam Tiveden processerunt. Constituerunt ibi ad arborum concædem propugnatores aliquot, qui subeuntes Danos acriter propulerunt. Circuito postea à captivis monstrato, illos cecidit, viamq; in Nericiam sibi aperuit Crumpius. Steno certior factus, Crumpium in Sveoniam usque penetraturum, Episcopum Matthiam, Magnum Green, & nonnullos alios Stregnesio, ad Gustavum Trolle, qui tum in Ekeholmen morabatur, misit, qui amicitiam inter ipsos reconciliarent, ne forte ad Danos rursus deficeret homo turbulentus, magnumq; sibi negotium faceretur. A quibus amice de hoc compellatus, *serio sibi displicere*, profitebatur, *priores similitates, malum illis imprecatus, qui istarum autores exstiterent.* *Majorem se, in posterum, erga Patriam & Stenonem, fidei & obsequii rationem habiturum.* Eadem fere die, qua hæc agebantur, Steno in itinere, Holmiam versus, ex vulnere dolore decessit. (1520)

Caput XII.

TAm acerbo casu consternata patria, quid in hoc rerum articulo susceperet, incerta fluctuabat. Vires quidem & animorum alacritas, ad resistendum hosti, non deerant; sed, quia capite carebant, nec in commune consulebatur, cum viribus animi quoque conciderunt. Pro-

Q

cerum

cerum plures, cum Stregnenſi Epifcopo Matthia, in curia *Ednnelſjöd* congregati, de rerum ſumma conſultabant, nihil certi tamen expediebant, ſententiis vel langvidis vel diſcrepantibus. Stenonis vidua *Chriſlina*, quæ cum nonnullis procerum Holmiæ ſe receperat, ad concordiam & patriæ deſenſionem hortabatur. Coiveratq; magna civium multitudo ad Illerfund, in hoſtem duci promta: Sed, nemine Ducis partes ſubeunte, tam oportuna deſenſionis manus dilapſa eſt. Matthias igitur, & qui cum illo erant, de induciis cum Crumpio, qui Stregneſium ſeſe penetraverat, agere cœperunt. Fide ultro citroq; data, comitia Upſaliæ indiſta ſunt, pro pace ſtabilienda. Convenere illuc non pauci, in iis Guſtavus Trolle & Otto Crumpius. Stenonis vidua cum ſuis, quamvis interpellata, conventui iſti intereſſe reſuſavit. Igitur ceteri rerum anteaſtarum oblivionem, vitæ & fortunarum ſecuritatem, immunitates etiam, jura atq; Privilegia, ſibi ſalva, ab Crumpio pacti, Chriſtierno fidem & obſequium addixerunt. Quicquid Crumpius regis ſui nomine promiſerat, Chriſtiernus largiſſimis ſuis literis amplius confirmavit. Conciliatis ſic regi ſuo plerorumque procerum animis, cum tribus millibus militum Holmiæ propius acceſſit Crumpius, ut Chriſtinæ animum pertentaret. Internuntiis aditu urbis prohibitis, atque etiam à Magno Green, tormentorum exploſione, abactis, conſilio ſuo fruſtrati Sveones, domum quiſque ſuam redierunt. Crumpius vero, intellecto, naves aliquot Holmenſibus ſubſidio venturas, in ora narritimæ hæreſe, nec opinato eas adventu capere cogitabat. Sed Navarchi, ad rerum ſubita non imparati, navibus in profundiora deductis, ſui adeundi facultatem non dederunt. Mille interim & quingentorum militum ſupplemento auctis copiis, commætuq; deficiente, militem per

per præsidia collocavit, Arosiæ, Stregnesii pluribusque aliis locis; ipse, cum majoris exercitus parte, Upsalæ, veris oportunitatem operibatur. Qui Christinæ adhæserant, suum in Patria adferenda studium neutiquam intermittentes, præsidia, quæqua potuere, vexare & cedere. Itaque malo suo cautiore, qui Arosiæ hibernabant, Upsalam se recipere festinabant: Sed in itinere, ad Balingsåhs, à supervenientibus agricolis cæsi, suorum plurimos desiderarunt. Inter hæc Lambertus Matthson, collecto ex agris tumultuario milite, Crumpium Upsalæ adoriri ausus est: Equitesque ejus per nivis lubrica lapsabundos plerosque stravit. Fuissetque deletus Danus, si militarem disciplinam calluissent ruricolæ: Sed cum pars, ad diripiendam prædam, discurrent, ceteri tumultuario rem agerent, circumventi centeni aliquot perierunt. Triginta militum millia in exercitu Lamberti fuisse, & ex iis viginti millia cæsa, fide sua narrat Meursius. Crumpii miles, qui octo millia non excedebat, dimidiam sui partem desideravit. Si quatuor exercitæ militiæ millia fuissent, liberari facile patria potuisset, in tanta Civium adversus hostes conspiratione. Ineunte vere (1520) Christiernus cum classe sua Holmiam venit, una secum ducens Theodorum, Lundensem Archi-Episcopum, & Johannem Ottoniensem, quos sævitæ consiliarios & ministros sibi delegerat. Adcurrit mox Crumpius, cum aliis, qui Upsalæ hibernabant. Gustavus Trolle, Matthias Stregnensis, ceterique omnes, qui Crumpio fidem dederant, ad regem in castra advenientes, gratiose excipiuntur, omniaque, quæ prius eis addixerat Crumpius, regio juramento confirmantur. Holmenses, quantumvis arte undique obfessi, omnem cum Christierno pactiorem renuebant. Et per provincias hinc inde concitatæ agricolæ, plurima damna Dano, eisque, qui

in partes ejus transiverant, intulerunt. In tantis turbis, anno insuper ad autumnum vergente, certum sibi periculum imminere videbat Christiernus, nisi cum Holmenfisbus transigere posset. Igitur procerum Sveonum opera, tandem præcipuos in urbe ad suas partes pertraxit, ceteris negotium averfantibus, quod nulla necessitate premerentur. Sed sic fata fuerunt, ut, qui saniora videbant, eis obsequi deberent, qui in exitium ruebant. Igitur cum omnium vota promissis superasset, faustis acclamationibus, in urbem inductus est, rebusque pro tempore ordinatis, in Daniam navigavit. Mox reversus, in publicis regni comitiis, inaugurationis suæ solemnia peragebat. Extructo in monte Brunconis pegmate, *Christierni* nomine, ad ordines concionabatur Ottoniensis, & non unum, regni adeundi jus ejus adstruebat, acriter in illos inVectus, qui istud intervertere annexi fuerant. Istis peractis, in templo majori Coronam regiam imposuit Gustavus Trolle Archi-Episcopus, postquam regni ordinibus, de jure, privilegiis, vitæ & fortunarum securitate, cavisset, regiumque jusjurandum, sacra Christi cæna, confirmasset. In ista celebritate, nobiles aliquot Danos equestri Cingulo donavit, nulla in Sveones propensione, quos alio munere mox excipere decreverat. Aderat etiam *Caroli Quinti* legatus, qui coronato aureum vellus circumposuit, atque in societatis Burgundicæ fœdus recepit. Ad lætitiâ publicam nihil deerat, & omnia fausta sibi imaginabatur credulorum simplicitas. Sed præcox nimis gaudium illud fuit, & multis postea lacrimis defletum. Christiernus quippe, compositam diu sævitiae suæ Tragœdiam exhibiturus, secreto cum suis consultabat, quemadmodum commodissime Sveonum præcipuos excindere posset. *Militarem tumultum excitandum, svadentibus nonnullis,*
Sveo-

Sveonas etiam arma rapturos, & anceps Danis periculum allaturos, reposuere alii. Convivium tandem fieri placuit, ut, inter hospitalis mensæ sacra securi, circumvenirentur. In arcem itaq; invitatos, instantis cladis ignaros, laute per duos dies excepit. Tertio die, ex composito surgens Gustavus Trolle, querula oratione calamitatis suæ seriem exposuit, regiamq; vindictam imploravit, ut de vi & damnis acceptis sibi satisfieret. Christiernus, qui aliorum hæc accepit, præferri mox Lundenis & Roschildensis pridem latam sententiam in Stenonem, ceterosque participes jubet. Igitur Christina, quæ hac sententia maxime gravabatur, prolatis senatorum & ordinum literis, quibus Gustavum ordine movendum, arcemq; Stækam diruendam censuerant, sese excusare nitebatur. *Braskius* vero, cum, quorsum res evalura esset, facile perspiceretur, aperiri feram suam jubet, ad innocentiam suam contestandam. Irrita jam omnis, datæ toties fidei, obligatio erat. Nihili jam reputabantur tot horribilia juramenta, quibus divinam sibi vindictam imprecatus erat toties Christiernus, ut Sveonas in jure suo, vitæ atq; fortunarum securitate conservaturus esset. Perfidia, lævitia & humanus furor sæva omnia inculcaverat. Nicolao Bilde, Palatii præfecto, mactandorum catalogus conficiendus mandatur; qui inermes & pavidus, per lictores & carnifices in vincula rapiebantur. *Octavus Novembris dies* mactationi & lanienæ destinatus erat. Clausæ urbis portæ, satellitum præsidio conspectiora loca infesta, cives extra domos suas exire prohibiti, cuncta ad terrorem ordinata fuerunt. Circa meridiem aperta arce, captivi producuntur, inauditi, injudicati, sed tamen morituri. Cum in forum, supplicio destinatum, pervenissent, cervices percussori præbituri, sacerdotis sibi copiam fieri supplicarunt, ut delicta sua

confessi, expiatiq; majori solatio morentur. Sed tantus sævitæ furor erat, ut animam etiam interficere cuperet, denegato illo, quod, ultima exempla promeritis, ultro indulgeri solet. Nicolaus Lycca & ceteri, Tyranni præcones, civium consternationem & pavorem, falsa oratione, mitigare laborabant; *Regem enim, primarii regni Antistitis lacrimas negligere, non potuisse, qui ter genu flexus, justitiam ejus imploraverat.* Sed *Vincentius Scarenfis*, ceteriq; calumniatoribus in os mendacia sua retorserunt; multaq; de innocentia sua, & Tyranni crudelitate, libero spiritu protulerunt, divinam ultionem ipsi imprecantes. Tum circumstantes Sveonas admonebant, *ut periculo suo cautiore, Danorum perfidiam & belluinam feritatem abhorre discerent; Et falsis eorum promissis & lenociniis se circumveniri non paterentur.* Primus carnifici succubuit *Matthias Stregnensis* præsul: trunco decussum caput ejus ad pedes reponebatur; ob viri, scilicet, merita, qui ceteris omnibus plus unus laboraverat, in regno Christierno conciliando. Post ad infamem ictum se demisit *Vincentius Scarenfis* Antistes, tum ex *Senatorio & procerum ordine*, *Ericus Abrahamson, Ericus Knutson, Ericus Jobanson, Ericus Rynning, Ericus Nilson, Eschillus Nilson, Joachimus Brabe, Magnus Green, Ericus Ruse, Olaus Biörnson, Gunnarus Galle, Benedictus Ericson.* Inde consules tres, consilarii urbani quatuordecim & bonoratiores quique cives 94, carnificis manu ista die strata fuerunt. Satellites quoque, in cives irruentes, obvios quosque trucidarunt. Continuata etiam per sequentes dies laniena fuit; sed obscuriorum supplicia certo numero haud definita. Cruces, patibula, spoliaria vix capiendis cæforum exuviis sufficebant. Cumq; in tenebris multi adhuc delitescerent, promulgato impunitatis edicto, temere creduli prodeunt, a lictoribus mox cor-

corripiendi. Cum ita hominum solitudinem fecisset, bona ipsorum, tanquam sectionem, involavit. Viduæ & pupilli, maritis & parentibus orbat, ad ultimam miseriam redigebantur. Interfectorum corpora, in sanguine tertium jam diem natantia, ubi fœtore aerem infestare cœperunt, in suburbium meridionale trahebantur, ut infami pyra cremarentur. Pœna, scilicet, maleficis, & diris Pontificiis devotis, promerita; tales tamen non reputabantur, cum Christierno sceptrum & coronam contulerunt. Stenonis exuvias, sepulcro suo erutas, & jam pene putrefactas, priusquam cremarentur, morsu laceravit Christiernus, inaudita hactenus in humanis belluis feritate. Si vivum cepisset, crudeliori, quam Johannem Magnum, supplicio mactasset. Nudus is cruci affigebatur, cumq; inter tormenta patriæ calamitatem defleret, abscissis pudendis, os everberabatur, diductoque pectore, evulsum cor in mortui faciem illidebatur. Atq; hæc omnia in Holmenfi theatro repræsentata, in ipsa novi principatus festivitate, ut grato, scilicet, aliquo munere civium animos demereretur. Prætores ejus & Præfecti, per provincias, Domini sui facinora æmulabantur. Et suam Finlandia Tragœdiam habuit. Mactati ibi fuerunt, *Hemmingus Gadd*, si quisquam alius, patria dignus civis; *Acbatius Jöranson*, *Antonius Ericson*, *Nicolaus Eschilson*, pluresque alii, non infimæ nobilitatis viri. Post hæc imperandi rudimenta, animum ad ordinandam Rempubl. adjecit. Johannem Bellenachium Ottoniensem, Stregnensi Episcopatu præfecit. Theodorum vero Lundensem Scarensis præsidere jussit. Constitutis ubiq; prætoribus Danis, arma rusticis adimere cœpit. Licet enim salis donativo eos deliniverat, invalidum tamen illud beneficium, adversus injurias, futurum videbat, si exulcerati animi, novis gemitibus, novis in-

indignitatibus irritarentur. *Christinam*, Stenonis viduam, cum multis aliis matronis & virginibus, captivas in Daniam misit; ubi plures, tetro carceris squalore, enecatæ fuerunt. Ita, postquam nihil sacri aut profani superfuit, in quo crudelitatem suam nobilitare posset, Deo hominibusque invisus, in Daniam terrestri itinere recedere decrevit, quoad perpetrati sceleris infamia, ipso tempore mitigaretur. Regni interim administrandi curam, Theodoro Lundensi commisit. Arte sua *Tonsor* is fuerat, circumforaneoque squalore vitam tolerans, Italiam etiam oberraverat. Inde Sigbritæ commendatione Christierno acceptus, sceleris & flagitiorum ingenio ceteros omnes anteivit. Legatione, ad Pontificem Romanum, Domini sui nomine, defunctus, Lundensem Archi-Episcopatum tulit. Nec aptior alius, qui, in jugulandis Sveonibus, Tyranno consilia & manus suppeditaret, navatæque operæ præmium, Scarensem Cathedram, regniq; præfecturam acciperet. Hic tandem, in Daniam profugus, vindicem Dei iram effugere non potuit. Cum enim Tyranni sævitiam, sua crudelitate, fatigasset, non minus jam per easdem artes invisus, quam quondam potens, jugulo funibus innoxo, manu carnificis per patibulum raptabatur. Inde vivus in rogam injectus, suffocante flamma, sceleratam atque impiam animam libere effundere prohibebatur. Christiernus, itineri suo intentus, quaqua transiit, crudelitatis suæ vestigia exstare voluit. In eo tamen commendandus, quod Sudercopiæ, impietatis suæ satellitem, Claudium Holst, in eo ipso patibulo, quod Sveonibus erexerat, suspendi fecit. Wadsteni Svenonem Hødd & Petrum Fabrum, quadrifariam dissectos, rotis imponi imperavit. Junecopiæ Lindormum Ribbing, cum duobus ejusdem sanguinis infantibus masculis, carnificis manu stravit. De-

votus

votus inde & religiosus, cum in Nydalensi monasterio sacris interfuisset, Abbatem cum Monachis, in profundum præcipitari fecit. Abbas vero, ruptis brachiorum vinculis, enatans, iubente rege, crebris stipatorum ictibus confossus, fundum & ipse petiit. Ultimum hoc sævitæ ejus monumentum fuit, Gothico sanguine inscriptum. Mox enim, ab utroque regno proscriptus, in Germaniam, inde in Belgium concessit: Norvegiam postea exercitu petens, infidisq; Danorum factionibus in potestatem reductus, post 27 annorum captivitatem, in carcere tandem misere obiit. (1559)



EPITOME HISTORIÆ SUIO- GOTHICÆ.

LIBER TERTIUS.

Caput I.

PER sæva hæcenus, & luctuosa Patriæ tempora, rerum seriem deducenti; vix verba reperire erat, ad tantorum scelerum horrorem memorandum: ita crudeliter dominantium furor, lingvæ non minus, quam animo, stuporem incusserat. Jam, postquam propitium numen, calamitatibus hæc intercedere, nostriq; misereri voluerit, per lætiora Gustavidarum auspicia, alacri ac prompto magis, animo decurrere licebit. Quamvis ad meliora indigenarum imperia, exterorum sævitia & tyrannis non parum contulerit. Nisi enim, uno ictu, eorum cervices præscindere voluisset Christiannus, qui importuno contentionis studio; se & patriam perditum ibant, omnestandem, lenta Tyrannide, periissent. Sed, qui funestæ tragœdiæ supererant, malo suo cautiore, perniciem, quæ ab externorum regum dominatione imminabat, consensu mutuo antevertere, &, damnata exitiosa illa, trium regnorum, unione, è suis regem capere didicerunt. Ita, divino auxi-

xiliante numine, res patriæ, propemodum desperatas, in integrum rursus restituit Gustavus Ericson. Is pacis, inter avunculum Stenonem, & Christiernum conciliandæ, minister, cum pluribus aliis, senatorii ordinis viris, contra fidem publicam & jus gentium, captus, in Dania asservabatur. Sed custodia sua elapsus, Lubecam primum, inde, juvante consule Nicolao Bröms, onerata nave, Calmariam venit. Et, iter per *Smalandiam* & *O-Gothiam* habens, agresti cultu, quarentium insidias vitavit, salvusque Paternos lares attigit. Hic delitescenti, ubi Holmenis laniena innotuit, animi anxius in solitudinem motum Borealiū concessit. Ibi quoque damnata manerendi spe, domum revertit. Sed, quia nusquam securo esse licebat, ad Dalekarlos ivit, suamque & Patriæ calamitatem, coram illis, deflevit: *Alberti, Margarethæ, Erici, & Christiernorum* Tyrannide, non sine lacrimis, commemorata, *Engelbertum* inde & *Dalekarlos*, qui *Ericum Pomeranum*, & sceleratum ejus satellitem *Jufionem Ericson*, ex publicis cervicibus deiecissent, ut Patriæ ac libertatis vindices, laudibus in cælum tulit. Sed jam rursus, tantis cladibus & calamitatibus, oppressam esse patriam, ut, nisi quid opis & auxilii, in illis reperiretur, actum plane sit, de salute & incolumitate omnium. Hæc concionanti, supervenit *Laurentius Olai* filius, veteranus miles, & Stureis ob servitia commendatus. Christiernum is regnum circuiturum adfirmavit, edicto publicato, ut comneatus in adventum ejus providerentur, crucesque & patibula vicatim erigerentur. Igitur *Dalekarli*, haud ambiguo malo conterriti, Gustavo se permiscere. Lectis ille protempore militibus, *Arosia* & *Upsala* Christierni præsidia expulit. *O-Gothia* deinde, & *Smalandia*, *Arvidi Wes-Gothi* opera, hosti extorsis, Principis titulum & honorem

in comitiis wadstenensibus inivit. (1521) Hostili adhuc præsidio infidebatur Holmia; ad quod expellendum, Lubecenses naves aliquot suas elocaverunt. Obsessis cum indies ætiora omnia fierent, auxilio veniens *Severinus Norby*, novo supplemento obsidionem rupit. Igitur *Gustavus*; novo militum delectu habito, acrius urbem oppugnare aggressus est. Potuissetque Severini classem, glacie constrictam, in potestatem redigere, si mercenariis Lubecensibus mansisset fides. Holmenfes tandem, ad extrema redacti, deditiorem fecere: & Lubecensibus, quo patientius solutionis moram terrent, immensa privilegia concessa sunt: tum & Ecclesiasticorum redditus, in militum Germanicorum stipendia, erogati. De *Gothlandia*, Severino extortæ, jure, inter *Gustavum* & *Fridericum Danum*, Malmogia acriter disceptatum. (1524) Et eo tandem deventum, ut civitates *Anseaticæ*, arbitrio suo, litem istam dirimerent. Eam in rem, cum *Hoyensi comite*, *Lubecam* missus *Johannes Magni Archi-Episcopus*. Verum, *Danis* ad vana effugia dilabentibus, *Bernhardus von Melen Gothlandiam* prodidit. (1525) scelerisque deprehensus, arcem *Calmariensem*, fidei suæ commissam, contra *Gustavum* defendit: quæ tamen, brevi post, in principis irati devenit potestatem, fuga sibi consulente illo, qui perfidiæ poenas dare debuisset. *Severinus* totam *Blekingiam*, in *Christierni* fidem, adigens, collatis cum *Ranzovio* signis, quinque millia è suis desideravit. Tandem *Selburgensi præfectura* donatus, *Gothlandiam* in potestatem *Friderici* transdedit. Circa hæc tempora, docti quidam ex *Germania* redierunt, qui *Wittebergæ Luthero*, *Philippoque* præceptoribus usi fuerant. Inter eos præcipuus Magister *Olaus Petrejus*, collectis discipulis, *Romanæ superstitionis* vanitatem, & crudele in animos imperium edisseruit. Ista concionantes libenter audi-

audivit Gustavus, delectarique cœpit doctrina, nova quidem, sed tamen, ut purabat, a sanitate non abhorrente. Re itaque cum Cancellario suo *Laurentio Andrea* communicata, publice etiam doceri præcepit, multum tumultuantibus Romanæ religionis Episcopis. *Johannes Magnus*, primarius regni Antistes, serio jussus ab Gustavo, ommissa inani ceremoniarum & superstitionis pompa, sacra Biblia in maternam nostram linguam transferre, ut indocti etiam, sancta Dei oracula, absque commentorum & traditionum involucto, perciperent: inveterati erroris pertinax, rebus convasatis, Gedanum, inde Venetias atque Romam concessit. Ubi, edita de rebus Patriæ & Gothorum gestis historia, in clauistro Monachorum miser & pauper tandem obiit. *Petrus Sunnanwäder* Arosiensis, & *Canutus Archidiaconus*, sceleris convicti, Dalekarlos ad rebellionem, concitarunt. Holmiæ etiam *Anabaptistice* consternationis furor exarsit, autoribus *Knipert Dolling* & *Melchior Ring*, Germania cerdonibus. Sed, turbatoribus regno proscriptis, animorum quies rediit. Monachos etiam, ut ignavos & publico graves, claustris suis ejicere volebat Gustavus; sed, renitente plebe, non potuit: prædia tamen eorum nobilibus divisit, ut pro iis reipubl. fervirent. Et ex Ecclesiasticorum bonis atq; decimis, ærarium militare constituit. *Petrus Sunnanwäder* & *Canutus*, perduellionis crimen, capite luerunt. Mox juvenis quidam, nequitiae compertissimæ, Stenonis Sture se filium ferens, fictis lacrimis & obtestationibus, Dalekarlos ad rebellandum impulit.

Caput II.

Poenituit Gustavum, imperium, invidia, seditionibus & ære alieno grave, in se recepisse. Ideoque exhibit

bito rationario; reddere se illis invidiosam potestatem adfirmavit, quam & suis ingratis, & multis inuitis tenuisset. Excepit Braskius, Episcopus Lincopensis, non posse se regi in tantum concedere, ut, prætextu Reip. defendenda, Ecclesie bona prædonibus gratificaretur. Idem Thuroni Jönson, præfecto prætorii, aliisque visum. Tum iratior Gustavus: non miror, inquit, inconditam plebem insanire, cum tantis autoribus imitatur. Hec est gratia, qua labores & sollicitudines nostræ compensantur. Manibus pedibusque in commodum vestrum nitimur, pro eo hoc lucramur, ut ferum, visceribus nostris impressum, libenter cernatis, sed ipsi manum admoveere non sustinetis. Pro nostris vigiliis & curis, quicquid est Monachorum, larvarumque Romani Pontificis, in caput nostrum arcessitis. Sic ne ipse Diabolus imperium in vos cupiat. Recipite illud vobis, &, in quemcunque vultis, transferte. Ille melioribus auspiciis, vestrisque faventioribus gratiis imperet. Fundos nostros & heredia gentilitia, impensasque in publicum factas, solvite; in nobis mora non erit, quin patriam continuo relinquamus. Atque ita commotus, in arcem (Arosien.) recessit. Torpebant omnes tristi silentio, nisi quod Cancellarius, in commune consulere hortabatur. Sed, omnibus timore aut ira perturbatis, re infecta discessum est. Pari dissensione, postera die laboratum, donec audirentur voces, in commune consulere jubentium, aut viam se inituros, qua contumacia ista frangeretur. Ceteris ad ista silentibus, Magnus Sommar, Stregnensis Episcopus, per Deum obtestabatur, ne salutem publicam destituerent. Truncum fore regnum, capite destitutum. Aut Gustavo igitur satisfaciendum, aut alium eligendum regem. Hoc periculis fore plenissimum, nec quidquam magis presentibus convenire rebus, quam à Gustavo rege. So. quidem Thuroni gratias agere, quod

Eccle-

Ecclesiasticorum commodis tantum studeret : sed non tantum illis tribuendum, ut fortunæ unversorum proderentur. Placuit viri consilium, missique, qui suppliciter ab Rege veniam impetrarent. Et semel iterumque rejectis, magna omnes desperatio incessit. Tandem lacrimis omnium dedit, ut imperium retineret. Decretum tamen, ut maligni rumoris auctores capitis pœna coercerentur : Episcoporum fastus reprimeretur : bona Reip., obtentu religionis alienata, restituerentur : Religionis controversiæ placide componerentur : Episcopus presbyterorum hæreditates non caperet; nec illis, nisi secundum leges, testamenti faciendi jus esset. In forensibus negotiis civili magistratui, in iis, quæ officium suum concernerent, Episcopo subessent. Monachi, pro stipe colligenda, discurrentes, pravorumque rumorum ministri, intra claustra sua cohiberentur. Ita reconciliata gratia regnum solemniter iniit; (1528) nobilium compluribus Equestri dignitate ornatis. Hinc in Dalekarlos profectus, cum quatuordecim legionibus, male quietam nationem, ad obsequium redegit. Tum & gravissimam annonam, importato ex Livonia frumento, sublevavit. Dalekarlorum turbas, novus in W-Gothia, tumultus excepit. Perduellionis societatem iniverant præcipui nobilitatis viri, autore *Turone Jönson & Magno*, Scarenfi Episcopo. Multitudinem tamen flagitium execrante, conjurationis globus dissipatus fuit. Turo & Magnus in exilium ivere: *Magnus Brunteson, Nicolaus Oluffson, & Turo Ericson*, quod scelus inficiari se posse confidebant, remansere. Sed literæ, astu Johannis Balthæ subductæ, proditoribus exitio fuere. Offerebat delictorum gratiam Gustavus, si, damnata contumacia, elementiam suam experiri vellent. Sed ad innocentiam suam provocantibus, literæ mox & cruces representatæ fue-

fuerunt. Nihil è re magis Patriæ erat, quam ut debita Lubecensibus persolverentur, quorum magnitudo & increscens sœnus regnum adfligebat. Igitur, in tanta pecuniæ angustia, decimæ, cum una campana, singulis Ecclesiis detractæ. Ingens hoc Dalekarlis piaculum, & armis vindicandum. Valuissetque ad impietatem superstitionis, nisi in ipso apparatu fuisset oppressa: Conjuratiōis proceres, ad terrorem increscentis audaciæ, armatis circumdedit Gustavus: causis tumultuandi insensius exquisitis, *satis diu patientiam suam ab eis delusam. Hunc congressum audaciæ, aut vitæ, finem impositurum.* Multitudo Regis irati concionem, suppliciter flexis genibus, per totum diem accipiebat, eoque severitatem ejus mitigabat, servata in eos ira, qui autores fuerant tam nefandi consilii. Commerciorum libertatem per regnum suum Hollandis concesserat Gustavus; (1533) quæ res Lubecensibus non parum luctri intervertit: Bellumque eapropter in ipsos decrevere; & auxiliis à Gustavo frustra petitis, naves mercesque Sveonum, in portu suo deprehensas, publicarunt: exprobrantes, *se Gustavum in solum regium collocasse, nec minus facile ex isto fastigio deicere posse.* Quasi auxilia, ad Christiernum profligandum, collata, non æque ipsis profuissent; & Gustavus, in Severino compescendo, paria non retulisset! Rem ibi gessit Marcus Meyer, ex fabro tribunus, mox Eques & Consul, qui omnia inquietis consiliis miscuit. Svantonem Sture, in aula Lavenburgica degentem, callide in insidias perductum, ad bellum, Gustavo inferendum, cogere nitebatur, facta spe paterni principatus. Nefas averlantem, in custodiam misit, literasque proditorias, annulo adulterino subsignatas, in Sveoniam perferendas curavit. Hoijensem Comitem, affinem Gustavi, pellicere potuit, qui postea belli dux, contra

tra Christiernum, Daniæ regem, Teclenburgio, & Archiepiscopo quondam, Gustavo Trolle, in Fionia pugnans, cecidit. Christophorus Oldenburgicus, juvantibus Lubecensibus, magnam Daniæ partem in potestatem redegit, seque ipsum Roschildis regem creavit. Ideoq; Christiano Holsato, regi legitimo, in tantis periculis constituto, terra marique auxilia tulit Gustavus, argento etiam, in militum stipendia, juvit, Scania ad obsequium ejus redacta, & dissipata classe Lubecensium. (1537) Victis Oldenburgico & Lubecensibus, Holmiam venit Christianus, & pro auxiliis pecuniariis, Vichiam Gustavo oppigneravit. Accepta pecunia, cum Vichiam tradere nollet, suspensis armis, graviter de injuriis exposulavit Gustavus, quod tot beneficiis affectus Christianus, tam parvam gratiam referret; Cives Sveonas violaret; nobilium Sveonum hæredia, in Dania, injuste detineret; famam suam, apud Germaniæ principes, fugillaret; suam regniq; causam ubique deprimeret; pacem cum Lubecensibus, contra datam fidem, se excluso, iniisset; debitum nec solveret, nec pignus traderet; profugas foveret; pacta & promissa, literis ac fide publica firmata, violaret. Quibus exposulationibus tantum effectum est, ut 31098 Uncialium Ludosiæ perfolyerentur. Urgebant & Lubecenses, ut solutionem atq; privilegia sua reciperent: ab illis vicissim postulatum, ut damna & belli impensas refarcirent. Itaq; petitionis suæ irriti, perculsores in Gustavum subornant: sceleri manus commodaverant mercatores quidam Teutonici, qui nitra- ti pulveris dolium, sub sede regia in templo Holmensi majori, recondierant, regem, sacris intentum, parricidiali fulmine extincturi. Re tamen, per temulentiam consicii cujuspiani, prodita, de parricidis supplicium sumtum. Paucis interjectis annis, ingens in Smalandia tumultus, (1541)

Q

a Ni-

à Nicolao Dacke concitatus est; qui, ob scelera sua, in grandem multam condemnatus, & solvendo impar, aliis nebulonibus sociatus, latrocinia primum, mox bellum agitabat. Rebellionem istam, quantum potuere, viribus instruebant. Albertus Mechelburgensis & Fridericus Palatinus, gener Christierni; qui, ut in regnum, quod uxoris nomine ambiebat, induceretur, Caroli Quinti auxilium imploravit; Perenottus Granvellanus, secretorum Imperatoris arbiter, literis & promissionibus, Sveonas in fidem Friderici sollicitabat. Ipse Fridericus Dackium, nobilitate & insignibus gentilitiis collatis, ceteros promissis regalibus animabat. Grassans hoc incendium, per partes extinctum est, latronibus partim in fidem receptis, partim in furcam actis. Ipse Dackius, è Blekingia oriundus, dissipatis fociis, debilitatus, avia sequebatur. Et quamvis in sui securitatem vigilantissimus, ictu tamen sclopi trajectus, mortuus in potestatem venit. (1543) Corpus ejus rotis Calmariaë impositum, capite corona aenea, in ludibrium expetiti principatus, coronato.

Caput III.

AD hoc usq; tempus, inde à prima regni origine, Reges capere, quam natos adorare, solebant majores nostri; &, quamvis liberis suffragiis, virtutem & merita cujusq; legebant, magna tamen semper regii sanguinis fuit commendatio, nisi vitiorum aliqua turpitudine interveniret. Ita, in Divi Eriici posteritate, per ducentos circiter annos, regius honos continuatus: Foris etiam O-Gothis *Anali*, W-Gothis *Balti*, præcipui fuerunt, Tanta itidem Gustavi, in Patriam & Remp., merita fuerunt, ut, usitato hæcenus præmio, compensari non possent. Itaque ci-
ves,

ves, ut grati animi sui monumentum ad posteros extaret, regnandi jus gentilitium fecere (Orebrogiae 1539. Arosiæ 1544. & Holmiæ 1560) ita ut, in primogenito ejusque stirpe, successionis jus continuari deberet: Ea deficiente, in jus adaptaretur secundo genitus, cum sua familia, & ita porro. Proceribus obligationis formulam, hunc in modum prævit Rex: *Ex potentia, nobis atque successoribus nostris divinitus data; ab hærede in hæredem, Nos regnandi hunc justitiæ gladium extendimus; quem tangentes, sic jurate: Pollicemur Gustavo, potentissimo Domino, ejusque filiis hæredibus fidem, obsequium, reverentiam, in edictis & sanctionibus, pacis bellicque temporibus, nec ulla unquam necessitate cogente, ab illis desciscemus; Sed, in prosperis adversisque, vitam mortemque cum illis communicabimus; commoda eorum procurabimus, damna avertemus, omnesque in jure suo conservabimus, sicuti, genuflexi super hunc gladium, ex anima juramus.* Primogenitus Ericus, scepro destinatus, ipsis Idibus Decemb., Anno 1533, astrorum sinistro adpectu, editus fuit. Hortabatur Astronomus, ut, flexis genibus, pariendi horam differrent. Isto enim momento natum, regno exitiabilem futurum. Dicitur & in utero vagiisse. Per indubitatam hanc regii sanguinis successionem, Danos, à Sveonum scepro, æternum exclusos, videns Christianus, tres coronas, regni Sveoniæ insignia, sibi usurpare cœpit; ut vel sic aliquam prætextus umbram retineret, multum indignante & exostulante Gustavo. Nec deerat calliditati fucus, quod non Sveoniæ insignia, sed unionis, inter tria hæc regna, symbola essent, tres istæ coronæ. Quem fucum, Historiarum suarum picturis, illinere non erubescunt scriptores Dani: (Pontan.) secure insuper fingentes, tres fluvios, Sveonum ab antiquo insignia fuisse. Quam apertam autem veritati vim interant,

is facile judicaverit, qui reges nostros, multis seculis, ante perniciosam illam trium regnorum unionem, coronas istas, pro sublimitatis & celsitudinis suæ armis, gestasse, ex publicis monumentis conspexit. Sicuti Gothi, Leonis erecti coronatique signum, tria flumina supersilientis, ut potentiae & fortitudinis argumentum, præferebant. Nam de fluminibus istis quod communiscuntur Dani, nemo majorum nostrorum tam delirum somniavit somnium. Ex parvis initiis acre satis cum Moscho bellum conflatum est: (1555) accolæ quippe, sibi invicem graves injuriis, mox armis inter se certavere. Post variastandem impressiones, hostili exercitu quadraginta millium fuso, pace compositum fuit. Hinc de matrimonio, inter *Ericum* & *Elizabetham* Anglam, suscepta deliberatione, legatio Principi Johanni decernitur: expugnato prius, per desiderii impatientiam, parentis Gustavi animo, licet nuptias istas non satis probaret. Johannes, splendide procando, cum nihil intermisisset, quo fratris amorem promoveret, lubrico accepto responso, sextum post mensem revertit. Præceptor vero Erici, & juxta legatus perpetuus in Anglia, Dionysius Buræus, Gallus, magnam auri vim ibi profudit, principis sui magnificentiam, ambitioni propriæ, jungeris, & luxuriæ damna, ad solos Sveonas redundatura, parvi pendens. Tandem ætatis & imperii onere lassus, testamentum suum, in publicis comitiis, Holmiæ (1560) condidit Gustavus: in quo, commemoratis priorum temporum calamitatibus, singularem Dei favorem, in regimine suo, & purioris religionis restitutione, approbatum, veneratus est. Deo igitur se animam suam commendare, cum maturum foret hinc discedere; terræ exuvias, idque Upsalæ, in templo majori: Primogenito *Erico* scriptum, solum & coronam relinquere, si sanctum Evangelium

lium tueri, fratres, sorores & cives fraterno amore & gratia prosequi vellet : *Johanni* Finlandiam, *Magno* O-Gothiam, *Carolo* Sudermanniam, *Vesmanniam*, *Nericiam* & *Vermelandiam*, ut eas à fratre Rege recognoscant, regnoque auxilio sint, se legare; omnibus vero cautum velle, ut, deficientibus hæredibus masculis, bona immobilia ad hæredes proximos transeant : Principatus vero & ditiones, singulis attributas, à regno divelli, oppignerari, aut quovis modo alienari, non debere. Principes, de rebus, totum regnum concernentibus, suo arbitrio, sine consensu publico, nihil quicquam decreturos. Filias, non elocatas, in fratrum potestate futuras, regio tamen splendore educandas, elocandasque; eis se, dotis nomine, præter chimelia, mundumque muliebrem, centies mille talentorum assignare : concordiam inter fratres, & sanæ religionis desiderium, immortale esse debere : subortas lites, à domesticis arbitris componendas, nec ullum peregrinum forum experiundum : scholis & xenedochiis, magnam pecuniæ summam legatam velle. Solemne testamentum suum, rite conditum, Ericum, in Angliam abiturientem, confirmare adegit; monitum, ne quicquam ibi decerneret, quod regno suo incommodaret. (1560) Ad diem tertium calendas Octobris, valetudine correptus decessit, postquam 39 annos regno præfuisset, vixissetque septuaginta. Itaque ex itinere revocatus Ericus, cum fratribus funus regium procurabat, quod, una cum duarum uxorum exuviis, conditorio regio Upsalæ illatum est : incredibili civium desiderio, qui patriæ defensorem, vindicem, patrem ab oculis suis removeri quebantur. Nec viderunt priora tempora talem regem : regnum enim ex afflictissimo & turbulentissimo, florentissimum atque pacatissimum post se reliquit. Domi tu-

multuavit W-Gothia, inde Dalekarlia, hinc Smalandia : foris Christiarni factiones in perniciem ejus incumbabant : hostilia machinabantur Lubecenses ; vim inferebat Moscus, regno imminebat Palatinus & Mechelburgensis : proditores, patria profugi, Imperatorem & civitates Anseaticas, adversus ipsum, instigabant ; omnes tamen istas adversitates, incredibili animi virtute, sustinuit ac superavit ; & indigna illa non regno, non civibus, sed temporari adscripsit. Præterquam enim, quod in novam familiam difficulter transferuntur imperia, tanta erat religionis perturbatio, ut civilem statum arietari necessum fuerit. Romanæ superstitionis libidinem, & ambitum suum sufflaminari indignantes, incautos cives in regem suum armabant. Quorum errorem miseratus, clementia sapius, quam pœna castigavit : tantaq; constantia semper egit, ut comitate juxta privatum, dignitate supra regem esset. Tam parcus sanguinis, ut neminem, nisi plane desperatum, rapi permisisset : fidei vero regiæ tam severus custos, ut, vel solo verbo ejus, se sisterent perduelles, &, si clementiam adspernarentur, tuti abirent. Ex Rep., quam integerrime semper gessit, nihil, præter curam & gratuitas molestias, retulit. Haud mirum proinde, quod externi etiam reges & principes amicitiam ejus & fœdera ambiverint : ut *Fridericus* (1524) Daniæ rex, sancita pace quinquaginta annorum, & auxilio in mutuos hostes promisso. *Franciscus Valesius*, rex Galliæ, per legatos, fraternitatem & fœdus cum illo pepigit, contra *Carolus Quintus*. (1542) Evangelicos Germaniæ principes, (1542) & postea (1550) *Carolus 5^{us}*, inter fœderatores habuit. Moscum etiam, ex hoste amicum, & fœderatum (1557) sibi fecit : renovato insuper fœdere, inter se & Angliæ regnum. Liberos post se plures reliquit : & qui-

quidem è *Catharina Saxonica Ericum* genuit; inde ex *Margareta*, *Erici Abrahami Leyonhufwud filia*, *Johannem*, *Catharinam*, *Ceciliam*, *Magnum*, *Stenonem*, *Annam Mariam*, *Carolum*, *Sophiam*, *Carolus*, *Sudermanniæ ducem*, & *Elizabetham*: *Tertia conjunx Catharina Stenbock* marito improlis supervixit. Filix omnes in Germania nupserunt: *Ericus*, *Johannes* & *Carolus* regnarunt.

Caput IV.

SI paternæ virtutis imitator, ut regni hæres, exstiteret *Ericus*, non minus gloriosum ejus imperium posterius celebrarent. Nullum profecto, ad gloriam & famam, ipsi adjumentum defuit. Humanioribus enim literis adprime eruditus erat: in *Historia* & *Mathematica* disciplina, eorum vincebat aut æquabat industriam, qui talium rerum cognitioni omnem impendissent ætatem: adeo ut ex fidei rebus, quæ nascenti sibi affluiscent, in carcere sibi pereundum ipse prædixerit. Incredibili præterea parentis sollicitudine, tam bene fundata erat regni quies, ut, nisi maximis convulsionibus, elidi non posset. Regni etiam ærarium, externorum regum perfidia exhaustum, & dispersum, ita instruxerat, ut rerum gerendarum nervus non deficeret. Sed experiundo cognitum est, non ipsum esse optimum regem, qui maximis ingenii & fortunæ instrumentis abundat: Sed qui iuste & innocenter potestatem suam exercet; & ad civium suorum salutem, tanquam cynosuram & Helicem, omnem gubernationis suæ cursum dirigit. Degenerem &, adversum beneficia, ingratum filii animum deprehendit *Gustavus*, cum aulico ejus splendori sustentando *Smalandiam* attribuisset. Mox enim, parente infcio, nobilitatem provin-

vinciæ, in sacramentum suum, adegit. Unde perturbatus Gustavus, quo adversus improba filii consilia se tueretur, magnam militum manum autoravit. Atq; ut ingratum in ordinem redigeret, regni jure exuere decrevit. Johannis tamen, pro fratre, precibus & lacrimis dedit, ut in gratiam ipsum rursus reciperet. Regno solemniter inauguratus, *Swantonem Sture, Petrum Brabe & Gustavum Johansen* comites creat, omnesque intra Senatum, *Baronum* titulo, pluresq; alios *equestri dignitate* ornat. Conculsa Moscoviticis armis Livonia, ob denegatum Russis, in emporiis nonnullis, commercium, ut ferebatur; *Revalienses*, in tanto belli terrore, in fidem & tutelam Regis Erici se dedunt: commeatu, pecunia, milite & instrumento bellico largiter impetratis. Quo facto, ne *Johannem Basilidem* offenderet, legatos in Moscoviam expedit, Nicolaum Crumme, Ericum Falk, Episcopum Lincopensem & Nicolaum Ryning, qui docerent, hoc fecisse regem suum, ad coercendas prædationes, quas in cives Sveonas exercuerat Magister ordinis Teutonici. Parum grata Mosco ista fuere, dissimulata tamen in præsens, biennalibus constitutis induciis. Mox Polonus, per legatos suos, ducenta millia Uncialium, & sædus in Moscum, quem armis persequi decreverat, Ericum regem poposcit. Et pecuniam facile impetravissent, Dunemunda, Volmaria & Venda oppigneratis, sed sædus plane recusavit in eum, qui nulla injuria laceffivisset. Elizabetham Anglam summo studio ambiverat Ericus; &, quia desideria ejus, non obscura spe, incitaverant Nicolaus Gyllenstierna & Dionysius Buræus, qui circa reginam hærebant, instructa classe quatuordecim munitarum navium, Elfsburgo solvit, ut in Angliam navigaret. Sed reflantibus, ad Juthiæ promontorium Scagen, ventis, retro pulsus, navigationem,

nem, intermisit, terrestre iter per Daniam suscepturus, (1562) si de securitate, per obsides, sibi caveatur. Verum cum mora ardor iste elangvesceret, ad Rēip. curam conversus, pedem suum, in Livonia recens positum, firmare laborabat. Itaq; belli præfecturam Claudio Christierni Horn commisit, qui Parnoviam & Wittenstenum, à magistro ordinis Teutonici, regi Poloniæ cessas, expugnavit: Cœnobium etiam Padis, Holsatici juris, in potestatem redegit. Gravtier hoc tulit Polonus, juxta Daniæ & Danus, qui non minus eo offendeatur, quod Daniæ & Norvegiæ insignia sibi usurpare cœpisset Ericus, usq; quo Sveoniæ insignia intermitterent Dani. Et quia Revaliensium incremento multum studuit Ericus, edicto prohibuit, ne quis Narvam navigaret; contempsere interdictum illud Lubecenses, & propterea, naves eorum 32 interceptæ, Holmiam mittebantur. Ita omnes vicini male animati adversus Ericum erant. Moscus tamen adhuc nihil movebat, metu fœderis, inter Polonum & Ericum, propter conjugium Principis Johannis & Catharinæ lagellonæ, Sororis Sigismundi Augusti. Fridericus 2:us Danus, ut rerum suarum satagens, amicitiam per legatos ostentabat: Lubecenses infirmiores erant, quam ut rem soli aggredi auderent. Omnes tamen hi mutuas vires contra Ericum sociaverunt. Nec latebant ipsum inimica ista consilia, quorum etiam participem esse, fratrem suum Johannem, Finlandiæ ducem, suspicabatur, quod affini suo, Sigismundo Augusto, centum viginti quinque milia Uncialium credidisset, in pignus acceptis præfecturis aliquot & arcibus in Livonia. Itaq; per se suspicax, & sceleratorum hominum suggestionibus impulsus, fratrem suum absentem, coram regni ordinibus, voce Georgi Petri, accusatum, condemnavit: (1563) missisque cohorti-

R

bus

bus aliquot militum, in arce Aboensi expugnatum captivavit, totumq; inde quadriennium, cum conjugē, in carcere Griphisholmensi detinuit.

Caput V.

Consumpta amoris flamma in Elizabetham Anglam; Maria etiam, Scotiæ regina, quam ambiverat, ex animo deleta, Christinam, Philippi Hessi filiam, amare occæpit. Eamq; ad conficiendam rem, Stenonem Ericson & Gabrielem Christerson terrestri itinere per Daniam ablegavit. Verum illis Hafniæ detentis, ad arma utriusq; consilia spectabant. Procurationem interim non intermittens Ericus, Georgium Gera, cum duodecim navibus bellicis, pro adducenda sponsa, Rostochium expedit. Quæ in itinere hostiliter, a præfecto classis Daniæ Brokenhusen, exceptæ, sibi non defuerunt. Præfectus enim Sveonicus, Jacobus Bagge, rem strenue gerendo, prætoriam Danorum navem, cum duabus aliis præstantioribus, in potestatem redegit: & una ipsum Brokenhusen atq; etiam Ottonem Crumpe, Summum quondam Christierni Tyranni belli ducem, contra Sveonas, & jam fere decrepitum, Atq; sic, re bene gesta, portum Rostochiensem incolumes tenuerunt. Hesus autem legatum, infecta re, dimisit, offensus literis, quas de amore suo ad Anglam scripserat Ericus, & in mari interceperat Danus; ut scribit nonnemo, seu potius filiam ei collocare nolens, qui tot undique hostibus premeretur. Danum quidem ad saniora flectere nitebatur Ericus, missō legato suo Georgio Gyldenstierna; sed sine fructu revertentem, fœcialis Friderici, & tabellarius Lubecensium, belli denunciatores, subsequēbantur. Intercedebant quidem funestæ huic Tragediæ

gædiæ Saxo & Heflus, reconciliationis opera per legatos suos Rostochii oblata. Sed cum liberum illuc commeatum, Sveonibus denegassent præfecti classis Danicæ, inter Slandiam & Gothlandiam, ad manus ventum est, acerrimèq; per integrum diem pugnatum; tandem, amisso præfecto suo Francisco Bilde, pugnae se subtrahebant Dani, fretum Dreswad repetentes: Jacobus etiam Bagge classem Sveonicam Holmiam versus reducebat. Inter hæc Fridericus, recensito in Scania exercitu, Elfsburgum deditione cepit; relictoque ibi præsidio, exercitum partim exautoravit, partim in hiberna reduxit. Ericus, cum copiis suis sero veniens, Hallandiam quidem pervasit, sed, Halinstadio frustra oppugnato, recessit. Residuas copias deducturi erant Claudius Christerfon, & Carolus de Mornaj. Quibus retrocedentibus, supervenere Dani, & tormenta omnia bellica ademerunt. Circa principium novi anni; (1564. Jemtia Danos ejecit, prolatisque in Norvegiam armis, Nidrosiam, cum universa ejus ditione, in potestatem suam redegit. Sed expeditionis illius Dux, Collartus Gallus, impetratis obsidibus, provinciam in fide permansuram ratus, majorem copiarum partem remisit: Edvardum etiam Bilde, præfectum Danum, cum pluribus aliis nobilibus, accepto juramento, nunquam contra Sveonas militaturos, è captivitate dimisit. Qui mox cum novo supplemento è Dania reversi, Collartum ad deditionem coegerunt. Et ille, commæatus liberi promisso deceptus, in Daniam captivum se duci, Sveonesq; Norvegia ejici, iniquissime ferebat. Eodem prope tempore, Hallandia & Blekingia à Sveonibus directæ, & castella aliquot in Livonia, cum universa ditione, quæ principi Magno, fratri Friderici parebat, ab Henrico Hornio occupata fuere. Molcus etiam, quod à Tartaris infestabatur, legatis Erici pacem in ali-

quot annos confirmavit. Ad componendum bellum hoc, Ferdinandus Imperator, Maximilianus Bohemiæ, Sigismundus Poloniæ, Fridericus Daniæ reges, Augustus Saxo & Henricus Brunsvicensis cum Lubecensibus, legatos suos Rostochium miserunt, quo invitatus Ericus, *eiusmodi negotia in consiniis Gothiæ & Daniæ peragî, ab antiquo consuevisse*, respondit. *Qui locus si arbitris non displiceret, operam eorum sibi gratam futuram.* Ceterum, legatos suos Rostochiam non missurum, quod literis fidei publicæ aliqua inessent, quibus acquiescere non posset. Atque ita reconciliationis istius conatus frustra fuit, domum suam unoquoque dilabente. Primo vere, triginta quinque, contra Danos & Lubecenses, bene armatas eduxit naves Jacobus Bagge, inter quas ipsa prætoria, makalös, centum viginti quinque vehebat machinās bellicas. Biduum, pari eventu, utrinque pugnatum inter Gothlandiam & Dalandiam; Tertio die, cum hostes ad Dalandiam persequeretur Baggius, mutato vento, & universa classe circumseptus, acerrime se defendebat, donec laceram & fatiscentem cedere coactus est, quæ, incenso pulvere nitrato, mox rupta, cum infessore hoste, fundum petiit. Ipse interim Lubecensem navem conscenderat. Atq; sic, utraq; dissipata classe, prælium diremptum fuit. Reparate mox classi Claudium Flemming, Petrum Baner & Nicolaum Grijp præposuit, qui huc illuc oberrantes, viginti sex onerarias naves Lubecensium, cum pretiosis mercibus, Narvā redeuntes, interceperunt: Duas etiam bellicas Dano extorserunt. Benedictus Räf solus octo Batavicas, sale onustas, & Narvam petentes, Holmiam secum coëgit. Andreas vero Beronis Sveo, in portu Varnethundano, terra mariq; expugnatus, ne in hostium veniret potestatem, flamma simul & aquis perire maluit. Cum classia-

rios

rios suos, maximam partem, in indagandis onerariis ho-
 stium navibus, occupatos videret Ericus, Claudium Chri-
 sterfon cum imperio misit, qui, praelio ad Olandiam per-
 biduum continuato, hostes profligavit, tribus praestanti-
 oribus navibus captis, & totidem igne consumptis, Eri-
 cus, facta in Blekingiam expeditione, provinciam cum
 arcibus occupavit, civitatemque Roneby resistere auden-
 tem, expugnavit delevitq. Senescente anno, transmissis
 montibus, magnam Norvegiae partem vastavit. Nec
 minorem Scaniae & Hallandiae vastitatem intulit Claudius
 Christerfon. Elfsburgum etiam obsessum, sed culpa co-
 mitis Petri Brahe, factum, quod comiteum hostes in-
 tulerint. (1565) Dum ita ex sententia res domi eunt,
 praesidium germanicum, quod Parnoviae erat,
 urbem Polono prodidit, interfectis, qui nil nisi
 metuebant militibus Sveonibus. Quo sceleris successu
 ferociore, ad Revaliam castra posuerunt: Sed hic secure
 nimis agentes, Henricus Claudii, Praeses provinciae, &
 juxta militiae praefectus, magnam partem concidit. Ce-
 teri etiam, fere omnes, postmodum caesi captique, perfidi-
 ae poenas luebant. Cautior inde Moscos, qui in stativis
 Dorpati erant, germanos omnes in Motcoviam abduxit.
 Claudius Christerfon, jam iterum classem quinquaginta
 navium educens, excubitores, liberum comiteum
 inhibentes, dissipavit: Inde supra Moenum & Falsterbo-
 am in ancoris consistens, a praeternavigantibus vestigal
 exegit. Pugnatum inde sat acriter, Vismariam inter &
 Rostochium, ubi Dani, amisso praefecto suo Herlao Trol-
 le, ad Oresund se receperunt. Suffecto ibi, in Herlailo-
 cum, Ottone Rud, acrioribus animis Lubecensibus soci-
 ati, Sveonum classem, inter Bornholmiam & Rugiam,
 affecuti sunt. Par utrisque pugnandi ardor & anceps diu

victoria, donec, quater mille suorum desideratis, pluribusque Danorum & Lubecensium navibus depressis, ipse Rudius palmam nostris cederet. Captæ cum ipso quasi quinquaginta, & tres naves. Ceteri plenis velis Drefundam fugiebant. Ex nostris mille quingenti ceciderunt. Totiens casus Fridericus, tam suis, quam Galli & Pomœranis literis, pacem svadebat Erico: nec repudiavit ille, si Hallandia, Vichia, Jemtia & Herdalia, perpetuo jure, regno Sveoniæ cederentur, cum iis, quæ in Livonia sibi arrogabat Danus, reservata interim actione in Gothlandiam & Scaniam. Si ab usurpatione trium coronarum desisteret Fridericus; & damna utrinque gratuita essent, nemine de rebus restituendis compellato. Duriora hæc Friderico videbantur, ideoque exercitu in W-Gothiam immisso, rutilcolas multabat: Sed adcurrrens mox Ericus, prædatores ejecit, & Vadbürgum inde vi expugnavit, civitas igne deleta, arx vero, præsidio bene firmata, Carolo de Mornaj commissa fuit. Obsessam rursus Ranzovius, magno ardore & pari suorum jactura, oppugnavit. Adpropinquantem vero cum novis viribus Jacobum Henricson percipiens, ei ad Svarterå occurrit. Numero quidem præpollebant Sveones; sed, circa primum conflictum, equitatus, qui, maximam partem, ex Germanis constabat, in fugam effusus, pedites destituit. Qui, licet strenue rem gererent, à revertente tamen equitatu Danico loco pulsi, in paludes & montes se recipiebant, desideratis mille septingentis, amissisque triginta tormentis bellicis. Victoria tamen illa Ranzovio, quater mille militum jactura, constitit: Sveones vero, perditarum rerum dolorem, Scaniam direptione solabantur. Vadbürgo, adversus vim, commeatu & annona bene instructo, Bahusium obsidere Nicolaus Boye & Nicolaus Sture præcipientur. Longam

gam vero expugnationis moram ignavia praefectorum adscribens Ericus, Carolum Mornæum rei conciliandæ præfecit. Sed cum & ille, rebus infectis, discedere cogeretur, vehementer ducibus irascebatur Rex : Nicolao tamen Boye ob ætatem & merita ignovit; Mornæi etiam excusatio non injusta visa : Nicolaum vero Sture, per Holmiam ignominiose circumductum, in gratiam postea recepit, atque in Lotharingiam ablegavit, ut, inchoatum ibi, matrimonii negotium conficeret.

Caput VI.

CLassẽm, hac æstate, (1666) sexaginta octo navium educit Claudius Christerfon, ipsamque, hoste nusquam comparente, ad fretum Drefund stetit. In conspectum tandem veniens, Danorum atque Lubecensium classis, quadringentas, sale aliisque mercibus onustas, naves in antecessum emisit, quas, Codani sinus emporia petituras, aliquamdiu detinuerat. Stratagema id suspicatus Claudius Christerfon, quo, Sveonibus, ad onerarias intercipiendas, dispersis, expeditius hostis superfunderetur, suas in ancoris continuit, exterisque liberum transitum permisit. Hoste interim cunctante, & certaminis forte non avido, expansis velis, onerarias confectatus est, earumque ducenas in Sveoniam abduxit : Mox, recenti commeatu instructis navibus, hostem repetebat : ipsum ad Olandiam occurrentem, acri commisso prælio, in fugam vertit. Ad reparandas vires, Visbyensis in Gothlandia portus commodus fugientibus videbatur; summoque nisu illuc tendentes, insequi destitit Carolus Christerfon, quod adpetente nocte, coortaque procella, classẽ suam scopulis fyrtibisque infido mari committere verebatur. Sequenti die infur-

surgens tempestatis sævitia, Danorum Lubecensiumque classem elisit. Periere prætoriæ utræque Samson & Stryfsweden, cum septendecim aliis egregiis navibus : atque in illis præfectus Danus Johannes Laurentii, Lubecensiumque Bartholomæus Tinnapel, cum novem millibus militum submersi sunt. Sveonum vero classis, ut ut tempestate dispersa, incolumis tamen Holmiam pervenit. Si tam prospere terra processissent res, fractæ penitus concisæque hostium fuissent vires : Sed tardius, quæ requirebantur, expediunte Rege, in W-Gorhiam irruit Ranzovius, prædasque inde egit : in reditu tamen, omni præda & mille quingentis militibus, a Mornæo mulctatus est. Retrocedentem interim persequi non potuit Mornæus, ob pestem in castris vehementius se exerentem, sed cum copiarum tantum parte, regni limites, ab incursionibus hostium, tueri satis arbitrabatur : securus vero, seu resistendi impar, in potestatem Ranzovii venit ipse, cum Jacobo Henricson. Propere itaque illuc regio imperio festinans Claudius Christerfson, in O-Gothia ex peste decessit, magno regis & patriæ desiderio atque mœnore. In ejus locum suffectus Boëtius Grijp, tentato frustra Halmstadio, Hallandiam diripuit, atque inde in hiberna recessit. Cum ad Pernovium aliquamdiu desedisset Henricus Claesson, soluta obsidione, Oseliam pervasabat, quod Polono auxilia misisset princeps Magnus. Præsidium vero Polonicum Hapsaliæ concidit Claudius Cursel : in cujus ultionem, cum majoribus copiis accurrens Folvensky, fuso equitatu, peditum nostrorum bis mille delevit, haud incruenta victoria, cum non pauciores ipse amisisset. Circa initium novi anni, (1567) in Norvegiam, cum militaribus copiis, properavere Antonius Olai, & Johannes Siggonius, quibus sociata agrestium Dalekarlorum multitudo, quum totam ibi hiemem late per-

pervagati fuissent, uberem inde prædam retulerunt. Navali expeditione Petri Bagge, nihil tere memorabile, hac æstate, gestum. E Mulscovia revertentem Nicolaum Gyllenstierna, qui, præterito autumno, Regis nomine, illuc iverat oratum, ne Sveonum in Livonia progressus inique ferret Magnus Dux; simul etiam excusatum, quod Catharinam Jagellonam, Fratris Johannis incarcerati uxorem, ipsi cedere non posset, tametsi, tacito mandato, ipsam obstinato addicere jussus erat, si aliter retineri amicitia nequivisset. Jam subsequens legatio, ducentorum hominum Magni Ducis, Jagellonam, Domino suo promissam, instanter petiverunt. Horum adventu, non mediocriter turbatus Ericus, quod implere promissum, sine turpitudine, non posset, nec barbarum negando irritare vellet, per senatum ipsos admoneri fecit, ut ab inhonesta petitione desisterent. Illi autem, nec Domino suo injuriam, nec sibi senibus ludos fieri, velle regerebant. Vane itaque protracto negotio, legati dimissi non sunt, antequam Ericus ab imperio deponeretur. Secunda hæcenus Regi fortuna, jam in contrarium ipsi vertitur. Malis enim suggestoribus aures commodans, multa sibi & regno perniciose perpetravit. Procerum præcipuos, *Svantonem Sture*, filium ejus *Ericum*, *Abrahamum Gustaffson*, fratrem reginæ viduæ, atque *Ivarum Ivarsson*, conjurationis delatos, arci Svartehölanæ, mox etiam Upsalensi inclusit. Quos, una cum *Nicolao Sture*, ex legatione Lotaringica modo reverso, & *Stenone Ericson* atq; *Stenone Bauer*, in judicio regio, accusavit Georgius Petri, regius secretorum arbiter. Perduellionis condemnatis, veniam & gratiam rex ipse addixit, innocentesque pronunciavit. Mox cæco furore percitus, in cubiculum, *Nicolai Sture* descendit, strictoque pugione ipsum transverberavit, quem pectori

S

edu-

eductum, suppliciter & cum osculi veneratione regi reddidit. Et quasi ad mortem non fuisset, quod rex infixerat vulnus, bipennem faciei ita impressit Spiculator, ut in cervicem desineret; septemque insuper confossum vulneribus, cadaver reliquit. Hinc conscientia furis agitata Rex, citato cursu ex arce se proripuit, vicinam silvam petens. Prius tamen vocatis excubitoribus, ceterorum procerum eadem mandavit. Fugientem ad confinia silvæ, adsecutus est Dionysius Buræus, Præceptor quondam, ut vel impotentem mentis regem reduceret, vel innocentem eadem deprecaretur. Sed protinus, a mentis iussu, trucidatus est. Superveniens deinde excubitorum præfectus, Petrus Gadd, quid captivis nobilibus fieri vellet, rogavit: & ille eodem furore tolli omnes iussit, excepto Stenone. Inde avia petens, sumtoque rustico habitu, silvarum inculta & præcipitia cursu transmissit, instar feræ sauciæ & a canibus exagitata. Quarto demum die, ad prædium pastorale Onfala, a concubinis suis agnitus est; quæ pavitantem, & rationis omnis expertem, dulcibus tandem verbis pepulerunt, ut cibo & somno se reficeret. Petrus Gadd, crudele regis imperium averfatus, sed juxta certam sibi perniciem, si mandata neglexisset, pertimescens, Georgium Petri consuluit, quid sibi hac in re faciendum esset? Ille hoc ad se non pertinere, respondit; si rex interim mandasset, quid exsequi mandata cunctaretur? Ita animi anxius, nobilium tamen vitam, necesse sua haud redemiturus, assumpto spiculatorum satellitio, in captivorum cubicula irrupit, & *Svantonem Sture* cum filio *Erico & Abrahamo Gustaffson* trucidavit: *Ivarus Ivarson*, correpto fuste, duorum cerebrum elisit, priusquam mortuus collaberetur. (1567) Cæsorum cadavera, in hypogæum tracta, in octavum diem occultabantur.

Stenoni

noni Ericson & Stenoni Baner vita haud ablata, quod, uteri parcere præcepisset rex, ignorabat satellitum præfectus. Ut ad se quadantenus rediit Ericus, Holmiam deductus est: indeque Nicolaum Ryning Upsalam, cum literis, expedit, ceteris proceribus gratiam suam pollicens, eorumque operam expetens, in consolandis interfectorum necessariis & propinquis, præcipue Margaretha Svantonis conjuge, quæ maritum & utrumque natum, in sanguine suo ac tabe natitantes, sine cordis dolore, non esset acceptura. Ubi regina vidua *Catharina, Steno Ericson, Steno Baner, Hogenskildus Bielke* Holmiam, ad regis imperium, accesserunt, ad eorum genua provolutus, delictorum veniam imploravit, atque, ut Svantonis viduæ se reconciliarent, oravit, cui in satisfactionem obtulit, quicquid, absque regni detrimento, tribuere posset. Illa autem aliud non petiit, quam, ut conjugis & filiorum innocentia per regnum publicaretur, suppliciumque de illis sumeretur, qui regi autores fuissent inconsultæ sævitiae. Mox supplicationes per totum regnum imperavit, ad placandam numinis iram, & scripto simul interfectorum honorem & innocentiam adseruit, in quos malorum suggestionibus, & mentis imbecillitate, deliquisset. Regius quoque præco, in exequiis ipsorum, idem iteravit, regis vindictam minatus, si quis sinistri quidpiam in illos diceret. *Georgius* vero *Petri*, malorum omnium caput & auctor, in carcerem inclusus, ut nequam, infamis, perjurus & proditor, condemnatus fuit capitis, famæ & fortunarum. Post hæc in villam Svartesiö discessit Ericus, solitariam vitam agens. Cumque de gravissimis regni negotiis ab senatu consuleretur, cum fratre suo Johanne, incarcerato, se prius colloqui cupere respondit. Svadente itaque senatu, ipsum ex custodia Gripsholmensi, ubi quintum jam annum

detinebatur, per fratrem Carolum, & Saxoniae ducem Magnum, ad se accersit. Advenientem, in genua se demittens, regem salutavit, atque, ut peccato suo in ipsum ignosceret, oravit. Negavit vero alter, in genua etiam procumbens, hoc honoris se admissurum, sed ipsi, tanquam legitimo Regi, obsequia praestitutum, si libertas sibi & patris testamenti privilegium restitueretur. Hinc laetior, propiorque adfectu, fratrem complexus, omnia, quae per suspiciones & pravorum consilia ipsi ademerat, iterum addixit, sancita injuriarum oblivione.

Caput VII.

DUm funesta & sibi luctuosa, in cives, perpetrat Ericus, Smalandiam atque O-Gothiam armis pervasit *Ranzovius*, de quo crebris literis admonitus, nihil fere in rem consulit: ut satis adpareret, animi ejus vigorem, priori perturbatione, multum imminutum fuisse. Rebus hisce adfectis, multumangebatur senatus, quod nullum fere in Rege praesidium, nec ipse, ut res postulabat, discernere aliquid audebat. Tandem Petrus Brahe, Hogen-skildus Bielke & Ericus Gustaffson mandata accepere, congregandi milites, atque in hostem ducendi. Quam expeditionem non libenter satis susceperunt, quod regis animi imbecillis iram verebantur, si improspere res cessura esset. Congregatis militibus, arborumque concæde facta, impeditis elabendi itineribus, hostem invasuri erant, cum nova regis mandata adveniunt, suscipi aliquid prohibentis, ante adventum suum. Verebatur, scilicet, ne, ista occasione, abalienatam ab se, provinciam sibi conciliarent. Igitur, cum nullum inter milites imperium aut auspiciū erat, multæ rei, bene gerendæ, occasiones perierunt: & hostis pro lubitu provinciam afflixit: Inde
et-

etiam, castra ad villam Norby aggressus, dissipavit. Initio novi anni, (1568) in castra venturus Rex, majorem exercitus partem in Sudermanniam convocavit. Facta sic elabendi occasione, hostis, per silvam Holawed, agmina sua reducere festinabat, diu multumq; in aperiundis concædibus, desudans, & vel paucos propugnatores, in angustiis istis, exercitum suum delere potuisse, fassus. Postrema fugientium agmina cum paucis, quos secum habebant, non mediocriter in angustiis locorum carpebant Holgenskildus Bielke & Steno Baner; successuq; audaciores, non æstimata paucitate sua, à multitudine tandem circumventi captiq; fuerunt. Cum in tutum se recepisset hostis, cum exercitu venit Ericus, Johanne & Carolo fratribus, Duceq; Saxoniae Magno comitantibus, iisdemque itineribus, per O-Gothiam & Smalandiam, in Hallandiam tendit. Damno nonnullo incolis illato, exercitum per W-Gothiam reduxit. Holmiam reverso, filium Catharina pepererat; cum qua; legitimæ fere uxoris consuetudinem habuerat, & jam, seu per impatientiam voti sui in Anglia, Scotia, Hestia & Lotharingia frustrati, seu splendidius matrimonium desperans, legitimis nuptiis sibi eam copulavit, reginamque creavit, tametsi humilimo loco natam, & tanto præterea fastigio indignam, ab exteris existimatam. Eadem festivitate, sororem Sophiam Magno, Saxoniae Duci, collocavit. Johannes Carolusque fratres, regis celebritati isti se interfuturos sponponderant, è vestigio tamen in O-Gothiam discedentes, intercepto Wadsteno, O-Gothiae, Smalandiae & W-Gothiae incolas sibi conciliaverunt, fratremq; ab imperio removendum decreverunt. Adversus illos emissæ cohortes regiae, in partes ducum transivere: arces etiam & civitates ipsorum auspicia sequebantur: Et ut constaret, infelici omnes ini-

micos esse, sorores, adinis, Regina vidua, facta sibi expatiendi potestate, Upsalam ad Duces contenderunt. Nec, ad rei summam, quicquam jam defuit, præter expugnationem Holmiæ, captivitatemque Regis. Obsessa urbe, in turrim trium coronarum adscendit Ericus, Georgio Petri, quem pridem convictum & condemnatum, in priorem amicitiae gradum, restituerat, comitatus : visaque fratrum potentia, illacrimavit. *Non hac te jam calamitas obrueret, O Rex, inquit Georgius, si, ad consilium meum, fratri tuo Johanni, cum in manibus erat, caput decussum fuisset; Videris aliquid dicere Georgi, respondit Rex, sed neglectum consilium, amplius non est consilium.* Vix ea sati erant, ecce! Ducum nuncii, Georgium dedi sibi, postulantium; exhorruit ille, totisque contremuit fibris, quum, anxii & desperantis regis permissu, in castra se rapi videret; credidisset cælum prius ruiturum, quam ab rege suo se destitutum iri: Sed, quum multis innocentibus perniciem struxisset; divinam se vindictam ante oculos cernere. Post aliquot dies, repetita capitis sententia, supplicium condemnato representabatur. Præcisus primum auribus, patibuloque adfixis, fune brachiis illigato, in sublime raptus, demittebatur: brachiis inde pedibusque contusis, capiteq; securi præciso, in 5 partes dissectus, rotis imponebatur: ut non una morte, ita nec simplici ignominia punitus. Holmenfes cives, desperatis regis rebus, præsidium Ducum intromiserunt. Rex fratres venisse ratus, satellitio stipatus, in forum descendit; Ubi *Stenonem Ericson*, Ducalium cohortium præfectum, ad manum deosculandam admissum, bipenni transfodit satelles. Fatale nempe signum, à rege fratribus destinatum, hic immerito & per errorem militis, luisse creditur. Inde veloci cursu, in arcem se recipiens, portas claudi præcepit. Ne quid

quid interim turbarum in urbe fieret, diligenter providit Dux Carolus, in cuius etiam fidem se Rex permisit, ex arce in templum majus descendens. Unde honorifice in cœnaculum suum fuit deductus. Sequenti die, solemniter intravit Dux *Johannes*, & post pauca, regalibus omnibus fratrem spoliavit, ipsumque in custodiam misit: in qua, post novem annorum calamitatem & ignominiam, decessit; filiis ejus, in pœnam paternorum delictorum, omnis emergendi spes præclusa, adeo ut, ne principum nomine, unquam adpellari deberent.

Caput. VIII.

CONversa ita rerum facie, regnum solemniter iniit Johannes. In ejus autem evolutione rerum gestarum, quæ circa sacra & religionis cultum, ab civilium negotiorum enarratione seponemus, ut discretim perscripta, legentibus melius pateant. Et initio quidem, Evangelicam doctrinam, ejusque præcones magno studio & amore fovit. Horum viduis, civili jure, dimidiam bonorum partem, & filiabus æquam cum fratribus portionem addixit; cum in tertiam tantum, provinciali jure, antea admittebantur. Uxorem duxerat *Catharinam Jagellonam*, Sigismundi Augusti sororem, Romanis sacris à teneris innutritam, quæ, blanditiis & assiduis sollicitationibus, maritum eo impulit, ut, quod in nuptiarum pactis promiserat, receptam ipse catholicam religionem, regno vi ingratius obtruderet. Negotio promovendo, acriter incubuere *Herbestus*, Reginæ concionator aulicus, *Antonius Possevinus*, legatus Pontificis, & *Laurentius Norvegus*, vulgo *Kloster Lasse*: quorum sedulitati crebras suas literas & sollicitationes adjunxit Cardinalis *Stanislaus Hosius*, Episcopus

pus Varmiensis. Qui, successu pervertendi regis lætus, hoc tamen non mediocriter percellabatur, quod, melioris doctrinæ instinctu, vini etiam consecrati usum, in Dominica cœna expeteret Regina, Pontificisque veniam & adfensum eo precario imploraret. Sed veritus, immaturum ejus desiderium, aspera inhibitione, irritare, Pontificem, hac in re inexorabilem non futurum, pollicetur, si maritum prius, & totum regnum, ad Romana sacra convertisset. Intellecto interim, *Ipsam*, Lutherano more, Eucharistiam celebrasse, acerbè queritur, Pontificisque minas & durum officii imperium crepat. Mortuo *Laurentio Nericio Archi-Episcopo*, Evangelicæ professionis fulcro, electoque *Laurentio Gotbo*, homine inconstantissimo, assiduis *Jesuitarum* arietationibus uxorisque lenociniis expugnatus animus Regis, repudiata pridem Romanæ superstitionis ludibria, quibus majores nostri misere fascinati & decepti erant, postliminio recepit. Desiderii itaque sui compos Hofius, isto regem arcano imbuir, ut munera, honores & dignitates eis dispertirentur, qui ad antiqua sacra reverterentur: ceteros, qui bonis gratiis, & hoc honoris invitamento, non allicerentur, vi cogeret; nec pateretur, in senatu & suggestu conspici, qui ab se, circa divinum cultum, dissiderent. Probatum id mox Regi, neminemque ad sacrorum munia admisit, qui *Liturgie* adversaretur: Sic vocabant sacrificii & propitiationum confarctas ceremonias. Hac etiam illectus Archi-Episcopus, alique nonnulli Antistites, Romano ritu, Upsalæ initiabantur, multum adversantibus sanioribus. Mox Liturgiam, ab Herbesto & KlåsterLassio concinnatam, auctoritate sua promulgavit Archi-Episcopus, ipse, in natalitio festo Christi, missam papisticam celebravit. (1576) Cumq; concionibus *M.ri Olai Medelpadii* & *M.ri Petri Jone*, tacite

te ob id perstringeretur, irarum plenus, utrumque officio movit. Superstitiones nemo infensius averfatus est, quam Dux *Carolus*, qui celebriores Germaniæ *Theologos* de Liturgia consuluit: Omnes autem istam, tanquam Jesu vitæ perfidiæ cerussam, damnarunt. Imminentibus comitiis, regis jussu, in carceres alio deportati sunt præcipui Liturgiæ oppugnatores, M:r *Olaus Medelpadius*, M:r *Abrahamus*, M:r *Salomon*, M:r *Petrus Jonæ* & M:r *Olaus Lunt*. Cum, quæ ad civilia negotia pertinebant, perorasset Rex, in Liturgiæ commendationem effusus, an ipsam probaturi essent Episcopi & Presbyteri, rogavit? Annuere plerique, Regis iram & stipendiis suis timentes. Solus Lincopensis M:r *Martinus*, cum paucis aliis presbyteris, contranitens, contumaciæ & rebellionis notatus est, minatusque est Rex, se manu & armis Liturgiam defensurum. Subscribere Episcopi & Presbyteri, qui comitiis interfuerunt: (1577) quorum in sententiam tandem concessit Lincopensis, quod sanam se interpretationem adiuncturum pollicetur Archi-Episcopus. Sed, promisso non impleto, factum rescidit impugnavitq. Rex tandem, legato Romam expedito, Pontifici obsequia sua detulit, virosque in religione doctos & industrios expetivit; de quo mirifice triumphabat Hofius, tanquam gloriæ suæ trophæo. Orta igitur persecutione, Evangelici Doctores, M:r *Olaus Medelpadius*, M:r *Salomon* & M:r *Johannes Salamontanus*, in carcerem conjicebantur: M:r *Abrahamus* Lubecam profugit. Plerosque tamen *Carolus* collegit, fovitque. M:r *Martinum* Lincopensem, Nycopiæ concionatorem, constituit; filiumque ejus M:r *Olaum* Scholæ præfecit: Magistrum vero *Petrum Jonæ* ad Episcopatum Stregnensem promovit. *Scheppero*, Holmenfis collegii Rectori, munus imposuit Rex, edendæ concordiæ & harmoniæ, inter Litur-

turgiam & professionem Evangelicam : quod cum perficere non posset, aut non vellet, ab irato rege tractus conculcatusque, perpetua inde hernia laboravit, carceremq; insuper laboris præmium tulit. Ista severitate coercitis præcipuis, ceteri silentio securitatem redemerunt. Regis etiam mandata ad Carolum pervenerunt, quibus per ditionem suam Liturgiam promulgare jubebatur. Ille autem, per omnia sancta & cara fratrem obtestabatur, ne se impium fieri cogeret, eorumque transgressorem, quæ per Christianæ fidei sacramentum sponsoverat: quin potius ipse, malorum artibus seductus, resipisceret, nec suæ aliorumque conscientis insidias strueret. Contumaciæ loco responsio ista, tametsi æquissima, apud iratum Regem fuit; fratremque ditione sua spoliare in comitiis adnixus est. Sed, intercedentibus ordinibus, cum voluntatem suam exsequi non posset, Wadstenis, Episcopi & judicis provincialis constituendi jus, in ditione fraterna, sibi reservatum esse contendit: quo impetrato, auctoritate ipsorum facile successurum erat, quod moliebatur. Plus tamen valuit Ducis causa, quam iniquum regis postulatium. Archi-Episcopus, ceterique Liturgiæ patroni, mentis, male conscientie, stimulis sauciati, & in ultima mortis luctu pœnitentiam agentes, Dei misericordiam, & eorum, quos læserant, gratiam implorabant. Sigismundo, in Poloniam profecturo, Calmarie (1587) cautum, ne id patriæ fraudi esset, Regnumve Pontifici submitteretur, aut potestas ipsi fieret, Archi-Episcopum, aliosve religionis Antistites constituendi. Omnes interim, Liturgiæ adversantes; in hoc conventu, ut perjuri, rebelles, proditores, & factiosi, à rege sunt proscripti. Istius edicti acerbitate perstricti, quotquot in ditione Caroli erant presbyteri, defensionem ediderunt, quare Liturgicam abominatio-

nationem recipere non possent. Schepperus etiam, cum Archi-Episcopo *Andrea*, Liturgista disputans, quia rationibus superior, cum Professoribus Miro *Nicolao Botnienfi* & *Kenicio* in carcerem conjectus est; rebellionis crimine ab Archi-Episcopo ipsis exprobrato. Ne tamen turbas hæc res daret, Concionatorem Holmensem, M. *Petrum Pauli*, Liturgiæ addictum removit Rex, ejusq; in locum Jesuitas submisit, quos cum audire nollent cives, hinc inde concionatores advolati sunt. Vexionensis Diocesis presbyteri, gravatæ conscientiæ querelam ad regem deferentes, ut Evangelicæ doctrinæ libertatem sibi indulgeret, supplicarunt. In hos, perjurii damnatos, severitatem omisit, intercedente regina *Gunbilda Bielke*, & ut, in adfecta valetudine sua, animæ curam ageret, admonente, vehementer etiam ipsum terruerunt, supra arcem Holmensem, sereno cælo, plures soles intersecti, variisque coloribus depicti circuli. Quo prodigio graviter concussus, Dei imploravit clementiam, conscientiusq; amplius se non velle dominari spondit. Deum interim contestabatur, se non novitatis studio, Romanæque superstitionis amore, sed, ut sacramento venerationem conciliaret, Liturgiam promulgasse. Regio mandato, in templo Holmensi, depictos circulos istos, etiamnum videre licet, quos Astrologus quidam, non imperitus, de filiorum & nepotum Gustavi primi fatis, concertationibus & interitu interpretabatur. His breviter circa religionem expositis, ad initia civilis imperii Regis Johannis revertamur.

Caput IX.

Conflatum ab Erico bellum, cum captivitate ejus finitum non erat. Missis igitur legatis ad affinem Po-

Ionum, eum sibi reconciliavit Johannes. Mosco etiam significavit, ægerrime se tulisse legatorum ejus impium postulatam: quia tamen fratris hic culpam facile perspiceret, velle se cum ipso amicitiam colere, legatosq; ejus honorifice hic habitum iri, quoad sensum suum hac de re explicaret. Respondit Moscus, existimasse se, conjugem ejus viduam fuisse, ipso in captivitate mortuo; Hanc, Erici Regis promisso, exceptum venisse legatos suos. Si fœdus & amicitiam pristinam restaurari placeret, legati dimitterentur, atq; ipse Moscoviam e suis destinaret, qui pangendo fœderi interessent. Æqua postulasse Moscus videbatur. Itaq; legatis ejus dimissis, *Paulum*, Aboensem Episcopum, *Petrum Bagge*, *Antonium Olai* & Secretarium *Matthiam Schubert*, ad fœdus cum Magno Duce renovandum, expedit. *Georgium* etiam *Gyllensfjerna* & *Turonem Bielke* in Daniam ablegavit, ut quis conditionibus pacem redintegrare conarentur. Sed, si quid durius ab ipsis postularetur, ad regis sui arbitrium referrent. Illi autem, mandatis insuper habitis, pacis conditiones, contra regni dignitatem atq; commodum Roschildis iniverunt, quæ proinde, ut irritæ, in regni comitiis, ab ordinibus, repudiabantur. In illis ipsis comitiis, Johanni atq; stirpi ejus masculæ regnum iterum confirmatum. 1569. Erico autem, ejusq; liberis, præcisâ spe restitutionis, omne jus regium abjudicatur, perpetua insuper captivitatis pœna, ob peccata, in cives admissa, decernitur. Convenere inde, ad regnorum limites; regii utrinq; legati: quorum ultro citroq; habitis disceptationibus, aliud effectum non est, nisi ut his ea, exterorum regum atq; principum arbitrio terminanda, permitteretur. Interera, coronationis suæ solœmnia celebrante Johanne, classis Danica, Revaliam adnavigans, triginta circiter

one-

onerarias cum mercibus abduxit. Fridenico etiam, terrestri militia, Varburgum circumsedenti, castrum illud deditur à præsidio, ob mortem præfecti Boëthi Grijp, consternato, quem castrensis tormenti ictus prostraverat. Eodem fato periire Daniel Ranzovius & Franciscus Brokenhusen, militiæ Danicæ præfecti, Vardburgi amissionem ut Danorum aliqua clade pensaret Johannes, per fratrem suum Carolum, Scaniam & Blekingiam vastavit: inde etiam maximam Norvegiæ partem, per Claudium Flemming & Bryntonem Brynuli diripuit. 1570. Per hoc tempus Claudius Cursel, Livonicorum Equitum tribunus, castrum Revaliense Johanni Regi, cui fidem & servitium juraverat, per prodicionem eripuit, ut id Magno, Daniæ regis fratri, traderet, quem Magnus, Moscoviæ Dux, data ipsi in conjugem fratris filia, Livoniæ regem nominaverat. Sed, castro stratagemate recuperato, Claudius perfidiam capite luit. Ad calendas Julias dictus erat Stettini dies, quo ab imperatoris *Maximiliani Secundi*, *Caroli Noni* Galliæ regis, & *Augusti* Electoris Saxoniae delegatis arbitris, *Johannis & Friderici* regum controversia disceptaretur. Et nomine quidem Regis Johannis, adfuerunt ibi *Nicolaus Gyllenstierna* Cancellarius, *Georgius Gera*, *Benedictus Gylta* & *Ericus Gyllenstierna*; conventumque tandem in hunc modum, ut pax & amicitia regnis, redintegraretur, civibusque commercia ultro citroque libera essent; de coronis tribus controversia Electorum disputationi relinqueretur: actionem in Hallandiam, Blekingiam Scaniam & Gotlandiam intermitteret Rex Johannes: Jemtiam & Herdaliam, cum occupatis navibus, & centum quinquaginta millibus uncialium, impensarum, bellicarum nominè, Dano cederet: ipseque Elfsburgum reciperet: captivi liberi dimitterentur, nobilibus utrinque,

hæredia sua restituerentur: quicquid Sveones in Livonia occupavissent, Imperator Maximilianus redemptum regi Daniæ fiduciarium permetteret. Si quid ægritudinis, in posterum, inter regna suboriretur, Sex utrinque Senatores, in regnorum limitibus, componerent; aut in arbitrium consentirent, cujus sententia deinceps standum. Paſtorum horum transgrefſori, centum millium aureorum multa conſtituta. Sinceram prius amicitiam erga Johannem regem præ ſe tulerat Moſcus; eamque ob cauſam legatos ſuos ad ipſum expeditiv Johannes, quid interim animo agitaverit, malo ſuo didicerunt legati, inhumanum in modum violati, omnique genere contumeliarum, crudelitatis & feræ barbariei ultra biennium excarnificati. Tum & exercitus ejus ductor *Magnus*, Regis Daniæ frater, 25 millibus militum Revaliam, per 8 circiter menſes, obſedit. Spei tamen ſuæ irritus, diſceſſit, quod non tantum ſtrenue ſe defenderet Carolus Hindrichſon, præſidii Sveonici præfectus, ſed & Ruſſos damno ſæpe adſiceret. Par virtus & fortuna Hermannii Flemmingi fuit, in deſenſione Vittenſtenii. Periere in duabus his obſidionibus novem millia Ruſſorum. Multo tamen miſerabilius Moſcæ civitatis fatum fuit, quam irruentes Tartari deleverunt, perennitibus in ea trecentis hominum millibus. (1571) Germani etiam, qui auſpicia Moſci in Livonia ſecuti erant, ab eo deficere inceperunt; quorum ob deſectionem, implacabilem Moſci iram veritus Dux Magnus, & ipſe in Ruſſiam profugit. Detentis violatisque legatis Sveonicis, plures literæ contumelioſæ à Moſco ad Johannem regem pervenerunt, ad quas cum paria reſponderentur, acerbatis utrinque animis, arma expediebantur. Sveonum militia in Livoniam collecta, Finlandiam vaſtavit Moſcus, nulli ſexui aut ætati parcens. Magnus Dux,

LIII

cum duobus filiis, sumta sibi in Livoniam expeditione, Vittenstenum, (1573) octoginta millibus obsedit, castellumque, præsidio prope vacuum, vi expugnavit: Johannem Boy, præfectum arcis, pluresque alios, veribus fixos ad ignem trixit. Inde Novogordiam recedens, Magi Holsatiæ Ducis nuptias, cum nepte sua Maria, celebravit. Ad Ladogam sedecim adhuc millia morabantur, hos adortus Claudius Mkeson, sexcentis equitibus centumque peditibus, nam Livones in primo conflictu fugam capessiebant, universam istam multitudinem dissipavit; deletis in ipso prælio 7 millibus; omnique impedimento in potestatem redacto. Ad Vesenbergam vero, haud exsententia res cessit: castello enim oppugnatione aliquoties tentato, plures suorum amisit: (1574) orta inde, inter Germanos Scotosque pedites, dissensione, in qua horum mille quingenti interierunt, ceteri ad Moscum transfugerunt, re infecta, discedere coactus est. Hoc anno supplicium sumtum fuit de Carolo Mornæo Gallo; qui, licet in magno apud regem Johannem honore esset, vitæ tamen ejus infidias struere aggressus est, adhibito in consilium Archibaldo, comite Raduino, nonnullisque aliis Scotis. Propositum ipsorum fuit, Ericum, carcere liberatum, in regnum restituere. Raduinum militaris ad Vesenbergam seditio sustulit; ceteris ignovit Johannes. Hapsaliam, Lode & Leal, ob non soluta sibi stipendia, ab rege Johanne oppignerata, Regi Daniæ 97 millibus aureorum vendiderunt Germani milites. Sed solutio illis maligne expensa, castellaque illa, brevi post, in Mosci potestatem redegit Myrchita Romanovicus, (1575) absque respectu fœderis, quod duci suo, cum rege Daniæ, erat: Osiliam insuper & Dagöndiripuit. Inter Finlandiam tamen, & Novogardensem ducatum inducias, in biennium, pepigit, ut meli-

melior sibi occasio esset obsidendæ Parnoviæ. In hujus oppugnatione 7 millia amisit: præsidium tandem fessum, desperatisque auxiliis, se dedit. Sonnerburgensem arcem atque ditionem in Dñilia, Daniæ Regis fratri Magno, postquam in Mosci servitium transiverat, eripuit rex Johannes, eumque adfini suo, Magno Saxoniz Ducui, attribuit: Sed hujus insolentia & rapinis in accolas factum, ut Rex Daniæ arcem sibi occuparet, graviter id ferente rege Johanne. Revaliam iterato, quinquaginta millibus Moscorum, (1577) per 7 hebdomadas obsessam, tam strenue defendit Henricus Claudii Horn, ut aliquot millibus suorum desideratis, discedere cogeretur hostis. Polono autem cum Gedanensibus rixante, Moscorum Dux occasioni imminens, maximum Livoniæ exercitum infudit, arcibusque & oppidis Rigensis Diocesis, ductu suo occupatis, nullum crudelitatis, sævitiz & libidinis genus in devictos omisit. Ad Vendam quidem evocatum, Daniæ regis fratrem Magnum ignominiose habuit, servis ejus prius trucidatis. Oppidanorum vero corporibus violatis, inde in frustra dissectis, trecentæ circiter matronæ & virgines, quæ cum virorum paucis se arci incluserant, ne impuram istam sævamque libidinem ante necem suam ab hoste experirentur, subjecto pyrio pulvere, momento temporis calamitatibus suis defunctæ sunt. Virorum vero alii ad ignem tostii, ceteris cor cum lingua evulsum, omnes inhumati, ad bestiarum pastum projecti fuerunt. Sævo hoc spectaculo in præfens satiatus, Plefcoviam revertit; recensitamque ibi captivorum multitudinem, pecorum instar, Tartaris vendidit.

Caput. X.

Post Magni Ducis discessum, Henricus Claudii Ingriam diripuit, non sexui non ætati parcens. (1578) Georgius
us

us etiam Boy, adscito in auxilium Polonico præfecto Andrea Sapietra, sex millia Russorum ad Vendam delevit, omni impedimento, cum 4 machinis bellicis majoribus, in potestatem redacto. Per legatum, fœdus contra Moscum inire, postulavit Stephanus Bathor, Poloniæ Rex, in quod & Johannes Rex consensit; sed ea lege, ut, quicquid extorqueretur, belli jure, victoris fieret. Sequenti anno, (1579) Novogorodiensem atq; Plescoviensem ducatum vastaverunt Sveones, pluribus navibus, pretiosis mercibus onustis, ad Narvam interceptis. Ipsam vero Narvam in potestatem redigere nequiverunt. Jam in procinctu iterum erat Moscorum Dux, (1580) (1581) ut in Livoniam moveret: Sed in ditiones ejus irruens Polonus, cladem late dedit. *Pontus* etiam *Gardius*, cum ceteris præfectis Sveonicis, Kexholmiam, Vesenbergiam, totam Vichiam, cum oppidis & castellis, Vittenstenum, Jamagorodiam, Caporiam, & Ivanogorodiam in potestatem regis sui redegit. Narva insuper expugnata & direpta, septem millia Russorum cæsa fuere. Felices istos successus æquo animo non tulit Polonus, Se ad Pleschoviam belli pericula sustinente, Sveones victoriæ fructum decerpere, conquerens. Illis igitur exclusis, interventu legati Pontificis, pacem cum Mosco fecit, ablata illi restituens, ut, educto ex Livonia præsidio militari, illam sibi cederet, Rigamq; ingressus, per literas & legatos à Johanne petiit, ut occupatam Livoniæ partem sibi restitueret. Indigner hanc tulit Rex Johannes, expectavisse se, respondens, ad finem suum, centum viginti quinque millia solidorum uncialium, Sigismundo Augusto mutuum data, (*) cum hæreditate & dote uxoris, quibus

U tam

(*) Donationis specie Sigismundo istam pecuniam obtulisse,

tam diu caruerit, restitutum potius fuisse, quam arces aut ditiones, non sibi aut Poloniæ regno, sed communi hosti ereptas, repetere. Nunc beneficia minis & injuriis rependi; provinciasq; maximis belli sumtibus & cruento Marte acquisitas, ab eo repeti, cujus nunquam jure vel pacto ullo fuissent. Septem se annis, belli molem sustinuisse, antequam Poloni arma induissent. Vichiam antea sibi subjectam, Vittenstenum cum territorio suo, pignoris loco, sibi à Polonis inscriptum. Atq; ut Poloni se non contuluerint, quid in Russia occupare aut relinquere decrevisent: ita nec se rationem redditurum, quid ex Livonia, belli jure ab hoste extortum, sibi retinere aut aliis cedere debeat. Quod hostilia minitentur Poloni, se istis populis imperare, quos ut pridem nulla pericula deterruerint, quin magnam orbis partem victores pervaserint; ita etiamnum eodem esse animo, ut ejusmodi minas nihili faciant; ac ne latum quidem pedem Polonis in Livonia vedere velint, quæ tantis sumtibus totque virorum fortium sanguine constiterit: Flagrante interim Moscovitico bello, triennales primum, illisque finitis, quadriennales induciæ utrinq; acceptæ fuerunt: Sveonibus, quæ in Livonia occupaverant, omnia retinentibus. Pontus Gardius male fida consensu navi, cum 18 hominibus Narvæ submersus est; fatiscente scil. illa in medio flumine, ob tormentorum bellicorum explosionem.

Caput XI.

Mortuo Stephano Bathorio, Poloniæ rege, literas ad Johannem regem dedere regni ordines, (1586) ut

 ipsoque defuncto, apud ignaros rei; traxisse in debitum, arguatur P. Passius,

pacem & amicitiam secum conservaret, orantes, si quid minus amicum inter regna subortum fuisset, operam se daturus, ut ex sententia componeretur. Ex illo tempore summo studio adniti cœpit regina vidua, ut Sigismundus Johannis regis filius, nepos suus, rex Poloniæ eligeretur. Parum cordi hæc res Johanni fuit; crebris tamen reginæ literis, & nonnullorum procerum svasu impulsus, legatos suos Ericum Sparre & Ericum Brahe in Poloniam misit, (1587) filium regni ordinibus commendaturos. Nolle interim se, ut filius, Paterni regni hæres, ullis precibus, pactisque iniquis sceptrum Polonicum emat; aut quicquam de regni paterni jure, aut ditionibus imminuat. Si propensos in filium deprehenderent procerum animos, spem facerent, debitum illud remissum iri, quo sibi devinctum erat Poloniæ regnum: sin secus, illud omnino exigent cum tormentis bellicis, ad Vendam occupatis: exposcularentq; quod, Sveonibus exclusis, fœdere cum Mosco inito, Livoniæ imminerent. Hæc quidem abeuntibus legatis mandata dedit. Filium vero, si Poloniæ regno potiretur, his legibus, coram regni ordinibus, adstrinxit: ne paternum regnum ullo modo, sive in Livonia sive alibi, imminueret: Se mortuo, tertio quolibet anno, illud inviseret, atq; in pari eminentia & dignitate, cum Poloniæ regno, conservaret, constitutis per absentiam suam ex tenatu Curatoribus: ex paterni regni redditibus, vectigalibus, armis, documentis literariis, nihil efferrī permitteret, in regni Poloniæ commodum & augmentum; sed omnia illa patriæ utilitatibus fideliter reservaret. Patriæ res, negotia, arces, præfecturas, naves, exercitum non nisi indigenis committeret; in religione nihil immutaret: Uxori & filiabus de utroque regno dotem provideret; Primogenitum paterno & hæreditario regno,

secundo genitum Poloniæ præficiendum curaret; si primogenitus ambobus potiretur, ceteris de utroq; regno ducatus, & ditiones assignarentur. Si has leges violaturus esset filius, integrum foret civibus ab obsequio ejus recedere: Et, si quis civium svasor vel autor ipsi existeret contra faciendi, perduellionis poena plecteretur. Ubi illuxit dictus eligendo regi dies, regni procures, æmulatione, inimicitiis & tantum non professo armorum insultu, comitia turbabant. Factionum capita, hinc Storovii, inde Samoriskius Cancellarius: Regni autem candidati, Fedor, alias Theodorus, Ivanovitz Moscus, Transylvania Princeps, Maximilianus Austrius, & Sigismundus. Totum dominatum suum, regno Poloniæ per legatos suos offerebat Moscus, si se regem essent electuri. Transylvania Principem, Stephani Bathoris nepotem, per legatos suos commendabat Turcarum Imperator: Maximilianum Austriam, Rudolphi imperatoris fratrem, ingentibus promissis venditabant, Imperatoris, Papæ & Electorum Germaniæ legati. Sigismundo favorem conciliare nitebantur legati regis Johannis, commemoratione meritorum Jagellonicae familiæ in Remp. Polonicam; tum ex duorum regnorum unione, efflorescentis fortunæ atq; potentia utriusque. Alii, repudiatis externis omnibus, indigenam Rastum regem votis suis exposcebant. Transylvanos nemo fere tanti æstimabat. Qui Mosco favebant, aliorum sententiis abstracti, candidatum suum destituerunt. Meliores omnes atq; eminentiores in Sigismundum propendebant, materno sanguine Polonum, Jagellonæ stirpis surculum, & potentissimi regni hæredem: quo electo, Poloniæ debitum, tum & similitates inter utraq; regna aboliri possent. Horum intuitu, ab Archiepiscopo Gnesnensi Carnicovio, in comitiis prope Var-

savi-

faviam campetribus, rex renunciatus est : Publicæq; sup-
 plicationes & vota pro felicibus ejus auspiciis nuncupata.
 His acerrime obnitens factio Storoviana, & ipsa Maxi-
 milianum regem dixit, & brevi post armatum in regnum
 introduxit. Ceterum Sveonicis legatis sequentes condi-
 tiones propolite fuerunt; Sigismundi nomine confirman-
 dæ. Sigismundum nempe electum Poloniæ regem, Pa-
 tri in hæreditario regno successurum : fœdus & unionem in-
 ter utraq; regna conservaturum : Livoniam Poloniæ ad-
 juncturum : debitum centum viginti quinque uncialium,
 omnemque maternæ dotis atq; hæreditatis actionem in
 Ducatum Barefanum, Rosanum atque Foggianum, cum
 tormentis bellicis, ad Vendam occupatis, regno Poloniæ
 remissurum : Regni jura & privilegia sacra testa conser-
 vaturum : indigenis Polonis, Lituanisque munera & di-
 gnitates collaturum : militi prædiali in Livonia, de sup-
 stipendia persolviturum : in limitibus regni Poloniæ, s; mu-
 nimenta suis sumtibus erecturum, classem Sveonicam Po-
 loniæ usibus, cum necesse erit, adhibiturum : pacem &
 concordiam inter illos conservaturum, qui circa sacra &
 religionem dissiderent : deniq; in Livonia semper mansu-
 rum. In hæc stipulationes legati adfensum præbuerunt;
 excepta Livoniæ traditione. Tabellarium itaque, ad Jo-
 hannem regem atque Sigismundum, expediunt Poloniæ
 ordines, ut istorum adfensum impetrarent : qui cum vo-
 tis ipsorum contraria retulissent, de alio rege eligendo
 consultare cœperunt. Quod ne fieret, regina vidua, quæ
 pro Sigismundo tantopere hætenus laboraverat, omnia
 bona sua, quæ in Polonia & regno Neapolitano posside-
 bat, in pignus regno Poloniæ transcripsit, cum certa
 pollicitatione, regis Johannis adfensum, ad postulata ipso-
 rum, se impetraturam. Mox Sigismundum in Poloniam

U 3

ad

ad sceptrum capellendum literis invitavit Samoiskius : Ericus etiam Sparre revertens, profectionem, qua potuit, maturabat, omnia apud regem magnifice iactans : qui de filii abitu dubius animiq; anxius, classem tamen 24. navium paravit, filium Gedanum vecturam. Abeuntem interim severe prohibuit, na've usquam egredi, quin potius in patriam reverteretur, ni actionem in Livoniam intermitterent Poloni. Gedanum appellenti, consules primum, inde legati magna pompa gratulatum venerunt : atq; ut legatorum sponfionem ratam haberet, orarunt. Delideritis ipsorum in omnibus, præter Livoniæ cessionem, satisfacturum se respondit Sigismundus. Illis autem & hoc sæpius frustra urgentibus; quia tamen mora omnis rebus præsentibus damnosa erat, eo tandem eventum est, ut præstito juramento regio, cum reservatione Livoniæ in aliud tempus, fidem & obsequium solenniter ipsi addierent. Postquam Cracoviam, non sine periculo, cum legatis pervenisset, ob intuta itinera obsidionemq; Cracoviæ per Maximilianum, factionemq; Storo-vianam, renovata atq; acriter ab ordinibus agitata fuit de Livonia controversia. (1588.) In præsens tamen ita composita, ut regno solenniter jam inito, Poloniæ tum demum satisfaceret, cum paterni regni potens foret. Peracta hac solennitate, cum exercitu profectus Samoiskius, Maximilianum prope Silesiam ad Dyezenam cæsum, captumq; arcu Crasnostaviensi inclusit : Unde postea Aldobrandini, legati pontificis, interventu liberatus fuit.

Caput XII.

Sigismundi electionem ex animo nunquam probaverat Johannes : postquam vero, ut speraverat, ex Polonia nihil auxilii contra Moscum impetrare potuit, filio etiam infigne

gne gentilitium, regni insignibus inserere prohiberetur, facti vehementer poenitens, secretis ipsum literis admonuit, ut quam primum in patriam reverteretur. Quoq; suspitioni locus non daretur, colloquio mutuo Revaliam destinavit. Induciis cum Mosco ad finem properantibus, subsidia bello gerendo contulerunt ordines. Instructo sic militari ærario, cum conjuge & filio Johanne Revaliam navigavit. (1589.) Ad condictum etiam adfuit Sigismundus, parentis desiderio obtemperaturus. Quod cum senatoribus innotuisset, discessum istum multis dissuadere conati sunt. Moscus etiam, hunc regum conventum accipiens, auro Tartaros induxit, ut in Poloniam irruerent. Turcarum præterea imperator, Cossacorum direptionibus irritatus, infesta versus Poloniam signa movebat. Subito igitur revocatus Sigismundus, parentem ægrum, antequam anxium reliquit : qui, militia pro tempore ordinata, decretaq; ad Moscum legatione, domum & ipse revertit. Convenere igitur Comes *Axelius*, *Nicolaus Bielke*, & *Christiernus Gabrielson* cum Mosci legatis, *Javana Federovicio*, *Demetrio Javanovicio* & *Fendelino Drusemino* prope Narvam : qui, principio statim, nomine Magni Ducis, pacem perpetuam cum magna argenti summa offerrebant, si Narvam, Ivanogorodiam, Coporiam atq; Kexholmiam, proprium & ab avis majoribusq; relictum patrimonium Magni Ducis, restituere Rex Johannes vellet. Negantibus hoc legatis nostris, in duos menses prorogata induciæ : quibus elapsis, irritum iterum colloquio de pace actum, & adpropinquans cum ingentibus copiis Moscorum Dux, Ivanogorodiam deditione cepit. Igitur, ne com meatu intercluderentur, relicto Narvæ præsidio, Vesenbergam tenderunt nostri, quos insecuti Tartarorum aliquot millia, interceptis impedimentis, Alentart-

tarchiam vastaverunt. In Finlandiam etiam irrumpens agnien aliud, prædam cum capitivorum grege abegit. Narva inde octo castris circumcessa, admotisq; inusitata magnitudinis tormentis, muros dejiciebant Mosci, ruinisq; acriter subeuntes, a propugnatoribus rejiciebantur. Servata urbe, dimidia fere præsidii pars, tormentorum ictu, sagittisq; venenatis absumta. Imminente inde acriori oppugnatione, Carolus Henricson, desperatis auxiliis, attritoq; præsidio, resistendi impar, omnium consilio, cum Ignatio Tatisovio & Drusina Penselino, ita pactus est: ut Coporia & Ivanogorodia, deducto prius præsidio, & instrumentis bellicis deditis, obsidionem solverent, Narvamque Sveonibus liberam permitterent. Acceptata hac conditione, Magnus Dux Ivanogorodiam ingressus est; Sanctisq; in annum inductis, cum exercitu suo domum revertit. (1590.) Pacato hæc animo non tulit Rex Johannes, locorum istorum amissionem perfidia senatorum quorundam imputans. Et quia longo tempore, inter se fratremque Carolum simulates, istorum maxime instinctu, exstitissent; reconciliata cum ipso gratia, senatores hos *Ericum Sparre, Hogenskildum Bielke, Claudium Achatii, Gustavum Baner, Stenonem Baner & Thorem Bielke* officio movit. Inde in comitiis coram regni ordinibus, graviter questus est, se indignis modis ab
 „ ipsis circumventum, qui nihil non egissent, quo, ex-
 „ stirpata familia Gustaviana, regno ipsi potirentur; atq;
 „ ne unionis hæreditariæ extarent documenta, Cancellarium actis publicis spoliaffent; qui autores fuissent ejus-
 „ modi constitutionum, quæ in certam regum civiumq;
 „ perniciem tenderent: qui odia & inimicitias, inter se &
 „ fratrem Carolum, profeminassent: qui filii Sigismundi
 „ abitum maligne procurassent, Sibique, ni consentiret,
 „ mi-

minari ausi fuissent: quique ad Livonicam expeditionem „ contumaces reddidissent milites; aliisq; oneribus cives „ gravassent. Scelerum istorum audaciam averfati ordines, nullum sibi cum istis commercium intercessurum spondebant. Exeruiissetque se acrius in istos indignatio Regis, ni filii Sigismundi intercessio iram mitigasset: Cujus precibus licet pœnam remisisset, ignoscere tamen ipsis non potuit, antequam lecto lethaliter decumberet. In comitiis hisce, bello necessaria ab ordinibus provisa: Sigismundo etiam, & stirpi ejus masculæ, regnum confirmatum fuit, designato pupillis principibus tutore ex proximis agnatis. In favorem præterea domus Gustavianæ, ad fæminas etiam extensum jus successionis, deficiente prole mascula. Tam grata civibus Gustavi memoria fuit, ut ingratos se existimarent, nisi in illa stirpe, etiam sequiori sexui, sceptrum conservaretur. Suscepta itaque utrinque pacis tractatione, viginti annorum inducias obtulit hostis; non quod ratas istas vellet, sed, ut spe otii, ad subeundum prælium, militem nostrum redderet contumacem. Quod & eventus ipse comprobavit. In factiones quippe coivit miles, tribunisq; & præfecto summo Georgio Boij, Ivanogorodiam obsidenti, vim paravit, ut hostem pacis criminando. Ad hoc insolentior Moscus, mora impatientes ludificabatur. Missa igitur obsidione, hiberna, in ditione regis sui, per vim ceperunt, tribunis prohibere non audentibus. Nonnulli, in patriam revertentes, rumorem sparserunt, hostem pacis cupidum esse; sed obstare regis fratrisque Caroli aversionem. Civium inde in regem querelæ, quod diutinis belli sumtibus, ob ejus pertinaciam, exhaurirentur: Senatores etiam ideo periclitatos, quod pacis consilia suggessissent. Hisce vehementer commotus Rex Johannes, literis suis publicis

X

omni-

omnibus palam fecit, quomodo studium cogitationemque omnem eo contulerit, ut honestam pacem ab hoste, vel invito, extorqueret: divinam inde vindictam illis imprecatus est, qui falsis criminibus innocentiam suam pulsare ausi fuissent. Habitis inde novis militum delectibus, *Mauritium Grijp* præposuit; (1591) qui tamen, maximam partem, in expeditione, Novogorodiam versus, tempestate, hiemisque sævitia interierunt. Cum & brevi post Mauritius morte decessisset, in locum ejus successit *Claudius Flemming*, parva manu, sex millia Russorum, in ditione Plescovienfi, delevit. Tartari etiam, regi Johanni! foederati, ad ipsa urbis Moscuae mœnia, irruptiones & cladem protulerunt. Magnaque spes Johanni fuit, se bello diutino finem brevi impositurum. Quod tamen gaudium fata ipsi invidebant. Adversa quippe valetudine correptus, cum aliquamdiu decubisset, ægritudine & curis confectus, ætatis anno quinquagesimo sexto, decessit: (1592. 17. Novemb.) Princeps facilis, splendidus, doctus, disertus, multarumque lingvarum callens. Ex Catharina Jagellona Sigismundum & Annam; ex Gunnila vero, Axelis Bielke filia, Johannem, O-Gothiæ principem, sustulit.

Caput XIII.

UBi Sigismundo adversa parentis valetudo innotuit, Patrum Carolum, ut regno, si quid parenti humanitus contingeret, se absente, consulere, tum & senatoribus, si quid in ipsum deliquissent, ignosceret, per literas obtestabatur. Utrumque Carolo curæ fuit. Senatoribus enim illis delictorum veniam fecit, accepto prius fidei & obsequii juramento. Senatus inde decreto, *regni Gu-*

Gubernator constitutus, nepotem Sigismundum, de parentis sui obitu, certiore fecit; monuitque, ut, ante discessum suum à Polonia, remp. ita ordinaret, ne quid turbarum, se absente, oriretur; diligenter etiam caveret, ne *Esthoni*am Polonis addiceret: Urbium arciumque præfectis mandata se dedisse, ne ulli mortalium, se & senatu inconsulto, istas permitterent: pacem vel inducias cum Mosco iniret, ne gravi sumtu cives diutius adfligerentur. Quorum omnium vota & desideria sint, ut singulorum jura & privilegia, regia confirmet fide, de religione Evangelica omnibus caveat: Reginis viduis, fratri Johanni & sibi dotem, ducatus & ditiones suas regio diplomate stabiliat: fugitivorum Gustavi, Olai & comitis Axelii calumniis fidem non habeat. Redditæ postea literæ Sigismundi, ordines singulos amanter compellabant, Patruo Senatuque parerent, quousque ipsemet reverti posset: tum enim singulorum desideriis satisfacturum: Regni interim rationarium mittant, quo de vectigalium & reddituum dispensatione iniri ratio possit. Classẽ etiam Gedani expellant, quæ se in patriam sit vectura. Singula Ordinibus grata fuere: sed de religione, ambigam lubricamque cautionem non potuerunt non suspectam habere. Indiçto igitur Upsalam concilio, sacram scripturam, Concilia Universalia, & Augustanam Confessionem genuinam approbarunt: Liturgiam, universumque sacrorum adparatum, quem Divis humana tribuit superstitione condemnantes. Hæreticis & publicæ quietis perturbatoribus, conventicula interdixerunt; morum censuram & disciplinam emendarunt: Ecclesiasticisque muneribus moverunt, quotquot Evangelicæ doctrinæ professores non essent: Decretis hisce subscripsere Dux Carolus, Senatores regni, Episcopi & presbyteri trecenti sex, pro se & absentibus. Senescente an-

no, in patriam revertit Sigismundus, cum legato Pontificis Francisco Mala Spina, & Fabiano Quadratio, presbytero Jesuitico. Ante coronationis solemnia, instanter sollicitarunt Ordines, ut de regni jure, privilegiis & religione singulis caveret Sigismundus; conciliumque Upsalense ratum haberet. Spe ambigua diu elusi, Ducem Carolum orant, ut, autoritate sua, Sigismundum officii ad-moneat. Nec tamen ille quicquam efficiebat, obnitente legato Pontificis. Ita enim Sigismundi animum is occupaverat, ut concilium Upsalense irritum, Archi-Episcopum Abrahamum & Ericum Seepperum, hostem utrumque Liturgiæ, remotos, templaque Catholicis concedenda vellet & urgeret. Tum & ille Mala Spina Sveonibus persuadere conabatur, ut Sigismundo, sine ulla juramenti fidei-que mutuæ religione, regnum traderent; ejusque in gratiam, Catholicæ religionis libertatem in regno permetterent. Inter istas duorum fere mensium altercationes, cum nec Sigismundus desideriis ipsorum satisfacere, nec illi jure suo cedere vellent, jam non amplius supplices, sed libertatis suæ memores, Duci Carolo regnum deferunt, superstiti & unico, jam regis Gustavi filio, patriæque vindici. Nefas tamen ille duxit, quod patris testamento nepoti deberetur regnum, quantumvis oblatum, recipere. Hic frustrati, ad Johannem, Sigismundi fratrem, animum adjiciunt. Sed & illud consilium, Caroli Senatusque prudentia, discussum. Viso igitur, propositi tam tenaces Sveones, Sigismundum monuit legatus, ut pertinacibus id gratificaretur, quod pro libitu postea rescindere posset. Neque enim ad præstandam Hæreticis fidem teneri. Sveonibus igitur stipulantibus, regia fide & „juramento recepit: Se omnes cives regni sui Paterni, di- „vites & pauperes, natos & nascituros, claros & non cla-
ros,

ros, jure & æquitate defensurum, secundum leges regni scriptas, sancte sibi semper observandas: religionem, scriptis Prophetarum & Apostolorum comprehensam, conciliisque universalibus & Augustana Confessione receptam, & in Synodo Upsalensi adprobatam, in toto regno inviolatam conservaturum; neminemque reip. & Ecclesiæ muneribus, aut scholasticis functionibus adhibiturum, qui ejus non sit religionis: Patruī Senatorumque consilio, regnum administraturum: nulli extraneo castella aut Reip. munera commissurum: regni opes, reditus, vectigalia, arma, extra Patriam non avectorum, nec limites ejus vel patrimonium imminui, permissurum: Civium lites in Poloniam non evocaturum: nec exactionibus novis eos gravaturum: Singulorum privilegia & immunitates confirmaturum: Omnes denique clementia & amore regio profecuturum. Singula hæc ita rata sanctaque habiturum, ut Deum animæ suæ propitium cupiat. Hæc prout juraverat, ita publico instrumento ordinibus stabilivit. (Anno 1594. 19. Febr.) Patruo deinde atque fratri Johanni, tum reginis viduis, ducatus, ditiones & dotem, equestri ordini, consveta privilegia; Episcopis, Presbyteris Evangelicis, ceterisque civibus immunitates suas confirmavit. In ipsa vero coronationis solemnitate, magno utrinque studio, lis agitata; morene & jure antiquo, inaugurationis ceremonias perageret Archi-Episcopus, an vero legatus Pontificis? Hujus dignitatem adferente rege & regina, illius vero jus defendentibus ordinibus: quorum studiis tandem concedens Rex, Archi Episcopum Abrahamum (hominem non Catholicum aversabatur) ad hoc munus obeundum admisit. In eadem festivitate, cohortes aliquot Polonæ, in cædem ducis Caroli, subornatæ fuerunt. Eidem etiam fini, lu-

dicrum quoddam exhibituri erant, larvati gladioq; accincti aliquot Itali. Sed detectis, per Hieronymum Strozium, insidiis, Dux periculum id evitavit. Horruere multi, ad tale novi Regis auspiciū : Sed juramenti ejus sanctitatem reputantes, feliciora quæq; consecutura augurabantur. Et erat sic satis libertati, atq; securitati omnium provisum, nisi Sacramenti sui religionem temerasset Sigismundus. Papisticis enim doctrinis à tenero imbutus, Mala Spinæ etiam, atq; aliorum assiduis sollicitationibus impulsus, juramenti sui fidem tanti non reputavit, ut, propagandæ in patria catholicæ superstitionis gratia, violari non deberet. Ita concionatoribus Jesuitalicis templum arcis attribuit; eisq; ludos aperiendi, in pluribus aliis locis, potestatem fecit. Euangelicis insuper præconibus, injurias atque insolentiam, publice in templis, irrogari permisit. Præfecturam Holmensē, armamentarium & classē *Erico Brabe*, homini catholico, tradidit. Hac disensionis succensa face, in Poloniam recessit. Quorsum hæc evasura essent, quum facile perspicerent Senatores, Ducem Carolum exorarunt, ut fiduciarium regimen in se reciperet. Gravate ille precibus eorum adensus est, quod exhaustum esset ærarium, ærisq; alieni ingens summa conflata, bellum insuper Moscoviticum Patriæ incumbere. Ut tamen instanti periculo succurreret, Jesuistas templis & scholis ejecit; Ericum etiam Brahe officio movit. Et ne sine certa gubernatione fluctuaret regnum, ordines Sudercopiam convocavit (A:o 1595.) Renovatum ibi fidei obsequium in Regem; Religioni Evangelicæ cautum, ejectis Jesuistis; Carolus regni Gubernator constitutus, ut, absente rege, curam ejus gereret, eique hoc nomine obsequium ab ordinibus addictum. Cautum insuper, ne civium lites in Poloniam traherentur; sed si quis

quis sententiæ non adquiesceret, in regis eam differret reditum. Candidati, per ambitum & ementitas commendationes, regni munera non invaderent; sed jure & suffragatione ordinum niterentur; judices provinciales rerum adjudicatorum acta Cancellariæ inferrent. Hisce comitiis qui per contumaciam abfuissent, eorumque decretis repugnarent, loco moverentur. Videbatur sic Patriæ status in tranquillo futurus: atque cum diuturnum, licet brevibus interdum induciis intercalatum, cum Mosco bellum, per legatos suos, composuit Sigismundus; ea quidem conditione, ut Kexholmia restitueretur, liberoque commerciorum usu, Narvæ atque Revaliæ Russis concessio, pax fida & secunda deinde utrinque servaretur: sed concussus magis est procerum quorundam malitia, qui libidinem suam, decretis Sudercopensibus perstrictam, videntes, comitia ista apud regem calumniabantur. Nec difficilem aurem præbuit, qui & ipse decreta ista abolita cupiebat, utpote destinatis suis contraria. Publicatis igitur mandatis, irrita ipsa pronunciavit: missisque legatis suis *Erico Brabe*, *Arvido Gustavi*, *Stanislao Dzialinsky*, *Stanislao Czykowsky* & *Nicolao Sapiha*, Ducem Carolum, cum regni ordinibus, Majestatis læsæ postulavit: quod contra mandatum suum jura regni invasisset: comitia indixisset: leges novas tulisset: moneam suo nomine procussisset: tributa civibus imposuisset: fidos regis ministros loco movisset: arces & præfecturas ipsis ademisset: pluraque alia patrasset, quæ indignationem regis mererentur, nisi matura subsequatur emendatio. Legatis istis hæc reposuere ordines: Gratissimum sibi esse, quod regis commodo invigilarent: Ceterum, quod regni legibus & juramento suo facere teneretur, se exequentes, à Poloniæ proceribus, læsæ Majestatis infimulari, non amicitiae sed hostilis prope insolentiae esse. Videri

„ Videri etiam Polonos sui perquam immemores, qui
 „ hoc in Sveonibus damnarent, quod sibi, tanquam le-
 „ gitimum, adseruerint, rege præfente atque etiam invi-
 „ to, comitia celebrando. Autoritatem potius suam in-
 „ terponerent, quo, missis suspicionibus & pravorum con-
 „ siliis, jura regni & juramentum suum Rex non viola-
 „ ret: In sveonum obsequio & fidelitate nihil desidera-
 „ tum iri. Criminationibus vero Carolus & ordines ita
 „ respondebant, ut intelligere facile posset Sigismundus,
 „ Patrum regni jura non invasisse, gubernationem tan-
 „ tum, regni ordinibus instantibus, acceptavisse. Comi-
 „ tia vero, rege absente, aut Tyranno, à Gubernatore
 „ & ordinibus indici, antiqui juris esse, quod ingratis
 „ sibi eripi non sint passuri. Gratiam equidem se, non
 „ indignationem meruisse, quod in comitiis illis, pro
 „ stabiliendo imperio ejus, dissidiis tollendis, patriæ pe-
 „ riculis avertendis, tam salubria decreta condiderint, ut
 „ præter meritum arguatur, fidei & obsequii dememinisse.
 „ Sed, si quis jurisjurandi sanctitatem profanasse sit dicen-
 „ dus, eum profecto Sigismundum esse, qui pactis toties
 „ discesserit, quæ tamen subditos ultra non adstringunt,
 „ quum ab rege conculcantur. Neq; enim sceptri cessionem,
 „ nem, imperanti jus tribuere, leges, pacta & promissa
 „ impune abolendi, sed ad fidem mutuam & amorem
 „ constringere. Nihil cives oneribus gravatos, sed sti-
 „ pendiorum militarium solutionem, dotemq; Principis
 „ Annæ sponte contulisse. Prædia quædam publica ci-
 „ vibus oppignerata, quæ si restitui cupiat, æquum esse,
 „ ut Reip. debitum solvat. Vectigalium redituumque
 „ maximam partem publico usui impensam: nonnullam
 „ etiam, æris, mutuo dati, nomine, Ducem receperisse: Eo-
 „ rum vero redituum rationes, quas Rex ipse largitioni-
 „ bus“

bus & donativis profudisset, dissipavissetq; , à duce repo-
 sci indignum esse. Monetam principali jure, parentisq; "
 ac fratris consensu, se cudere. Religioni nullam vim "
 illatam; cum pro religione nihil agnoscant, quod fa- "
 cris literis, consiliis universalibus, Augustanæ confessio- "
 ni & juramento regio adverfetur. Ministros regios in- "
 juria non adfectos : tantum Catholicis nonnullis mune- "
 ra adempta, quorum, vigore juramenti regii, incapa- "
 ces facti fuissent. Literis mandatisq; regiis, quæ jura- "
 mento ejus patriæq; libertati non adversarentur, o- "
 mnem reverentiam exhibitam. Talia autem non esse, "
 quæ imprudenti regi mendaciis extorserint scelerati "
 homines, qui, ne legibus interrogarentur, nequitia "
 suæ præsidium apud regem quæsierunt. Ista malefa- "
 ciendi impunitate permessa, sublatoq; legum auxilio, "
 prædonum latronumq; colluviem singulis provinciis "
 exitio futuram; prout Finlandia calamitatis istius do- "
 cumentum satis exhibeat. Ista reputantem, par esse, re- "
 gem delatoribus aurem non præbere, sed fida omnia "
 promptaq; obsequia ab subditis & civibus suis exspectare. "
 Licet vero omnibus nota esset decretorum Sudercopensium "
 æquitas, tantum tamen Polonica effecerat legatio, ut eo- "
 rum apud multos evilesceat autoritas, Senatorumque "
 multi, sive à Rege illecti, sive per ambitum, singuli "
 provincias gubernandas consequerentur. Hinc contra- "
 ria per regnum mandata animorumq; distractio. Quibus "
 reprimendis, regis prohibitione insuper habita, Arbo- "
 giam convenere ordines : (Anno 1597.) Stabilitisq; ibi de- "
 cretis Sudercopensibus, Carolo Gubernationem ita con- "
 firmavere, ut hostem Reip. declaraverint, quicumq; se "
 opponeret. Hoc consensu perculsi Senatores, qui disces- "
 sionem fecerant, apud regem vitæ sibi & salutis pericu- "
 lum,

lum strui querebantur. Qui mox, abrogatam Carolo, gubernationem publico illis mandato tradidit; civesque in eorum fidem & obsequium adstrinxit. quatenus indignationem suam incurrere non amarent. Duci etiam acerbè interminatus est, ne quid molestiæ Senatoribus illis crearet: Si contra faxit, equestrem ordinem, militares copias, ceterosque cives omnes regio edicto evocavit, ad opem illis ferendam, vimque ducis propulsandam. Senatores tamen in mandatis his parum præsidii reputantes, in Daniam alii, ceteri in Poloniam dilapsi sunt. Carolus vero graviter conquestus est, homines perditos, in caput suum arcessitos, qui exitium sibi & perniciem, semper machinati fuerint: quibusque, justam fratris Johannis, suamque indignationem eapropter promeritis, ipsæ tamen, in nepotis gratiam, ignovit. Jam eandem Tragœdiam sub alia larva adornare. Maturum proinde esset, ut ab eorum perfidia sibi caveat Rex, ne, in publicam Reip. & regiæ domus cladem, aliquando sit eruptura. Commemorata inde Finlandiæ calamitate, regem oravit, ut Flemmingi insolentiam castigaret. Verum, rege ad omnia surdo, sumta in Finlandiam expeditione, turbatores ipse compescuit. Quod, perinde ut cetera ejus in Patriam merita, perstringens orator Regis Iaskius, ut Senatores, in exilium actos, aut carcere in Finlandia detentos, restitueret regis mandato, impetravit responsum: male sibi confisos, pœnamque timentes, sponte profugisse. Ceterum, neque illis neque ulli, mortalium juris præsidium clausum; jam etiam patere, revertentibus.

Caput XIV.

ITa variis interminationibus, (*) legatorum expostulationibus, procerumque nonnullorum impio adnifu, bello præludebatur, quod in Patriæ viscera erat exarsurum. Conflato quippe è Germanis, Schotis, Ungaris Polonisque valido exercitu (aulicum tantum comitatum, scribit nonnemo) Calmariam adpulit Sigismundus: Præfectoque arcis, qui portas aperuerat, in carcerem conjecto, Stegeburgum navigavit. (1599) Aduere mox tabellarii Ducis Caroli, fidem publicam, obsidesque, colloquium regis desideranti, petentes. Vel solum venturum fuisse, nisi, tanto exercitus apparatu, rex patriam petiisset: cujus metu & ipse milites contraxisset: intellecto præsertim, vitæ & famæ quæstionem eis moveri, qui regno sibi adhæssissent; ceterum illos continuo dimissurum, si, exautorato exercitu, satisfactionem coram arbitris, in comitiis regni, velit accipere. Rescripsit Sigismundus; Hanc regii splendoris pompam, quod omnem honorificæ exceptionis cultum intermisissent Sveciones; ab Poloniæ ordinibus, sibi adjunctam, nemini terrori aut molestiæ futuram. Recedat Patruus in Ducatum suum & Gubernatoris titulum insolentem, regiæque dignitati contumeliosum, in posterum omittat. Rideliculus vero, de armato adventu suo queri Patruum, cum ipse prius arma paraverit; classeni regiam detinuerit; ministros regni in ordinem redegerit: peregrinum militem, quum arces, naves, tormenta & exercitus sibi tradita fuerint, se exautoraturum. Desperata inter regem Ducemque reconciliatione, domum recesserunt

Y 2

serunt

(*) Vid. literas Senat. regni Sveciæ ad ord. Polon 17 2bris 1603

ferunt legati Brandenburgici, Mechelburgenses & Ansbarchenses: Carolus vero, exercitu Stegeburgum propius admoto, ab rege serio exquisivit: amicusne an hostis advenisset? pacem se præoptare, & a fundendo civili sanguine abhortere. Sed, si deterioribus consiliis inductus Rex, reconciliationem respuat, tantas sibi copias esse, ut militem ejus obterere possit. Nec discessurum prius, quam æquæ utrinque conditiones accipiantur. Non enim de pomis & pyris hic agi, sed Patriæ, Regis atque Principis salutem ac securitatem in periculum adductam. Hisce minis factum, ut Comiti Mauritio, duobusque è nobilitate, potestas concederetur, Ducis atque ordinum causam apud regem agendi. Horum opera eo res deducta, ut duodecim Equestris militarisque ordinis viris causa, ultro citroque disceptanda, committeretur. Duci crimini datum, quod ditiones regias delectu militum, & frumentationibus exhauriret: Regis commeatum interciperet: præ foribus regiis castra metaretur: & iniquas pacis conditiones efflagitaret. Paratum esse regem, comitia indicare & militem exautorare, si patruus prius arma ponat, captivos dimittat, classem, præsidia & arces sibi resignet. Nec gravate assentiebatur Carolus, si in regis fidei pignus Elfsburgum & Wadstenum, aut classis crederetur, vel Senatores, *Ericus Sparre*, *Gustavus Baner* atque *Thure Bielke* traderentur obsides. Ultimum forsitan concessurus Sigismundus; Sed senatores illi, meritorum suorum conscii, alio ipsum deduxerunt. Militari quippe tumultu interrupto colloquio arbitrorum, Lincopiam versus castra movit. Per sancta omnia obtestabatur Carolus, ne fundendo sanguini campum quæreretur. Ad quæ iratior „ Sigismundus: se multa satis iam concessisse, quibus si „ non adquiesceret, quod sibi non intermittendum existi-

ma-

mare, exequeretur. In remissionem obsequii & fidelitatis hæc accipiebat Carolus, ut ultimam experiretur, iteratis precibus obtinuit, ut, libero utrinque commeatu, Marchio Badensis Edvardus litem componeret. Sed cum, sequenti nocte, in castra sua irrupisset regius miles, jam toties irritatus frustratusque Carolus, quod liberum ipsi Rex permittebat, Marti rem commisit. Lincopiæ cum Senatoribus consistente Rege, exercitum ejus, extra civitatem, explicuit *Georgius Farenbeck*, commissaque ad pontem Stångebro pugna, (Anno 1598 28 Sept.) rex casus victusque, pacem petere coactus est. Nec negavit Carolus, quantumvis hostes suos delere potuisset. Senatores in Ducis venere potestatem. Amicitia his utrinque articulis sancita: Regi fides, obsequium, juque regni inviolatum esset: quæ Patruus ordinesque ejus ingratis patravissent, æterna oblivione deleteret, eosque amore & benevolentia regia complecteretur. Regni leges, jura, & decreta Comitiorum sancta haberet: intra 4 menses comitia indiceret, ut per Imperatoris, Regum atque Principum legatos, civium controversiæ inter ipsos componerentur. Captivi omnes juri sisterentur, usque ad causæ cognitionem. Miles domesticus, accepto commeatu, utrinque exautoraretur; externus etiam ex regno dimitteretur. Ducis ordinumque nomen atque fama, regiis literis, adfereretur. Quibus rite observatis, Carolum arces, castella, classem, in regni comitiis regi redditurum; quibus tamen in regni civiumque perniciem non utetur. Paſtorum horum transgressorem, Regni ordines armis persequantur. Rebus ita pro tempore compositis, Orebrogiam tendit Carolus: Nihil interim tamen omisit Sigismundus, ut libertati restituerentur Senatores captivi, patruum tamen

Inducere non potuit, ut malorum omnium concitatores dimitteret, priusquam regno & sibi de criminibus satisfecissent. Post discessum Caroli, magna Sigismundum tenuit dubitatio, Holmiamne navigaret, ad indicenda, ut receperat, comitia; an rebus fluctuantibus, aliud firmamentum quæreretur? Illud quidem temporum ratio maxime suadebat; sed Ducis civiumque, pro retinenda libertate, contumaciam reputanti, vires isti frangendae pares desiderabantur: utique cum praesidium militare, admodum imminutum, nullis hic delectibus posset suppleri. Consulius igitur visum, ad contrahendum militem, in Poloniam reverti, quo auctus, ad accipienda iussa sua Sveones adigere posset. Consensus igitur navibus, quae Holmiam ipsum vecturae erant, Calmariam navigavit, impositoque arcis praesidio, ventis secundis Gedanum delatus est. Varsavia inde discessus sui causis perscriptis, novo in Polonia tumultu se revocatum fuisse aiebat. Atque cum privatae tantum Civium lites, in comitiis Holmensibus, decidendae forent, posse illas ab aequis arbitris cognosci, suprema sententia ad reditum suum dilata, Calmariam interim, Elfsburgum atque Holmiam, se absente, non impugnent, nec ullam ministris regis molestiam exhibeant. Rescripsit Carolus: Ut armatus ejus in Patriam reditus fuerat terribilis, ita discessum ejus non minus periculosum omnibus videri: praestitum, quod vanis praetextibus obveletur: Non meruisse Sveonas, jam tertium ab ipso deseriri. Nec regii promissi esse, arcem Calmariensem externo militum praesidio teneri, quod, adulto jam anno, supplemento novo auxerit. Si regni jura & libertatem tueri cogitet, supervacuum esse armorum adparatum, nullo civium detrectante obsequium; Si lubrici suae hanc paret, Sve-

onas

onas non minus libertatis suæ, quam obsequii memo-
res futuros. Utique cum in Dania per legatos suos sit
professus, se pactis Lincopensibus non teneri, Senato-
rum perduellium causam, Patriæ jure, & ab indigenis
judicandam; & exterorum hic opem desiderare sit su-
pervacuum. Edictis & mandatis regiis omnem hono-
rem habitum iri, nisi convitia & contumelias in Deum
atq; ordines continebunt. Nihil interim rebus præsen-
tibus magis conducere, quam ordinum libertatem ac
concordiam foveri. In dubio rursus patriæ securitas fu-
it, nec amicum quicquam de Sigismundo polliceri sibi or-
dines potuerunt, quod contra pacta jurata discessisset;
(1599. Febr.) famaue non obscura esset, in Dania & alibi
bellum parari. Junecopiam igitur congregati, literis sup-
plicibus obtestantur, ut saluti Patriæ consulat, datam
fidem servet & quamprimum revertatur; id si non pos-
set, filium *Uladislaum* mittat, ut sana religione imbu-
tus, regno paterno idoneus aliquando esse possit. Ne in-
terim querulis tantum literis scribendis convenisse viderentur,
securitati publicæ, si quid hostile ingrueret, ita
prospexerunt, ut præsidii Calmariensis, rebelliumque
Finnorum insolentiam compescendam decernerent: Ca-
rolum regni gubernatorem constituerent, eique suæ &
communis salutis defendendæ causâ, auxilium addicerent.
Elapso postea semestri spatio, cum nihil ad ordinum pre-
ces respondere dignaretur Sigismundus, examinato, in
comitiis Homensibus, (1599. Jul.) regimine ejus, fide to-
ties violata, pernicioso, innocentiam suam coram toto
orbe contestantes, datam ipsi fidem & obsequii devotio-
nem retractarunt. Meruissent profecto delicta ejus; filij
etiam & hæredum abdicatione castigari; Gustavi tamen
meritis & memoriæ datum, ut *Uladislao* sceptrum defer-
rent,

rent, si intra semestrem electionem ratam habiturus esset Sigismundus, filiumque mitteret, in doctrina Evangelica, lingua & moribus patriis sub tutela Caroli erudendum. Quo insuper habito, regni recuperandi spem, in æternum stirpi ejus præcludendam fore. Quia vero, interregni hujus tempore, humanitus quid Carolo evenire posset, filio ejus *Gustavo Adolpho*, Nepotique *Johanni* tutores constituti, qui ætati eorum & regno præessent. Potuisset familiæ suæ regnum conservare Sigismundus, si locum aliquem precibus ordinum relinquere voluisset. Sed adversus omnia obstinato animo, eo tandem ipsos adegit, ut, quod prius denunciaverant in comitiis Holmensibus, exequerentur, promulgato, in ipsum omnemque posteritatem ejus, perpetuæ abdicationis edicto. (Anno 1600) Exigebat quidem Gustavi testamentum, rationem hic habere principis *Johannis*, Fratris Sigismundi, qui, cum Gustavo Adolpho & Carolo Philippo, in aula Ducis Caroli educabatur; Sed quia metuebant ordines, ne fratrum odiorum, simulatumque particeps aut memor, ab patruo ejusque filiis, vindictam cum tempore reposceret, inferioribusque regnum, diu afflictum, calamitatibus involveret; tum, quia præsentium rerum difficultates & pericula, virum, armis idoneum, non puerum flagitabant, ei quidem regnum non dederunt; sed hujus loco Ducatum O-Gothiæ, ditionem quondam Principis Magni, Patruj ejus: collocata insuper ipsi in matrimonium filia Caroli, ad arctiorem concordiam ineundam. Juxta grato animo æstimatis periculis & molestiis Caroli, pro salute Patriæ, ipsum in successione jus adoptarunt, quod deinde in filium G. Adolphum hæredesque masculos transferre posset. Substituto interim Johanne, O-Gothiæ duce, si stirps Carolina deficeret. In comitiis iisdem, renq-

renovata sunt judicia regum pratoria, longo tempore intermissa: bonorum etiam regalium lustratio indicta; certaq; militum manus cum stipendio provinciis singulis præscripta, ne novis subinde delectibus exhaurirentur indigenæ. Lubecensibus præterea commerciorum usus interdictus, quousq; res per arbitros componerentur. Ad Moscum etiam decreta legatio, pro confirmando fœdere oblato, cujus postea dissolvendi causa, Monachum Griscam, ad consequendum Moscoviæ dominatum, juxta Sigismundus.

Caput. XV.

Abdicato ita solemniter Sigismundo, ab ordinibus petiit Carolus, ut judicio sisterentur Senatores captivi, quo vel innocentes dimitterentur, vel scelerum manifesti pœnas luerent. Lecti proinde judices, ex Senatorio & Equestri ordine 38. Equestris militiæ præfecti 24. Peditum Centuriones 21. Civitatum Consules & Consiliarii 25. Præfecti territoriorum & legum consulti 22. Rusticorum ex toto regno deputatorum 24. cum 4. scribis, qui omnes numerum Centum quinquaginta octo complebant. Quo vero, sine ulla perturbatione, judicium subsellia occuparent, à juramento, fide & obsequio, quo sibi successoribusq; suis obstricti erant, ipsos absolvit Carolus, fide regia literisq; confirmans, se judicio acquieturum: qualemcunq; essent, laturi sententiam, ejus nomine, nec se, nec posteros suos odium aut vindictam exercituros. Singuli inde legum codicem manu tangentes, per animæ salutem jurarunt, se hanc causam, liberis conscientijs, citra amoris odiive aut ullius sortis respectum judicaturos, plane ut coram Deo omnibusq; Christianis

Z

ratio-

rationem reddere vellent. Accusationis capita præcipua fuerunt : Quod odia & dissensiones inter Regem Johannem fratremq; Carolum concitavissent, aliaque multa perfide egissent; quorum nomine pridem in comitiis Holmenſibus damnati. Quod à concilio Upsalensi deficientes, Liturgiam promulgavissent : Juramentum Senatorium, quo regi & regno fidem obstrinxerant, violavissent; quod fidem Duci Carolo, verbis, literis, juramentis datam fregissent; nomen ejus, honorem & famam apud Sigismundum, aliosque Reges & Principes, calumniis & mendaciis impijs læsissent; vitæque ejus insidias struxissent : Sigismundum ad Patrum, ordinesque persequendos, proscribendosque atque arma Patriæ inferenda impulissent : Regem Daniæ & Lubecenses in armorum societatem pertrahere laboravissent : tumultus & dissensiones civiles in Patria concitavissent : Violatis decretis Sudercopensibus, regni ordines, pro salute patriæ Arbogiæ congregatos, armis adoriri decrevissent : Exercitum, non dum impetratis à Sigismundo Gubernationis mandatis, sollicitavissent : rebellionis Finlandicæ autores extitissent : merces Ducis Caroli, civiumque in portibus Germaniæ intercepissent : frumentum commeatumque in sævissima annonæ caritate importari prohibuissent : reconciliationem inter Sigismundum Carolumque, Stegeburgi & Lincopiæ interrupissent : nihil denique omisissent, quo, Sigismundo Caroloque in exitium præcipitatis, regno interverso ipsi potirentur : Omnibus ista, sed plura adhuc *Erico Sparre*, crimina intendebantur, nempe: quod legatione sua in Poloniam perfide defunctus fuisset; actionem cum Dano, de regni insignibus & jurisdictione in Lapponia, prævaricatus fuisset: acta publica regni ex Cancellaria furtim sustulisset. Quibus omnibus probandis, plu-

plurimæ ipsorum literæ, diverso tempore & locis scriptæ, atque post captivitatem illorum hinc inde conquestæ, proferebantur. Illi autem, ad subterfugiendum iudicium, iudices, tanquam legitimos, agnoscere noluerunt: quod in comitiis Jeneopensibus & Holmensibus, præiudiciis causam condemnassent: suam præterea causam cum regis conjunctam esse, quo non comparente, inique actionem suscipi. Ea etiam conditione in Ducis potestatem venisse, ut ab exterorum Regum & Principum legatis controversia dirimeretur. Respondit Carolus, leges Patrias non admittere, ut totum quis iudicium rejiciet: tres tantum a reo repudiari posse, cum magna eorum pars consanguinitate, adfinitatibusque ipsis sint conjuncti, eorundemque criminum rei; sed quibus supplicibus ignoverit. Ad externos vero iudices, Civium causas devolvere, Gustavi testamento prohiberi, qui filiorum etiam suorum & principum lites, ordinum & civium cognitioni subjecerit. Nullo ordinum præiudicio ipsos gravatos, cum causas tantum ipsorum cum tempore se cognituros in comitiis istis decreverint. Frustra etiam regis absentiam obtendere cum antea supplicaverint, ne suæ & regis actiones miscerentur: jam autem rationem reddituri sint, non delictorum Sigismundi, sed propriorum scelerum. Cum victor hostes suos internecione delere potuisset, illis scilicet spem faceret, perfidiæ ipsorum ab exterorum regum legatis cognoscendæ! Et si vel maxime fecisset, non se amplius teneri, postquam Rex ipse pacta violavisset. Quid vero auxillii ipsis in exteris legatis, cum secundum Patriæ leges, eadem sceleris poena reis sit subeunda, quibuscunque tandem iudicibus sententia perferatur? Ceterum si iudicium porro detrectent, se militari jure in ipsos acturum; qui hostes, & durante conflictu, in potesta-

tem suam venissent. Igitur cum præter vana iudicii effugia nihil in defensionem adfereretur, iudices, præsentibus legatis Ducis Holsatiæ, *Gustavum Baner*, *Ericum Sparre*, *Stenonem Baner*, & *Turonem Bielke*, perjurii perduellionisque convictos, lege Majestatis, honore, vita, bonis condemnarunt. (Anno 1600 17. Maij.) Sententiæ universi ordines subscripserunt. Alteram etiam, in *Arvidum Erici* & *Axelium Kurk*, in Finlandia latam, hic ratam habuerunt: Ceterique nobiles Finnonæ, qui rebellionis auctores vel ministri fuissent, hærediorum parte mulctati, civesque ejusdem criminis rei, stipendia ad tertiam bonorum partem amittere: Sacerdotes etiam, sceleris sponte participes, infamia notati, ceteri pecuniaria multa castigati fuerunt. *Claudius* vero *Bielke*, *Christiernum Claudii*, *Ericum Abrahami* & *Georgium Posse* supplices, ordinum precibus condonavit *Carolus*: *Hogenskildi* autem *Bielke* & *Caroli Gustavi* causam, in aliud tempus distulit. Triduo post latam sententiam 4 isti senatores, in foro Lincopensi capitis supplicio adfecti sunt, ministrante Carnifice, quem *Gedano* secum adduxerunt, ad plectendos omnes eos, qui securitatis symbola, quorum centena aliquot, typis exscripta, attulerant, non haberent. Atque ita sanguinem suum eo loco fuderunt, ubi tot hominum millia, funestis eorum consiliis, vitam & sanguinem profudissent.

Caput XVI.

AD paternum regnum non jure amplius, sed armis recuperandum, privatae satis Sigismundum causæ impulerunt. Proceribus tamen Polonicis cordi magis Livonia fuit, utpote quam, in Palatinatus divisam, singuli sibi destinabant. Horum itaque svasu, cum delecta manu,

nu, Georgium Farensbeckium misit, qui provinciam totam ditionis Polonicæ faceret; tametsi, infcia Rep., privatorum tantum studio, bellum hoc susceptum fuisse scribat Piascius. Ei celeritate, quanta potuit, occurrens Carolus, suâ defendit, & plura adhuc occupavit, *Esthoniâ* scilicet totam, cum *Parnoviâ*, *Volmariâ*, *Vendâ*, *Dorpato* & *Kokenbusio*. Ad Kexholmiam vero postea infeliciter pugnavit, (Anno 1601.) amissis 9 circiter millibus militum: cum infessos & longo itinere fatigatos, lectissimum Polonicæ militiæ robur effudisset Chokevicius. Cœptam inde *Rigæ* obsidionem, ob scdam anni tempestatem, solvere coactus, terrestri itinere per Lapponiam domum revertit. (1602) Licet vero assiduis armorum curis distineretur, multam tamen ad Remp. ordinandam adhibuit diligentiam. Regni senatum accurate legit, eique svadendi & consulendi, non imperandi, partes permisit. De censu prædiorum publicorum, de vecturis, de ponderum & mensurarum æqualitate; de litibus in inferiori foro dijudicandis, priusquam ad aulam devolverentur; de peregrinis ultra sex septimanas, commerciorum causa, in civitatibus non tolerandis, nisi jus civitatis adquirere vellent; de legibus emendandis, de rerum judicatarum rationibus, archivo inferendis, multa salubriter constituit. Circa sacra etiam rigidior emendationem desideravit, omnes Ceremonias religionis abrogari cupiens. Sed intercessit cum ceteris Archi-Episcopus Olavus, quod nimia ista severitas simpliciorum animos percelleret, credentium totum Christianismum sublatum iri, si nihil ex antiquis ceremoniis retineretur. In Upsalensi tamen Academia, rege jubente, blasphemias suas *Calvinisticas* evomuit *Forbesius*, Theologus Schotus; sed cum tales concertationes plurimorum animos acerbassent, re-

gio mandato prohibitæ fuerunt. In comitiis Norcopen-
libus (Anno 1604 28 Mart.) successionis juri sponte renun-
cians Dux Johannes, gravi oratione ad capescendum re-
gnum patrum hortatus est. In iisdem comitiis, perdu-
ellium Senatorum filiis, in memoriam paternorum deli-
ctorum, spes omnis Senatorii ordinis adempta, nisi singula-
ribus meritis regiam gratiam obtinerent: ceteris omni-
bus profugis delictorum venia facta, si intra 6 menses in
patriam reverterentur. Uterque Georgius, Possé, Ericus,
Axelius, & Gustavus; comites Johannes, Ericus & A-
xelius Gyllenstiernii, fide publica ad agendam causam su-
am citati: qua si caderent, publicatis bonis, ex regno
discederent; adversus citationem contumaces perduelli-
um numero futuros, uti & omnes eos, qui consiliis i-
psorum adhererent. In peregrinis Academiis operam li-
teris navantes, revocati omnes, ut exhibita studiorum ra-
tione, regi regnoque fidem & obsequium addicerent.
Pro delectu 9 millium militum pecuniarium subsidium
promissum: Vecturæ etiam publicæ certa pecunia redem-
tæ, ne tot oneribus exhaurirentur coloni. Ad suble-
vandam rem monetariam, mercatoribus injunctum, ut
decimam rerum exportandarum, in argento rudi aut si-
gnato, officinæ monetariæ inferrent, ut tantundem mone-
tæ minoris reciperent. Cautum insuper, quod fundi be-
neficiarius, supra legitimam à colono exigens, benefi-
cio privaretur. Regibus item & principibus potestas a-
dempta, regni prædia, in quenquam æternæ possessionis
jure transferendi: permillum vero bene meritis in feu-
dum conferendi, quod tamen ab insequentibus regibus
confirmari semper debeat, & deficientibus hæredibus ma-
sculis, ad regnum reverti. Gustavo Adolpho patri suc-
cedente, Sudermannia, Nericia & Vermelandia fratri ejus
Ca-

Carolo Philippo decretæ. Filiæ etiam regiæ successionis jus concessum, extinctis masculis, ita tamen ut maritum accipiant, è Gustavi familia oriundum. Neminem interim regis aut principis jure gavisurum, qui una cum uxore, Evangelicæ non sit religionis. Ducatum insuper amissurum, qui ordinibus inconsultis uxorem duxerit. Ad sceptrum non admittendum, qui aliud regnum acceptaverit: prohibitumque imperanti, aliud regnum aut ditiones acquirere, nisi fidem dederit in Patria se semper mansurum. Regi & principibus minorennibus, ubi decimum octavum ætatis annum, dimidiam administrationis partem, ubi vero vigesimum quartum expleverint, totam permittendam. Omnes denique, ab Evangelica religione deficientes, proscribendos, eorumque bona agnatis addicenda, decreverunt ordines. In proximis inde comitiis (Anno 1605. 4. Maii.) Hogenskildi Bielke causam cognoverunt, qui, præter commercium cum ceteris perduellibus, insidiasque Duci Carolo structas, ut honoris prædo, in literis suis, ipsum Diabolicum, impium, mendacem, subdolum, tyrannum, crudelem, immitem, persecutorem, homicidam; conjugem vero ipsius Jesabellam; liberos propaginem impiam; ministros latronum colluviem appellaverat. Quæ omnia ipsemet fassus est se scripsisse, ut insanum, & amentem, meliusque sibi fuisse, si calamum movere nunquam didicisset. Pronunciatum itaque in convictum atque fatentem, ut vitam, honorem, & bona amitteret. Tempore Johannis & Sigismundi regum, multi filios suos ad Academiæ Jesuíticas miserant, ingenui cultus percipiendi gratia, qui clanculum in patriam jam revertentes, quo ex ludo prodierant, satis ostenderunt. Inter ipsos quidam Petrus de Petrossa in aulam insinuatus, regem Carolum perfodere est aggressus: sed in ipsis scelerum

lerum furiis deprehensus, inter exquisita tormenta, animam impiam atque impuram efflavit. Ossa Divæ Brigittæ Filiæque ejus Catharinæ, pretiosis loculamentis inclusa, Wadsteno furtim abstulit Laurentius Rålamb, atque in Borussiam deportavit. Tam sceleratus Joh. Mesenius non fuit, quantumvis in eodem ludo eruditus. Zelo enim Patriæ illustrandæ actus, majorum gloriôsa facinora comœdiis & historiis juventuti Academicæ exhibuit; pluribusque humaniorum literarum admirationem & amorem instillavit. Dicafterii inde regii Adssior, noxias Patriæ literas in Poloniam scripsit recepitque, quod crimen inde perpetua carceris pœna Cajaneburgi expiare est coactus.

Caput XVII.


Quia pacem & amicitiam cum Carolo coluit Moscus, ad res ipsius turbandas Monachum quendam Griscam sive Hisco subornavit Sigismundus. Is Jesuiticis in Polonia artibus imbutus, Demetriumque Basilidæ filium se ferens, populari levitate scēptrum consecutus est, legitimusque Princeps Gudenovius in ejus gratiam strangulatus. Ducta inde Palatini Sendomiriensis filia, potentiorum primum odia contraxit. Cumque multa insolenter contra gentis mores patraret, concursu multitudinis in ipso palatio trucidatus est. Mox alius nebulo, surreptis in ipso tumultu Magni Ducatus insignibus, eundemque Demetrium mentitus, pari levitate & perfidia cuncta miscbat. Et, ne cessarent ludibria, tertius etiam impostor, eodem stratagemate principatum invasit: tantamque stulta populi credulitate, auxiliisque e Polonia submissis, potentiam condidit, ut, subacta Moscovia universa, Magnus

gnum Ducem Suskii in ipsa Metropoli sua Moscovia obfederit. Cui liberando 5 millia lectissimorum militum, ductu *Jacobi Pontifon*, & *Edvardi Horn*, submisit Carolus: (1608) qui Staravussam, Tiveram, Pereslaviam, Slabodam, Rosloviam, Mitroviam, Uglizum, Casinam & Troizam vi ceperunt; Polonosque, ab Moscoviæ obsidione rejectos, sibi consulere coegerunt. Auxilium hoc, præter stipendii militaris solutionem, arcis Kexholmensis ditionisque perpetua cessione, remunerari stipulatus erat Moscus. Sed ex angustiis liberatus, promissum perfidia elusit. Bello inde causa, & foedus atq; amicitia in apertam hostilitatem desiit. Mox enim Kexholmiam vi expugnavit *Jacobus Pontifon*, uti & Novogorodiam, munimentis & hominum multitudine invictam habitam. Ad hoc bellum aliud etiam Carolo regi, nulla de causa, per fecialem suum denunciavit Christianus Danus; (Anno 1611 4 April.) paratasq; pridem copias in ditiones Gothiæ infudit. Hostilitati causa prætexebatur, quod Lapporum regem se scriberet Carolus; datisq; in præjudicium regni Norvegiæ, privilegiis, urbes & castella conderet: Cives etiam Danicos in mari Balthico violaret. Respondit Carolus, Regis Daniæ nihil interesse, quod subditorum suorum se regem scribat: Gothoburgensi civitati, in solo regni sui sitæ, commerciorum libertatem in septentrionali Lapponia, etiam suæ ditionis, nullo cum præjudicio, aut damno accolarum concessisse: Cives Danos nullos à se læsos, illos tantum in ordinem redactos, qui contra pacta Stetinensia, jus belli, auxilia ac comæatum, hosti suo Polono submittere non desisterent. Sibi vero armorum fumendorum longe justiorum causam fuisse: quod regni sui insignibus non abstinuerit Danus: Cives suos in Lapponia læserit; proditores Sveonas foverit; literis

publicis subditos suos compellarit; Jacobum Spenfium Chiliarchum intra limites regni Sveoniæ, immisso satellitum globo, spoliavit, ipso graviter vulnerato, comitibusque nonnullis interfectis: Denique apud civitates Anseaticas egerit, ne commeatum sibi subveherent; quæ singula tametsi armorum vindictam meruissent, se tamen, ab humano sanguine abhorrentem, ad æquos arbitros provocasse; quorum sententiæ acquiescere adhuc paratus sit. Sin vero libidine sua sanguinem fundere gestiât, faciat, quod omittere non possit. Scit regni subditorumque suorum defensionem neglectui non futuram. Nihil æquius ad satisfactionem potuit offerri. Nullæ tamen Dano conditiones placuere, de Carolo, Polonico & Moscovitico bello districto, victoriam facilem sibi pollicenti. Elfsburgo igitur Olai Stråle, & Calmaria perfidia Christiæni Somme proditis, Dlandiam copiis suis pervasit. Dici vix potest, quantum acerbitalis mœrorisq; perfidia ista Carolo attulerit. Pro tempore igitur collecto milite tumultuario, in campo Rysbyensi castra posuit: Danumque, usitato quondam fortibus more, ad singulare certamen provocavit, ne unus aut duorum insaniam utrorumque regnorum cives sanguine luerent: Deum æquissimum rerum arbitrum, exitum secundum jus fasque daturum. Sed de rei summa, cum periculo suo decernere detrectans Danus, satis habuit contumeliose rescripsisse. In hac expeditione prima tyrocinii rudimenta, sub parentis disciplina, positurus *Gustavius Adolphus*, ipso nescio, in Blekingiam irrupit, atque Christianopolim exussit. Præfetti tamen cujusdam perfidia in hostium venisset manus, nisi equo in flumen præcipitato evasisset: verum & sic aquæ vorticibus hausto equo, periclitantem extraxere sui. Ad heroicæ indolis

dolis specimen vehementer gaviſus parens, juvenilem tamen ardorem ejus ita objurgavit, ut ſimul obteſtaretur, ne injuriæ ejus oblivifceretur, qua ætati ſuæ, jam ingraveſcenti, quaſi illuderet Danus; ſed ſi fata Deusque finirent, libidinis iſtius vindictam cum tempore ab ipſo re-poſceret. Quin & colaphum ipſi aliquando impexit, ut mihi retulit Magnus Vir Axelius Oxenſtierna, in memoriam ſcilicet, quod nullo Dano fidere unquam deberet. Atque ita hoſtium progreſſus ſtitit; Calmaria tamen & Elſburgi jaſtura animum ægrum ita adfecit, ut loquendi facultatem fere adimeret. Debilitata hinc valetudine, Ny-copiam revertit, ubi & non multo poſt diem ſuum obiit; (Anno 1611) anno ætatis ſuæ ſexageſimo primo. Ludovicum & Guſtavum, brevi fato viventes, Margaretham, Elizabetham, Sabinam, Catharinam, Palatino deſponſatam & Mariam, *Anna Maria* Heidelburgenſis ipſi peperit: Guſtavum vero Adolphum, Carolum Philippum & Mariam Elizabetham, Johannis O-Gothia Ducis conjugem, *Chriſtina Holſata* in lucem edidit.





EPITOME HISTORIÆ SUIO- GOTHICÆ.

LIBER QUARTUS.

Caput I.

Non satis pacatis Patriæ rebus, regnum consecutus est *Gustavus Adolphus*, Mosco, Polono & Dano armis illud impetentibus. Adversus singulos tamen ita se composuit, ut facile intelligerent, quo cum sibi res esset. Quia vero cum omnibus simul configere è re sua non putavit, interventu regis Angliæ, Ordinumque Belgii, ad regni limites prope *Ulfbeck*, pacem cum Dano pepigit, (1613; 28 Jan.) pro restitutione arcium decies Uncialium (10 tunnor guld) solvens. In Moscum inde, pactorum-violatorem, conversus, Notoburgum, Jamam, Caporiam, Ivanogorodiam, Kexholmiam cum tota In-gria extorsit; (Anno 1614) quæ omnia, cum viginti milibus Rublonum, æternum possidenda; sub osculo crucis, ipsi cessit *Michaël Federovicus*, (1618 29 Jan.) ut *Novogorodiam* cum aliis locis nonnullis reciperet. Hoc bello defunctus, totis viribus in *Livoniam* trajectis, Parnoviam,

am, Vindaviam, & Dunemundam occupavit, petentiq; Sigismundo, ob Tattarorum, Mosciq; irruptionem, biennales inducias concessit. Verum cum tempori tantum illas impetratas fuisse intelligeret, eo elapso, 20 millium armatorum in continentem ad Rigam exposuit, ipse mox, cum aliis copiis comitante fratre Carolo Philippo, Parnovia terrestri itinere illuc accedens, urbem, deditiois mandata respuentem, commeatu & auxiliis exclusit: atq; subter fossa cuniculis, nitrato pulvere cavernas replevit, mœnia Clivesq; in aëra excussurus. Illi vero, non ambiguo periculo territi, victori se permiserunt. (1621) Inter armorum strepitum, rerum domesticarum curam non omisit Gustavus: Sed, habitis Holmiæ comitiis, in Livoniam rursus trajiciens, hostem iteratis aliquot præliis ad Mitaviam ita attrivit, ut annuas inducias pacifceretur. Inde adparatu 66 navium bellicarum, Livoniam tertium petens, pulso cæsoq; ad Valmoisam Stanislao Sapiha, provinciam totam, præter Duneburgum, sibi subjecit. Pacate hue usque egerat Danus; sed, quia mercibus exportandis novum vectigal Holmiæ impositum; indeque aucto pretio, in Civium suorum manus venirent, cum Sveones in Dania ab hoc onere immunes essent; de hac quasi injuria frustra conquestus, Sveonum naves in Drefund vectigales fecit. Cumque non obscure ad arma res spectaret, Anglo procurante, per utriusque regni Senatores Ulfbeckii amicitia redintegrata fuit. (A: 1624) Gustavus interim Lithuaniam, Curlandiam & Semigalliam armis pervadens, Birsenum, Mitaviam, Busehium, aliaque munitiora loca expugnavit. (Anno 1625) Svasere Poloniæ ordines Sigismundo, ut regni & Esthoniæ cessione, quoad Gustavus viveret, Livoniam redimeret: Sed ille, victoriis imperatoris fretus, qui, finito

Germaniæ bello, ad recuperandam Sveoniam auxilia offerebat, pacis consilia repudiavit. Et forte frustra fuisset, Gustavo istas conditiones obtulisse, qui ad Valhovi-
am adsecutus hostem, castris exiit, cecidit, fugavit, suorum vix uno desiderato. (Anno 1626 7 Jan.) Audivi magnum *Axelium Oxenstierna*, regis individuum comitem, consiliorumque arbitrum, aliquando commemorantem: Regem in isto prælio, tanta prudentia, virtute & consilio cuncta administravisse; ut in maximis du-
cibus suis vix quicquam simile antiquitas viderit: indignumque, omni ævo deprædicandum facinus, scriptorum negligentia obsolescere. Translato inde in Borussiam bello, (1626) Pilavium, Brunsbergam, Travenburgum, Marienburgum, Veiden, Popeln, Drisaviam, Mervam & Elbingam cepit. Gedanum etiam, ad pendendum vectigal, coëgit: ubi excitatum propugnaculum expugnaturus, sclopi ictu vulneratus est. (1627) Adpetente hyeme, belli curam Axelio Oxenstierna dedit; ipse ad habendos delectus Holmiam tendit. Expectabatur indies conscriptum in Germania supplementum, quod Streifus & Taufelius ductabant: Sed Hammerstenii interclusum ad deditionem coëgit Polkius. Primo vere revertens Gustavus, collatis ad Drisaviam cum hoste signis, equitatum ejus omnem profligavit, compulsis intra vallum peditibus. Et castrorum oppugnatione in sequentem diem decreta, cum opportunitates speculaturus, monticulum conscendisset, manuarii sclopi ictu, in supremo pectore iterum ex insidiis vulneratus est. Atque ita rei perficiendæ occasio pulcherrima manibus excidit. Cum omnium precibus & gemitibus admoneretur, ne ita periculis se ingereret, & suo unius casu tot millium salutem in discrimen adduceret; Officii, divinitus sibi commissi,

mu-

munia exequentem, se Deo curæ esse, respondit, nihilque gloriosius, quam pro Dei gloria & salute patriæ etiam cum vitæ periculo decernere. Cum pilas corpori infixas extrahere nequirit chirurgus, hæreant, inquit, non degeneris vitæ monumenta, regemque decet animus magnus in corpore non effœminato. Sigismundum interea, qui nuper in castra advenerat, legati adivere Belgici, si pacem forte conciliare possent. Nec vana spes erat, ex sententia confectum iri negotium, adnitentibus scilicet proceribus Polonicis, belli hujus jam pertæsis, quod cum 30 annorum induciis ablatorum restitutionem, sola Riga excepta, offerret Gustavus. Sed salubriter consulta, speciosis promissis evertit Hispanus. Quia enim domus Austriacæ intererat Polonico bellodistineri Gustavum, ne Germaniæ rebus se immisceret, per legatos suos classem 24 navium bellicarum, cum 12 millibus armatorum, sumtu suo, in mari Balthico, intra duos, menses parandam sustentandamque obtulit. Legati isti Rostochium & Lubecam ivere, ducenta millia uncialium in collybo habentes: navem tamen impetrare nequiverunt ullam, postquam civitatibus maritimis innotuit, Austriacos cum Hispanis mari balthico incubare velle. Novem tamen Sigismundus Gedani instruxit, (Anno 1628) quæ piraticam in mari Balthico exercerent: Sed omnes illæ cum 120 tormentis ancis & copioso instrumento nautico captæ aut depressæ fuerunt. Stralsundensibus gravi Cæsarianorum obsidione pressis, instrumentum bellicum & auxilia submisit Gustavus; collectoque novo in Patria supplemento militum, Borussiam rursus petiit. (1629) Sed jam in campo adversus ipsum, præter Polonica insignia, etiam imperiales fulserunt aquilæ 17 legionum, quorum ductor Arnhemius fuit. Præter meritum & expectationem Gustavo accidit,

cidit; itaq; consilia sua ita moderatus est, ut ingentes istæ vires, fracto impetu, consenescerent, præliisque tumultuariis ita carperentur, ut in rei summam nihil memorabile gesserint. Interposuerunt etiam operam suam Ludovicus Gallia & Carolus Britannia reges, ut bellum hoc componerent; paceque frustra tentata, sexennales inducias inter utrumque regem sanciverunt: ea quidem lege, ut omnia, quæ in Livonia occupaverat, tum etiam in Borussia, Mencilam, Elbingam, Brunsbergam, & Pillavium retinere deberet Gustavus: qui locorum istorum præsidium & defensionem Cancellario Axelio Oxenstierna commisit: ipse cum cetera exercitus parte in patriam revertit. Antequam vero ad finem properarunt induciæ istæ, Gallus, Anglus & fœderati Belgii, per legatos suos Stumsdorffii pacis reconciliandæ negotium iterum frustra susceperunt; (1635 2 Sept.) quod bellum importune urgeret Imperatoris legatus, ut sic à Germaniæ rebus abstraherentur Sveones. Ne tamen irritò labore discederent, inducias istas in 26 annos adhuc produxerunt, conditionibus sequentibus: sublata utrinque hostilitate, ad mensem Julium, Anno 1661, pax fida servaretur; quo articulo Livonia etiam comprehenderetur: Injuriarum sancita oblivione, nemo perpetratorum nomine legibus interrogaretur, cuicumque tandem parti adhæsisset: privatis ademta bona, aut jure fisci occupata, suis restituerentur, cessantibus eorum nomine obligationibus quibuslibet; religioni nulla injuria irrogaretur; templorum ornatus & instrumenta integra relinquerentur: Partem Borussia occupatam, possessamque hætenus, cum actis publicis & instrumentis bellicis Uladislao Christina redderet: cuicumque migrare volenti jus esset, bonis divenditis, oppigneratis aut elocatis pro cujusque lubitu: Commer-

merciorum libertas integra servaretur : Exulantibus Sveonibus fides publica, & beneficium legum patriarum concederetur : Livonorum, Lithuanorumq; fugitivi, utrinq; conquisiti, dominis suis restituerentur : Exercitus utrinq; deducerentur : Si naves pro Sveonico deportando deessent, equitatu per ditiones Polonicas pateret iter, ab omni maleficio sibi temperaturo : classem armatam, contra regnum Sveoniæ, nec ipse instrueret Uladislaus, fratresve ejus, nec aliis in præjudicium regni Sveonici subministraret, ullove pacto inducias hæc violaret. Quo nomine pro ipso fide jubere deberent ordines regni Poloniæ, Dux Borussiæ, Curlandiæ & civitas Gedanensis. Singula vero hæc & universa, manuum subscriptione rata habituros Christinam, Uladislaum & utriusque regni ordines.

Caput II.

ANtequam ad Germanica tropæa properabimus, abs re haud erit, instituta Gustavi civilia strictim delibare : & primum quidem ea, quæ circa sacra & Numinis cultum. Nam cum à teneris rectum & sanum de Deo & religione sensum imbibisset; miserasq; & calamitates istas semper ante oculos haberet, quibus patriam nostram gentilis quondam impietas & irreligio, tum postea Romana superstitione, tanto labore ab avo suo Gustavo extirpata, sed Johannis & Sigismundi inconsulta temeritate iterum repullulans, involveret, puram & incorruptam religionem & ardentem ipse coluit, & ut omnes illi facerent, quorum opera in Rep. utebatur, providit. Circumacto seculo à profligata superstitione, patriaq; externo jugo liberata, annum jubileum, magnâ festivitate, per totam

regnum celebravit. Pietatis & literarum officinas, scholas & Gymnasia, Lincopiæ, Stregnesii, Arosiæ, Abogizæ & pluribus aliis locis aperuit, dedicavitq;. Viburgi etiam Episcopum novum constituit; qui devictum Ingrizæ populum ad sanam religionem converteret. Ad Divinum Numen propitiandum, supplicationes anniverfarias, sub pœna observandas, indixit. Pronulgato severissimo edicto in eos, qui Jesuitarum collegia frequentarent, Academiam Upsalensem, amplissimis privilegiis, prædiisq; suis gentilitiis, cum aliis redditibus annuis donavit: avorumq; suorum bibliotheca, cum Varmienfi & Herbiolenfi, bello captis, instruxit. Aucto professorum numero, honesta singulis stipendia constituit, uti & discipulis pauperioribus, ne rerum suarum angustiiis literarum studio renunciare cogerentur. Pari zelo promovendi pietatis & literarum, Dorpatensem in Livonia Academiam erexit: eo quidem ipso tempore, cum, castris ad Noribergam positis, tormentorum fulmina & fragores aures circumsonarent. Quin & in ipsis castris ejus, non minus capitale erat à pietate recedere, quam ista flagitia designare, quæ militaris disciplinæ rigore vindicantur. Sacrorum Antistites, ministrosq; in honore semper habuit; &, ut commode gnaviterq; officio suo vacarent, effecit. Verum cum multa præter ordinem & decorum in Ecclesia fieri animadverterit, ideam quandam supremi judicii Ecclesiastici Episcopis, in comitiis regni, tradidit: (1624) isto quidem tenore, ut Drotzétus & Archi-Episcopus alternis præsiderent; lectis collegis ex civili ordine, Senatoribus duobus, cum regii Dicasterii Adfessoribus tribus: Ex Ecclesiastico vero Stregnesi & Arosiensi Episcopis, una cum primario regis Concionatore aulico, & Pastore Holmensi: quibus adderentur fisci procurator & secretarii bini.

Ho-

Horum munus esset ; causas, in consistoriis cathedralibus non dijudicatas, aut per adpellationem huc devolutas, cognoscere & dijudicare ; quæque in Politicis collegiis incidere Ecclesiastica, sententia sua terminare : providere, ne Episcopi & Presbyteri officio suo abutantur & peccantes coercere : lites inter Episcopum & parochos, ob pastorum substitutionem exortas, dirimere : videre, ne indigni per commendationes ad præbendas regias obreperent : religionis curam habere : Ingriam atque Esthoniæ ab Idololatrica superstitione deducere : Scholarum & Nosocomiorum & Orphanotrophiorum inspectores agere, uti & stipis illius, quæ in usum pauperum scholasticorum colligitur : Typographiarum librorumq; imprimendorum censuram exercere : In Academiis Magistrorum & discipulorum labores & profectus cognoscere : ad externos proficiscentium doctrinam, religionem, vitam explorare, nomina eorum & numerum tenere, peregrinationes eorum, consilio & autoritate, dirigere ; quo eant, quid agant, consulere ; ab domum revertentibus itineris rationem exposcere, & eruditionis meritumq; testimonium præbere ; ut isthac censura multorum inconsulta excursio, sumtuumque inutiles profusiones cohibeantur ; sciatque Rex, quid de singulis sibi polliceri debeat, dignisque & idoneis honores & præmia conferat. Persuadere tamen Episcopis non potuit, ut hanc judicii formam reciperent, quod actionum suarum judices civiles abhorrerent : Volebant autem ipsi iudicium hoc exercere, præside Archi-Episcopo. Sed quia juri congruens non erat, in propriis plerumque causis ipsos judices esse, gravibus aliquot Theologis, illud munus se commissurum denunciavit. Quia etiam publicæ curæ indies multiplicabantur, præter regni Senaturn, fulcrum & stabilimentum imperii, etiam

collegia instituit: Justitiæ, Bellicum, Rei Navalis, Cancellariæ & Rationum publicarum, ut, partitis operis, singula melius expedirentur. In supremis tribunalibus (Hoff-Rätt, Konungs Rådmbd) causæ omnes, in inferioribus subseillis judiciorum provincialium, territoriorum, & curiis civitatum terminari nequitæ, deciduntur. Et pro regni amplitudine, causarumque forensium mole, 4 ejusmodi dicasteria, pari autoritate, diversis in provinciis constituta sunt. Quod Holmiæ est, civium regni Sveoniæ causas cognoscit & dijudicat. Præsides huic regni Drotzetus (primarius iudex) cum collegis 12, juris & æqui consulti, ex nobilium ceterorumque civium ordine lectis. Junecopense per Gothorum regnum jurisdictionem suam exercet: Cujus præsidem agit regni senator quispiam pari numero collegarum. Per Finlandiam eadem prorsus ratione jus dicit Abogense, & per Livoniam Dorpatense. Quicquid vero in his judicatum fuerit, ut & in judiciis provincialibus, & territoriorum, id præsides provinciarum, officii ratione, & mandatis collegiorum, executioni mandare tenentur. In supremo Collegio Bellico præsidet regni Marschus, cum militiæ & armamentarii Præfectis, Chiliarchisq; eminentioris conditionis. Eorum munus est, quæ ad bellum administrandum faciunt, providere: militarem delectum instituire: exercitum regni conservare incolumem: arma & instrumentum bellicum prospicere: flagitia castrensia punire. Quia vero non terra solum sed & mari gerendum sæpè bellum est, istius cura Collegio rei navalis, sive Amiralitatis incumbit: ut rebus necessariis instructa semper sit classis regia: novæ subinde ædificentur naves: periti Gubernatores, Navarchi & classarii in promptu sint. Quicquid deniq; ad usum belli navalis & dominii maritimi pertinet, collegii

legii huius est, prospicere & dirigere. Quartum collegium est Cancellariæ, cujus caput ipse Cancellarius, consiliorum omnium de Rep. arbiter & moderator. Ipsius est, in senatu deliberanda proponere, & sententias colligere: provinciarum Præsidibus, magistratibusq; ceteris mandata & agendorum rationes communicare: Legatorum mittendorum, excipiendorumve mandata examinare: foederibus pangendis præesse: Consultationes ordinata perpendere & dirigere: Et ut verbo dicam, videre ne quid Resp. detrimenti capiat. Frustra vero pace bellog; res magnæ susciperentur, si perficiendi instrumenta deessent; pecuniam intelligo, rerum gerendarum necesse. Cui parandæ Fisci rationumq; Collegium invigilat, quod reddituum, vectigalium, tributorum, omniumq; bonorum publicorum rationes examinat, & ad aliquid perducit. Multum vero ex singulorum opulentia publicæ augentur opes: datis immunitatibus, mercaturam, opificia, navigationes & agricolationem civibus commendavit. Ad metallorum fodinas eruendas excolendasq; singulare etiam collegium instituit.

Caput III.

DE communi foedere ineundo, ad restituendum *F*riedericum Palatinum, conculcatamq; Germaniæ libertatem, *G*ustavum, Polonico bello occupatum, sæpius interpellaverant *Jacobus* Angliæ, *Christiernus* Dantiæ reges, *Transsylvanus* & *Principes* nonnulli Germaniæ. Nec recusavit hic rei gerendæ præesse, si exercitui 45. millium, cujus tertiam partem ipse offerebat, stipendia providerentur. Dano interim negotium illud in se recipiente, ipse rebus suis contra Polonum intentus fuit, nec passus est cladis reli-

quias in se postea derivari; tametsi Danus, ad Lutram re infelicitè gesta, id per legatos suos sollicitè quæreret. E Polonica vero expeditione revertentem Principum Germaniæ exceperè legationes, Patriæ suæ, Ferdinandi, Catholicorumque sævitia & crudelitate oppressæ afflictæq; auxilium ejus & vindictam implorantes. Lamentis igitur ipsorum, propriisq; injuriis motus, ordines ea de re Holmiam evocavit. (Anno 1630.) Horruere plerique ad mentionem novi belli, Imperatoris potentiam, fœdera, vires reputando; nec immerito vitæ regis, in discrimina toties mittendæ, metuebant. Quorum sollicitudinem piam ita excepit, ut omnia ista secum antea exegisse profiteretur; sibi quæ idem quod vasculo evenire posse diceret, quod manibus sæpius tritum tandem confringeretur. Sudorem præterea, pulverem, frigus, inedia, cadaverum fœtores, belli scilicet delicias reputantem; non ita iis se delectari, ut non præoptet pace frui quietamque domi vitam traducere: Se interim Dei ministrum, vindicemque iniustitiæ, adspicere non posse sacra & religionem conculcari, amicos fœderatosque opprimi & exilio multari, injurias & servitutem patriæ intentari. Quibus propulsandis omne periculum leve esse deberet: præsertim quod Deum, justæ causæ patronum cœptis futurum, non diffideret. Impetrato sic ordinum consensu, singulos officii, caritatis in Patriam, mutæque concordie admonuit; ne quid, se absente, præter expectationem eveniret. Regio inde convivio exceptos, ad sua quemque dimisit. Milite sine mora navibus imposito, non reversurus amplius Germaniam petit.

GOTHORUM

EXTRA

PATRIAM

RERUM GESTARUM

LIBER PRIMUS.

Caput I.

Quem orbis tractum Scandia occupet, quique in ea populi & reges, a primo ingressu ad nostram usque ætatem, claruerint, prius nobis memoratum. Jam in alias orbis partes diffusi, quid patraverint, tenuistilo complecti visum. Qui sine obtrectandi livore gentium origines evolvunt. Sviones & Gothos primos Scandiæ incolas & indigenas adseverant, gentem sanguine, morum & religionis vinculo eandem: Sveonum tamen nomen domi, & apud vicinos Gothorum magis clarum fuit. His locorum situs & Patria lingua O-Gætharum & W-Gætharum nomen imposuit, quod, diverso foris condito imperio, semper inde retinuerunt. Si quis immensum sobolis incrementum mirabitur, cogitet in vita levera & frugi, genitalem vigorem non tenuisse:

puiſſe; ſimplicemque victus apparatus & coeli frigidi-
 oris genium, compactionibus membris valetudinem &
 robur maſculum indidiſſe; ſuiſque incluoſos limitibus
 generi propagando incubuiſſe: inde in immenſum auctoſ,
 fluminis inſtar, ruptis clauſtris inundantiſ, in diverſas
 ſe terras diffuſiſſe. Quorum viribus quod obvia quaque
 ceſſerint, in cauſa fuit animi audacia, quam infra corpo-
 ris robur non habuerunt. Nam ut decreta per temerita-
 tem non præcipitabant; ita, quæ ſemel decrevere, exequi
 promiſſiſſimi fuerunt. Et amicos quidem beneficiis,
 hoſteſ virtute non aſtu ſuperare honeſtum ducebant. Et
 quia animoſ immortaleſ eſſe, virtutibuſque & ſceleribuſ
 ſua poſt mortem præmia eſſe, perſaſum habebant, ipſa
 pericula & mortem animoſe contemnebant. Quin ſe-
 quior ſexuſ virili adſuetudine laboribuſ exercituſ, rebuſ
 in dubiis, ad tela magiſ & arcum, quam lacrimaſ & miſera-
 tionem, ſveta mulieribuſ arma, reſpicebat. Neque ta-
 men ingenia efferavit armorum ſtudio, ut manſuetu-
 dinis & pietatiſ obliſceſcerentur. In Deoſ quidem tantæ
 venerationiſ devotioniſque fuerunt, ut cum cælum toni-
 trua turbarent, excuſſiſ in nubem ſagittiſ, ſuiſ, præ-
 lio decernentiſ, opem ferre niterentur. Sed mihi
 rerum ſeriem deducenſi, propoſituſ non eſt, gentiſ elogi-
 a commemorare, cum, ex coacervatiſ veterum teſtimoni-
 iſ, in ſuiſ ad Procopium prolegomeniſ, abunde id præ-
 ſtiterit vir ſummuſ Hugo Grotiuſ. Iſti igitur Gothi,
 Berigiſ aſpiciſ, patria, multiſ ante Chriſtuſ natum
 ſeculiſ, egreſſiſ, devictiſ Ulmerugiſ & Vandalis, terraſ
 Oceano proximāſ occupaverunt. Inde numeroſa ſobole
 auctoſ, Filmer quintuſ Rex, in Schythiam, lingua Go-
 thica Orheim h. e. magnuſ munduſ, magnuſ orbis di-
 etam, introduxit, Samogætiſ ſoliſ remanentiſ: pene-
 tra-

travitq; non sine labore & incolarum cladibus, ad Mœotim; ubi pars eorum confedit; & in hunc usq; diem inhabitat, sermonem & nomen vetus retinens, uti ex *Josaphato Barbaro*, nobili Veneto, probat Grotius. Ceteri vero inde digressi, in Dacia sedes collocarunt. Magnas & præclaras res ibi gessisse haud dubium est; plerasque tamen temporum vetustas oblivione involvit, & pauca tantum fragmenta; velut injuriarum monumenta, gloriæ suæ reservavit hostium ipsorum fides. Scio hic, *Schytogetica* & *Amazonica* in nostrorum elogiis ab nonnullis commemorari, quod Gothos & Gethas eandem gentem jam diu adseruerint magni nominis scriptores: Sed cum *Scytogeticum* late pateat nomen, nolo quicquam temere nostris inde arrogare; neq; rursus, quod debetur ipsis jure, abjudicare: sed sua quemque, in his discernendis, libertate uti libenter sino. Isto autem seculorum decursu, non reges tantum & Heroas, sed etiam sapientiæ magistros habuerunt, quales *Zamolxis*, *Zeuta* alique, qui honestatis disciplina & virtutis præceptis animos ipsorum imbuebant. Inter reges & heroas, quos illi Anfos i. e. semideos vocabant, isti celebrantur: Bericus, Gadaricus, Filimer, Tilogud, Ariges, Gapt, Halmial, Angis, Amala, Isarna, Gotilas, Comoficus, Corillus pluresque alii.

Caput II.

Domitiano rerum potente, sive ignavia Imperatoris contempta, sive alias irritati Gothi, Dorpaneo rege, Istrum transiverunt, & Oppium Sabinum cum omni præsidio interfecerunt. Ad rei infelicitè gestâ nuncium, trepidatum fuit Romæ, novisque in Illyrico collectis legionibus, Cornelius Fuscus in ipsos movit: sed non melio-

ri fortuna, quam ut, iplo cum copiis deleta, tantum Reip. vulnus infligeretur, ut interfectorum numerum ceciderint Romani. Et est, qui Domitianum ad indecoras condiciones adaectum fuisse scribat. (Sc. Dio.) Post hunc, Trajanus, strenuus Princeps, diutino bello cum Decalbado & Gothis certavit, (*Entropius*) & tandem ex Thracia & Mœsia ultra Istrum eos redire compulit, attributo iis Taiphalorum agro, decies centena millena passuum in circuitu. Antoninus Caracalla tumultuariis prœliis Gothos submovit. Gordianum etiam, Gothorum victorem, sepulcro ejus inscribunt milites, quod, quicquid hostium in Thracia fuit, expulerit (*Jul. Capitol.*) Philippo inde imperante Romanis, Gothorum Rex Gotha, transmissa Istro, Thraciam vel Mœsiam invasit. Contra illum missus ab Imperatore Decius, nihil memorabile gessit. Gotha enim, adfocatis sibi Carpis, Thaphilis, Astringis & Peucenis, ductu Argaiti & Gunterici, provincias devastabat. Instantem cladem Marcianopolis auro redemit. Gothi Romana deprædantibus, consanguinei illorum Gepidæ, quibus, in prima ex Scanzia emigratione, ex prioris ingenii convitio, natum nomen, condito jam validissimo in Dacia regno, obtritisque Burgundionibus, partem sedium a Gotha possunt. Quibus denegatis, bellum, Falsida duce, ipsi inferunt. Sed devictos prœlio, extra fines suos ipsos removet. Decio, interfectis Philippis, imperium arripiente, Cniva Gothorum Rex, altera exercitus parte ad vastandam Mœsiam missa, ipsæ cum 70 millibus ad Eutheusium confedit. Sed urbe frustrata, à Gallo enim strenue defendebatur, Nicopolim castra movit. Verum & hic adpropinquanti Decio impar, in Thraciam, ad expugnandam Philippolim, recessit: Deciumque, ut urbi succurreret, magnis itineribus

bus agmina raptantem, ad Berrocam fessum adortus, magna clade adfecit urbesque Philippolim & Nicopolim expugnauit. (Varnefridus & Ammianus) Reparatis iterum viribus, prælium ausus, à Cniva cum filio pariter occisione occisus fuit. Gallus inde Trebonianus, præsidii limitanei in Mœsia Dux, ab exercitu imperator creatus & filius ejus Volusianus, imperii confors, haud diu duraturam pacem à Gothis mercati sunt, annuis ducentis drachmis aureis, ut Pomponius Lætus scribit. Quam ignominiam omni clade tetriorem Populo Romano fuisse exclamat Antonius Sabellicus. Valleriano inde & Gallieno per lasciviam & inertiam pessumdati, Gothi, Respa, Veduco, Thuro Varoque ducibus, Thracia & Illyrico non contenti, Græciam, Macedoniam, transmisloque ingenti multitudine Bosphoro, Pontum Asiamque vastaverunt. (uti narrant *Trebellius Pollio, Eusebius, Zosimus, Eutropius.*) Qua inundatione florentissimæ quæque Asiæ urbes haustæ fuerunt, & Dianæ Ephesinæ templum despoliatum. Repetita hinc Europa, ad montem Hæmum urbemque Anchialim ob delicias scaturientium aquarum aliquamdiu defederunt. Ex Achaja, per Epirum, Acarnaniam & Beotiam reuersos, *Trebellius* commemorat; Thessalonîcamque ab eis vastatam Varnefridus addit; Gallieno ignavo strenuus successit imperator Claudius. Ejus tempore, Gothi Marcianopolim expugnauere; Macedoniam etiam & Illyricum adflixerunt. Magno itaque exercitu in ipsos movens, circa Marcianopolim, Byzantium & Thessalonîcam, trecenta viginti eorum millia concidit; si vera sunt, quæ panegyristes ejus prodidit *Trebellius*. Credidisset quis, Gothorum potentiam tanta strage penitus excisam. Mox tamen, Aureliano imperante, tantum rei Romanæ negotium facefferunt, ut Aureliano gratias Resp.

egerit, quod à Gothorum potestate eam liberavisset. (*Vopiscus*) Inde Gothicus dictus, Gothicique regis curru, quatuor cervis juncto, Capitolium Triumphans invectus est. Inter captivos etiam mulieres erant, quæ virili habitu pugnaverant; hoc titulo, progenies Amazonum Triumphum ejus auxerunt. (*Sabellicus*) Repressa tamen sic magis quam domita ferox natio fuit. Ipso quippe etiamnum vivente, Illyricum & Mœsiam depopulati sunt. (*Mamertinus*) A Maximiliano postea in societatem accepti, adversus Parthos & Persas magnum victoriæ momentum fuere, Constantino etiam fœderati, Alaricus & Aorius, contra Licinium & Sarmatas, præclaram ipsi operam præstiterunt. (*Varnefridus*, *Isidorus*, *Cedrenus*.) Constantinopolim etiam molientibus 40 millia præsidio adfuerunt. Eandem Romanis amicitiam servarunt Hildericus & Gebericus; sed hic Vandalos ita attrivit, ut occiso eorum rege Visumaro, è nobili Asdingorum stirpe, infelicitis belli reliquæ, sedibus pulsæ, novas à Constantino mansiones in Pannonia implorare sunt coactæ. Post Gebericum Ermanaricus Magnus Gothorum rex fuit. Totam ille Schytiæ & Araton imperio suo complexus, Herulis, Henetis, Antibus, Sclavonibus, Esthonibus pluribusque aliis, quos feritas sua cognitos fecerat, devictis dominabatur. Hunc grandævum, 100 quippe & 10 annos vixisse fertur, Sarus & Amminius lethali vulnere confecerunt; sorori ultionem quærentes, quam, mariti ob perfidiam, ab equis discerpi præceperat.

Caput III.

IN prima ex Scandia emigratione gens una eademque; diversa Ostro-Gothorum & Visi-Gothorum nomina secum

cum extulit, communemque & belli fortunam, & Reges hucusq; habuerat. Jam post Ermanarici mortem, suos quæq; sibi reges creavit : O-Gothi quidem ex Amalorum, Visigothi verò ex Balthorum familia eos capientes, Et id quidem non ex animorum aliqua dissensione; sed quia ingruentia pericula ita jubebant. Hunni quippe, gens Schytica, ferox & sæda, in O-Gothos, sibi viciniore, procellæ instar incumbentes, in potestatem suam redegerunt. Præerat O-Gothis Vinitarius, qui Hunnis cedens, Boxum Antaram regem, prælio superatum, cum filiis & 70 proceribus furca sustulit. Non tulit id æquo animo Balamir Hunnorum rex. Adjuncto sibi proinde Sigismundo, Hunimundi filio, qui parti Gothorum sub Hunnis præerat, Vinitarium bello persequitur : sed semel iterumque victus, tertio Vinitarium prælio exstinxit : Valadarmarcham tamen, neptem ejus, conjugem ducens, O-Gothis pacem concessit, ut sub propriis viventibus regibus, Hunnorum potentiam suspicerent & observarent. Electus sic Hunimundus, Ermanarici filius, Svevos bello vicit: Filius etiam ejus Torismundus, magna de Gepedis potitus victoria, equo præcipitatis periit. Cujus tantum popularibus desiderium fuit, ut 40 inde annos sine regibus viverent. Nam filius ejus Perismundus cum suo filio Vederico, Hunnis parere indignatus, Theodorici Visi-Gothorum regis militiam sequutus est. Visi-Gothi, ne Hunnorum dominatum experirentur, alias sedes circumspiciebant; Fridегerno, Alatheo, & Safræ electis Ducibus, Thraciam & Mœsiam, ab Imperatore Valente, inhabitandam petebant : ut, acceptis stipendiis, imperio militarent & fœderati essent. Potuissent quidem, ut alias, viam sibi ferro facere; sed, quia recenter Christianis sacris imbutierant, maluerunt precario obtinere, quod à gladio olim

impetraverant. (*Oclavius Ferrarius*) Horum vires & necessitatem considerans imperator, quod petebant, velut beneficium concedere voluit; ne, si negaretur, ingratiis extorquerent: opera eorum, si necesse esset, contra Hunnos ulurus, & simul sperans, inquietos gentis animos, in pace & otio consenescentes, amplius sibi non timendos. Ita Visi-Gothi Valentis permissu Thraciam Mœsiamque infederunt. Sed cum ab Imperatore, metu liberato, quod contra Burgundiones & Germanos se convertissent Hunni, stipendia non solverentur; Maximi etiam & Lupicini, provinciæ inter ipsos dividendæ præfectorum, avaritia, perfidia & insidiis irritarentur: raptis armis, utrumque interfecerunt, bonisque provincialium duram famem depulerunt. Res ista armis vindicanda Valenti videbatur. Sed infeliciter adeo cum ipsis ad Hadrianopolim dimicavit, ut, deletio exercitu, ipse saucius, & in tugurio delitescens, subjecto igne combureretur. Constantinopolim etiam expugnassent, nisi Valentis uxor, Domnica Augusta, multis pecuniis civium diligentiam, servandæ urbi redemisset. Itaque cum Visi-Gothi Thraciam, Daciamque Ripensem, non precario, sed pleno dominio tenerent, indeque Provincias Romanas impune percurrerent, Gratianus rerum potitus, sed oneri ferendo impar, Theodosium, ex Hispania accitum, in communionem imperii assumpsit. Hic Gothorum excursiones aliquo modo reprimere cœpit: Sed ipso gravi valetudine afflicto, Frigidernus Thessaliam, Epirum & Achajam; Alatheus & Saphra Pannoniam pervagati sunt. (*Ammianus Marcellinus, Zosimus, Zonaras, Aurelius Victor, Varnefridus, Petavius, Jornandes.*) Quos ut compesceret, ex Gallis cum exercitu properavit Gratianus: Sed manus conferere non ausus, stipendiis & fœdere ipsos ad officium reduxit. Hinc

con-

conciliatus Atanaricus, qui Fridigerno successerat, Constantinopolim venit, ut Theodosium inviseret; magnificeque ab Imperatore cultus, in paucis mensibus decessit. Theodosius, ut illum, non temporis causa, sed virtutis merito coluisse videretur, regio plane funere extulit, feretrum ipsius precedendo. Tantum hæc humanitas imperatori ad conciliandos Gothos profuit, ut egregiam illi operam deinde contra Arbogastem & Eugenium rebelles in Gallia navarent. Nec ut extraneos amplius, sed ut civium loco Gothos sibi habendos censuit Theodosius, assignato ipsis agro, quem possiderent. Rebus præclare gestis hætenus felix imperator, sed cum paterna sollicitudine Arcadio & Honorio, impuberibus filiis, potentiam stabilire studet, tantum non exitium ipsis & imperio perstruxit. Cum enim filiorum & imperii, inter ipsos divisi, tutelam in tres ambitiosos & inter se æmulos purpuratos contulit, & imperii securitatem, & imbecilem filiorum ætatem prædonibus prodidit. Arcadio Constantinopoli & orientis imperium, sub tutore Ruffino, contigerat; Occidentem Honorio administrare debuit Stilico: Gildo Africæ præfuit. (Anno 405.) Sed cum utriusque imperii tutelam sibi arrogare vellet Stilico; Ruffinus, qui non minus potentiam adfectabat, sui stabiliendi causa, Græciæ aditus occupavit; Alaricumque Visi-Gothorum regem pecuniis sollicitavit. Stiliconis tamen solertia præoccupatus à Gaina Gotho, cum copiis missa, interemptus est. Et idem ille Gaina, Gothici ad Arcadiam exercitus ductor, sublato Ruffino, novis rebus studere compertus, ab Arcadio hostis judicatus, & à Fravitta, gentili suo, in Thracia devictus, mortem oppetiit. Gildonem etiam, qui Africam occupaverat, fratris ejus insidiis sustulit Stilico; atq; ita jam ab æmulis, securus, & juxta Honorii ad-

fini-

finitate elatus, Eucherio filio imperatoriam dignitatem adstruere nitebatur. Hoc consilio, hostes undique in imperium clam concitavit, ut timore & necessitate inductus Honorius, rerum omnium & armorum arbitrium ipsi cederet. (*Oros. Sabell. Varnef. Marcell. in Comm.*) Hac scelerati Ducis perfidia, ad prædam vastasque spes instigati Vandali, Svevi, Alani, Burgundiones, res Occidentis invaserunt. Gothos etiam, qui jam ordinaria imperio stipendia faciebant, tanquam parum necessarios, & ærario graves, dimittendi autor fuit: certus, hac contumelia irritatos, Honorio negotium facefituros. Illis, subtracta stipendia indignantibus, animo sedit, Italiæ claudibus injuriam ulcisci. Et cum soli satis terroris & damni adferre possent, popularibus tamen O-Gothis, in Pannonia degentibus, svafores fuerunt in Italiam una irrumpendi. Qui, probato mox consilio, Radagaifo Duce, quadringentis hominum millibus, ut prodit *Zosimus*, vel ducentis, ut alii asserunt, per Syrmiam, Illyricum & Noricum tendentes, Italiam inundarunt. Hos circa Florentiam, in montibus Fesulanis, velut indagine cinctos, interceptoque com meatu, ultima fame expugnatos in potestatem suam redegit Scilico. Et quia tantam multitudinem occidere inhumanum, servare difficile judicabat, pecorum instar gregatim vendidit. Hunc Radagaifum, Schytam vocat Jornandes, sed ea ratione, qua Gothi, Schytæ & Getæ ab aliis dicuntur. (*)

Caput IV.

ALaricus cum, populata Thracia & Græcia, moras aliquamdiu in Epiro egisset, Italiam & ipse petens, circa

 (*) Radagaifum Vifi-Gothorum regem facit Bernhardus Justinianus lib. 2. de l' Origine di Venetia.

ca Ravennam confedit: missisque ad Honorium oratoribus, excidium Italiæ minatus est, ni quietæ sibi sedes ibi assignarentur. Nec serio Imperatoris armâ contra ipsum expeditivit Stilico: Sed moras trahebat, ut, hostis & Imperatoris attritis pariter viribus, facilius rerum summam ad se traheret. Intellexit fraudem Alaricus, explorataq; diligentius consilia ejus, per oratores ad Honorium detulit, amicitiam suam & operam offerens, si pacatis & ab omni maleficio temperantibus, in Italia consistere permetteretur. Honorius, tamen si remissus & ignavus, satis tamen providit, sublato Stilicone, non esse, quem Gothis opponeret, quos ab Italia amoliri, victoriæ instar putavit. Galliam igitur & Hispaniam, Vandalis, Svevis & Italis infestas, pleno jure Alarico addixit; stipendia etiam Gothis constituit, ut defendendo imperio invigilarent. Nec potuit minori dispendio tantum periculum avertere Honorius; quod amissa, & quæ nunquam forte recuperaturus erat, tribuebat. & de Constantino tyranno, qui in Britannia, Gallia & Hispania imperatorem se gerebat, alieno periculo vindicta dabatur. Placuit tamen conditio Alarico, in compositoq; agmine ad assignatas sedes properabat. Sed, novo Stiliconis scelere, ultima Italiæ fata acceleranda fuerunt. Cum enim dominationem paranti adversa hæc essent, auctor Honorio fuit, Gothos in itinere securos opprimendi, ne, reconciliatis forte inter se barbaris, præsentiori periculo Italia exponeretur. In speciem ista prætexebantur, re vera autem eo tendebat, ne in pace sua obsolesceret autoritas, scelerisve consilia proderent. Decepto sic imperatore, Saulum Judæum exsequendis insidiis præfecit, monitum, ut in ipsa Paschatis religiosa festivitate Gothos adoriretur: sic enim devotioni vacantes, insidiis magis opportunos. Quod & even-

tus comprobavit. Inexpectato enim assultu perculsi Gothi, non armas sed preces opposuerunt, per Christianam fidem & Dei venerationem obtestantes, ne Dei sanctitatem humano sanguine violaret. (*Bernbardus Justinianus lib. 2.*) Risit pietatem Judæus, & non resistentes, pecudum instar, mactavit. Itaque in furorem actus Alaricus: *Solvimus*, inquit, *quem Deo debemus, honorem, ipse impii sceleris pœnas ab hoste exiget. Vos scelerato sanguine innocentibus sociorum manibus parentate.* Simul in hostem ruit, sequentibus suis, pari indignatione ardentibus, tantaque subito rerum conversio & strages sequuta, ut octingentis retro seculis infelicius non pugnaverint Romani. Alaricus, perfidia Honorii iratus, verso itinere, Romam petit. Intercessere iracundiæ religiosi aliquot viri: sed adseveravit ille sancte, non ira, sed spectris & insomniis huc agi; tum & sceleratam improbitatem pœnas mereri. Cognito periculo, Honorius, ut Alaricum placaret, simul insidias & potentiam Stiliconis suspectans, interfici ipsum cum filio Eucherio mandavit. Sed, ut cæca plerumque in futuris prævidendis est humana prudentia, ita hujus consilii parum felix fuit. Nam & Ducem bello bonum, & tunc nimis necessarium sustulit; neque tamen hostem irritatum, & perfidiam Stiliconis in Imperatoris jussa transferentem, placare potuit. Atque ut magnæ moles, ad ruinam inclinatæ, levi impulsu ruunt: ita Alarico Romanam magnitudinem, jam non sensim labentem, evertere, non admodum difficile fuit. Tentarunt obsessi auro iratum placare; statuas præterea & imagines deorum, inter quas etiam Fortitudinis, quod multis pro sinistro augurio habebatur, leniendæ iræ ejus everterunt, (*Zosimus lib. 5. Hieron. Ep. l. 16.*) Horum tamen ille nihil curans, tam arcta urbem, obsidione pressit, ut dira fame ad nefandos

dos cibos eruperit esurientium rabies. Quam inhumanam calamitatem miserata Proba Faltonia, Adelphii Senatoris uxor, urbem hostibus prodidit: quamvis Attali factione hoc factum alii adserant, quem turbandis rebus Imperatorem vocaverat Alaricus; urbeque potitus. (A: O C. 410.) Augustalibus insignibus decoratum, in publicum prodire fecit, in contumeliam Honorii, mox tamen didemate & purpura spoliatum, in privatam conditionem redegit. Sic caput orbis, & regina gentium Roma, captiva victori Gotho jam succubuit. Tanta Honorii fuit ignavia, ut, cum Roma perdita nunciaretur, negaret fieri illud posse, cum modo in manibus suis fuisset: gallinam nempe suam Romam, quam in deliciis habebat, perditam quæri existimans. (*Bernb. Just. Oclav. Ferrarius, August. Orosius &c.*) Alaricus captam urbem militum diripiioni permisit: Severe tamen prohibuit, ne loca sacra, aut eo confugientes violarent. Memorabilis etiam militum modestia adparuit, quod ea non patraverint, quæ libido victrix sibi permittere solet. Ita cum sacrorum suppellectilem auream, domi adservatam, irruenti militi ostendisset virgo Vestalis, religioso horrore tactus, rem Alarico nunciat, qui referri omnia ad sacram ædem continuo iussit, addito satellitio, ne discurrentium libidine in transitu diriperentur: plura alia modestiæ & clementiæ, nullum diritatis exemplum, in hoc urbis excidio editum fuit, omnibus, ad sacra loca confugientibus, servatis incolumibus. Clemens hæc censebitur victoria, si cum Gallorum furore conferatur, qui, trucidatis hominibus, incensæ urbis cineribus illuserunt. Manifestum; quod Dei etiam ira hic intervenerit, cum iustitia ejus non ignoverit, quibus hostiam clementia pepercerat. Armata etenim nubes fulmina jaculabantur, qui-

bus tacta ædificia & clarissima urbis loca, quæ hostilem iram non fenserant, conflagnarunt. Spoliata urbe, quæ totius orbis spolia congesserat, expeditionem in Siciliam & Africam meditabatur Alaricus : cui, cum homines non possent, mare intercessit. Trajicere enim conantem tempestas rejecit, navibus aliquot elisis. Atque sic in ulteriore rerum adparatu occupatum, mors apud Cosentiam intercepta, anno à Romana direptione vix circumacto. Sepulcrum ipsi, in derivati fluminis Bassensis alveo, posuerunt populares, cui, gentis suæ more, cum prætiosissima supellestile illatus est. Amne postea in antiquum cursum restituto, fossiores, qui operi interfuerant, trucidarunt : ne quis reliquiis & cineribus regis sui illudere aliquando posset.

Caput V.

UT Gothorum sceptrum consequeretur Attaulfus, Alarici propinquus & juxta adfinis, non minimum adjuvamentum fuit corporis dignitas, & quod morum conformatione ac habitu oris Alarico persimilis esset. Firmando imperio suo, Gallam Placidiam, Theodosii filiam, germanam Honorii, quæ obsidis loco apud Alaricum fuerat, matrimonio sibi junxit. Quoq; cumulationem gloriam ad posteros transmitteret; cupido animum ejus incensit delendi Romani nominis; ut novo imperio sui nominis auspicia, & Gothicæ nationis titulos daret; vocareturque in posterum Gothia, quæ fuerat Roma, & qui quondam Cæsares & Augusti, inde Attaulfi dicerentur. Verum considerato, quam difficile foret novo Gothos imperio adstringere, & uxoris juxta intercessione à proposito desistit. Rebus itaq; cum Honorio compositis, Italia-

liaq; quam quinque annos tenuerat, restituta, ad Galliam & Hispaniam occupandam tendit: quam ipsius profectiorem Honorius ludis publicis celebravit, sibi tandem otium & securitatem contigisse gratulatus. Svevi vero, Alani, Silingi & Vandali, memores cladis, qua ipsos in Pannonia adfecerat Genevius, Gothorum Rex, Attaulfi adventum fuga antevertunt, perq; Pyrenæorum claustra in Hispaniam irrumpunt. Vandalos & Silingos Gundericus, Alanos Atace, Svevos Hermericus ducebat. Qui cum junctim Hispaniam exhaustissent, infecuta fames prædatores ipsos adfligere cœpit. Partitis itaque Provinciis, iuarum quisq; rerum satagere cepit. Svevi Galliciam, Vandali Bœticam, Alani Lusitaniam, & Chartagenam invasere; Soli Cantabri & Astures in Romanorum fide permanferunt. Attaulfus Italia cedens, Galliam Narbonensem occupavit, sedemq; regiam Narbonæ collocavit, quam successores ejus Tolosam inde transtulerunt. Ipsa provincia Galliæ Gothicæ induit nomen. Mox propagando imperio, tractum omnem ad Oceanum usque adjecit, capta & cremata Burdegalia. In hoc tamen rerum successu suspensum tenere Constantii victoriæ, qui Constantium tyrannum ad Arelate subegerat; neq; fidam satis Honorii amicitiam reputabat; utique postquam profectiorem suam ludis celebraverat. Imperio itaq; turbando Attalum, Romani sanguinis virum, cetera ignavum, sed cui oracula imperialem dignitatem sponponderant, imperatorem dixit. Tantum in hoc imperatorii nominis valuit ambitio, ut jam tertium se à Gothis ludificari insuper haberet, augustalibus ornamentis cultus & mox spoliatus. Conquesta est de hac injuria Placidia; qua fœdus, amicitia, filioq; suscepto Theodosio, jam arctior adfinitas erant expiratura. Cum interim Narbonæ omnia

arctiora fierent, per Pyrenæos in Hispaniam ire decrevit Attaulfus, crebris Hispanorum votis instigatus; quibus Barbarorum insolentia, juxta & avaritia Romanorum gravis erat. Tum & faciliorem sibi viam ad ceteram Europam subjugandam putavit, si in Gallia pedem tenens, Hispaniam etiam adjungere posset. Præsidio itaque Narbonæ relicto, Tarraconensem provinciam insedit, Barcinonemque sibi regiam constituit. Asperi itineris difficultatibus fatigatus miles, incultamque Hispaniæ solitudinem aspernatus, invidiosè regem criminabatur: „Hæc tot laborum & continuæ militiæ præmia esse, ut in sterili & emoriēte terra tandem conficerentur. Regem, mulierum & uxoris blandimentis effœminatum, ludibrium potius, quam pacem secutum, Romam totamq; Italiam, Alarici virtute & Gothico sanguine partam, hosti Honorio rursus prodidisse. Hinc nationis suæ tortitudinem & tantarum victoriarum monumenta turpi ignavia destruxisse. Prope seditionem res erat: quam ut componeret, exercitum ad concionem vocavit. „Non honoris, amicitiae; Placidiaeve lenociniis datum, confirmans, quod Italiam reliquisset, sed nationis suæ commoda & regni securitatem spectavisse. Potuisse Italiam virtute Gothica retineri: perpetua tamen in illos bella gerenda, qui ubique in istam spem erigerentur. Unde inevitabilis tandem stirpis consumptio & exitium. Quo factum, ut per tot secula, inter continuas victorias & triumphos, regnum tamen condere non potuerit gloriosa natio Gothorum, quæ non ideo armatam patriam reliquerit, ut merito se furori sacrificaret, sed ut imperio, gloriose parto, cum pace fruerentur. Esse Hispaniam terrarum quidem ultimam, sed soli fertilitate, clementia cœli & divitiis metallorum, inter primas, sibiq; & Ala-

Alarico pleno jure donatam. Hanc verum esse theatrum “
Gothicæ virtutis; munitissimumque castrum ad ceteram “
Europam expugnandam : Hinc Pyrenæis, inde Ocea- “
no undiq; cinctam; portuum vero commoditatibus, ad “
trajiciendos exercitus, præ ceteris gaudere. Ad meri- “
diem vastam Africam patere; ad orientem & Septentri- “
onem Galliam esse, Gothicis præsidiis infessam : unde “
in Germaniam & Italiam facilem transitum. Barbaros “
inter se commissos, Gothicæ virtutis prædam futuros. “
Hispanos, justitia, amicitia & religionis commercio con- “
ciliatos, sanguinem communicaturos. Veloces eorum “
equos in prælia utiles; montium mînéras argento, au- “
ro, ferro, & chalybe prægnantes, bellorum ærarium “
& armamentarium futuros. Omnia denique Gothicis “
Triumphis aptissima. Versis sic subito animis, regi si- “
bique consilium gratulantur. : Suscepta inde cura ejicien- “
dorum Barbarorum, imbellem multitudinem in agro Tar- “
raconensi collocat : inde in hostes versus, pluribus eos “
præliis attrivit; tertioq; demum anno pacata sibi omnia “
reddidit. Quia vero, in Honorii contumeliam, Attalum “
adhuc fovebat, ejus jussu bellum ipsi movit Constantius. “
Et indignatus Attaulfus, Honorium beneficii & adfinitatis “
tam cito oblitum, arma & ipse expedivit, Attalumque “
in Africam rebus turbandis misit, lacrimis & precibus “
multum intercedente Placidia, atque, ut injuriarum & “
discordiæ instrumentum Honorio dedatur, orante. Ca- “
pto postea in mari Attalo ab Constantii militibus, novis “
maritum lacrimis & blanditiis ad pacem tandem flexit, “
hoc jam proniorem, quod Constantii successibus multum “
firmatæ essent imperii vires : arduumque nimis foret ex- “
ternum simul hostem & domesticos pati. Sed uxori in “
hoc auscultavisse, perniciēs ipsi fuit. Ei enim parere, qui
à fœ-

à foemina regeretur, ignominiam interpretabantur illustriores optimates: atque sic in necem ejus conjurantes; Bernulfi operam redimunt. Scurra is aulicus fuit, cavillationibus torquendis excipiendisq; promptus: quægens principum aulis perniciofa, vulgandisq; secretis domesticis, exequendisq; sceleribus audax semper exstitit. Is Bernulfus, regem, equos suos, de more, Barcinone spectantem, ferro appetivit: supervenit mox conjurationis princeps Sigericus, regemque cum sex filiis, priori matrimonio susceptis, & è sinu Sigefari Episcopi abstractis, trucidavit, ne superesset, qui sceptrum aut parricidium vindicaret. Hoc sceleris successu insolens, reginam Placidiam, ceterosque captivos, ad duodecimum ab urbe lapidem, ante equum suum decurrere coëgit: non sine tacita meliorum exprobratione, quod tam barbare in illam illuderet, quam omnes ante in purpura venerati fuissent. Sed non prima hæc fortunæ insolentia, in regum fastigiis extollendis evertendisque ludentis. Sex tantummodo annos regnavit Attaulfus, sed parvo hoc tempore multorum seculorum regnum condidit. Nec brevis illa vita censenda fuit, quæ inter tam gloriosa facinora transacta est.

Caput VI.

Diadema, Attaulfi sanguine rubens, Sigerici temporibus circumdatum, admonere ipsum potuisset, funestum pacis esse consilium: Sed in hoc improvida aut pertinax mortalitas est, quod suis potius, quam alienis casibus erudiri malit. Elegerant eum Gothi, quia expertæ fortitudinis, odii etiam in Romanos esset cognitus. Sed immemor ille injuncti sibi muneris, ad pacem propendebat, Honorii potentiam suspectans, regnumq; filiis stabili-

biliturus: Indignati proinde Gothi, quod Attaulsi nece-
cautior non evalisset, primo regni anno trucidarunt. Tan-
tum illis Romanæ pacis odium erat, quod insidiosam illam
semper experti fuissent. Deploraverit aliquis merito tem-
porum istorum infelicitatem, in quibus de pace cogitare
regibus capitale fuit: quorum munus præcipuum est
curare, ut iustitia & quiete fruantur subditi. Ab his ta-
men sæpe abhorrent, qui regum consilia moderantur,
ut, rebus turbatis, potentiam & auctoritatem suam auge-
ant. Fuit Sigericus profundi animi, contemtor delicia-
rum, sermone rarus, contentiones & odia serere artifex,
ad gentes sollicitandas callidissimus; sui tamen fati igna-
rus: pœnam, scilicet, parricidii, in Attaulsum perpetra-
ti, divina exigente iustitia. Quod Attaulfo & Sigerico fa-
tum adproperavit, Vallia nullo negotio perfecit. Quia
publice Romanorum se hostem gerebat, popularibus in
regem placuit. Cautè igitur providit, ne suorum aures
odioso pacis nomine pulsaret, antequam ipsis periculis di-
scerent, quanti interesset, ad quietis consilia respicere. In-
star enim ferocisequi est turba, quæ falsis opinionum um-
bris huc & illuc agitur. Infelix proinde rerum auspici-
um; Mauritaniâ subacturus, exercitum coëgit; quæsi
succederet expeditio, regnum ampliabat; sin tristior in-
tercederet fortuna, intelligerent sui, non posse se simul
Romanis resistere, & à ceteris securos esse. Res autem
in deteriorem partem cecidit, classè naufragio amissa. Fra-
ctis sic non parum Gothorum viribus, extra fines impe-
rii ipsos ejicere Honorio sedit; penetravitq; in Hispaniam
cum exercitu Constantius, Patricius & militiæ magister,
cui sororem Placidiam & imperii societatem obtulerat Im-
perator, ut rem alacriter conficeret. Interponebat auto-
ritatem suam Placidia, rebus turbatis, plus vitæ timens

E e

quam

quam secura libertatis. Cum autem ultro provocantem offendisset Valliam, nec sponsam & Imperii spem dubio preclii eventui committere consultum putaret Constantius, honestas pacis conditiones obtulit Valliæ; quas tamen ille sine procerum autoritate admittere distulit. Quid interim in rem esset, lubricæ orationis ambagibus satis aperuit. *Constantius, inquit, pacem nobis offert. Nunquam pejus Romanos metuo, quam cum amicitiam querunt, aut simulant. Hoc artificio Valens nos decepit, & Stilico tantum non subvertit. Sincerum, credo, pectus habebunt, quos urbis sue cineres & injuriarum monumenta ad vindictam quotidie stimulant? Mibi innatum in hos odium liberum non relinquit judicium. Vestræ est prudentiæ, quid huic sceptro conducat, decernere. Timet forsitan Constantius, sponsam & imperii spem in discrimen mittere: nunquam quietem habebimus, quamdiu ista nobiscum erit. Sed cum ea provincias etiam revocabit Honorius? Verum armati quæ jura curamus, nisi quæ arma faciunt? tot interim hostibus cingimur, ut omnes in exitium nostrum conspirent; postquam adempta nobis est Gallia, Romanorum intercepta irruptio; meliorque virum pars naufragio perit. Omnia tamen interritus despicio, virtuti vestræ confisus: hoc tantum dissimulandum non putavi, fortitudinis non esse, desperatis casibus involvi, si possint evitari.* Intellexerunt ex his Gothi pacem cum Romanis sibi necessariam. Restituta itaq; Placidia, quæ ultra & cis Pyreneos possidebant, Honorii nomine illis confirmavit Constantius; ut adversus barbaras gentes sibi pugnarent, & Romanis vincerent. Restituta sic Romanis amicitia, Vandalos & Selingos in Boetica prostravit: Alanos inde ita cecidit, ut extincto rege Attace, Gunderico se permitterent, qui Vandalis in Gallicia præfuit. Tertio deinde anno, (418.) Tolosæ decessit Vallia, absq; prole mascula.

la. Ex filia vero ejus & Svevero patre Rifimer natus fuit Patricius, qui ab Valentiniano militiæ magister creatus, Antonii inde imperatoris gener evasit. Sed gliscens mox inter ipsum & focerum discordia, in bellum erupit. Causa alter, alter viribus melior, parem tamen animum adferebant. Cessit autem causa viribus, belloque victor Rifimer Antonium focerum morte adfecit, urbemque Romam diripuit,

Caput VII.

Fatiscentem imperii molem, virtute sua sustinuerat Constantius: sed, eo mortuo, socordia Honorii non sensim ruere cœpit. Valliæ etiam metu liberati barbari, in Hispania cuncta miscebant. Gundericus præcipue in Svevos & Silingos armis grassabatur; cui ob sacrilegium divinitus punito successit Genfericus. Contra hunc ab Honorio missus Castinus, viribus inferior, Bonifacium, Asiæ præfectum, in auxilium vocavit. Sed odio & æmulatione in pari potestate certantes, nihil præclari in hostem gessere. Et non immerito unus minister malus, duobus bonis, sententia dissidentibus, aliquando præferendus esse videatur; quorum quisque sibi benefactorum gloriam, collegæ errores imputat. Ita, re infecta, Castinus Romam, Bonifacius in Africam revertit. Mortuo per idem tempus Honorio successit Valentinianus, tertio genitus Constantii & per ætatem adhuc regere ineptus. Mater proinde Placidia, suscepta imperii cura, Aëtii consilii cuncta administravit. Bonifacium is æmulum ut aulica machinatione subverteret, adfectatæ in Africa tyrannidis apud Imperatricem insinulavit: atque, Romam ut arcesseretur, squalit. Bonifacio interim scripsit, exitio futurum, si

imperatoris mandatis obtemperaret. Proditionis enim insimulato, apud Principem acrem & suspicacem, innocentiam & amicorum studia, ad veniam aut gratiam impetrandam, non sufficere. Hac fraude circumventus Bonifacius, periculo, ut putabat, suo imperatoris mandata posthabuit. Quod illa certissimum defectionis argumentum interpretata, bellum in ipsum decrevit, hucusque innocentem, sed jam alieno scelere ad desperata consilia inductum; sui enim tuendi causa Gensericum in Africam attraxit. Qui auxiliator primum, mox quaesita simultate, hostis Africa ipsum expulit. Quietus ista omnia adspexit Theodoricus, certus, si arma minatus fuisset, omnes in unum coituros, metu scilicet, & invidia potentiae Gothicae. Juxta tamen considerans, quam inutiliter Vallia Romano imperio militasset, sterilem sibi gloriam, aliis laborum fructum relinquendo: perspiciebat etiam, prope occasum esse rem Romanam, consultius putavit ruina ejus fortunam suam sublevare, quam, periculis ejus se implicando, una perire. Rupto itaque foedere, Romanis bellum indixit, vicinaque populatus, Arelate obsedit: Sed adproperans cum Avito Aëtius, ab obsidione ipsum dejecit, bellicque pertinacem eo tandem redegit, ut pacem petere cogeretur. Diuturna tamen illa non fuit, ingratis utique rogata, & minus gloriose accepta. Reverso quippe in Italiam Aëtio, Narbonam expugnatam ivit Theodoricus. Quam, extrema jam patientem, cum liberare non posset Littorius, à Valentiniano missus belli dux, Aviti apud Gothos gratia, tantum ab Theodorico impetravit, ut, soluta obsidione, Tolosam reverteretur. Cum interea exercitum non dimitteret Littorius, sed in Aremoricos moveret, vicinorum periculo adesse voluit Theodoricus, magno pariter exercitu illuc tendens. Sibi itaque ti-

timens Littorius, Hunnorum præsidia urbibus imposuit, qui, vastata Thracia & Asia, Honorii permissu, in Pannonia confederant; &, quia non statim victus, pro victore se gerens, ad expugnandum non satis paratus Theodoricus, pacem ab Littorio petit; Ille vero nihil nisi triumphos animo agitans, obsidionisque moræ impatiens ad pugnam ipsum provocavit. Nec detrectavit certamen Theodoricus, postquam divinam justitiam jejunio & multis precibus sibi propitiaverat. Dato enim prælii signo, tanto ardore pugnam ciebat, ut, cæsis fugatisque Romanis, Littorium vivum cepit: quem extrema miseria contabescere fecit. Hac victoriæ oportunitate usurus Theodoricus, ad Rhodanum usque regni sui limites extendere destinavit: Aviti tamen literis & intercessioni dedit, ut quæ Romanæ ditionis erant, amplius non infestaret. Reputans interim, quam temporaria Valentiniani esset amicitia, & simul Ricciarii, Svevorum in Hispania regis, successus suspectans, regni & potentiæ firmandæ causâ, Ricciario filiarum alteram, alteram Honderico, Genserici filio, despondit. Sed lubrica fuit amicitia, hoc matrimonii nexu constricta, &, unde non timuit, e septrione fatum ejus adpropinquavit.

Caput VIII.

Dominabatur Hunnis Attila, genti tam feræ & agresti, ut Faunis progenita multis sit credita. Ipse magni animi ferocisque ingenii vir, orbis subjugandi spem conceperat, Fratreque Breda (Cali Bleda) interfecto, Visi-Gothos Myisia, Dacia & Pannonia ejecerat, ne à tergo relinquerentur, qui popularibus ipsorum in Gallia & Hispania bellum inferentem, distrahere possent. Lustrato is in Pan-

nonnia 500000 exercitu, Valamiroque, O-Gothorum rege, cum fratribus Teudemiro & Videmiro, uti & Harderico Gepidarum rege, in speciem majestatis, re vera securitatis gratia, in commilitiam adscitis, iter suum secundum Danubii ripas persequabatur, exacta satis & sollicita disciplina militari, sed quæ sensim, ut in tanta colluvie, labalceret. Sequebantur imperium ejus Franci, Marcomanni, Burgundiones, Svevi, Quadi, Heruli, Turingi, Rugique. Tantæ expeditionis adparatus consternatos tenuit Romanos, quique partes eorum sequebantur, augendo semper id, quod spargere solet fama, aut credere timor, humanis carnibus vesci Hunnos: Hostes Marti immolare: parentes senes à filiis devorari: dira quadam crudelitate, humani generis servitutem & exidium moliri. Attila non astu minus, quam viribus promptus, ut Romanos Gothosque inter se committeret, divisosque facilius superaret, eodem tempore ad Valentinianum & Theodoricum legatos misit. Et illi quidem persuadere conabatur: sibi in animo non esse Romanum imperium lacerare, nullis injuriis provocato, sed Theodoricum Gothosque justis se armis persequi, gentem publicæ paci perniciosam, superbam, alienæ ditionis avidam, inquietam & Romano imperio semper exitiosam; de qua jam alieno impendio & periculo vindictam sumere posset, si solam relinqueret. Secreto etiam Aëtii operam ambiebat, commemorata veteri necessitudine suisque in eum beneficiis. Apud Theodoricum vero diserebat: Quam turpe fortibus viris esset, devictum ab Romanis orbem leges accipere, & per tot secula superbos dominos pati, cujus amoliendæ Tyrannidis causa se tot nationum robora excivisse: Gothosque ad hujus gloriæ & decoris societatem invitare. Si neutris accederent, nec amicum conciliaturos, nec evasuros hostem, sed

sed futuros spoliū victoris. Ad Romanorum fœdus respicientes, cogitarent, nondum illos oblitos esse incendiū illius, quod Valentem imperatorem absumsit, urbemque Romam in cineres redegit. Theodorico insuper dedecorosa futuram militiam sub Aëtii ductu, qui Gothos pariter & Hunnos deletos cuperet. Satis sibi virium esse ad Romanos obferendos, belli tamen gloriam & fructum se ipsis commune facturum, si jam fortunam suam ipsi non destituerent. Valentinianus, ob imminētis periculi magnitudinem & Aëtii consilio, Theodoricum, ad arma, contra hunc barbarum & humani generis hostem, iungenda sollicitate ambiebat. Nec alienum se præbuit Theodoricus, Hunnis, ob latam Littorio contra se opem, infestus, & in Romanos propensior, quorum jam extincta erat libido dominandi. Attilam autem sibi conciliabat Genfericus : causa odii in Theodoricum vindictæ metus erat, quod filiam ejus, ob parati veneni suspicionem, truncatis naribus, remisisset Hundericus. Infecutura cladis & calamitatum indicia cœlum ipsum exhibuit. Nam præter lunaris sideris deliquium, inusitatae magnitudinis Cometes, hastarumque, in aere fulgentium, species, & terræ tremor, anxios hominum animos territabant : neq̃ tamen sic placata Dei ira, vindictam antevertere potuerunt. Theodoricus, quod rerum præsentium necessitas exigebat, omnem armis aptam ætatem excivit, urbibus præsidia imposuit, muros refecit, commeatum providit : Thorismundum & Theodoricum filios secum militaturos eduxit, Euricum, Himericum, Fridericum & Riccinerum Tolosæ reliquit. ut rebus domesticis præessent. Aurelianensibus ad ultima jam redactis, ut opem ferret, cum Aëtio properavit : Attilamq̃ acri inde prælio submovit. Sed acceptam hic cladem, Lugduni expugnatio-

ne, & Galliæ Narbonensis populatione pensavit, Gunderrico etiam Burgundiorum rege extincto, qui in Theodorici partes transiturus erat. Tandem universi utriusque exercitus miles in campis Catalaunicis constitit. Ingens erat planities, dispositumque theatrum pro sævissima furoris tragœdia, quam exhibituræ erant diversæ nationes. In hoc vitam & sanguinem auctorantes, ut unus mundo imperaret. Attilam, tametsi viribus animoque præfidentem, augurum turbabant responsa, hosti victoriam pollicentium, sed victoris morte lacrimabilem. In serum itaque diei pugnam distulit, ut victis nox auxilio esset. Ordines etiam, qui equitibus maximam partem constabant, ita disposuit, ut dextrum cornu Valamirus, sinistrum Hardaricus ipse medium curaret. A tergo electum militiæ robur collocavit, ne illinc clades aliqua accipi posset. Adversæ partis cornu dextrum tutabatur Theodoricus, sinistrum Aëtius, in medio Sangibanus, Alanorum Rex, constitit, ob proniora in Attilam consilia suspectior. Stabat utrinque pugnae avidus miles, tristi ferocia signum expectans. Attila, equo insignis, nudum vibrabat gladium, quem sibi a Marte donatum ferebat, ferociamque suis vultu & verbis inspirabat. Theodoricus & Aëtius principia obequitantes, suis alacritatem & victoriæ fiduciam subiciebant. Tam atrox inde prælium insecutum, (Anno 451.) ut immanius pugnatum nusquam legas. Conculcato inter suos Theodorico, filius Thorismundus, quantumvis saucius, tantam in Hunnos stragem edidit, ut nisi receptum in castra mox Attila dedisset, deletæ omnis copiae ejus fuissent. Cæsarum utrinque numerus 180 millia censebantur: (162000 ait Jornand: præter 90000 Gepidarum, qui per errorem inter se concurrentes interierint. Sed Idatius 300000 cecidisse adfert) Inhumanam
 fra-

stragem vel inde æstimare liceat, quod decurrentes sanguinis rivos cadavera raptavisse memoriæ proditum sit. (*Varnef. lib. 15. Histor. Miscell. Callimachus in Attil. Rodericus Tolet. l. 5. 3.*) Gothi perquisitum inter cadavera Theodorici corpus, lugubri cantu efferentes, inter tubas & armorum concussiones, funeri debitum exsolverunt. Triumphus hæ Theodorici exequiæ fuerunt; quia ipse bello victor, & officio lugubri vacantes, interpellare non fuit ausus Attila, inter castra sua delitescens. Regnavit Theodoricus annos 32, princeps gloriosus, & cui annalium memoriæ Magni nomen reliquerunt.

Caput IX.

Satis constat debellari cum Attila potuisse, qui jam ultimo fato suo pyram in castris, de sellis equorum, construxerat, ne captivo hostis illudere possët; nisi Thorismundum perfido consilio seduxisset Aetius. Ejus quippe potentiam, sublato hoc æmulo, formidabilem imperio futuram ratus, memor etiam benignitatis, in exilio sibi ab Attila præstitæ; tum & adversus aulicas machinationes & lubricam principis gratiam, quæ ministro non diutius certa, quam necessitas & metus operam ejus commendat, præsidium sibi paraturus, Attilam conservatum voluit. Thorismundo igitur, castra ejus oppugnatum eunti, callide subjecit: consilio potius, quam necessitate intra castra se continere Attilam, ut ipsos ad iniquum certamen provocet. Non Romanorum minus & Gothorum, quam Hunnorum sanguine inundatos campos. Quæ jam victo fugam intercipient, victoriam dare posse, si ad desperationem redigatur; cui præveniendæ viam hosti clauso aperuisse sæpe Duces providos. Citra sanguinem & pericu-

riculum uniri, si commeatu prohibeatur; & si dilabatur incondita ista gentium moles, non facile iterum coituram. Nec debere Thorismundum regni sui, non dum stabiliti, curam omittere. Festinaret potius Tolosam ad adferendum sceptrum, quod, eo absente, fratres essent invasuri. Se interim fame Attilam edomiturum. Hac Aetii fraude deceptus Thorismundus, Tolosam revertit, tanti laboris fructu & gloria vacuus: celebratisque ludis funebribus, ipse pro suggestu oratione parentis laudes & merita percensuit; & militibus donativum, terdena argenti festertia viritim distribuit. Gothorum discessum insidiosum ratus Attila, castris se continuit. Postea, explorato nihil fraudis subesse, quod copias etiam dimitteret Aetius, deriso hoste, quod victoria uti nescisset, in Schytiam recessit, exercitu fame, peste & assiduis itineris molestiis fracto dilapsoque. Cruciabat hominem ferum hæc cladis ignominia; exercitu itaque ad sacramentum vocato, Italiae ruina acceptum dedecus abolere contendit. Sensere Barbari furorcm Aquileja, Ticinum, Mediolanum, Brixia, Verona, Vincentia, pluresque aliae urbes penitus excitæ. Et cum in Valentiniano nihil opis esset, ad furias has reprimendas, quotquot effugere poterant, in Adriatici maris æstuaria se recipientes, urbem Venetias ibi condiderunt. Imperator rebus suis desperans, Leonem Pontificem ad Attilam ablegavit, ut quavis conditione ipsum ab Italia deduceret. Et flexit ille barbarum sic, ut, annuo promisso tributo, in Schytiam recederet. Sed otii & quietis impatiens, intestis iterum signis Galliam petiit. Periculi admonitus Thorismundus, per legatos auxilia & foederis & amicitiae lege ab Valentiniano exigebat. Sed illi consultius visum, amicum deserere, quam novo se discrimini involvere. Solus itaque Thorismundus, Attilam ex-

cipi-

cipiens, acerrimo prælio profligavit, loco à priori clade non multum diffito. Refugiente sic in Schyriam Attila, iratus Valentiniano, ab denegata auxilia, bellum indixit Thorismundus, exercitumq; victorem Arelate adduxit. Quam cum victus Aëtius liberare non posset, Fereolus Galliæ præfectus, apud Thorismundum gratus, precibus liberavit. Istud Aetii infortunium & simul consilium, de Attila non delendo, Thorismundo datum, perfidiæ ejus ab æmulis imputabatur. Opportunum id Maximo patritio fuit, qui cum, ob violatam uxoris suæ pudicitiam, Valentinianum interficere statuisset, Aetium, qui imperii vires in manibus tenebat, prius sibi è medio tollendum censuit. Spe igitur & præmiis Eunuchos imperatoris induxit, ut sinistros de Aëtio rumores in auribus principis strenue adjuvarent. Et credidit ille facile verum esse, quod moliri dicebatur Aëtius, atque, ut periculum præveniret, ipsum è medio sustulit. Est hæc Principum intelicita, quod suis oculis parum videant, sed ad sceleratas aulicorum suggestiones aut innocentes puniant, aut benemeritos odio prosequantur. Par huic etiam Thorismundi fatum fuit, quem, quod rebus prosperis insolesceret, fratres interficiendum curarunt. Inultis tamen non cecidit: quantumvis enim incisa vena debilitatus, non paucos tamen percussorum morte mulctavit, antequam collaberetur.

Caput X.

FRaterno licet sanguine regni sui auspicia fœdasset Theodoricus, potentiam tamen suam ita stabilivit, ut Imperator Maximus per legatum suum Avitum fœdus cum ipso ferire cuperet. Illam legationem non dum plene obi-

erat Avitus, cum interfecti Imperatoris nuncium consternatus accepit. Et quia Gothis multum acceptus fuit Avitus, autor ipsi fuit Theodoricus transferendæ in se dignitatis imperatoriæ: eamque in rem Romam profecturo exercitum suum commodavit. Affinem inde suum Ricciarium, Svevorum regem, in Romanas ditiones irruentem, amice monuit, ut intra regni sui limites se contineret. Sed cum respondisset alter, se hanc litem Tolosæ armis, discussurum; ista insolentia offensus, cum exercitu Pyræneos transiit, comitante Gnodiaco & Gisperico Burgundiorum principibus: commissosq; ad Urbicum flumen, quod Iberiam & Asturiam dividit, prælio, multa Svevorum millia cecidit. Ricciarius in Africam ad Gensericum fugere tentavit, sed tempestate rejectus in Theodorici manus pervenit; cujus mandato statim interfectus fuit: regiq; ejus Braga direpta, tota Galicia in victoris ditionem cessit. Cui Attaulsum, hominem extraneum & sibi postea iniduum, præfectum imposuit. Lusitaniam inde petens, Emeritam diripere constituit, sed spectris & ostentis territus, severitatem omisit. Accepto simul, Adiulfum rebellasse, Nepotianum & Nerinum cum copiis misit, qui, sublato rebeli, nationem ad obsequium reduxerunt. Cum altera exercitus parte in Bæticam pervasit, Ceurila, totumq; istum tractum in potestatem Theodorici redegit. Fracti igitur animis Svevi & Gallici, sacerdotes suos, delictorum veniam oraturos, ad Theodoricum miserunt: quibus clementer acceptis, ut è popularibus suis, quem vellent, regem constituerent, permisit. Discrepantibus autem sententiis, pars Frautam, alii Masdiam ad hoc fastigium extulerunt. Masdiæ interim mortuo successit filius Remismundus, qui pacem & amicitiam cum Frauta coluit; Frumarum autem successorem ejus sustulit, ut solus regnaret,

ret, ducta Theodorici filia in conjugem. Occupato Hispanicis bellis Theodorico, Franci Childerico rege sedem Parisiis collocarunt. Prohibere id Theodoricus debuisset, ne cum tempore pericula inde regno Gothico enascerentur; sed ille subjiciendis sibi romanis provinciis intentus, ad Rhodanum usq; limites suos extendit, expugnato direptoq; Lugduno. Narbonam etiam ipsi prodidit Agrippinus; ut æmulum suum Ægidium supprimeret. Diutamen prosperis hisce frui non potuit Theodoricus, nam ut ipse fratri Thorismundo regnum & vitam, ita & huic frater Euricus pari scelere eadem ademit, postquam annos 13 rebus Gothicis præfuisse. Frater ejus Euricus, quod ei occupaverat, virtute retinuit regnum: latis bonis legibus, quibus Resp. contineretur. Huc usq; enim consuetudine patriæ & moribus majorum gubernabantur Gothi. Inde cum Majorianus, Anthèmius, Anicius, Olybrius, Glycerius & Julius Nepos rem Romanam tantum non evertissent, universæ Hispaniæ sibi subjiciendæ oportunitatem nactus, fœdere cum Leone Constantinopolitano & Genserico sancito, Lusitaniam in ditionem suam redegit. Bipartitis inde copiis, Pompeionam & Cæsar Augustum expugnavit; Tarraconem vero post longam obsidionem solo æquavit. Quam severitatem ne experirentur Carthagera & Toletana provinciæ, absq; mora victori se permiserunt. Ita, quod septingentis circiter annis in Hispania tenuerant imperium Romani, amiserunt. Subacta sic Hispania, ad occupandam Galliam animum adjecit. Præfuit illi Arvandus, homo temerarius, qui ob res male gestas imperatoris iram veritus, & in sola fortunæ mutatione securitatem suam reponens, Euricum ad invadendam provinciam Romanæ ditionis, Brittonesq; Ligrim accolentes, opprimendos invitabat. Sed, detecta proditi-

Arvandoque in exilium pulso, Riothimum Brittonum rege ad armorum societatem adversus Euricum sollicitavit Athemius: Brittones tamen prius oppressit Euricus, quam Romanis se jungere possent: Burgundionesq; quod fuga elapsum Riothimum receperant, bello vicit. Quo successu percussus Imperator Julius Nepos, Epiphanium Episcopum misit, ut pacem conciliaret. Promisit multa Euricus in legati gratiam, quæ tamen Imperatori servanda non duxit. Mox enim in Aquitaniam movens Rutenos, Caducos, Lemovicos, Gabalitanos, urbemq; Avernorum cepit. Vehementius hisce perturbatus Nepos, cum electa manu Orestem misit, ut pauca, quæ adhuc non occupaverat hostis, defenderet. Sed ille natione Gothus, & sublimiora jam animo volvens, traditam sibi potestatem in dominum convertit, Italiaque expulit, & filium suum Romulum Mamylum, alias Augustulum Imperatorem constituit. Euricus interea rerum suarum satagens, Massiliam & Arelate prioribus suis victoriis adjecit. Sed exhibitio hic proceribus convivio, cum arma omnium naturalem colorem amitterent, fati sui præfagium persentiscens, Alaricum filium, volventibus regem designavit.

(A:o 484) Regnavit annis 17, suis ob fortitudinem
& liberalitatem acceptissimus.



RERUM GOTHICARUM

EXTERNARUM

LIBER SECUNDUS.

Caput I.

SI cœptæ narrationis filum ad finem deducendum foret, hoc sibi jam pensum Alaricus vindicaret; sed ipsa rerum temporumque series exigit, ut gesta regum O-Gothorum præmittantur. Memoratum nobis superius, Berismundum, ad quem, patre Thorismundo mortuo, jus regni spectabat, pertæsum dominationis Hunnicæ, cum filio suo Viderico, ad Visi-Gothos transivisse. Ejus itaque discessu vacuum principatum, Hermanarico fratre genitus, Vandalarius sibi adseruit. Tres is filios reliquit nobilissimos, Valamirum, Theodemirum, & Videmirum, qui summa inter se concordia agebant. (*Zosimus, Eutrop. Claudianus.*) Precarium enim ab Hunnis obtinentes imperium, expeditionum Attilæ magna pars fuerunt. Phrygiam, Lydiam & Pâmphyliam Asiæ provincias etiam invaserunt. Attila tandem in nuptiarum festivitate crapula extincto, subortaq; inter filios ejus de regno dissensione, O-Gothi, Gepidæ, Marcomanni, Quadi, Heruli, Thuringi, excusso jugo, præliis victos Hunnos, in ultimam Schythiam pepule-

pulerunt. Et ceteris quidem, ut cuique commodum, loca occupantibus, O-Gothi majorem Pannoniæ partem sibi subjecerunt. Horum legati stipendia & munera popularibus, ab Imperatore Constantinopolitano Leone poscentes, cum viderent Theodoricum Strabonem, Triarii filium, Gothum quidem, sed non ex Amalorum stirpe, Imperatoris gratia florere; nec ipsi pro voto exciperentur, indignati ad suos reverterunt. Quos, Illyricum ea propter vastantes, Imperator ut placaret, munera & stipendia offensis misit, & in posterum etiam missurus, Theodoricum, Theodomiri filium septennem, solidioris amicitiae obsidem accepit. Inde cum pati non possent Satagas Pannoniæ partem tenere, arma in ipsos vertere, Dryziumque Hunnorum regem auxillo venientem, tanta clade adfecerunt, ut nunquam inde Hunnorum vires coalescere potuerint. Parva inde injuria bello in Svevos gerendo causam præbuit. Direpta enim Dalmatia, cum, in reditu per Pannoniam, Gothorum armenta corripuisset Hunnimundus, prælio captus, sed mox cum honore demissus à Theodomi-
miro fuit. Id tamen ille non beneficium sed injuriam interpretatus, Sciros Danubii accolæ in Gothos concitavit; quorum improvisò assultu Valamirus oppressus interiit. Samatas etiam Gepidas & Rugios Theodomi-
miro hostes fecit. Hos tamen Theodomirus, auxiliante fratre Vidi-
miro, ingenti clade cecidit; & per Danubium frigore concreta copias in Svevos ducens, obvia quæquæ ferro & igne vastavit. Atque sic fratris necem ultus & præda onustus, domum revertit, filiumque Theodoricum, annum decimum octavum agentem, cum muneribus ab imperatore remissum, lætus excepit. Mox ille juvenili ardore exultans, lecta militum manu, patre inscio, in Sarmatas profectus, regem ipsorum Babaj interfecit, Singidonemque
&

& alia cepit. Et, quia bello adfvetis pax semper inops & gravis, Theodomirus, Macedoniam populatus, capta Illyrici urbe Naïssō, Thessaliæ Heraclea & Larissā, in Pannoniam rediit; multaue per Illyricum & Mœsiā, non vi solum, sed & Imperatorum pactione tenuit. Gothorum partem, Videmiro Duce; Italiā impetivisse, & tertiam agrorum partem flagitasse, sed pecuniis a Glycerio mitigatam, ex Jornande & Marineo Siculo colligi potest. Successit Leoni Zeno Isauricus. Hic Theodoricum, mortuo jam patre, Gothorum regem, Constantinopolim evocatum, summo in honore habuit, propter religionis Arianae studium, & ut gentem bellicosā sibi obstringeret. Filium namq; eum adoptavit, Patricium & consulem ordinarium creavit, statuamque Equestrē sibi collocavit. Sed cum ille apud Imperatorem Byzantiis deliciis fruitor, cives ejus in Illyrico & Mœsia, pacem sibi, stipendiorum defectu, calamitosā queruntur, & ut sibi prospiciat, orant. Percommodum ipsi accidit, quod, Italia misere vastata ab Herulorum rege Odoacro, senatus Romanus assiduīs literis & internunciis auxilia ab Imperatore flagitabat. Ista igitur occasione usus, Imperatorem adit, & diu est, inquit, quod non ut externum aut militem, sed filii locorne habes; nec ulla ego pietate adfectum tuum æquare possum. Summum est, quod pro isto tibi à Deo vovere possum, tuam & imperii perpetuo florentem fortunam, cui si quid eveniat adversi, non minorem inde tristitiam percipio, quam ex proprio infortunio. Excruciant profecto animum meum, qui huc quotidie de Italiæ calamitatibus perferuntur nuntii: Cur dominam & Caput orbis, Romanāq; gloriæ domicilium, tanta indignitate & ludibrio vexet Odoacer, externus Barbarus, Tyrannus? Obtundunt aures meas quotidie Gothi mei; queruntur se q̄tio marces-

G g

fere,

sere, egestate premi; Vandalos in Africa florere; Vigi-
 Gothos Hispaniam tenere; Burgundios Galliam occupas-
 se; Herulos & Turcilingos orbis florem Italiam ruinis in-
 volvere : se mortalium infelicissimos, inter ignaviam &
 otium perire. Non queruntur de stipendiis, quæ abs te
 persolvuntur liberalissime : Sed queruntur virtutem suam
 quiete hebescere; & robur masculum sine armorum ex-
 ercizio emollescere. Si placui tibi in filium, expeditio-
 nem hanc mihi manda, ut Gothorum meorum virtute
 Italiam Tyranno extorqueam. Nam & tuo honori vice-
 ro, & quicquid hosti ereptum fuerit, filio tuo, fœdera-
 tisque Gothis cesserit. Si vero adversa fortuna virtuti in-
 viderit, nostra sunt pericula, nostra damna, nulla incom-
 moda nullæ calamitates inde ad imperium redundabunt.
 Ærario insuper peperceris, stipendiis in Gothos ulterius
 non conferendis, & urbi atq; senatui populoq; Romano
 alienis impendiis auxilium tuleris. Est mihi gens alacris,
 & belli hujus cupida, quæ tyranno, publico omnium odio
 laboranti, prædam facile excutiet. Intelligentq; homi-
 nes, plus posse nominis & gloriæ tuæ vindices, quam o-
 mnes Romanæ majestatis everfores. Delectatus juvenis
 modestia & alacritate imperator, rem ad senatum retulit.
 Multi Theodorici partibus favebant, quod tantis sumti-
 bus ærarium levare conducere : Italia calamitatibus suis
 eriperetur; & benemeritis atq; gratosus juvenis specioso
 magis quam solido beneficio obstringeretur. Miseraban-
 tur alii imperii fatum, eo jam angustiarum redacti, ut
 propriis auspiciis & armis irruentes Barbaros submove-
 re non auderet : Herulum contra senatus voluntatem &
 minori cum turpitudine Italiæ incubare. Illud vero de-
 decus nunquam aboleri posse, si senatus Imperatorisque
 consensu imperii sedes & domicilium extraneis addiceretur.

Spe-

Speciosis tamen necessaria præferentibus consultius visum, emissam Italiam Theodorico concedere, qui hoc beneficio obstrictus, certus amicus, firmumq; imperii præsidium; sed repulsam passus, haud dubius cum tota gente sua hostis esset futurus. Byzantio discedentem, cum senatu & populo extra urbem eum deduxit Imperator, splendide donatum, &, ut Italiæ bene consuleret, oratum.

Caput II.

Horum non ignarus Odoacer, Tratillam Gepidarum, & Brisam Bulgarorum regem cum Turcelingis, in itinere hostes Theodorico objecit. (Ricobaldus Ferrariensis hist. gen.) Quibus prælio victis, ad Tisontium flumen castra metatus est: trajectoq; flumine, Odoacrum ad Aquileiam primum, inde ad Veronam superavit, urbe capta, multisq; hostium in Athesin se præcipitantibus. Hac clade adfectus Romam tendit; sed cum clausis portis non admitteretur, obvia quæq; incendio corrumpens, Ravennam secessit; ibique bellum in longum trahendo necessaria providit. Theodoricus vero, Gallia Transpadana in fidem accepta, Mediolani ad reficiendum exercitum constitit. Communitoque Ticino, impedimenta, matrem & ceteram inbellem multitudinem ibi reliquit: Ravennamque tendens, triennali obsidione expugnavit, & Odoacrum una cum filio in fidem receptum interfecit. Herulorum vero reliquiis, circa Augustam prætoriam (Taurinorum) sedes tribuit. Durante inter Theodoricum & Odoacrum bello, Gundebaldus Burgundiorum rex, vastata Liguria, magnam prædam & captivorum multitudinem abegit. Pro illis redimendis Germanum Ficinensem, vel ut alii, Epiphanium Antistitem legavit. (*Marin. Sicul.*

Bernhardus, Justinianus.) Pacatis sic undique rebus, Italiae dominus salutatus, Romamque publico adplausu ingressus, omnia urbis ornamenta, muros, aquae ductus, thermas & aedificia publica miserum in modum deformata restituit: Senatoribus, ad egestatem redactis, stipem annuam; & 120 millia modiorum tritici populo annuatim deputavit. (*Ricobald.*) Legibus etiam restitutis, urbem senatui gubernandam permisit. Ipse Ravennam sibi sedem regiam elegit, Romam consulto vitans, ne ex religionis diversitate, & æmulatione inter Gothos Romanosque animorum divisio, rebus turbandis semper intenta, enasceretur. Ita sub hoc rege effloruit Italia, ut priorum calamitatum oblivisceretur. Patavium, ab Attila dirutum, pristinum suum nitorem recepit. Eoq; coercitis latrociniiis, ubique securitas fuit, ut nulla sub custodia res possessoribus integræ & intactæ manerent. Fuit & justitiæ severus exactor Theodoricus, & in discernendis controversiis solers. Quod vel hoc facto satis liquet. Cum in sponsi gratiam filium domo ejecisset mater, & apud regem de injuria quereretur adolescens, negavit mulier filium suum esse: nubas ergo ipsi, inquit Rex, & pœnam recusanti representavit. Et cum effugio non esset locus, verum fieri coacta est. Latissime autem patuit O-Gothorum regnum hujus Theodorici tempore. Nam præter Italiam & Siciliam tenebat quoq; Rhetiam, Noricum, Dalmatiam, Liburniam, Istriam cum magna Pannoniæ parte & Gallia Narbonensi. Bellum ejus causa cum Clodoveo Francorum rege gestum, ubi ad Amalaricum ventum, exponemus. Ad tam late patentem ditionem in fide & obsequio continendam, firmandumque principatum inter inimicas gentes recens fundatum; non armis tantum, & virtute suorum, sed vicinorum etiam benevolentia &

foederibus opus esse considerans Theodoricus, potentiores quosque reges, à quibus vel pericula timere, vel commoda sperare poterat, adfinitatibus sibi adstrinxit. Audesledam, Clodovei filiam, (sororem scribit Mariana lib. 4: c. 6.) conjugem ipse duxit: sorore sua Amalafreda, Thrasamundo Vandalorum regi & ex ea Nepte Amalaberga Hernefrido Turingorum regi collocatis: Theudegodam vero (*Theudicusam vocat Procopius. Theudedusam Sigon.*) & O-Gotham filias Alarico W-Gothorum regi alteram, alteram Sigismundo Burgundiorum regi sociavit. Amalasventa vero, Eutherio nupta, Atalaricum genuit, Theoderici testamento designatum successorem. Hisce amicitiae munimentis, & exacto justitiae cultu principatum 7 & 30 annos magna cum commendatione tenuit; tam suis Romanisque carus, quam formidatus hostibus. Pietatem ejus in Deum quantumvis Ariani, nemo desideraverit; omnia enim humanitatis officia Catholicis praestitit; & ut bene ipsis esset providit. Et proinde paria ab ipsis non immerito exigebat. Nam cum Justinus Imperator, edictum de Arianis Episcopis, toto imperio ejicendis, promulgasset, id in contumeliam trahens Theodoricus, Pontificem Johannem, cum Agapeto & Patricio consulibus ad ipsum legavit de edicto abrogando. Nam si aliquam Arianis injuriam irrogaret Imperator, se pari severitate Catholicos Italia exacturum. Quia fide legationem obierit Pontifex haud dixerim, reversum certe in carcerem conjici mandavit Theodericus; ubi & contabuit. Baethium etiam Severinum & Symmachum focerum ejus utrosque consulares, rerum novarum delatos, morte multavit. Primum id & ultimum injuriarum in subditos illi fuit; quod non adhibita inquisitione de tantis viris statuerat. Ita tamen facti hujus ipsum poenituit, ut doloris magnitudine non multo post decessit. Ca-

Caput III.

Mortuo Theuderico, regnum filio Atalarico adhuc im-
puberi administravit mater Amalasventa, fœmina
ingenio, literis & eloquentia excellens. Quæ cum filium
Ludimagistro tradidisset, ut literis institueretur, tres et-
iam senes illi adjunxisset, quæ consuetudine sua ad virtu-
tem & honestatem ipsi præirent: istam educationis curam
calumniantes nonnulli procerum inlentiores, à Magi-
stris abstractum puerum moribus perditis imbuerunt:
dissimulante jam matre, quia prohibere non potuit. Et
cum ipsi non parum periculi à fœmineum imperium
adspernantibus immineret, tres præcipuos conjurationis,
honoris specie, primum relegavit, inde & sustulit: stabi-
liendoque principatui omnibus viribus incubuit. Et cum
Galli Theuderici metu prius cohibiti, rebus jam novis stu-
derent, & quæ Theudericus occupaverat, invadere jam
rhinarentur, ne domi forisq; periclitaretur, provinciam
Narbonensem ipsis restituit. Agebat in Thulcis Theodat-
us, Theoderici nepos; multorum prædiorum dominus, li-
teris & Platonis doctrinis institutus, sed supra modum ava-
rus & in vicinos injurius. Quem cum in ordinem rede-
gisset, grave in ipsum odium concipiens, Italia Justinia-
no prodere annixus est. Moritur inter hæc Atalaricus,
& Amalasventa nova perplexitate fluctuans, ut fragilitati
suæ consuleret, Theodatum maritum & imperii confor-
tem fecit. Mox autem hominum ingrattissimus, custodia
ipsam includit, in insula Volsinensi, & interfectorum co-
gnatis occidendam permisit, à Theodora Justiniani conju-
ge inductus, cui virtutes Amalasventæ odio erant (Pro-
cop. in arcan. hist.) Quod cum optimus quisq; perquam
acerbe ferret, occasione intentus Justinianus, bellum The-
oda-

odato denunciavit & intulit. Missus in Dalmatiam Mundus Salonas cepit : Sed mox à superveniente Grippa & Asinario cæsus & cum filio interfectus fuit. Belisarius autem, prosperiore fortuna usus, tota Sicilia Gothos ejecit cum duce Sinderico. Inde in Italiam trajiciens, Neapolim post 20 dierum obsidionem vi cepit. Theodatus interim ad se regnumq; defendendum nihil comparavit, pacem indecoris etiam conditionibus ab Imperatore petens. Irati igitur ignaviæ ejus Gothi, Vitigem creant regem; hominem non genere, sed virtutibus regiis. Ejus mandato Theodatus interfectus fuit. Ipse relicto Romæ præsidio Ravennam tendit, ut, quæ bello necessaria essent, strenue pareret. Cumq; Calabria occupata & Roma sponte data, Belisarii etiam Duces per Umbriam & Hetruriam, cæsis circa Perusiam Unila & Piza Gothorum ducibus, res prospere gererent, qui adhuc in Gallia sub Marfia duce præsidia habebant Gothi, evocavit : loca vero hucusq; Gothis infessa, Childeberto, Theudiberto & Clotovio reddidit Francorum regibus, ut amicis illis & sociis contra Belisarium uteretur : Asinariæ inde & Ulfisgaisto ducibus ingentem misit exercitum ad recuperandam Dalmatiam : Ipse cum 150 millibus Romam festinavit; prodeuntemq; Belisarium in urbem rejecit. Obsessis ad nefandos cibos compulsis, novo supplemento auctus Belisarius ad conferendum prælium erupit. Sed amissis suorum plurimis intra Urbem repulsus fuit. Tandem cum annuæ obsidionis niala & ex inedia pestis etiam obsidentes premeret, de trium mensium induciis inter Vitigem & Romanos, quibus jam commeatu inductus cum novo militum supplemento, convenit : ut legati Byzantium irent, de pace acturi. Ruptis tamen utrinque induciis obsidionem solvit Vitiges, à Belisario mox circa Arminium cæsus, Ravenna inde in-

clu-

clusus eo angustiarum redactus fuit, ut sibi Gothisque securam rerum & agrorum possessionem pactus, Belisario se traderet, Gothi Romanisque regio titulo inde imperaturo. Sed quamprimum Vitigem in potestatem suam rede-
 gisset Belisarius, pactorum immemor, ipsum secum Byzantium duxit. Delusi sic à Belisario Gothi, recusante Uraria, Ildibaldo principatum conferunt. Firmando imperio is diligens, Vitalim Justiniani præfectum, ad Tarsisum magna clade adfecit. Restitui forsan hoc homines Gothorum potuissent, nisi ipsum pariter & Umbriam, scæminea ambitio & jurgium sustulissent. Ildibaldi quippe uxor ab Uraviæ conjuge contemtim habita, maritum ad Uraviæ necem impulit: Contracto hinc apud Potentiores odio, vitam sibi abstulit Vitalis. Erarico etiam rebus adhuc turbidis præposito, propter ignaviam & occultam cum Justiniano consilia, quinque mense imperium cum vita ablatum, Totilæ Ildibaldi nepoti, viro strenuo, & ad res obeundas alacri contulerunt Gothi. Et insigne is virtutis suæ documentum ad Padum exhibuit, cæso cum ducibus imperatoris exercitu, signisque omnibus in potestatem redactis. Ad Florentiam iterum coeuntes copias ita dissipavit, ut quo fors vel metus quenque abripiebat, dilaberetur. Victorem sic exercitum per Umbros, Sabinos, Marfos & Campaniam circumduxit. Benevento muris nudato, ne fugientis hosti nidum præberet. Cum Neapolim obsessam strenue defenderet Conon, ne frustra tempus tereret, expugnatis Cunis, magna in illustriores Romanas scæminas clementia usus est. Brutios inde Lucanos, Apuliam Calabriamque in potestatem redegit. Justinianus, ut Neapolitanis subveniret, cum instructissima classe Maximinum & Demetrium misit. Omnis tamen illa classis in Totilæ manus pervenit, casis propugnatoribus.

De-

Demetrius vero fuga elapsus aliam in Sicilia restauravit: Sed cum Herodiano & Plaza Neapolim iterato navigantem tempestas ad litus, Gothis infessum, compulit. Venetiis ille & Neapolitanis offensus, fidem ipsis fecit, classe bis expugnata, non superesse aliud auxilium. Animo igitur fracti Totilæ se dedunt, quia in devictos usus est humanitate, qualem nemo ab hoste expectaverit; mœnia tamen diruit, ne quando receptum ab hostibus oppidum, rebus Gothorum incommodaret.

Caput IV.

Hisce Gothorum successibus perculsus Justinianus, Belisarium in Italiam iterum misit, si rem Romanam forte restituere posset. Totilas vero in Pisenos concedens, Firmum & Asculum expugnavit, pluraque Tusciæ munita loca in potestatem redegit: Romamque ipsam fame ad extremum redactam, Belisario succurrere frustra annixus, cepit. Pelagius Pontifex, pacis impetrandæ causa, Byzantium missus, cum aliud responsum non referret, quam quod belli arbitrium Belisario commisisset Imperator, iratior Totilas tertiam murorum partem dejecit; omnia antiqua urbis ornamenta pari inclementia everfurus, nisi indignationem ejus deprecatus fuisset Belisarius. Abstratis senatoribus, urbeque in solitudinem redacta, partem copiarum Belisario objecit; ipse in Johannem Vitaliani movens, Brutios, Calabros, Lucanos omnemque Adriæ oram præter Hydruntum suæ potestatis fecit. Belisarius vero tumultuario opere muros Romanos refecit, aggeres propugnaculis ligneis ductisque fossis muniens, commeatu etiam investo, qui tolerandæ obsidioni sufficeret. Adcurrens mox Totilas cum urbem expugnare nequirit, in

H h

Cala-

Calabriam revertens, Johannem Vitaliani profligavit, castris ejus direptis : nova inde imperatoris auxilia, in Italiam adpulsa, delevit. Adversis hisce animo concidens Belisarius, in Siciliam cum uxore navigavit : toto quinquennio, quo in Italia fuerat, nulla re memorabili gesta. Romam iterum capiente Totila, Centum cellas aufugit Diogenes præfectus : Paulum vero, cum centenis aliquot, Adriani monumento inclusum, ne in mortis ultionem erumperet, quo vellet, cum suis abire finit. Restaurata inde utcunq; urbe, populoque revocato, Rhegium occupavit, trajectoque in Siciliam exercitu, pleraque omnia sibi subegit. Facta inde in Graciam excursionem, urbes non paucas victor diripuit. Neque segnius præfecti ejus, expugnato Armino, Herulorum Ducem Verum, cum omnibus copiis, deleverunt. Et actum plane de Imperatoris in Italia rebus fuisset, si ad Ancoram navali prælio vicissent Scipuar & Gundulf : Sed superati hic Venetorum auxiliis à Valeriano & Johanne Vitaliani, tantam rerum conversionem attulerunt, ut copias suas ex Sicilia revocare coactus fuerit Totilas. In Italiam etiam jam properabat Narfes, novus Justiniani Dux, auxilia secum trahens Longobardorum 12 millia, Herulorum 3000. Gepidarum inde, Hunnorum, Persarum, Græcorum, Macedonum, Tracum & Illyriorum tantas vires, quantas Italia antea non viderat. Ad Padum constitit Thejas, ut hostem transitu prohiberet : Sed cum tanta suorum paucitate resistere non posset, de summa rerum sibi decernendum videns Totilas, ordinatam aciem suam Narseti ad Appenninum objecit. Ibi utriusque ducis cohortatione incensus miles cruentam pugnam inivit. Turbatos ruptosque suorum ordines cum restituere frustra conatus esset. "Totilas: Ego, inquit, Gothorum in Italia Secundus Rex.

" & Theu-

& Theudericus Magni successor non patiar me ab Eunu-
cho homine in triumphum duci, ut ludibrio sim pu-
eris fœminisque Græcis., Atque cum dicto, cohortem
fortissimorum militum in hostium agmina raptans, egre-
gii Ducis militisque vitam morte non degeneri clausit.
Dissecti palantesque Gothi, Ticinum concesserunt, ibique
Thejam hominem manu strenuum & militiæ bonum sibi
præficiunt: qui absque mora ex Gothis, Burgundioni-
busque exercitum Narseti formidabilem conflavit. Ce-
perat hic Romam defensoribus vacuum, & Cumas, ubi
Gothorum pretiosiora recondebantur, in potestatem redi-
gere laborabat. Thejas ut loco succurreret, 100 millium
exercitu in Apuliam venit, expugnataque Nuceria, sed
commeatu interclusus, prælio rem commisit: nec detre-
ctabat certamen Narsetes, viribus haud inferior. Pugna-
tum est à prima luce ad noctem, non fortiter tantum sed
& acriter. Thejas cum scutum pilis perforatum ter mu-
tasset, vulnere patens, corruit; eo tamen virtutis docu-
mento prius edito, ut inter Duces clarissimos non postre-
mum meruerit locum. Ducis casu nihil consternati ce-
teri, noctem in armis egere, & ab exorta luce ad tene-
bras usque iterum dimicaverunt. Tertio demum die,
non victis sed fatigatis pax utrinque placuit. Narseti Cu-
mæ deditæ, & qui cruento certamini superfuere Gothi,
in Transpadanam regionem concesserunt, ea lege, ne ite-
rum Imperatori negotium facerent. Septuagesimus
2: dus hic fuit annus dominationis O-Gothorum in Italia.

Caput V.

Percensitis strictim rebus O-Gothorum, intermissam su-
perius de Visigotis narrationem jam porro continua-
bimus.

bimus, factō ab Alarico initio : qui tamen multa justitiæ & clementiæ laude 23 annos regno præfuisse, quia tamen Gallia Gothica & vita eum privavit Clodoveus, culpæ ei tribuitur à multis, quod fortunæ fuit. Benignitatem ejus, quantumvis Ariani, non desideraverint Catholici, quibus potestatem fecit celebrandi consilium Agathensē, in quo præclara nominis ejus memoria, & pro incolūmitate ejus preces ad Deum conceptæ. Romanas provincias ut sibi obsequentiores haberet, decerptas Ariani opera è codice Theodosiano leges ipsis concessit, ut libertati suæ magis provisum existimarent. Possidebat totam Hispaniam, Galliamque Rhodano, Ligeri & Oceano inclusam. Hanc magnitudinem regni, quod Parisiis molebatur, umbram facere videns Clodoveus, belli prætextus quæsiuit. Sparsa igitur de finibus lite, maleficos aliquot à se proscriptos apud Alaricum recipi postulabat : quoque majus injuriæ pondus apud vulgus esset, quod veras causas non examinat, religionis negotium admiscuit : Indignissimum esse regem Arianum tam bonam Galliæ portionem tenere, neque securum à se Parisii futurum, quamdiu ultra Pyrenæos extenderetur potentia Gothorum. Gliscens inter socerum & generum discordiæ malum ut sopiret, per legatos auctoritatem suam interposuit Theudericus Italiæ Rex. Gundebaldum etiam Burgundiorum regem, generum itidem suum sollicitavit, ut ad exstingvendum ignem operam commodaret, ne forte incendium latius aliquando diffunderetur. Sed Galliæ Gothicæ inhians Clodoveus TheudERICI monita insuper habuit, & Gundebaldus, dum per legatos compositionem acrius urget, alienas simultates suum bellum facit. Debuisset adfini opem ferre Alaricus, hostemque foris atterere, priusquam coaluissent vires : Sed periculum sæpe non

ca-

cavent principes, priusquam eo implicantur. Destructo Gundelbaldo, universas vires in Alaricum effudit Clodoveus. Constitit in Pictavis uterque exercitus. Certamen autem detrectavit Alaricus, usque dum auxilia ab Theudérico advenirent: eoque fine in Avernos se recipere cogitavit. Sed intercepto itinere pugnam conferere necessum habuit. Et turbatos suorum ordines increpans; Siccine, ait, tot seculorum gloriam uno momento turpiter amittetis? Siccine à pedibus & imbelli tergo potius, quam ab armata dextra salutis præsidium querendum existimatis? In virtute & audacia sita est victoria, præda, gloria; in fuga ignominia, servitus, dedecus, exitium. Respicite, quemadmodum fugæ vestræ vestigia fanævine meo sum deleturus. Simul equum in densissima hostium agmina incitavit: Secutus regem miles, magno animo prælium restauravit. Rege tandem cæso in fugam vertuntur ceteri, huc illuc palantes. Qui prælio non interfuerunt, ad Burdigalam novum certamen ineuntes pariter profligantur, potitusque est victor Gallia Gothica, (Anno 531.) quæ ab Ataulfo ejusque successoribus 95 circiter annos possessa fuit.

Caput VI.

A Malarici infantia spreta, scæptrum invasit Gesaleucus, Alarici filius nothus, homo sine virtute & imperandi artibus. Neque parva hic TheudERICI astutia, qui Gundelbaldo & Alarico in tempore non subvenit, quo partem à Clodoveo Burgundiæ partem acciperet. Postquam vero vita generum, nepotem regno spoliatum vidit, alterius ad potentia accessionem fieri noluit, quod belli jure sibi adferere posset. 80 proinde armatorum millia, Ebbone duce, ad Charchasionem obsidione liberandam & Galliam Gothicam recipiendam misit. Hujus expeditionis

nis ea fuit fortuna, ut 30 Francorum millibus cæsis, Aquitaniam & Gasconiam sibi subjecerit: urbibus vero in potestatem redactis præsidia O-Gothorum imposuit. Gesaleucus Narbona à Gundebaldo ejectus, ad Trasamundum in Africam profugit; parato ibi auxilio pecuniario, exercitum in Gallia comparavit, transitisque Pyræneis, non procul à Barcinone ab Ebbone cæsus est & interfectus. Indignantem Theudericum, quod auxilium nactus Gesaleucus, missis donis & oratoribus adfinem placavit Trasamundus. Magna inde Theudericum cura fuit, ut armis occupatam provinciam pacis artibus stabiliret. Ebboni igitur & Gemello præfidi provinciæ præcepit, civēs ita tractarent, ut sub Gothico imperio vivere amarent: belli tempore ablata locis sacris restituerent; nec quicquam omitterent, quod conciliandæ civium benevolentię oportunum esset. Arelatensibus vectigalia remisit, & collapsos urbis muros de suo restituit. Stipendia militibus ut in promptu essent, magna cura providit. Teudium in Hispaniam misit, ut tutoris nomine nepoti Amalarico regnum administraret: ubi fortunæ suæ intentus, cum matrimonio, clientelis & potentiorum amicitiiis, regias opes æmulari cœpisset, honoris specie in Italiam ipsum evocavit, sed variis se prætextibus excusavit: dissimulavitque iram Theudericus, ne, si arma minaretur, publice auderet, quod privatim moliebatur. Mortuo Theudericum, Amalasventa Theudeberto provinciam Narbonensem & Amalarico jus omne, quod in Galliam Gothicam, O-Gothorum armis recuperatam, habuit, rescripsit, ut Italia pacifice frueretur filius Alaricus. Amalaricus rerum jam potiens, Gotildam, Clodovei filiam, uxorem duxit: Sed religionis discordia matrimonii felicitatem turbavit. Aspere enim à marito habita uxor,

fra-

fratres Childebertum & Clotarium in arma perpulit, quibus sororis vindicta pretexebatur; reipsa Gothos Gallia efficere studium fuit: quorum potentiam & vicinitatem semper invisam habebant. Objecit irruentibus exercitum Amalaricus, sed à Childeberti equitatu superatus, in fuga à suis interfectus est, postquam 5 annos parum feliciter regnasset. Childebertus, recepta sorore, spoliis onustus revertit: Sed in itinere decessit Gotildis, funesti belli conciliatrix. Narbona vero & urbes maritimæ adhuc in potestate Gothorum remanserunt. Interfecto Amalarico regnum iniit Theudius, qui privatus regiam fortunam prius æquabat, nec imparem rebus gerendis animum adferebat. Childericus & Clotarius, quia contra Amalaricum prospere prius pugnaverant, parem sibi contra Theudium fortunam augurati, transitis Pyrenæis, Cæsar Augustum obsederunt. Sed clade hic accepta, intercluloque reditu, auro sibi transitum ab Theudegislo redemerunt. Aperuit ille unus diei iter, ne cum desperatis, quibus etiam ex auro pontes struendos, belli quidam consultus svasit, pugnandum sibi foret. Elapso induciarum momento, in festinantium multitudinem, quæ ipsa se morabatur, effusus Theudegislus non parvam stragem edidit. Hoc successu ad majora incitatus Theudius, specie auxilii Vandalis contra Belisarium ferundi, in Africam trajecit, Septamque, ad freti Geditani fauces sitam, obsidione cinxit. Verum cum in sabbathi reverentiam obsidendi laborem intermitteret, erumpentes oppidani castra ejus ceciderunt. Ipse sine gloria domum reversus, subsecutos Gelimeri legatos, auxilia rogantes, excepit. Sed conclamatis jam Vandalorum rebus, calamitatis societatem abnuvit. Regnavit annos 16, mensesque 5. Vitam ipsi in Palatio abstulit

Par-

Parricida : (Anno 548) pro quo moribundus intercessit, ne morte mularetur. Agnoscere enim se divinam ultionem, ob homicidium a se pridem perpetratum. Ob spectatam Francico bello virtutem Theudegisli, regem eam fecere Gothi, Totilæ O-Gothorum regis ex sorore nepotem. Sed læta regni initia, vitiiis postea luctuosa fecit. In libidines quippe & cædes inverecundior, cum plurimum foeminarum pudicitiam corrupisset, maritosque clam vel juris specie sustulisset, suorum conjuratione inter epulas est interfectus, vix imperii biennio expleto.

Caput VII.

SI convenientibus adquiescere ambitio posset, nec ad honoris splendorem cæca, altiora semper sequeretur, in privata sorte multi felices viverent, qui publice sunt infortunati. Speravit Agila in accepto imperio summam felicitatem, sed oneri tanto impar ruenti moli succubuit. Cordubam rebellantem ad obsequium redacturus exercitum filiumque amisit. Atque ut infelicibus undiquaque hostes, ita obsequium mox exuit Atanagildus, qui, ut Tyrannidem stabiliret, promissa Hispaniæ parte, Imperatoris Justiniani auxilia impetravit. Commisso apud Hispalim prælio, Agila interfectus, regnumque in Atanagildum translatus fuit, ne, commissis inter se Gothis, Hispaniam Romanus eriperet. Voti compos Atanagildus arma in Romanos convertit, quorum ope sceptrum Agilæ extorserat. Firmatos tamen jam in Hispania, quantumvis pluribus præliis, ejicere non potuit. Ut arctiorem cum Franciæ regibus contraheret amicitiam, filiam suam Galsundam Chilperio, & alteram Brunichildem fratri ejus Sigeberto collocavit. Utrumque tamen infelix matrimonium funestam in theatro Franciæ exhibuit tragœdiam.

am. Galfundiam quippe, æmulationis impatientem, lascivus pellicis Fredegundæ subvertit amor; cujus instinctu, tanquam superbam & contumacem strangulavit maritus. Accepta inde in thalamum pellex pari odio Brunichildem persequebatur, sororis necem indigne ferentem. Intendit odium regni Parisiensis accessio, quod, mortuo fratre Chereberto, in maritum ejus Sigebertum transierat. Furens igitur fremensq; percussores in Sigebertum misit. Quo acerbo casu consternata Brunichildis cum filio Childeberto Remos inde Rotomagum fugit. Hic forma ejus captus Meroveus, Chilperici filius, noverca invita, uxorem ipsam duxit. Quamobrem in rabiem concitata Fredegundis, privignum Meroveum cum fratre Clodoveo, inmissis percussore, sustulit. Ad hanc impietatem mariti Chilperici parricidium adjecit, ut licentius adulteri Landrici amoribus frueretur: Sed nihil actum rata, quamdiu Brunichildis superesset, bello ipsam persecuta est. Et, cum crudeli desiderio satisfacere viva non posset, maternæ sævitæ rabiem persequens filius Closarius, victam captamq; Brunichildem, caudæ ferocientis & ad cursum incitati equi alligatam discerpit. (Anno 567.) Atanagildi mortem, 5 mensium excepit interregnum, rebus Gothicis non minus perniciosum, quam funesta aliqua strages. Nam & factionibus abrepti cives publico pessime consulebant, & occasione utentes Romani, suum in Hispania dominium latius extenderunt. Præ oculis esse poterant Amalafiventæ & Theodati, tum & nepotum Genferici in Africa dissidia, quæ O-Gothorum pariter & Vandalorum regnum everterunt. Sed cum fata urgent, alienis casibus haud movemur. Et erupisset in publicum exitium procerum de rege creando dissentio, quam Chilperius Francorum rex fovebat, nisi Fonda magnæ vir autorita-

tis, & juxta patriæ amans, istam discordiam gravi ora-
 tione composuisset, sceptrumq; Licinæ adseruisset. Sed
 hic Licina cum grave regni pondus vix per annum susti-
 nuisset, fratri Leovigillo totam Hispaniam sponte tradi-
 dit: reservata sibi Gallia Gothica, qua & ipsa non mul-
 to post potitus est Leovigillus, fratre mortuo. Prima
 regni ejus cura fuit, Romanos Hispania ejicere: collatis-
 que apud Bastanam signis, victor Cantabriam in suam re-
 degit ditionem, tum & Aspidio, ceterisq; defectionis du-
 cibus captis, Aquitaniam pacavit: Cordubam etiam diu
 rebellem ad obsequium reduxit. Sumto inde, ob religio-
 nis diffidium, in Ariomirum Svevorum regem bello;
 cum exercitu Galliciam ingreditur. Ariomiro autem,
 bellum deprecanti, inducias concessit, quod Imperatoris
 Justinii copias in procinctu esse nunciaretur: (Anno 577.)
 Quibus cum prœlium mox conferens, insignem adeptus est
 victoriam. Parta sic armorum requie, pacis studia com-
 plexus, Eurici leges emendavit: Cumq; communi cum
 ceteris cultu reges huc usq; vixissent, purpuram ille &
 ceterum dignitatis splendorem addidit; quo majorem fa-
 stigio isti reverentiam conciliaret. Viso etiam, quam fac-
 ile milites regum, quos elegerant, sanguine arma cruen-
 tarent, ut electionis pericula vitaret, & regiam in stirpe sua
 dignitatem conservaret; Romanorum more Ermenegillum
 & Recaredum filios, ex Theodosia Theodorici nepte, sor-
 ore vero Isidori & Leandri Archi-Episcoporum Hispanen-
 sium, susceptos, regni consortes fecit. Ermenegillo et-
 iam Ingundam, Stigeberti filiam, neptem Gofvindæ vi-
 duæ Atanagildi, quam, mortua Theodosia, sibi copula-
 verat, in matrimonio dedit. Quæ cum blandimentis u-
 xoris maritum ab Ariana religione deduxisset, socium
 vehementer acerbavit; suscitatoq; inter patrem filiumq;
 bello,

bello, maritum perdidit. Sumto enim Catholicorum præsidio, & moneta in paterni dissidii exprobrationem percussa, Imperatoris insuper auxiliis confusus, hostem se parenti professus est. Pater, cui funesta futura erat victoria, undecumq; staret, cum blandis filium literis ad saniora flectere non posset, ut Catholicorum studiis ipsum denu- daret, congregato Toleti consilio, ex Arii doctrina multa in Catholicorum gratiam verbotenus emendavit. Sublata sic religionis lite Ermenegilli partes deserebant, aut fovebant languidius: pleriq; etiam alienorum periculorum Spectatores potius, quam participes esse malebant: neq; imperatoris milites, auro ab Leovigillo corrupti, fidam Ermenegillo operam præstiterunt. Gravi igitur obsidione Hispali conclusus, cum se defendere amplius non posset, in munitum se Castrum recepit; indeque repulsus, ad propinqui templi aram confugit. Quo accedens Recaredus multis fratrem lacrimis oravit, ut, ad placandam patris iram, tempori se accommodaret. Et si fixum federet, Catholicam religionem non relinquere, simularet tamen, quoad Patris fata integram ipsi rerum omnium potestatem traderent: religionis quidem prætextu defectionem excusari non posse, quod libera cuiq; sacra sua parens promississet. Iram tamen ejus non vereatur, qui osculo & amplexibus venientem sit excepturus. Sic aris abstractum Parenti stitit, qui venienti dextram & osculum dedit, blandeq; monuit, ut susceptam temere hæresin relinqueret. Sed cum nulla obstinatum monita à proposito deducere possent, carcere primum inde & morte eum mulctavit. Inde filii obstinationem Episcopis Catholicis imputans, Leandrum, Fulgentium, Belearum, Licinianam; Mausonam & Vincentium Abbatam proscripsit. Vincentius autem, Cæsar Augustanus Episcopus,

Arianam doctrinam, præmio illectus, acceptavit. Ermenegilli necem Childebertus, frater Ingundæ, cum Gunramo, armis ulcisci voluit. Sed exercitus eorum cum in inermes nullum libidinis genus omisisset, per insidiosa itinerum mulctatus. Dux ipse Tarentiolus Carcasone occisus, & quod reliquum copiarum fuit, Gothis jugulum præbuit. Victor Leovigillus pacem à victis petiit. Sed clade sua ferociore alterum mox exercitum intruxerunt, qui itidem in Gallicia finibus occisione deletus fuit. Cum nec sic pax placeret, Recaredus, exercitus paterni dux, bina in Galliam irruptione, damna late dedit, abvectis spoliis. Continua hæc clades Childebertum Mauritio imperatori conjunxit, ad Longobardos Italia pellendos, ut ejus postea milite in Leovigillum uteretur. Sed, deleta in Italia exercitu, Hispaniam postea invadere non audebat. Svevorum in Gallicia regnum post Patrem Ariomirum Eboricus tenuit. Hoc in monasterium truso, principatum Audicas invasit. Sed Leovigillus Audicam alterumq; tyrannum Molaricum præda abigens, extincto Svevorum nomine & imperio, regnum, quod 174 annos steterat, sibi subdidit. Tantis victoriis cumulatus 18 regni anno diem suum Toleti obiit. (Anno 585.)

Caput VIII.

FLavius Recaredus, quia circa prima regni sui auspicia Arianam hæresin extirpare laborabat, multa sustinuit pericula à proceribus Arianis, qui nunc in caput ejus insidias struxerunt, nunc fontis armis provincias totas concitarunt. Rebellantium capita fuere, Atalocus Sunna & Uldila Episcopi, tum noverca regis Gofvinda, & proceres Granista, Vildegernus, Vitericus, Vacrila, Segga,

ga, pluresq; alii. Hisce vero punitis, aut sublati, ut rebellandi causam tolleret, congregato Toleti 72 Episcoporum concilio, rem cultus & religionis emendavit. Actis publicis ipse subscripsit. Balda item regina, Fonda, Afrila, Achila cum pluribus aliis procerum. Hanc itidem in rem plura alia concilia Narbonæ, Hispali, Cæsar Augustæ, Toleti, Barcinone celebravit; pro qua cura titulus ipsi Christianissimi, Catholici, Orthodoxi, gloriosissimi, piissimiq; a congregatis patribus datus est. Gregorius Magnus Papa, missis legatis, Sibi, regi, & toto Christiano orbi, istam pietatem & religionis propagandæ studium gratulatus est. Priores interim religionis turbæ Francorum reges ad sui vindictam invitabant. Childebertum tamen sibi reconciliavit Recaredus: Gunramus vero Aurelianensis, partem ad Carcasonem victoriam incautius persequens turpiter amisit, cæso Desiderio Duce, deletisque militibus. Hinc ira & malis amens, 60 millia militum, Austrovaldo & Basone ducebus, in ditionem Recaredi effudit. Illi vero inter se discordes, & sine disciplina militari securi, ad Carcasonem in insidias Claudii inciderunt. Solis quippe trecentis militibus pugnam capeffens, inde, velut urgentibus impar, retrocedens, magno impetu insequentibus ad dispositas insidias pertraxit & delevit. Et sunt, qui tam illustrem victoriam solis trecentis Claudii militibus attribuunt. Nec difficile fuisset Recaredo victum Grinturnum ditione sua spoliare: sed satis habuit obstinatum hostem a se repulisse. Badida mortua, Clodovindam, Childeberti sororem, matrimonio sibi copulavit. Filios reliquit Liuvam, Svintilam, & Acheilam: decessit decimo quinto imperii anno, (Anno 599,) princeps pace & bello egregius. Parentis successorem Liuvam 2. regni anno sustulit Videricus, firman-

mandæq; potentia causa, Hermenbergam filiam Theodorico Burgundiorum regi desponsavit. Quam cum postea repudiasset Burgundus, in bellum erupit injuria. Neq; diuturnum Viderico fuit regnum, scelere quæsitum. Tullit id parricidii autor Gundemarus : & cum civium benivolentia administravit. Rebelles is Vascones domuit, feliciaq; ejus contra Romanos arma fata præpropere destituerunt. Sisebuti virtutes & facinora literatorum monumentis ad seram posteritatem celebrantur. Gessere multi alii paria, & forsân majora, posteris tamen ignorantur, quia ingenia & literas non invenerunt, aut non fovērunt, à quibus immortalitatem consequerentur. Prima Sisebuti de Asturibus victoria fuit; de Romanis itidem bis triumphavit, urbes & castella, ad fretum Gaditanum, extorquens. Captivos tamen omnes Catholicæ religionis dimisit, persoluto à Dominis pretio. Convenit inde cum Heraclio Imperatore de pace, ejusq; in gratiam, crudele in Judæos edictum promulgavit, ut baptizarentur; aut decalvati, centumq; flagellis cæsi, Hispania excederent, & bona in fiscum redigerentur. Fuit Heraclius vanitatibus Astrologorum deditus, ab hisq; didicerat imperio suo à gente circumcisa exitium imminere; itaque & ipse multa crudeliter in Judæos perpetravit; & Sisebutum impulit, ut gentem exitiosam regno suo exterminaret. Edicti severitate territi, 90 circiter millia Christianam religionem receperunt. Neque minor eorum numerus, qui ad Dagobertum in Gallia confugerunt. Sed & ibi paulo post Christum agnoscere aut capite luere sunt coacti. Vidit Sisebutus Gothorum magnitudini plurimum officere rei maritimæ imperitiâ; navigandi artem proinde excolere cœpit; trajiciensque in Africam Mauritaniam Tingitanam suæ ditionis fecit. In sacra eorumque

mi-

ministros, jura sibi retinuisse reges Gothorum, ex pluribus scriptorum locis manifestum est. Ita & Sisebutus Eusebium Barcinensem Episcopum, quod Histronibus potestatem fecerat parum pia quædam in theatro exhibere, ab officio removit. Qui si nostri temporis theatra vidisset, scholas nequitiae & turpitudinum? Mortem ipsi attulit medicata potio, immoderate sumpta. Venenum fuisse interpretabatur amor civium, quamvis nullum istius comparuerit indicium. Regnavit annos 8 & 6 menses, breve tempus imperii tam boni: filius ejus Recaredus puerulus & trimestris rex, majorem sui spem, quam documenta civibus exhibere potuit.

Caput IX.

Res in Africa cum Sisebuto præclare gestæ, & grata patris Recaredi memoria, sceptrum Flavio Svintilæ conciliarunt. Inerant ipsi, præter militaris scientiæ commendationem, plures aliæ dotes egregiæ: sollicita regni & justitiæ cura, fides in promissis, magnanimitas, modestia & munificentia. Vascones, Taragonensem provinciam infestantes, in ordinem redegit, & ad expiandam religionis culpam, templum propriis sumptibus ædificare compulit. Tenuerant Romani partem Andalusie & Lusitanie ab Atanagildi tempore, qui eos contra Agilam in Hispaniam induxit, belloque inde sæpius victi, foederibus magis quam viribus suis nitebantur. Sed distracto jam Muhamedanis irruptionibus imperio, reliquias omnes Romani nominis & potentiæ Hispania exterminavit Svintila: junctis regno Cantabris, solus rerum dominus fuit. Felix, si in hoc gloriæ cursu decessisset; aut aliud ipsi periculum fortuna objecisset exerecndæ virtutis. Sed in otio

& de-

& deliciis detrita generositatis fama, uxoris Theodoræ, Sisebuti filiæ, & fratris Agilæ imperiis obnoxius, plurimum odii contraxit: dubitantibus Gothis, isne esset, qui tanta prius virtutis edidisset documenta, indignantibusq; ab alienis arbitris dependere principem. Adjuvit odium destinatus regno filius Rechimirus, adhuc puer. Suffragiorum quippe libertatem tollit, qui de successore agit, ubi electionis iura obtinent. Igitur procerum præcipuus Sisenandus, ut regno eum pelleret, Dagoberti exercitum in Hispaniam traxit. Cui impar Svintila & à suis destitutus, sceptrum Sisenandro tradidit. Mirum certe, animum antea generosum eo vilitatis pervenisse, ut sui dedecoris minister fieret. Promiserat Dagoberto Sisenandus præstiti auxilii præmium, an honorarium, pretioso lapide insculptam ingentem auri pateram, magnificum Aetii donum, ob probatam Romano imperio virtutem Thorismundi contra Attilam in prælio Catalaunico. Hanc cum postea negaret, (traditam alii adfirmant, sed legatis in reditu ademtam) Dagoberti indignationem provocavit: quæ ne ad arma prorumperet, argenti summa satisfecit. Seculo inde & moribus emendandis concilium Toleti 69 Episcoporum coëgit. Multa in hoc concilio ad regni securitatem stabilita. Suffragiorum jus & libertas contra regni invasores adsertum: capitis causæ ab unius Regis arbitrio, ad iudicum sententiam revocatæ: Onerum vacatio sacerdotibus concessa. Svintila cum uxore & fratre tyrannus declaratus. (Anno 641.) Post Sisenandum Flavius Chistila triennium, & Fulga biennium regnarunt, ambo principes egregii & pacis artibus conspicui. Multa in prioribus conciliis de libera regum electione provisæ fuerunt; Flavius tamen armis se regem fecit. Sed vi quæsitam provinciam bonis postea artibus exercuit. Septimo

ptimo regni anno Flavius Refesvindum (Sven Rik) omnium consensu in imperium cooptavit, publicisque in eum translatis curis, quod superfuit ætatis, sibi vixit. Refesvindus vero ut imperii molem facilius sustineret, habitis Toleti comitiis, procerum & Episcoporum arbitrio multa bonis moribus sustulit. Vascones tumultuantes repressit. Circa hæc tempora Abdala Muhamedanus Africam misere vastavit : Gothis tamen Mauritanie Tingitanæ possessio remansit. Regnavit Refesvindus 22 annos. (Anno 672.)

Caput X.

Regnum oblatum cum pertinacius recusaret Vamba, procerum quidam, intentato pectori mucrone; Superbia, inquit, non modestia est, quod susfragia nostra differs: Si adhuc cunctaberis, impresso visceribus ferro contumaciam lues; ne jactare possis, Gothicum te sceptrum contempsisse. Primum illi negotium cum Vasconibus fuit: Et horum exemplo Ildericus Gallie Narbonensis præfectus, plecta nobilitate, rebellavit. Vixit in aula Paulus quidam graciosus, græcæ originis & fidei, sed qui materno genere reges Gothorum continebat. Huic æmulorum studia belli istius præfecturam conciliarunt: quo ab aula remotum facilius subverterent. Sed ille exercitus robore cinctum se videns, res novas moliri cœpit, rebellibusque, quos punitum ibat, se adsociavit. Conciliatisque Ranosvindo Tarraconensium Duce, & Hildegisto Gardingo, Barcinonem Gerundum & Ausam in Hispania occupavit; transitisque Pyrenæis, Narbona potitus, multitudinem ad concionem vocavit: Vambræque ignaviam & ineptum imperio ingenium insectatus, alium

alium eligendum svasit, qui animi vigore & alacritate, regiae dignitati par esset. Acclamatum statim a Rano-
svindo, ceterisque factionis fociis, non alium regno di-
gniores Paulo esse. Cui cum Ranoſvindus & Hildericus
jurassent, eorum auctoritatem secuta Gallia Gothica &
Provincia Tarraconensis, regem accepit. Paulus, du-
plicato satellitio, coronaq; capiti imposita, delectus mi-
litum instituit; Templis opes & thesauros in belli usus
abstulit, facta spe restitutionis, rebus melius compositis.
Vambæ inde superbe minatus est, si regno, cui non suf-
ficeret, renunciare cunctaretur. Justo dolore commotus
Vamba, educto pro concione gladio : invitus, inquit, &
„ cogentibus vobis regiam dignitatem recepi. Hanc
„ virtus vestra & hic gladius violatam vindicabit. Neq;
„ Deus siverit Paulum impune nobis insultavisse; vel ul-
„ timo meo periculo de proditore pœnas exigam, qui
„ commissum sibi exercitum in regem pariter & regnum
„ convertit. Nam si tantum scelus inultum foret, actum
„ est de regni nostri securitate, pluribus perfidiæ exem-
„ plo peccaturis. In celeritate spes omnis remedii sita
„ est : Si cunctabimur, coalescentibus conjurationis viri-
„ bus, impares erimus. Quomodo bellum administran-
„ dum sit, perpendite. Ut dux vel miles primum me pe-
„ riculis offeram, ad asserendum regnum, quod vestro
„ sudore & sanguine parastis. Ervigius ingenio prom-
„ tus, & multæ apud regem auctoritatis, bellum per duces
administrandum censuit, ut in tuto rex esset, ex cujus
securitate omnium salus dependeret. Amisso duce alium
posse substitui : regum casus regno semper funestos esse.
Ad perduellionis istius globum, multis discordiis brevi
dispargendum, mediocris Ducis industriam sufficere, regis
præsentiam gloriosiori certamini reservandam. Hæc in
Speciem

Speciem sollicitudinis pro rege. Vandimirus autem tempori magis consentanea consuluit. Minora nempe bella Ducibus delegari posse : ubi regni salus vertitur, principem interesse debere ; cujus præsentia militi animos inspiret, & defectionis cohibeat audaciam : Neq̃ salubriter consulta, bonasque occasiones, mandatorum mora corrumpi, cum regis prætorium in castris fulget. Ducibus vero quantum insit fidei, ex Paulo jam documenta capiunt. Si aulæ delitias respiciat Rex, ubi corona ejus in periculum vocatur, justam rebellium fore exprobrationem : sin vero in hosticum profiliat, libenter secuturos omnes. In hanc sententiam consentientibus omnibus, tanta celeritate bellum confecit, ut intra septimum diem Vascones, gentem ferocem & inquietam, domuerit. Inde incredibili celeritate per Catagurim & Oscam in Catalonia fines pervenit : divisisque trifariam copiis, pars Castrolymbium Ceretanorum caput tenere iussa, alii in Ausetanos missi ; ceteri maris littus sequebantur. Rex ipse valido agmine præcedentium vestigia preffit, militaremque lasciviam tam severe punivit, ut nonnullis stupri accusatis virilitatem adimi præceperit. Barcinone dedita, rebellionis capita supplicio adfecit. Gerundam Episcopus Amadorus ipsi aperuit. Hoc progressu turbatus Paulus Ranolvindum & Hildegislum Pyrenæorum claustris ; Vitimirum vero Sardinia imposuit ; ipse vicinorum auxilia sollicitavit. Neq̃ minus tempori intentus Vamba, expugnatis in Pyrenæis Caucolibri, Vultuaria, Libyta & Causura, Ranolvindum & Hildegislum cepit. Vitimirus rebus suis desperans, Sardinia Narbonam profugit : cui mox à Paulo præfectus, securitatis gratia Nemansum concedente. Sed adveniens mox Vamba, Narbonam vi cepit, Vitimiro Archebando & Galicia ad aras

confugientibus. Eodem impetu Magalona, Agata, & Beteris in ditionem redactæ. Nemansum, à Vandemiro & 4 aliis præfectis obsessum, strenue se defendebat, muris tandem perruptis, portisque succensis, cum irruentibus resistere nequirent obsessi, in vetus præsidium, pridem à Gothis contra Romanos excitatum, se receperunt: non sine multa cæde, ob sparsum prodicionis rumorem. Paulus, regiis insignibus depositis, ne agnosceretur, forte suo etiam judicio ipsis indignus, munito Theatro se cum suis inclusit, mori certus, aut honesta conditione deditionem facturus. Ejus exemplo ceteri, occupato urbis angulo, se defendebant. Duces igitur, rei gestæ gloriam regi cessuri, Vambam advocant. Visi autem Archebandum Episcopum ad regem supplicatum miserunt; qui quarto ab urbe lapide, in pontificalibus ornamentis, pedibus regis advolutus, victoris clementiam imploravit. Rex severa mansuetudine supplici & multitudini ignovit; reservata sibi sententia in rebellionis duces. Mox triumphantium more urbem ingressus, ingentem victis consternationem incussit. Theatro dedito, Paulus, Hildericus & Episcopus Gunildus cum 20 aliis rebellionis capitibus in potestatem venerunt. Paulus per capillum à militibus in regis conspectum tractus, solutum cingulum collo manibus suis circumdedit, ceteris perduellibus in terram prostratis. Tercio post die, carcere extracti, cum nihil in sui defensionem dicere possent, morti ignominiosæ adjudicati sunt: mitigata tamen sententia, carceri perpetuo mancipati fuerunt. Restauratis urbis mœnibus, destinata Paulo, Chilperici Francorum regis auxilia, quæ ductabat Lupus, dissipavit; finibusque præsidio firmatis & ejectis Judæis, quos Hildericus introduxerat, exercitum pro concione laudatum donatumque dimisit: Sexto
que

que mense Toletum rursus triumphans ingressus est. Præcedebat Rex proditorum Paulus, coriaceam capite gestans coronam. Ceteri mento & capite rasi, pedibusque nudi, carris vehebantur; adplaudente milite & ad spectandum effusa multitudo civium. Toletum novis ampliioribusque muris cinxit, statuasque suas Portarum fastigiis imposuit. Saracenos Africæ jam dominos, & ducentarum 70 navium piratica mare infestantes, navali prælio ad fretum Gaditanum, superavit. Credidere plerique ab Ervigio sollicitatos Barbaros, quod fastigio regio imminens, turbari rerum statum cuperet. Et confirmavit suspicionem propinata regi leturgica potio: qua corruens cum nullum vivi signum exhiberet, tonsum monachali tunica involverunt, quo expeditior ad beatas sedes commigraret. Evigilans inde, sed veneni vi ablata mente, Ervigio regnum cessit. Quam fraudis necessitatem cum convalescens mutare non posset, voluntariam fecit, præcipue cum sine civium sanguine Ervigium removeri non posse perspiceret. Vixit postea in Monasterio Pampigeni septem annos privatus.

Caput XI.

INtellexit Ervigius versutiam suam in adipiscendo regno multis displicere. Itaque, ut favorem civium lucraretur, plebis onera imminuit. Vambæ etiam edictum sustulit, quod infamiam illis irrogabat, qui ad militiam vocati, cum servis & clientibus non comparerent: quo onere Episcopi & nobiles gravabantur; servorum itidem licentiam, qui ad palatina officia & nobilium matrimonia irrepebant, coercuit. Cavet etiam, ne quis reginas viduas sibi copularet in prioris mariti contemptum. Flavium

gicam, sobrinum Vambæ, nepotem Chindasvindi, generum & successorem sibi legit, collocata ipsi filia sua Cixilona; juramento tamen prius adstrictum, viduæ liberisque regiis nullam injuriam irrogari passurum. Servavit promissum Egica quamdiu vixit Ervigius; sed, eo mortuo, uxorem Cixilonam statim repudiavit, odio soceri, tametsi filium Vitizam ex ea sustulisset. Oblivisci enim non potuit perfidiæ ejus in Avunculum; neque beneficium putavit sceptri cessionem, suorum securitati comparatam. Ervigio familiaris multum fuerat Sisebertus Archiepiscopus Toletanus, qui vasto animo immoderata cupiens, in caput regis, cujus beneficio creverat, conjuravit; Francorumq; arma sollicitavit. Illis tamen compositis, Siseberto sacris & bonis interdictum fuit. Fama tenuit, Judæos, qui Hispaniam incolebant, cum Africanis in perniciem Christianorum conjurasse. Regis proinde jussu in servitutem redacti huc illuc per provincias dispergebantur; liberique ipsorum Catholicis erudiendi tradebantur. Ne filii successio dubio suffragiorum favori committeretur, Vitizam regni collegam declaratum Galliæ præfecit. Regnavit 13 annis, princeps inter optimos & Hispanicis scriptoribus celebratus: ut crudelem insectatur Johannes Magnus: sed nullo ejus merito. Filius vero ejus Vitiza laudabilia initia regni lascivia mox sua corruptit. Veneris enim illecebris irretitus, liberum omnibus fecit, quotquot vellent, pellices habere. Clericis etiam matrimonia, aut si mallent, concubinarum commercia indulgit. Jubente Constantino Papa, ut legem abrogaret, an Alarici meminissent Romani, sciscitabatur? Brevi se effecturum, ut obsoletæ memoriæ characteres in superbæ urbis cineribus renovarentur. Mortis etiam pœna prohibuit, ne quis Romano Pontifici obedientiam præstaret; pluraque
alia

alia perpetravit, quæ quia melioribus displicere sciebat, ne in rebellionem animorum ægritudo erumperet, urbes plerasque mœnibus nudavit; arma etiam civibus ademitt. Præcipue autem sibi timebat à Theudefrido & Favila, Charidafundi filiis, tribus Resefvindi, ne regii sanguinis memores vitam privatam ægæ ferrent. Itaque Favilam, præfectum prætorii, & sibi fidissimum interfici curavit, ut uxore ejus frueretur, filiumque Pelagium interciperet. Theudefridum vero, declinandæ invidiæ causâ, solitariam Cordubæ vitam agentem, utroque orbavit lumine. Sed elapsus filius ejus ex Recilona Rodericus, Romanorum auxiliis, tum & cognatorum amicorumque ope, Vitizam cepit, & in ultionem paternæ contumeliæ, ambos ipsi oculos eruit.

Caput XII.

Quod priorum regum virtute in Hispania firmum hæctenus steterat Gothorum regnum, Rodericus temeritate sua & libidine evertit. Vitizæ filios Ebben & Sifebutum, ne regno imminerent, in exilium eiecit. Illi communicato cum Oppa, Toletano Episcopo, Patruo suo consilio, ad Comitem Rechilam in Africam abiverunt. Præerat tunc Mauritaniæ Tingitanæ Julianus comes Spatariorum (sic regii corporis custodes dicebantur) familiaris & consanguineus Vitizæ, vir magno ingenio, sed turbido & ambitioso, qui, Moderici causâ, legationem in Africa apud Miramamolim tunc obibat. Ejus filia Florinda, electæ pulcritudinis puella, more gentis, in aula reginæ educabatur. In hanc exardens Rodericus, cum blanditiis pellicere non posset, vi stupravit. Pater, dissimulata ira & vindictæ cupiditate, in Hispaniam re-
ver-

vertit : obsequiisque regem ita demeruit, ut secretorum omnium arbitrum ageret. In hoc potentiae fastigio constitutus, ultionis telam sic exorsus est, ut homines ineptos & ignavos ad majora munera promoveret. Vitizæ filios, quo prodicionem cum tempore adjuvarent, Regi conciliavit. Francos, ut Galliam Narbonensem infestarent, instigavit, quo, converto illuc exercitus robore, nudum relinqueretur alterum latus, per quod Hispaniam aggredi cogitabat. Impetrata sic venia in præfecturam suam discedendi, filiam Florindam, matris ægrotantis desiderium simulans, aula extraxit. In hoc itinere conjurationis fociis confirmatis, comitem Rechilam, majoris fortunæ spe sibi adjunxit. Inter hæc vetustum Toleti Palatium, cui regni fata inclusa ferebat fama, contra sapientiorum monita aperuit Rodericus; & pro speratis thesauris, depictos Arabum vultus in linteis aræ inclusis reperit, cum hac inscriptione : *Ab his exitium Hispania Julianus, in Africam reversus, auxilia à Muza, Saracenorum præfecto, petiit.* Ille re ad Imperatorem Flit-Miramamolim delata, 100 equites cum quadringentis peditibus dedit, majoris fidei caula retento comite Rechila. Mercatorum navibus in Hispaniam delati Arabes, cum, vastata ora maritima, multa in Africam spolia remisissent, de Juliani fide amplius non dubitans Miramamolimus, 12 armatorum millia, Tarifa duce, misit, sibi in posterum pugnatura. Histurbatus Rodericus, sobrinum suum Juningum, in aulæ delitiis educatum, exercitui tironum in hostem ducendo præposuit. Sed exercitu velitationibus attrito, & prælio tandem cæso, Duceque interfecto, Boeticam & Lusitaniam misere vastarunt Arabes. Quo successu lætus Miramamolimus, novum militum supplementum submisit. Igitur de rerum summa decer-

decernendum videns Rodericus, omnem bello aptam ætatem excivit; exercituque 100 millium in hostem tendit. Vectabatur curru eburneo Rodericus, quem 6 candidissimi equi trahebant, serico, auro & gemmis muliebriter cultus. Dexterum & sinistrum cornu Ebbe & Sisebutus, Vitzæ filii, ductantes, in medio prælii fervore, ad hostem defecerunt. Fecit idem Oppas Episcopus, agmineque suo in apertum regii exercitus latus investus, Tarisæ victoriam peperit. Rodericus, consenso equo, cum residuis prælium acerrime restaurabat; multitudine tamen circumfusus, victoriam pariter & vitam perdidit. (Anno 714) Ceciderintne in pugna, vel in vicino amne submersus interierit, incertum est. Cæsorū numerus, qui a victore semper initur, juxta fuit incertus. Tarisæ, Juliani tvasu, divisas copias per Hispaniam diffudit. Ab his ad Astigiam cæsi sunt, qui cladi superstites defensionem audebant. Capteque Corduba, Malaca, Granata, & Murcia. Tarisæ, cum exercitus robore Toletum petens, urbem, prodentibus Judæis, cepit. Inde in Asturiam movens, Leonem & Astorgam expugnavit, perspectisque montium asperitatibus, Toletum retrocessit. Hæc victoriæ fama, Africam percurrrens, Muzam gloriæ æmulatione stimulavit. Sumta igitur & ipse in Hispaniam expeditione, Medinam, Sidoniam, Carmonam, Pacem Julium, Hispalim & Emeritam, Filius vero ejus Abdalasfis, magni animi juvenis, Valentia urbes & loca munita, in potestatem redegit. Sed cum nec adhuc Tarisæ gloriam æquare posset, invidia & æmulatione ager Toletum petiit, & haud dissimulato dolore, rationem rerum gestarum prædæque ab Tarisæ exposcebat. Ille gratiam ejus apud Miramamolim veritus, dissimulata ira, temporit cessit. Quoque melius dolorem utrinque fraudarent, jun-

Etis viribus Cæsaream Augustani expugnarunt; Celtiberisque & Carpentanis domitis, universam sibi Hispaniam subjecerunt, non integro triennio evoluto ab primo ingressu. Miramamolimus, intellecta ducum æmulatione, utrumque in Africam evocavit. Et Muza quidem magna pecuniæ summa mulctatus, quod Tarifæ satisfacere non posset, animi ægritudine confectus decessit. Comes Julianus, Rechila, Ebbe & Sisebutus, qui patriam Mauris prodiderant, perfidiam inultam non tulerunt, ab ipsis Barbaris misera morte mulctati. Abdaleffus, Hispaniæ præfectus, captivam Egilonam, Roderici conjugem, in conspectum suum Hispali venire jussit: & formæ ejus excellentie captus, amoris blanditiis tentavit. Illa, recrudescente dolore, lacrimans: „Ad tuos, inquit, pedes cap-
 „tivam & servam, ex regiæ dignitatis fastigio, desecit
 „fortuna. Quid in me velis, victoris arbitrium est: non
 „tamen patietur generosus tuus animus captivo corpori
 „illudi. Utcunque capite meo regia corona ceciderit,
 „sanguis tamen regius & animus remanet. Magnæ tibi
 „gloriæ est, maritum meum, regem Rodericum vicisse: sed scedabis victoriam, si libidine eam exercebis. Cor-
 „pori quidem maculam & ignominiam imprimere potes,
 „non animo: quam sanguine meo mox eluam, cum non
 „possim tuo. Ille generosa foemina constantia motus, promissâ Catholicæ religionis libertate, uxorem eam accepit, ejusque svasu, temporibus mox diadema & Coronam circumdedit. Hoc solum infelicitati & dedecori Roderici defuit, ut Barbarum & hostem propria conjunx regem faceret. O! theatrum mundi, quæ unquam figurari potest Tragedia, quam in te non representent temporum necessitudines! Trecentos ultra annos steterat Gothorum regnum, & jam biennium sufficit ad illud destru-
 en-

endum. Ultimus Gothorum in Hispania rex fuit Rodericus. Licet enim Pelagius Favilæ filius, ex regio Gothorum sanguine descendens, novum in montibus regnum condiderit; Gothici tamen regni periit nomen: &, qui sequebantur, Castellæ, Legionis & Hispaniæ se reges dixerunt, licet ex inclita Balthorum familia ortum traxerint, quæ tantæ in Scandia vetustatis est, ut ejus ignoretur origo. Horum seriem ab Recaredo ad Philippum usque ætatum, non interrupto ordine, per 1030 annos historiæ celebrant Hispanorum. Quas calamitates exhauserit, quæ crudelia fata pertulerit Hispania; Mauris & Arabibus per octo secula inibi grassantibus, multorum eloquens deflevit facundia: tantique mali labem regum populiq; adscripsit flagitiis. Igitur, cum injustitia & alia item scelera, imperia etiam florentissima evertit: tantum optandum est, ut rerum potentibus ea semper adsit cautio, ne imperio dissoluto, justam in se suosque Numinis provocent indignationem, quod regnorum fortunam, pro cuiusque meritis, adtemperat.

FINIS.



Ad

VERELIANAM

HISTOR. SVIO-G. EPITOMEN.

Typis Anno M. DCC. XXX impressam, i

HYPOMNEMATA,

Ex plurimis paucula, non circa
 typothetica; Sed tam exstantiores aliquot alterius
 Codicis Msc. discrepantias, quam nonnullas
 Historicas observatiunculas strictim ex-
 hibentia.

M Sc. habet: quorum numero sunt tameter / la-
 res &c.

1. 16. Msc. legit: conventu *Upsala* frequentabatur.

P. 17. 1. Msc. legit *Ulmerugos*, pro *Ulmegavos*, & quidem
 11. & 21. rectè; nam ut *Ulmegavi* geographis sunt vel igno-
 ti vel perperam nominati; ita *Ulmerugi*, quasi *Hol-
 merugi*, quod insulas incolebant, passim memoran-
 tur.

P. 18. 1. 15. & passim in sequentibus Msc. legit pro *Carelas*,
 nomine apud alios vix obvio, *Curetes*, qui à *Care-
 lis* vel *Careliis* longè alii fuerunt.

P. 21. 1. Msc. pro *Holbrosum* rectè legit *Holbbrothum*, quod
 3. 5. alii nostrates faciunt.

P. 23. 1. Pro *Zetrah* legit *Leitrah*, idque rectè; sic enim di-
 12. eta fuit antiquissima Regum Danicæ sedes, à qua *Le-
 threnses* olim appellabantur reges Danicæ.

Msc.

Msc. bene legit: *hostibusque triumphatis*; nam de-
esse vocem quilibet viderit. P. 14. l. 8.

Msc. pro *libertate* habet *regia liberalitate*; incita-
tus, sc. dono armillarum aurearum. P. 25. l. 19.

Msc. pro *addicto* simplicius legit *additoque*. P. 34. l. 1.

Nomina feminarum, *Gerda*, *Dviva* & *Aula*, alii-
ter Msc. & Loccenius aliique scribunt, sc. *Gerda*,
Dviva & *Aula*. P. 35. l. 7, 14, 17.

Msc. pro *placidarum* habet *placidas expotes*; se-
des, sc. in campis Elysiis, quos maiores nostri sub
gentilismo sibi pollicebantur in *Walball* aut *Grimle*.
vid. Edda. P. 38. l. 2.

Alius, quam heic traditur, & procul dubio cer-
tus Regum Svio-Gothar seculo nono viventium, P. 45.

ordo est, quem adduxit & vindicavit Nobilissimus
Cl. *Oernbielmus Hist. Eccl. libr. 2. cap. 26* ubi pro-
bat, *Biornonem* regnasse ab anno 780 ad an. 840.
Hunc excepisse, sed sub intestinis bellis, adeoque in-
certis annorum epochis, *Sivaridum* fra-
Anundum fratrem ejus in *Anundabrat*, Nericæ lo-
co cæsum, *Ingeldum* *Ilrada* & denique hujus filium
Olavum *Trætela* seu arborum cæso-rem, qui vivendo
seculi hujus finem attigerit, si non superaverit. Pa-
riter certum, eodem *Oernbielmio* indice & vindice,
catalogum habemus Regum Svio-G. seculi decimi.
Quo *Ingo Olavi dicti* filius regnavit in annum usque
948.

Cujus filius *Emundus*, sub ultimis patris an-
his regno admotus, sed ob fines regnorum, inoon-
fultis civibus, versus Daniæ definitos, & impe-
rio excidit & sibi cognomen *Slene* i. e. turpis seu
iniali peperit. Itaque Patri *Ingoni*, anno 948 defun-
cto, surrogatus fuit filiorum alter *Ericus*, etiam

Daniæ dominus. Quia autem hic *Ericus*, à superstitionis lustralis aquæ adspersione *Stenkil*, ab ubertate annonæ *Aarsell* & a felicitate armorum *Sigursell*, nuncupatus fuit; Hinc VERELIO nostro, uti *Joanni Magni*, *Joan. Messenio* &c. natus error ex uno *Erico* duos faciendi, cum tamen inter *Ingonem* & *Olavum Skotkonung*, non nisi unus *Ericus*, illius filius & hujus pater, regnavisse traditur. Quod ad pag. auctoris 49 & 50, probe tenendum est.

P. 46. l. Inter *ansognia* dudum rejecta est absurda recentiorum apud nos monachorum traditio de *Herberto* à Carolo M. emisso, primo O-Gothiæ Episcopo & Cathedralis Lincop. templi conditor. Quis n. crederet, adeo magnificam tanti templi structuram, plusquam ducentis annis ante acceptam à Svo-Gothis Christianam religionem, apud gentem Idololatricam, à peregrino & egeno monacho esse fundatam, minus exstructam? Certe non probabile est, O-Gothos, gentem constantiæ laude inclytam, facilius, quam vicinos septentrionis populos, ab avitâ religione resiliivisse. Vid. omnino D. *Ericus Ex. Benzeli*, nunc *Episc. Gothoburg.* in *Prolegomen. ad Monum. Hist. Eccl.* à p. 34 ad 44 hanc traditionem mole rationum conculcans. Quod ad rei hujus veritatem attinet, dubio omni caret 1 Cathedralis seu sedem Episcopalem Lincopiæ primam constitutam, sub *Ingone*, inter Christianos Svo-G. Reges ejus nominis *prima* seu *seniore*, circa ann. Christi 1080 & tunc primum Lincopiæ Episcopum fuisse quendam *Herbertum* seu *Herbrictum*, cathedrali templo non dum fundato. 2 Fundamenta templi Cathedralis jacta esse architectonica, sub Rege *Sven*

obero, natione O-Gotho, inter ann. 1130 & 1150. Nam qui templum hoc statuit tantummodo fundatum, nisi à potentissimo & magnificentissimo Rege, totius gentis, adeoque prius ad Christum conversæ, opibus suffulto, is templum Lincopienſe Cathedrale aut nunquam vidit aut non considerat, quantæ molis & impense fuerit vel centesimam illius partem ædificare.

Misc. pro *Odmar*ten habet *Odmoden*, &c. l. p. 10. l. 22. lege *Stenkil* (Erich) filius *Olavus* &c.

Pro *Annosum* lege *Jacobum*, sic n. in baptismo dictus fuit hic *Olavi Skotk.* filius, fratre suo successore minor natu, sed ex legitimo conjugio. Huic, post mortem Patris ann. 1016, rerum potito ad ann. 1051. successit frater natu grandior, sed ex impari matrimonio, *Emundus*, perperam *Slemme* dictus; (is enim vixerat seculo superiori, ut dictum est) rectè verò ab ætate *annosus*; & regnavit 10 annos ad annum 1061. *Emundo* autem.

Successit *Stenkil*us, *Olavi Skotk.* gener vel sororius; Huic autem ejus gener *Haquinus Rufus*, *Ingemundi* filius, 1067 ad an. 1080; quo illum excepit suus affinis, *Stenkil* filius *Ingo* ab anno 1081 ad an. 1097. Quando surrogatus fuit *Philippus* Halstani, *pingo* regis, filius, ad ann. 1107; atque post hunc frater suus, *Ingo Junior*, regnavit in ann. 1129. Successoremque fuit nactus filium, *Ragvaldum Knappbafde*, cæsum à Danis in W-Gothia anno 1132. Atque hæc est certissima Regum seculi undecimi Chronologia.

Erius Rex, *Sanctus* dictus, nequaquam fuit agricola vel rustici; sed Dn. *Jedvardi Bonde*s, Regni senatoris, & *Cællie*, filie *Svenonis* Victi-

ma-

- mariti, filius; & denique Regis *Ingeus Junioris* gener; nam conjugem habuit *Christinam*, quæ *Inge* ex *Ragnvalde* genita fuit. *Christinæ* quoque filius fuit *Helfringi* cum ceteris *Norlandis*, ductore *Falene Bure*, *bin aldre*, s. *seniore*; qui in hoc prælio, anni 1161, victor cecidit.
1. 19. 27 *Stephanus*, monachus *Alvastrensis*, ord. *Benedictini*, anno 1163 ab *Eschillo* Lundensi Archi-Ep. præsentem Papam, consecratus est in urbe *Senonis*, quæ in *Galliâ* est *sens* dicta.
4. 16. 2. Fanum idololatricum *Upsaliense* non stitisse, ubi nunc est urbs *Upsalia* & ejus *basilica*; sed in veteri *Upsaliâ*, quæ nunc *ruralis* est; illud, post accuratissimas doctorum de eâ re disceptationes, extra omnem controversiam firmissimè collocavit b. m. *Joannes Peringschiöldius*, passim in monumentis suis; præcipuè *Uplandicæ* sect. 1. cap. 11. p. 160 seq. & *Ulleraker* sect. 11. cap. 11. pag. 4. sequ.
- P. 39. 1. 2. *Esthones* à voce Gothica *Oester* dictæ fuere gentes, loca, quæ ortum à nobis, transmarina incolentes, ut *Fennones*, *Carelîi*, *Livones*, olim *Letti*, *Curates* &c.
1. 14. *Svercherus Rex*, in *Helgaraus W-Gothiæ*, olim *curiâ* i. e. aulâ, *regiâ*, anno 1205 omnes antecessoris sui, Regis *Canuti*, filios trucidari fecit, excepto natu minimo *Erico*, quem *Falo Bure bin Unge*, senioris nepos, lanienæ subduxit &, post aliquot annos, *Norlandorum* ac *Norvegorum* auxiliis stipatus, in regnum ac thronum avitum restituit. Atque ad hoc *duos Falones*, seniore & juniore, acerrimos regii sanguinis vindices, antiquissimum suum genus, si non ultra, continuata generationum serie, de-

deducit univēsa *Gens Burea*, adeoque illustrissima *Burensköldiorum* familia.

Erico Canuti, d. 10 April an. 1216 mortuo, sur-^{l. 28, 29.}
rogatus fuit *Joannes Svercheri filius*, perperam *Pu-*
er dictus; Electus n. est 1217 & coronatus 1219, obiit
d. 11. Mart. 1222.

Cum *Carolus Magni*, Episc. Lincop. & qui cum ^{P. 60. l. 4.}
eo fuerant trans mare Balthicum profecti milita-
tum adversus gentes, sint ab Esthonibus, de qui-
bus modo diximus, trucidati in patriam reduces
seu reversi; frustranea profecto fuit nonnullorum
cura de inveniēdo cædis eorum loco in Esthoniâ,
Livoniâ Vikkiâve trans mare. In hac nostrâ Go-
thiâ ab irruentibus barbaris hæc cædes facta est.
Unde *Joan. Loccenius* in *hisor.* scribit, *hostes in Go-*
thicam effusos, trucidasse duos Carolos. Episcopum
& ducem aliosque, non procul Lincopiâ in Rotalum.
Sed quid hoc nominis est? ubi *Rotalum* in viciniâ
Lincopiæ? nisi valde fallimur, *Rokella* est, prædi-
um nunc equestre *Lagerfeldiorum*, non integro
milliari Lincopiâ ad austrum distans. *Balsbasar*
Rossvius in descriptione Livoniæ habet *Rokel*, alii
Rotalum, vel *Rokalum*, vel *Rotel*; sed incertissimi,
ut de situ loci, ita de ejus nomine.

Licet plerique tradant decretoriam hanc pu-^{P. 61. l. 1.}
gnam initam fuisse in *Uplandia*; non desunt tamen,
qui illam retulerunt ad *W-Gothiæ Sparsetra*, au-
lam hodieque equestrem sub montem Billingen,
quod *Ericus Rex* Gothicis & Danicis copiis instru-
ctus accederet. Vid. *D. Erici Benzeli* annotat: ad
Västov. pag. 60.

Quam præter & contra omnem Chronologiam ^{P. 63. l. 6.}

M m

fit,

7.

fit, *Colonem* aliquem, *Birgero jarl Juniori* coætaneum, fuisse Episcopum Lincop, evidenter ostendit D. Ericus Benzelius; in suis ad monumenta Hist. Eccl. notis p. 248. seq.

- P. 65. Ad calcem, pro *Rumbis* Msc. habet Philip till Runchy, quod procul dubio rectius est.
- P. 67. l. 6. *Magno Birgeri Ladulås* tribuitur hic Rhythmus: *Bonde, set knapp för lada och stall, Jag vill tig värda för öwerwald.* Obiit Rex in Wilingtæ d. 18 Dec. 1290.
- P. 69. l. 1. Msc. ita legit; conscripto, *Rex Danie Ericus* Ny-copiam obsedit.
- P. 70. Non *Finnis*, sed *Finnvedis*, Smolandicæ genti, hanc rebellionem alii rectius forte tribuunt. Et tamen vetus Chronologus in *Monimentis Benzeliæ* p. 91, ad an. 1318, inter vindices mortis Ducum, à fratre R. Birgero fame enectorum, recenset *Domnum Burgonem* (aliis Buggonem) *Smalandiæ Regem*.
- P. 76. Msc. aliter &, procul dubio recte, ita habet: *In quibus* (Gothlandiæ & Oelandiæ) *arcibus dirutis diruptisque opibus* &c.
- P. 77. l. 7. Cum in Catalogo Episcoporum Aböens. Hunningus non occurrat; omnino cum Msc. legendum est: *Hemmingi*, qui natione Uplandus, in *Belingæ* natus, ab anno 1341 ad d. 22 Maji, 1367, Episcopus Aboensis, post mortem in censum Divorum relatus fuit, & quidem anno 1317.
- P. 108. Inter voces *promissis superasset* Msc. medium ponit nomen *Christierui*, quod etiam lectioni lucem adfert.
- P. 115. l. 9. Pro *Jufone* legit Msc. *Iussonem* i. e. Joannem Erik-

nikson; nam Jans, Jasse, Johan & Hans idem cum Joanne esse nominis, pueris notum est.

Msc. habet ante nomen Germaniæ monosyllabam præposit. è, quæ & heic requiritur.

Omnino ad Msc. legendum est à Gustavo regi, p. 118. sc. in præsentī infini. pass.

Abest præpositio cum, quæ Teclenburgo est p. 121. præmittenda; illam Msc. etiam habet.

Ab initio & quidem ante *compositum* Msc. habet vocem bellum.

Ita legitur in Msc. & procul dubio rectius: fretum Oeresund repetentes.

Legendum est, non uteri, sed, elisa litera e, utri, sc. Stenoni, parcere præcepisset rex.

Msc. de pluribus loquens habet: Transylvania Principes, Steph. Bathoris nepotes.

Msc. legit: denique in polonia semper &c, quæ lectio sine dubio est recipienda.

Ceterum, quia ulterius, quam ad p. 160 historiæ hujus, typis impressæ, mihi non licuit perlegendo progredi; heic subsisto. In commemoratione rerum, ad nos propiorum, omnia plana sunt; & si quando quædam obscurius perscripta occurrerint, illa non auctori, sed exscriptorum calamo, imputari æquitas jubet. Sicut levissima hæc, festino oculo obvia, nequaquam ideo adducta sunt; ut vel auctor emendetur corrigaturque, vel lector erudiatur; Sed saltem ut huic, ubi aqua ei hæserit, innoxio conatu subveniat.





INDEX

Rerum maxime notabilium.

A.



Academia Upsal. exstructa p. 94.

Albertus Mechelburgensis a suecis quibusdam proceribus in sueciam introducit p. 76. res ejus gestas vid. ib. & seqq.

Archi Episcopalis sedes constituitur Ups. 58.

Attila devictis Danis canem Raccam imponit p. 21. Regnum Daniæ cuidam *Ensb*/ ob viri ingenium, dat p. 22. Teutones debellat 23.

Attilus (*Attila*) Daniæ sibi subiecit, p. 26. a percussoribus, quos ei immisit *Vermundus* Danus, interimitur.

B.

Bericus Ulmerugos domat p. 17.

Birca Metropolis regni p. 46.

Birgerus Jarl O Gothiæ Dux, fidus in Regem *Ericum Blæsum* p. 60. Tavaastos vicit p. 62. Leges dispersas in unum corpus collegit, ib. *Folkungos* delevit 63.

Birgerus Rex fratres Magnum & *Ericum* odio persequitur 68. captus cum uxore in aula *Hätunensi* includitur 69. vid. totam ejus vitam pagg. seqq.

Blanca, Magni *Smefs* uxor, pessima mulier p. 75.

Botvildis imperium infelix p. 27.

Brigitta sanctæ vita describitur p. 73.

C. Ca-

Caroli, Botvildi successoris, lex de comburenda ejus
 æde, qui ter hospitem tecto arcuisse convinceretur
 p. 27. *Tordonem* Generum hostem manu sua interfici-
 cit ib.

Canutus R. D. falso narratur fuisse R. Sveciæ p. 13.

Carolus Canuti, præfectus regni 86. Contra Ericum Po-
 mer. arma sumit ib. Finlandiam & Olandiam in mer-
 cedem, ob merita sua in patriam, accepit p. 87. Rex
 creatur p. 89. Bellum cum Christierno D. R. ib. Rex
 Norv. constituitur p. 90. Fugit Gedanum ib. Revoca-
 tur p. 91. Expellitur, sed tertium in solium collocatur
 p. 92. Obiit Holmiæ p. 93.

Carolus Gustavi i. filius, Dux Suderm., Gubernator Regni
 constituitur 162 sq. In periculo vitæ versatur tempore
 coronationis Sigismundi 165 sq. Rex sueciæ creatus 178
 Bellum in Livonia gerit 181 sq. Rempubl. egregie in
 multis ordinavit 181 sqq. Bellum ejus cum Danis 185.
 Obiit 187. Conjuges & liberi ib.

Christophorus Bavarus R. S. constituitur p. 88. Ex provin-
 cialibus Legibus unum quoddam juris corpus compi-
 lare fecit ib. fuit flagitiis coopertus Rex ib. Sub eo pe-
 stis & magna annonæ caritas grassata est per regnum,
 unde nomen *Barta* Konung ei adhæsit p. 89. Obiit
 Helsingburgi ib.

Christiernus I. Dan. R. in regnum Su. introducitur p. 90.
 sq. vexat suecos p. 91. Regno ejicitur à Catillo Ep Linc.
 ib.

Christiernus II. Tyrannus Holmiam navigans infesta classe
 profligatur 164. VI Viros senatorii ordinis perfide in
 Daniam abducit ib. R. S. eligitur p. 106. Holmiam ve-
 nit 107. Rex creatur 108. Sævicia ejus in suecos describi-
 tur p. 109 seq. Obiit 113. M m 3

Con-

Conventus trium Regum ad Danaholm. p. 54.

Conventus Calmariensis primus. p. 82. Secundus p. 90.
Halmstadiensis p. 90.

D.

D *Rotiset & Drottsfatit* quid significat p. 4.

Danorum nomen unde p. 18.

E.

E *ngelbertus* Dalekarlus, frustra questus apud Reg. Ericum Pom. de præfectorum Dan. injuria, ejicere incipit Danos p. 84. Perfide interimitur p. 86.

Egillus Wendistråta tauri cornibus transverberatus, occiditur p. 40 sq.

Ericus primus vel inter primos p. 16.

Ericus disertus R. S. & G. p. 29. Illo regnante servator noster CHRISTUS nascitur ib.

Ericus stenkil collapsæ religionis restaurationem suscipit p. 50.

Ericus sanctus R. S. leges emendavit p. 57. Templum Upf. S. S. *Trinitatis*, ab Olavo Stådt. inchoatum, consummavit ib. occiditur a Magno quodam Dano Upsalæ p. 58. Mors ejus vindicata ib.

Ericus princeps, ejus fata vid. p. 68 sqq.

Ericus Pomeranus vid. p. 83 ad 87.

Ericus Gustavi filius nascitur p. 123. Nyptiis ambit Elizabetham R. Angl. p. 124. Mariam Scot. Reg. 130 & Christinam Hessam ib. sed frustra. Eruditus princeps fuit 127. Ejus ergo Patrem vivum ingratitude ib. sq. Comites & Barones creat p. 128. Revaliam in tutelam ac fidem accipit ib. Bellum ejus cum Polono ac Dano pag. 129 seq. Fratris Johannis conjugem Mosco addicit p. 137. Sævitia ejus in præcipuos regni proceres 137 sq. Ejus dethronisatio 142 sq. mors ib.

F. Fo.

F.

Fames septentrionem adfligit p. 41.
Filmerus Magnus (Vilchinus) totam schyrtiam possedit p. 30.
Finlandi ad Christum conversi p. 58.
Folkungus Canutus adfinis R. Erici Blæsi, una cum filiis Nicolai de Tostu / Regem debellat ac fundit p. 90. Vi-
ctus tandem ipse Canutus occiditur p. 61.
Folkungi occisione delentur p. 63 & 66.

G.

Germani mercatores misere tractant cives Holmenfes p. 79.
Gothi originem ducunt a Noacho p. 1. O-Gothi & W-Gothi p. 3. Liberales p. 4. Quo imperii genere initio sunt usi ib.
Gothorum reges in comitiis morating quondam eligebantur, qui mos jam immutatus p. 6. Semper indigenæ fuerunt ad Albertum Mechelb. p. 7. Eorum religio qualis ab antiquiss. temporibus p. 8. Eorum Dii enumerantur p. 8 sqq. Secessione a Svionibus facta regem eligunt Gestillum p. 29. prima eorum expeditio in exterarum regiones p. 17.
Gramus Rex Daniæ p. 13.
Grimerus fanum Upsal. diripit p. 18 in furcam actus ab Esthonibus ib.
Gustavus Trolle Archi-Ep. constituitur p. 102. Stenonem odio persequitur ib. a Danis corrumpitur ib. obsidetur in arce Stakana p. 103.
Gustavus Ericson rem Svecanarum restituit p. 115 sqq. Principis titulum suscepit ib. Religionem reformavit p. 116 sq.



sq. Civibus imperium vult reddere p. 117 sq. Bellum gerit cum Lubecensibus p. 120 Nicolaum Dacke rebellem compescuit p. 122. Testamentum condidit p. 124. decessit p. 125. Virtutes ejus, sædera, conjuges & liberi p. 125 126 127.

Gustavus II Adolphus regno destinatur p. 176. Prima ejus rudimenta militaria p. 186. Feliciter bellum gerit cum Mosco p. 188. & in Livonia p. 189. Initia belli Germanici p. 191 sq. Academias & Gymnasia erexit plurima p. 193 sqq. Multa & egregia opera ejus togata enumerantur p. 194 sq. In Germaniam cum exercitu proficiscitur p. 198.

H.

HAdingi & Huningi Regum amicitia & mors p. 120.

Haquinus Ringo cum Haraldo D. R. dimicat in campis Bravallinis p. 36 sq.

Haquinus filius magni *Smel* desponsatur *Margarethæ* Danæ p. 76.

Hartvarius Rolsonem focerum suum occidit p. 23. occiditur ipse a Vaggone ib.

Holmia conditur p. 62.

Holbrotus potentiss. Rex p. 21.

Hotheri Virtutes & gesta p. 13. cecidit in prælio contra Boum p. 24.

Humulphus Rex p. 18.

Hundarijs *Höfdingar* quinam p. 5.

I.

IAbannes R. D. a Svecis Rex eiigitur p. 94 sqq. Stenonem Sture & Dalekarlos profligat p. 97. Ejus mores ib. infeliciter bellum gerit cum Ditmarfis p. 93.

Ingo S. R. Gothos sibi subjicit p. 34. Instituit regni circuitionem (*Erifs gatu*) ib. In-

Ingehus omnes Regulos sustulit p. 47.

Insignia Svionum antiquiss. tres Coronæ p. 123. sq.

Jesse Eriksøn immane tractat Dalekarlos 84 ejus mors ib.

Johannes Magnus Archi-Ep. Ups. Romam concessit p. 117.

Johannes III Gustavi filius, Finlandiæ Princeps captivatur

a fratre R. Erico 129 sq. Rex factus p. 143. Catholicam

religionem subditis obtrudere conatur ib. sq. recipiscit,

ad sanio rem mentem reductus à Regina Gunnila Biel-

ke p. 147. Bella gessit cum vicinis p. 148 sqq. Quosdam

seniores regni officio movit p. 160. Obiit an. 1592. p.

162. Conjuges & liberi ib.

Jus successionis posteris Gustavi I hæreditarium factum
p. 121.

Jutia nomen unde p. 13.

L

L *Eges* Suio-Gothorum paucæ initio p. 5. emendantur
p. 57. in unum corpus colliguntur p. 61. Provincia-

les in unum corpus juris compilantur p. 88. *Lex* fertur

de assignanda sororibus tertia parte bonorum ib.

Longobandi è suecia egrediuntur p. 41. Unde eorum no-

men ib. Reges, antequam in Italiam irrumperent p. 42.

Ultimus eorum Rex Desiderius devincitur à Carolo Ma-
gno ib.

M.

M *Agogus* Japheti fil. p. 1. ab illo *Magogetæ*, *Gothi* &
Geta nomen acceperunt ib. sq.

Magnus Ladulås extraneis favebat p. 65. incidit pennas Fol-

kungorum, ut nunquam postea succreverint p. 66. *Sve-*

cia & *Gothia* titulum usurpare cœpit ib. Quare *Ladulås*

dictus p. 67.

Magnus Princeps; ejus fata vid. p. 68 seqq.

Magnus Smet anno æt. tertio Rex salutatur p. 72. *Hal-*

N n

lan-

landiam, Scäniam & Blekingiam nuper redemptas, Dano
cessit [p.76.regno](#) exiit [p.77.](#) aquis submersus interiit ib.
Margaretha Waldemari R. D. filia, Regni Suio-Goth. in-
signia usurpare cepit [p.78.](#) donum misit Alberto [p.79.](#)
quem vincit ib. Regina Sueciæ eligitur [p.80.](#) Nata fuit
illegitime ib. Perjuria in virtutibus suis numerabat [p.](#)
[81.](#) libidinosa, ib. reliqua vide [p.81](#) sqq.
Messenius Joh, laudatur & vituperatur [p.134.](#)
Meursius notatur [p.77](#) & [98.](#)
Monasterium S. Claræ Holm. exstructum [p.67.](#)
Motala flumen cursum intermittit [p.63.](#)

N.

N*Omarcha*, Lagman, ejus quondam potestas [p. f.](#) sqq.
Norigiam sibi vindicat Olavus [Stott.](#) [p.51.](#)

O.

O*lavus Stott.* Runas aboleri permisit [p.50.](#) Gentilem impietatem penitus delevit ib. Inter illum & Olavum Trygvason N. R. bellum oritur [p.51.](#)
Olavus Trygvason R. N. victus, in mare se præcipitat [p.51.](#)
Olavus Crassus R. N. excavat isthmum, *Eöderström* [p.52.](#)
confugit ad *Amundum annosum* R. S. [p.53.](#) Interficitur ib.
Otharus (Gotharus) cum Danis pro scania pugnat [p.41.](#)
Ostenus devictis Norvegis canem suum *Sör* Regem imposuit [p.34.](#)

P.

P*etrus* de petrosa nequam [p.183.](#)

Pontanus notatur [p.42](#) [77.](#)

Posse Canutus horrendo tonitru exanimatos Russos delevit [p.93.](#)

R.

R*Egneri* Regis fata [p.20](#) sq.

Re-

Regnerus Lodbrok p. 46.

Religio Christiana in Sveciam illata p. 45.

Revaliensēs Svecorum tutelæ se tradunt p. 128.

Rodericus (Röricus) cogn. Slingaband p. 25. Horvendillo
sororem suam nuptum dat ib.

Rosenfontanus notatur p. 22.

Runarum abolitio p. 50.

S.

S*acerdotes* Regni Sv. ægre sibi matrimonia interdicti a
Pontifice R. patiuntur p. 61.

Saxo notatur p. 24 p. 37 p. 43.

Scaldi quinam p. 15.

Scandia S. Scandinavia p. 3. ejus divisio ib.

Scarini W. G. Principis Monomachia cum Gramo p. 19.

Senatores R. S. judicio Lincopiæ sistuntur ac condemnantur
p. 177. Supplicio afficiuntur p. 180.

Sigismundus Ioh. filius, Rex a polonis petitur p. 155. Quibus
conditionibus id permittunt sveci, ib. Creatur Rex
Polon. p. 156 seqq. Quibus conditionibus Rex sveciæ
constituitur p. 164 sq. Quas tamen violavit p. 166 seqq.
Odia in patrum Carolum p. 167 seqq. Quæ in bellum
intestinum erumpunt p. 171. *Sigismundus* victus & captus
p. 173. Regno abdicatur p. 175 sq. Vi Regn. S. recuperare
conatur p. 180.

Sigtrugi Regis exitium p. 18.

Signe, cujus amore exardens Hagbartus periit p. 31 seqq.

Sigred Storråda in mare præcipitata ab Olavo Trygvass.
p. 51. Nubit Suenoni Eufwestiðgg ib.

Sigtuna incendio deletur p. 59.

Sitið ænigmata proponit Attilæ S. R. & evolvit p. 21.

Snio pellicit Biörnnonis R. S. uxorem p. 41.

Staka arx diruitur p. 103.

Starkateri vita ac mors p. 38 & sq.

Ste-

Stephanus notatur p. 42.

Sturleson notatur p. 48.

Sture Senior regni habenas accipit p. 93 profligat Christiernum Holmiam obsidentem ib. Finlandia ei offertur, ut deponeret gubernationem p. 95. Sed nolit ib. Altercatur cum Senatu p. 96. Obsedit Archi-Ep. Arv. Trolle p. 97. tradit regnum Jah. ib. recipit clavum p. 99. moritur p. 100.

Sture Suante moderator R. eligitur p. 100. perduellionis condemnatus p. 101. Bellum gerit cum Danis ib. pacem pepigit cum Moscho in 60. annos p. 102. decedit ib.

Sture Ikeno junior regni habenas capescit p. 102. Danos prope Holmiam cædit p. 103. Moritur p. 105.

Sviones unde dicti p. 3. Libertatem suam contra Pont. Rom. primis temporibus egregie tuentur p. 61.

Svitseri originem ducunt è Svecia p. 30.

Sveno Tiustvestidag patrem extingvit p. 49. Vincitur & regno exiit ab Erico victorioso ib.

Svercherus a stabulario suo interficitur p. 57.

T.

T*Avastii* ad Relig. Christ. convertuntur p. 61.

Templum Lincop. extruit Herbertus p. 46. confr p. 270.

Templi Cathedr. Ups. fundamenta jacta p. 58.

Torgillus Knutson Russos repressit p. 67.

W.

W*Aldemarus* R. S. malus p. 63. ab uxore instigatur ad odium adversus fratres ib. Capitur a fratre M. Ladulâs p. 64. Regno privatur ib.

Wisbyensis civitatis origo p. 46.

Wormius Olaus notatur p. 22 54 55.

FINIS.



142 H 16



